



BIBLIOTHECA
UNIV. JAGELL.
CRACOVENSIS

2790/1-3

GRAMATYKA II

Gram 2790.

In hunc librum
Josephus a Lucio

Deinde emendatus
est

Nonne hoc fecit
Vatiquam

Ego memor patris cui luc sis missus ab ois
Hoc est redemptus cultus, et arte domus

Ego memor patris cui luc sis missus ab ois
Hoc est redemptus cultus, et arte domus

Ego memor patris cui luc sis missus ab ois
Hoc est

036

XIII. 4. 28.

Progymnasmatum
ELOQUENTIÆ
PARS TERTIA.

Docetur ratio Oratoriæ describendi

COMPARATIONEM,
ETHOPOEIAN,
DISCRIPTIONEM,
THESIN,
LEGUMLATIONEM,
AMPLIFICATIONEM.

Ad Aphthonium Sophistam observabat in Illustri
Stetinenſi Pædagogio

M. ANTONIUS BURCHARDUS,
Lubecensis, L. L. Prof.

Addita est huic parti materies exerci-
tiorum ad (100)



S T E T I N I

Typis Kelnerianis, Impensis Johannis Eichornij,
Anno Christi M. DC. XII.

PROGNOSTICUM
ELOGENTIA
PARS TERTIA

PROGNOSTICUM

COLLEGIUM
THORACICUM
DE
LITHIA
LITHIA
LITHIA

PROGNOSTICUM

PROGNOSTICUM

PROGNOSTICUM

PROGNOSTICUM

PROGNOSTICUM

PROGNOSTICUM

D
D
D
D



praf
radic
tis,
nus v
tum
& cir
Qual

PRÆFATIO.



*Nobilissimis & ornatissimis Juvenibus
& Adolescentibus,*

Dn. Heinoni Raben /
Dn. Laurētio Reventlov /
Dn. Brunoni Ottoni, &
Dn. Philippo Ernesto,

} Equiti-
bus Me-
gapolit.

} à Kam-
min.

Fatribus, O. F. EQ. Pom.

Exdiscipulis meis Charissimis.

S. P.



Ratoriam facultatem, mei Juve-

nes, solet mihi nonnunquam in mentem venire,
videri cum illo quod in Mathematicorum circulis
est centro comparandam esse. Et cum partes sanè
hujus similitudinis multò plures sine dubio addu-
ci possint, si quis ei rei cogitandæ operam tribue-
rit: nos unam alteram quæ nunc incidit, quæq;

præsens instituti fuerit, indicabimus. Et principio quidem constat
radicem quasi ac basin circuli centrum esse: licet illa origo ἀπαυδύ-
σις, & ad circuli delineationem inexpertis (si qui ejusmodi sunt) mi-
nus verisimilis videatur: quod scilicet inter centrum & circuli ambi-
tum quædam intercurrat areæ interjectio. Fidem autem ei ortui facit;
& circuli per circum figuratio, & artificum in hoc genere ὁρσμοί.
Qualis apud Euclidem extat: κύκλος ἐστὶ γῆμα ἐπίπεδον, ὑπὸ μιᾶς

ἰσότητος.

PRÆFATIO.

ἀπόδοσις.

lib. 1. de
orat.

ῥαμμῆς περιεχόμενον, ἢ καλεῖται περιφέρεια. Πρὸς ἣν αὖτ' ἐνός
σημεῖα τὸν ἐντὸς τῆς γῆρας κειμένων πᾶσαι αἱ περιτρίχισαι ἐν-
θεῖαι ἴσαι ἀλλήλοις εἰσὶ. Ubi centrum circulo est λόγος τῆς τῇ ἢ εἶναι,
ac quasi cor, quod aiunt primum formari & hinc derivari ad reliquas
partes vitam. Nam cum plures in plano posita figurae sint, unā lineā
absoluta: à centro unde æqualiter lineæ illius ambientis partes abfint,
circulus constituitur. Neq; adeò ullis in hac re vel argumentis vel
testibus opus fuerat, quippe & quæ omnibus manifesta sit & à nemine
impugnetur. Nunc illud videamus quid in facultate oratoria eius
generis eveniat: quare cum circuli illa centro conferenda videatur.
Illud nimirum, quod ex Eloquentiā & facundiā, tanquā ex radice
quadam suā & fonte, omnes alias disciplinas liberales quodammodo
prognatas esse & exundasse non ita difficile sit probare. Quamquam
id fortassis non vero simile cuiquam videri possit, quod nonnulla, imò
longe maxima inter disciplinas reliquas, & inter ipsas & cum Eloquen-
tia dissimilitudo interveniat. Non abibo nunc ad prisca secula usq;
neq; Orpheum, Musæum, Trismegistum, Pythagoram, alios primos
sapientiæ humanæ propagatores ut creduntur, testes adhibebo: Quo-
rum sanè nemo quisquam sapientis aut Philosophi nomen abstulit,
quin Eloquentiæ alicujus in eodem certa essent indicia. Socratem
mihi, Platonem, Aristotelem, reliquos Philosophiæ, aliarumq; inge-
nuarum disciplinarum authores & professores cogitate: non tantum
facundos fuisse deprehenderis singulos, sed etiam cum Eloquentiæ Ma-
gistris suā ætate de Eloquentiæ laude contendisse: Socratem & Pla-
tonem cum Sophistis, Aristotelem cum Isocrate, & quanto oratore!
Neq; quisquam adeò omni memoriā professionem hanc aut aggredi
per verecundiam, aut sustinere cum laude valuit, sine facundiæ præfi-
dio. Socratem primum Sophistarum odio, sapienter sentiendi & or-
natè dicendi scientiam, re coherentes disputationibus suis separasse,
author est Cicero. Cum tamen eodem Cicerone teste, idem Socra-
tes omnium eruditorum testimonio, totiusq; iudicio Græciæ, cum
prudencia & acumine, & venustate & subtilitate: tum verò eloquen-
tia, varietate, copiā quam se cunq; in partem dedisset omnium facile
princeps existeret. Hunc, inquit Cicero, Professoribus Eloquentiæ,
cum appellarentur uno nomine, quod omnis rerum opimarum co-
gnitio

PRÆFATIO.

gnitio atq; in ijs exercitatio Philosophia nominaretur, hoc commune nomen eripuisse. Hinc dissidium illud exitit, quasi linguæ atq; cordis; absurdum sanè & inutile, & reprehendendum; ut alij nos sapere, alij dicere docerent. Ita tamen Socrates Sophistis eloquentiæ ea tempestate Magistris se opposuit: ut oratoribus oppugnandis se maxime oratorem esse probaret: Cum non nisi à majori & uberiori Eloquentiâ homines disertis & eloquentes superari potuissent. Ut non tam artem, quam artis in ejusdem Professoribus ignorantiam & abusum ad ostentationem, voluisse affligere videatur. Quare ex hujus scholâ, non tantum Plato, & Antisthenes, Philosophi iidemq; facundissimi: Sed etiam Isocrates, & Musa illa Attica Xenophon, rei Oratoriæ duo vel lumina vel fulmina prodire: Rursus Plato, & ille quidem sophistis insensus, & omnium Rhetorum exagitator; Tamen Isocratem diligebat atq; à Socrate admirabiliter laudari faciebat; & ipse in dicendo uberrimus, & longè omnium quicumq; scripserunt aut locuti sunt Princeps & suavitate & gravitate à Cicerone perhibetur: Item non intelligendi solum sed etiam dicendi gravissimus auctor & Magister. Unde proverbio apud Græcos dictum fuerit: Jo- vem sic loqui ut Plato si Græcè loquatur.

Aristoteles Porro non tantum suavitate dicendi omnibus ceteris à Cicerone præfertur & dicitur flumen orationis aureum fundere, fide dignissimo in hac re arbitro: Sed etiam arti Rhetoriæ plurima adjumenta subministrasse. Et ex schola hujus non tantum alij Philosophi plurimi, sed & nobiles oratores, & in his Theophrastus ille exijt, qui ab eloquendi Divinitate nomen sortitus est. Supersedeo pluribus adducendis. Illud nunc admonendum: Quorsum hæc allata sint: de philosophis nobilissimis, qui iidem omnes eloquentissimi fuerint, & non tantum Philosophos, sed oratores etiam clarissimos, ex sua disciplina emisierint.

Atq; adeo neminem ferè nobilem Oratorem nisi à Philosophorum Præceptis imbutam exitisse concedendum est, nisi Ciceroni si- dem derogare voluerimus: qui & de se fatetur, & de reliquis item as- firmat. Sed quorsum hæc inquam? Ut intelligatur, obstericatu quasi functam eloquentiam inprimis illis Philosophiæ authoribus, ut aut nullam hanc, Philosophiam dico, aut non ad eam maturitatem

*In oratore.
De opti: ge-
nere orato-
rum.*

In oratore.

in Principio

in Bruto.

l. 2. de inv.

l. 1. de inv.

4. Acad. qv.

in oratore.

PRÆFATIO.

quasi adultam habituri fuisset, nisi & partum primum adiuvisset, & deinde culturæ eiusdem eloquentia præfuisset. Sed video occurri hic mihi posse. Illud potius docendum fuisse, ex Rhetorum institutione Philosophos eductos: quam à Philosophis Eloquentes produci. Cum non hoc disceptandum propositum sit, scilicet: Eloquentiam debere Philosophis originem: sed ex Eloquentia Philosophiam ipsam profluxisse: & præterea non constet ex cuiusquam Rhetoris officinâ progressos qui aliquo essent in Philosophia nomine. Itaque ut magis sensum meum aperiam: ne quis me mihi non constare suspicetur, dico & ab Eloquentia Philosophiam & ab hac tamen etiam Eloquentiam exortam esse. Orbis ut annuleus trahiturq; trahiturq; volutus.

Vel ut alia similitudine declarem, quemadmodum ex cerasi nuculâ, arbor cerasus pullulat: Et rursus eadem cerasus arbor ingentem pomorum cerasorum, & nucularum copiam profundit. Itaque mihi videri non debet, si à Philosophis eloquentes discipulos factos, imo hos non nisi ex istorum institutione extare potuisse affirmaverimus. Interim manet illud fixum ac firmum, Philosophos informatores Eloquentium illorum discipulorum, non nisi Eloquentiæ beneficio neq; Philosophorum nomen tueri, neq; in erudiendis sive in Philosophia, sive Oratoria facultate discipulis officio fungi potuisse. Quare ut redeat unde digressa est oratio: quemadmodum Circulus quod acri quadam imaginatione tacitâ comprehendendum est, hoc pacto effici videtur si ex centro tanquam fonticuli angustissimis quibusdam initijs undiq; coherenti fluxu in omnes partes se copia quadam diffundat: quam postea coerceat rotundæ marginis circuitio: Ita puto ex illo eloquendi divina virtute omnem philosophiam in eam rerum ac scientiarum amplitudinem dimanasse: quod ubertas illa sermonis ex mentis adytis ac penetralibus, facile aliud atq; aliud scientiæ genus eliceret & ad aliorum memoriâ derivaret. Quod autem Eloquentiæ Professores ex se philosophiæ nomine claros non gignunt, etiam huius rei non obscura ratio est. Scilicet postquam à Socrate à philosophia Eloquentia segregata est: Inde factum adeo ut quasi solitaria nihil pareret. Quod idem philosophis accidere credendum est, ut scilicet ab Eloquentia minus instructi, nec magnopere Philoso-

phos,

PRÆFATIO.

phos, neq; Eloquentes discipulos habituri sint. Vel ut ἐκ τῆς κοινῆς
 afferamus: Punctus ille noster undiquaq; se diffundens innumerabi-
 lem quandam ex se procreabat multitudinem punctorum: Neq; ta-
 men hi singuli item centra sunt: nisi item ad radicis suæ modum in æ-
 qualem quandam planitiem circumquaq; quasi diffluerint. Ita Præ-
 ceptoris Eloquentia quidem, & Eloquentes & Philosophos, & alijs do-
 cetrinæ nominibus insignes progenerat: Qui tamen iidem alij aliud ar-
 ripere potuerunt, quo ad præceptoris eruditionem panè accedere vi-
 deantur: Interim si non omne eruditionis genus complexi fuerint
 & à præceptore hauserint, vel si non Eloquentiæ & reliquarum doctri-
 narum studia conjunxerint, fieri non potest ut satis feliciter vel Elo-
 quentia vel Philosophia ab his ad alios disseminetur. Etenim tā multa,
 tam comprehensione sunt difficilima, docenda incidunt ut & iudicio
 accurato, & per philosophiam subactō: Tum ingenio uberrimo & per
 Eloquēdi facultatem quasi versatili atq; unde qualibet abundanti opus
 sit: ut & obscura eruere, & contracta explanare, & latentib; atq; abditis
 lucem inferre, adeoq; & tuam intelligentiam explicare atq; evoluere,
 & alijs quæ tu dexterrime apud animum perceperis, quasi clara luce &
 coram aspiciendum sistere valeas. Sed de his satis verborum. Ac-
 cedamus ad aliam hujus comparisonis partem. Ubi veniā mihi in-
 telligo opus esse τὴν μαθηματικὴν: Si ad populares sensus oratio-
 nem accommodans, fortè ab illorum formulis discessero. Videtur
 igitur circuli quasi quædam regula & mensura esse centrum nostrum:
 Ut si qua circuli partium ab ea Regula sua, præ reliquis partibus inæ-
 qualius abfuerit, aut abscesserit longius aut propius accesserit, inde
 statim circuli figura turbari, & abnorme quiddam commissum esse,
 & illa deformitatis hujus origo abolenda esse videatur, ut circulo suo
 constet integritas. Imò ex centro eodem causa existere videtur, qua-
 mobrem nunc angustiori aliquo spatio, nunc amplissimis circumfusa
 ambagibus circuli area appareat: Scilicet pro ut se ex centri quasi fo-
 ramino copia quædam extulerit. Quid hæc ad Eloquentiam: Ita
 in promptu est cuiusvis cogitare ut paucis saltem hic attingendum sit.
 Etenim etiam Eloquentia regula ac norma quædam est, idq; jure me-
 ritoq; quodam suo, omnis alius liberalis eruditionis. Ut tantum sci-
 re quisq; judicetur, quantum oratione non ineptâ & mediocriter di-

2^a 2^a 9^a 10^a
 115.

PRÆFATIO.

ferta in medium proferre valeat. Et si quid oratione aut barbarâ aut exsuccâ conceptum sit: Aut ingenij hebetis, aut operâ in literis ignavâ & plane exilis in scriptore eruditionis argumentum habeatur. Quam multi, non à seipsis tantum sed ab alijs etiam prudenter æstimantibus, & ingenio & eruditionis progressu quam felicissimo prædicantur: qui tamen latent, abduntur, in honoribus mandandis prætereuntur: neq; tamen aliud magnopere præter facundiam desideratur? Ubi alij & quam multi illi quidem, qui vix quicquam aliud literarum degustarunt, aut his non adeò penitus inmerferunt se, tamen & in honorum dignitate, & doctrinæ æstimatione, & nominis celebritate facile prærogativam ac primas obtinent. Hi docti audiunt, hi honoribus onerantur, hi officijs poscuntur: & si quid arduum, si plenum difficultatis, si grave & honestum negotium conficiendum est, hi maximè pares, apti, & digni omnino judicantur. Adeoq; quo quis facundior, tantò & doctior habetur, & majori admiratione est & omninò vir precio meliori. Quantum autem cuiq; ab Eloquentiæ opinionione decesserit; tantum etiam de eruditionis æstimatione & in honorum præmiorumq; distributione decedet.

3 247-
ms.

Prætereo alia multa quæ non inepte huc accommodari poterant, quod satietatis & modi habendam mihi esse rationem video. Verbi causa: quod quemadmodum centrum cum punctum sit circulo suo & sic fluxu quantitatē omnem & figuram largiatur: Tamen ipsum his omnibus caret: neq; enim in longitudinem extenditur: neq; in amplitudinem aliquam patet: neq; curvitate aut rectitudine aliqua præditum est, neq; ulla alia deprehenditur specie: Ita idem fiat in eloquentiæ facultate. Cum enim Mater easit vel obstetrix saltem ut dicebamus omnis reliquæ eruditionis: Omnibusq; disciplinis eam dignitatem conciliet ut nomen Philosophiæ vel eruditionis tueri, & in disciplinarum numero accenseri possint: tamen ipsa Eloquentia inter Philosophiæ partes & eas disciplinas quarum & certa scientia quædam est & quibus animus noster rerum cognitione nobili perficitur quas Principales disciplinas appellamus: in his inquam Eloquentia non annumeratur. Scilicet κατὰ τὰς ἐντὶς περὶ αὐτῆς: quorum jure meritoq; in Philosophia principatus est. Præsertim cum ei sententia sua manifesta & clarissima constet ratio. Neq; enim ullam earum re-

rum

PRÆFATIO.

rum cognitionem Eloquentia proficitur, quas humana sapientiæ ex-
colendæ causa aut in natura aut in humana vita DEUS contemplanda
proposuit: sed sermonis orationisq; compendia quædam ab artificibus
in hoc genere observata habet, quibus in discendis docendisq; reliquis
disciplinis opera nostra fiat expeditior, elegantior omnino, ac com-
modior, quam rudium in iisdem compendijs. Neq; illud nisi tribus
attingam? quod quemadmodum centro eodem planè circuli non de-
cem, non centum, Sed infinito numero extrui possunt, alij alia magni-
tudine: Neq; in his quisquam ita amplissimè diffunditur neq; rur-
sum alius ad tantas angustias contractus est, quin omnibus centro suo
opus sit: Idem in Eloquentia nostra accidat. Ut hujus beneficio &
illa quæ extant artes omnes inventæ, & plurimæ aliæ inveniri posse vi-
deantur: Et hujus aliquâ comparata facultate nulli non rei, quæqui-
dem ingenio constet & percipiendæ & ad alios proferendæ accommo-
datus esse videaris. Ut huic Eloquentiæ dico, splendidissimæ atq;
amplissimæ scientiarum facultates maximam sui splendoris & ampli-
tudinis partem debere se non invitæ fatebuntur? Hac, Eloquentiâ
dico, artes item minutilæ, quæq; ex seipsis parum commendationis af-
ferunt: aut obscuritatis aut difficultate aliqua à omnibus hominum
studiis abhorrent, etiam eæ inquam artes Eloquentiæ lepore quasi
quadam mangonis ab arte interpolatæ emtorem vel cultorem poti-
us alliciunt; & qua parte obscuritas & difficultas, quædam illas abijci-
ebat, ab Eloquentia lucem & facilitatem quandam mutantur. Rur-
sum illud eminens aspiciendum propono nec possum nunc evolvere,
quod secundum Aristotelis *ἠθικῶν* lib: 1. Ethic: Centrum nostrum
cum virtute commune habet: scilicet quod ut magnæ artis sit, non
exstante centri vestigio aut puncturâ centri sedem ostendere, ἢ τὸ μέ-
σος ἀπὸ τοῦ κέντρου. Atqui si quicquam aliud Eloquentiæ cum centro conve-
nit, hoc convenit maximè. Cum enim in medio proposita Eloquen-
tiæ palma sit: cum nec ita difficiles ad eam aditus videantur: Cum re-
rum non ab aliqua ingenij subtilitate expectandarum, sed in vulgari
posiratum cognitione, copiam complectatur, cum summis atq; am-
plissimis premijs invitemur; tamen non nisi maximo negotio, Exem-
plo rarissimo, & felicitate plane divinâ contingit, ut vel unusquis-
quam & laudabilem aliquem in Eloquentia progressum aspiret.

(S)

Neq;

40293-
ms.

5. 10293.

PRÆFATIO.

Σωκράτης
πρ.

Σωκράτης
πρ.

Neq; illud tango quod quemadmodum ex lineæ anfractu centrum versus quasi te receptans: si à centro aberraveris, alia quidem parte ad eundem tamen lineæ foris extantis anfractum relaberis: ita contentis Eloquentiæ studijs aut infelicitè susceptis: frustra videamur ab ignorantia salebris emergere conari. Illud non possum quin pluribus persequar: quod imprimis in Circulo & centro hujus animadverri volunt: tanquam ἀνέξαμα aut ἱεάμα princeps & hujus spectaculi caput. Scilicet quantoquanto numero linearum extensiones à circuli ambitu rectà centrum specularus feceris: & omnes eæ centrum attingent, & tantà porro inter se longitudinis æqualitateprehendentur, ut nulla vel apiculæ punctio intersit. Ut si forte Dædalus aliquis aut Labyrintho aut alij alicui ædificio circuli figurā ac rotunditatem accommodet: ut in ædificij medio pro centro Cænaculum forte sit aut topiarium: Sepes viva peripherias loco, aut alio aliquo artificio contextum vallum vel sepimentum: Hic à primo illo aditu & septiquacunq; parte si rectà progressus fueris aut progredi poteris, pari atq; æquali undiq; compendio ad cænaculum vel topiarium perveneris. Atqui hac parte credo inter centrum nostrum de quo jam dudum verba facimus, & Eloquentiam quam conjunctissimè convenire: Ut vix lac lacti quod ajunt. Etenim si mentem cogitationesq; ad artificum, rethorum volo dicere, instituta ac præceptiones reiecerimus: Labyrinthus quidam aut aliud κυκλοειδές videri nobis videbitur. Ita varijs, & singuli penè diversis vijs, ejusdem artis Professores, & eundem hunc specularantes scopum, Eloquentiam scil: ad hanc provehi nos posse contendunt. Isocratem Eloquentiæ patrem, magnum & nobilem Rhetorem, atq; adeò Magistrum omnium, cujus domus Eloquentiæ quædam officina habita est, et q. quidam Græciæ ludus paruit, hunc inquam Isocratem Cicero author est pernegasse, ullam esse dicendi artem. At quî hoc in mentem venir Isocrati potuit vel dubitare? Quod tamen etiam affirmare & defendere ausum esse ex Cicerone habemus. Interim idem Isocrates non tantum supra vulgus dicendi arte valuit: Sed etiam eò inventis varijs artis hujus elegantiam perfecit: Ut facile qui ante Isocratem vel dixerunt vel de arte præceperunt, præ Isocrate sordeant: Qui verò hujus cogitatis aliquid ultra addere

PRÆFATIO.

aggressi sunt, in molliciei effeminatæ cujusdam suspicionem ac crimen inciderint. Nam numerorum oratoriorum, in quibus magnus oratoriæ Elegantiæ pars sita est, inventionem & culturam Isocrati certè debemus. Tum quanta & acutè excogitandi, & prudenter collocandi excogitata, & his omnibus decentem accommodandi verborum sententiarumq; venustatem: harum omnium rerum maximarum quanta in Isocrate facultas sit, quis satis æstimare poterit? Hæc itaq; absq; arte facta esse qui suspicabimur? Si scilicet quæ multitudo imperita, aut temerè aut consuetudine quadam facit, eorum modos & compendia investigaveris & imitari didiceris: τὸ τοῖσιν πάντες ἀνὸμολογήσαμεν, τέχνης ἔργον εἶναι: inquit Aristoteles; i. e.

lib. 1. Rhet.

Hoc ab arte esse nemo sanè quisquam diffiteri poterit. Iam vero constabat profectò Isocrati ratio scriptionis suæ, cur hoc elegans illud minus: Cur illud commovere hoc non item; cur illud placere etiam eruditis possit, hoc aliquo pacto reprehendi: & omnino quare illud rectè & decenter positum aliud secus. Neq; ille temerè ut in buccam venerant & loquendi brutà quadam consuetudine profunderat verba: quod ita educatione assuefactus esset: Sed suæ illius suaviloquentiæ ipse inventor ipse excultor extiterat. Ex quibus omnibus, artem aliquam dicendi tenuisse Isocratem, obscurum non est. Si quidem secundum Aristotelem ἡ τέχνη, λόγος τὸ ἔργον ἀνευ τῆς ὕλης ἐστὶ: Ars est ipsa operis pulchri alicujus forma, ab operis materia abjuncta: in hominis artificis mente scil. Quod si verum est, de quo fortassis dubitandum non erit: quid? opus pulchellum & perelegans aliquod, nonne materiei quædam erit cum artificis mente combinatio? Unde porrò consequitur, quale cujusq; opus sit, inde de artificis mente atq; arte certissimam dijudicationem fieri posse. Nil addo, quilibet poterit subjungere, nō potuisse artificiose scribi; i. e. ut ego interpretor doctè accuratè, melius vulgari sapientiâ, Isocratis orationes, nisi ita scribendarū illarum hic artem quandā mente comprehendisset. Quid igitur est quod negat Isocrates, esse aliqua dicendi præcepta? Quid? ipse hujus facultatis studiosis, quos domi dicere docebat, quid his dabat inquam si non dicendi præcepta dabat? Quid hos docebat, si non artem docebat? Quo pacto dicendi aliquam facultatem illo-

l. 1. de Fac-
tibus anim.

PRÆFATIO.

rum animis ingenerabat: si non dicendi rationem leges, viam quasi atq; aditum aperiebat. Hoc igitur est quod suspicio Socratem voluisse monere discipulos: quod vellet ac faceret, qui jaculandi artem profiteretur. Moneret scilicet: eos qui apud se exercebantur ne semper eodem arcu, sagitta eadem, reliquis instrumentis quibus fortè opus est iisdem uterentur: Neq; eodem consistentes loco perpetuò collinearent: quod scilicet: facile adhuc quibus frequentius utimur animo quasi adhærescamus tanquam ad scopulum quendam: Et inde veram artis rationem parum perspiciamus.

Hæc, inquiet, noveris esse imprimis necessaria. Ut scopum probè specularis: ut ne quid manus tibi titubent, ut exploraveris robur arcus tui, quanto ille spatio sagittam excutere valeat. Caput autem discendi est, ut frequentibus & si fieri potest quotidianis exercitijs animum, digitos, oculos, & re totum adeo ad artem nostram emollias; atq; artes Hæc diceret fere *δεχαιολις*. Hæc eadem Socratem discipulos admonuisse, non multum à veritate abhorret. Mei discipuli, inquit, misere & ætatem & operam vestram perdetis, si ab ijs persuasi fueritis, qui in docenda quam profitentur dicendi facultate, ea insistant viâ, ut alias atq; alias Rhetorum præceptiones, nunc breviores illas, nunc fusiores: nunc à perspicuitate iterum ab authoris fama & ingenio commendatas prælegant, easq; suis quibusdam *δευτερας* *Φεγυσιν* illustrent atq; ornent, vel onerent atq; ad prolixitatis molestiam addant potius. Ne putetis in variarum istiusmodi præceptionum memoriâ aut artem consistere, aut vos hinc quicquam adiutum iri. Bona causa inquit tribus verbis: ita ars aliqua si præceptor commodus obtigerit non adeò multis Canonibus absolvi poterit. Caput est, quod quia magni laboris est pleriq; defugimus, multa scribere, latiusculâ declamare, adeoq; quotidianum & perpetuum aliquod rei oratoriaræ opes facere. Neq; inquit ille, ita hæc accipietis quasi quicquid nullum artis locum putem: brevem illam esse volo & inter exercendum admoneri plerq; potius quam absq; exercitatione istis discendis nescio quam aut necessarijs aut utilibus operam atq; ætatem prodigi.

Deniq; regi vos ab arte volo, non à vobis in artis subtilitatem ac longè diffusam amplitudinem inquiri: Oculi non manus initar vobis eam esse volo. Ut quemadmodum oculus manum quo sagitta de-

PRÆFATIO.

rigenda sit, & si quid illa erret fortè, admonet; Ipso tamen jaculandi & sagittæ excutiendæ labore atq; opere, non oculus sed manus fungitur: Ita ab artis institutione quid sit quo studijs vestris contenditis admoneri vos oportebit, itemq; ut rem rectâ aggrediamini via: Sed ut simul cogitetis non nisi ab exercitijs, Eloquentiæ comparandæ spem suppeditare. Discedamus tandem ab Isocrate; scripsit præcepta Rhetorica Aristoteles; scripsit Hermogenes; scripsit Demetrius Phalereus, scripserunt alij Græci: Et in latinis Cicero, Quintilianus: Et nostro seculo quam multi? omnes tamen ita scripserunt ut præter artis nomen idem, vix quicquam aut non ita multum inter se commune habeant. Aristoteles in morum affectuum, argumentationum locis multus est: Ut in his summam artis collocatam putaverit; Laudant hunc reliqui omnes, sequitur nemo. Hermogenes ideas suas potissimum excolere & urgere voluit, quæ ad Elocutionem pertinent: ut in hac parte præsidium potissimum collocaturus artis fuisse ille videatur: Cicero & Quintilianus in generibus causarum distinguendis discernendis orationis partibus potissimum sibi laborandum esse censuerunt. Ramea secta relegat omnem inveniendi artem ex Rhetoricis. Voëllus & retinet hanc & lepidissimo complectitur compendio, ferè unius verbi aut saltem perpaucissimorum scilicet ut controversiam in subjectum & prædicatum distribuas, & ex ijs quæ de his singuli dici possunt excogites argumenta. Plutarchus in vita Decem oratorum Andocidem memorat oratorem nobilissimum usum simplici oratione, quæq; omni apparatû & ornamentis figurarum caruerit. Quare hic orator eam artis partem superfluum: aut saltem aliâ ad laudem Eloquentiæ posse perveniri judicabat. Rursum Lysiam habuisse vim ad persuadendum maximam, interim summa usum orationis brevitate. Quod quid aliud est, quam absq; orandi facultate oratorem summum extitisse? Et cum dicere nesciret dixisse quam optimè. Scilicet si se secundum Ciceronem, Eloquentia copiosè loquens sapientia est, Adeo hic Lysias diversam ingressus est, Eloquentiæ obtinendæ rationem, ut cum reliquis artificibus in Copia quadam Eloquentia posita esse videatur, ille copiæ fuga & devitatione Eloquens evaserit. Iseum Chalcidensem Lysia discipulum primum figuras adhibuisse, ex eodem Plutarcho discimus: Itaq; hæc pars prioribus oratorib. nec contemnen-

PRÆFATIO.

dis illis, tamen spreta fuit. Quemadmodum ab Hipperide non ignobili oratore, Platonis discipulo, Demosthenis adversario pathologia, sive pars de affectibus visa est ex Rhetoricis ableganda: atq; adeo ipse orator maximi nominis absq; fūco ad populum orabat, & reb. ut erant gestæ narrandis contentus erat.

lib. 2. Rhet.
c. 23.

Et quod magis liceat mirari, ex Aristotele constat, præclaros quosdam Rhetorices scriptores, vel in uno aliquo argumentationis Dialecticæ loco universam hanc artem affixisse. ἐπειδὴ δὲ τῶν πλεόντων συμβαίνει, ὥςθ' ἐπειδὴ καὶ αὐτοῖς ἀγαθὸν καὶ κακὸν, ἐκ τῶ ἀκλυσθέντος περὶ τρέπειν ἢ ἀποτρέπειν, καὶ κατηγορεῖν ἢ ἀπολογεῖσθαι, καὶ ἐπαινεῖν ἢ ψέγειν. Ὁ τόπος ἔστιν ἡ καλλιπὴς τέχνη.

Quoniam in plarisq; rebus ita fit, ut eas comitetur aliquid commodi & incommoditatis: si ex eventibus instituas adhortationē aut dehortationem: item accusationē aut defensionem: item laudem aut vituperium: Is locus est ars Callippi. Non multo post: σκοπεῖν τὰ περὶ τρέποντα καὶ ἀποτρέποντα, καὶ ὧν ἐνεκα καὶ πρὸς αἵρεσι καὶ φεύγειν ταῦτα γὰρ ὅτι αἱ εἰς αὐτὰ ἀνάγκη, δεῖ πρὸς αἵρεσιν. ὅτι, εἰ δυνατὸν καὶ ῥαδίον καὶ ὠφέλιμον ἢ αὐτῷ, ἢ φίλοις, ἢ βλαβερὸν ἐχθροῖς καὶ ἐπὶ τῷ μίον, ἢ ἐλάττω ἢ ζημία τῶ πρὸς αἵματος, καὶ περὶ τρέπονται ἐκ τῶν καὶ ἀποτρέπονται ἐκ τῶν ἐναντίων. ἐκ δὲ τῶν αὐτῶν τέτων καὶ κατηγορεῖσθαι καὶ ἀπολογεῖσθαι. ἐστὶ δὲ ὁ τόπος, ἔστι ὅλη τέχνη ἡ παμφίλη &c. Cogitare ea oportet quæ adducuntur in adhortando & dehortando: & propter quæ eadem homines negocia suscipiunt, aut deponunt: Item ea quæ si adfuerint tum non dubitant negotium aggredi. Exempli gratia, hortantia, & propter quæ agimus voco; Utile, aut nobis aut amicis: aut damnosum inimicis: aut in quo facile plus commodi quam incommodi est. Hæc voco impellentia ad agendum; possibile, facile &c. Horum contraria adhibentur in dehortando, & deterrent ne agas. Possunt eadem adhiberi etiam in accusando & defendendo. Et hic locus est tota ars Pamphili. Adde Aphthonij.

Eodem capite. ἐκ τῶν ἀμαρτηθέντων κατηγορεῖν, ἢ ἀπολογεῖσθαι. ὅτι δ' ὁ τόπος ἔστι ὅλη ἡ περὶ τῶν θεοδώρων τέχνη: Si accuses aut defendas ex errore causæ vel falsâ causa: vel ex conjecturis ambiguis undiq; collectis: Hic locus est tota prima ars Theodori. Est autem

islo.

PRÆFATIO.

is locus quem vocant ex Signis. Putasse Theodorus videtur omnem inventionis artem referri posse ad signa illa.

Ita c. 24. ostendit Aristoteles Coracem primum artem composuisse ex uno loco, *ᾧ δὲ τὸ ἀπλῶς καὶ μὴ ἀπλῶς*. Et eandem etiam Protagoram professum esse: quanquam non sine multorum stomacho, quod manifesta fraus fieret. Captabat Corax circumstantias: e. g. Si quis forte robustus accusatus esset alium percussisse: hic verisimile est, robustum istum esse reum.

Rhet. scriptorem.

Corax verò si huic reo defensor ipse extitisset: ulterius hæc componebat: Non esse inquit verisimile ut hoc auderet iste facinus, quod adeo verisimile vel manifestà suspicione in ipsum accideret. Et contrà, infirmiorē ita accusabat: verisimile videri, inde huic animum additum esse ad facin9 aliquo pacto perficiendum quod videretur impune habiturus, cum vix sibi quisquam persuaderi passurus sit ab infirmiori male multatum robustiorem. Feci longius quam proposueram. Itaq; de nostrâ ætate uno verbo: quis vel suo exemplo homin paulo facundior id quod dixi comprobat? Scilicet, céntrum esse Eloquentiam, ad quam vijs varijs detur pertingere, modò rectâ, h. e. non insulsa quâdam ratione ambules. Ita homines disertissimi omnium ordinum, ubi perreparunt omnes omnium Rhetorum officinas scholasticas, longè abjectis de inventionē, dispositionē & reliquis *ᾧ δὲ γ-γέλμασι*: in periodis, & *λέξεως* ornamētis ab Eloquente aliquo Scriptore capiunt exemplum sibi: verū cætera suo omnia excogitant, collocāt, fingunt omninò ac fabricant, ingenio, more ac modo: Et exercendo sentiunt se aut unice aut magis quam institutione proficere. Unde in multis vix paucos crediderim, posse, artificiose sanè à se dictorum aut scriptorum, rationē reddere: ne illòs quidem qui quod has nuce non dum abjecerint, omnia ad suum illud *ἀλφάβητον* subjecti, adiuncti, materiæ, &c. referunt. Neq; enim nisi sapientis est *τὴν αἰτίαν* *ἰε-ῶρεν*, ut vocat Aristoteles *παιδείαν* vel methodum illam; quâ possis *τρόπον ἐπισήμης* explicare. Sed hic desino nugarum: & ad vos, Mei Juvenes. Cum ita persuasus sum, exercitio potius quam arte Eloquentiam constare: unde etiam Antiphon orator præstantissimus suo preteam ingenio consecutus esse à Plutarcho; Et Isocrates non viâ ac ratione usus, sed solâ exercitatione discipulòs docuisse ab eodem narratur:

1. Rhet.

In vita X. Rhet.

Et

PRÆFATIO.

Et Æschinem tantum Oratorem ex scriba factum idem author est. Volui igitur pro meâ virili occasionem aliquando exercendæ in eâ juvenutis etiam à me extare.

Itaq; in præceptis perparcus, nisi ubi rerû utilitas monebat ut brevitatî obscuritatî aliqua ulterioris interpretationis lux adhiberetur: Exercitiorum autem ad caput ætatis hujus accommodatorum copiam mediocrem adjungere volui. Deniq; vobis hanc tertiam partem inscripsi: quod etiam si dudum ex nostra institutione exieritis, tamen non minus vos etiam nunc absentes, oportere, à me charos haberi, quam olim & vos, & alios quibus reliqua inscripti, præsentis ex vestra pietate confirmor.

Valere, & studium nostrum pro facultatem tenue fortasse à verâ tamen erga vos animi benevolentia profectum, boni consulite: & olim in patriam & ad suos quisq; quam maxime pij, docti, probi, & omnibus modis ornatissimi revertimini.

Stetini ex mulsæo. Anno 1612. ipso æquinoctio autumnali.

V.


stud.

M. Antonius Burchardus.





In Progymnasmatum APH-
THONII observationes à Doctissimo
viro Dn. M. Antonio Burchar-
do editas.



*Rtiffices Nulli nascuntur, Nullus ab ortu
Artem primævo secum, habitumvè
(trahit.*

*Et quamvis multos faciat Natura lo-
(quentes:*

Eloquio nullos attamen illa beat.

Fortasse existat Naturâ Garrulus; atqui

Expers præcepti Nemo disertus erit.

Ergo magnopere ANTONI BURCHARDE labores

Laudo tuos, acris vimq, probo ingenij,

Qui dextrè promteq, id, quod Natura negavit;

Omnibus, arte docent singuli ut accipias,

Artis nec tantum præceptis, quomodo longam

Sermonis telam texere ritè queant:

Verum exercitijs Habitum Oratoris, abundè

Ut crebris valeat quisq, parare, doces.

Sintq, tibi pergrata, hortor, Studiosa Iuventus,

Hec scripta, assiduâ volve revolve manu,

(*)

Ac

*Ac mecum quævis Autori fausta precare,
Quò dicat, scribat, plurima grata DEO.*

M. Joachimus Prætorius Ecclesi-
astes & Professor Stetinenfis.

*IN PROGYMNASMATA
Dn. M. Antonij Burchardi. Sc.*



Aspirat temerè præcox ad magna lu-
(ventus,

Et spretis imis dogmata sūma petit.
Vult oratorum tentatq; theatra: requirunt

Annos quæ certos, acreq; judicium.
Error hic est Juvenum: sua nam Gymnasma-
(ta curas

Rhetoricas præeunt, quæ tenuisse decet.
Frustra præcellas audet molirier arces

Ignarus parvam composuisse casam.
Sic parvis prius, hinc magnis facundia gaudet:

Parva tenens magnis invigilasse potest.
Ergo labor gratus tuus ô Burcharde Iuventæ:
Quo sternis medijs ad meliora viam.

*M. Christoph. Hunichius Rector
Jlustr. Padag.*

In Præexercitationes Oratorias Viri Præ-
stantiss. Dn. M. Antonij Burchardi, Ill. Gymnasij
Stetin. Profess. Amici & Collegæ
fui Opt.



Ente quis hac habitat, lepidus novus unde
(sub auras
Prodyt iste liber? Num Dea, vel Deus
(est?

Quidq, quod insolita me religione moveri
Sentio, quod nasci carmina sponte mihi?
Seu Dea, seu Deus hic habitat. Namq, hoc quoq, menti,
Hoc operi quiddam Numinis esse probat.
Et Deus hæc & Diva colit sacraria mentis,
Suaviter hic sedem fixit uterq, suam.
Quis Deus? Interpres Divum, fandiq, magister,
Qui molle arguto pollice pulsât ebur.
Quæ Dea? Suadentis quæ præstat flumine lingue,
Res habitu comens, verba nitore juvans.

Divis mactæ animis, dulcis Collega, tuere
Isthæc facundum pectore regna ducum.
Hi quicquid dices, scribes, meditaberis unquam,
Ornabunt culti dotibus eloquij.
Hinc tibi surget bonos, hinc fama parabitur ingens,
Gloria Gymnasij nec minus hujus erit.

M. Henr. Kielmannus, P. C. Ducalis
Pædagogij Stet. ConR.



IN PROGYNASMATA
Clarissimi Viri, Dn. M. Antonij Burchardi.



Uli cupit Euepies benè cultas conde-
(re fruges,
Et Suadæ eloquij flore polire ge-
(nus.

Quem cribrum Pithus movet, & facundia lin-
(guæ,

Quiq; suo magnum sperat ab ore decus.
Rhetorices legat hæc BURCHARDI dogma-
(ta; promunt,

Omnia quæ doctum Rhetora scire iuvat.
Scilicet eloquij formam profitentur & Usus,
Et quicquid dulcis Suada leporis habet.

*Petrus Neomarcus. P. L. & Jll. dica-
sterij Stet. Advocatus & Procur.*





PROGYMNASMA DECIMUM COMPARATIO.

ΟΡΟΣ ΣΥΓΚΡΙΣΕΩΣ.

Σύγκρισις ὅτι λόγος ἀντεξεταστικός, ἐκ ὠραθέσεως συνάγων τῶ ὠραβαλλομένῳ τὸ μείζον, ἢ τὸ ἴσον. δεῖ ὃ συγκρίνοντας, ἢ καλὰ ὠραθεῖναι χηρτοῖς, ἢ Φαῦλα Φαύλοις, ἢ χηρτὰ πονηροῖς, ἢ μικρὰ παρθεῖναι τοῖς μείζοσι. Καὶ ὅλως, ἢ σύγκρισις δι-
 πλουῦ ἐγκωμίων ὤειν, ἢ λόγος ἐξ ἐγκωμίας συ-
 κείμενος. Καὶ πᾶς μὲν τόπος συγκρίσεως, δεινὸς κατὰπαξ κατέστη-
 κε. Μάλιστα δὲ ὁ τῶ μικρὰ ὠραβάλλων τοῖς μείζοσι. Τοσαῦτα ὃ συ-
 γκρίνειν προσήκει, ὅσα καὶ ψέγειν καὶ ἐγκωμιάζειν, προσώπια τε καὶ
 πρᾶγματα, καὶ εἰς τε καὶ τόπος, ἄλογα ζῶα, καὶ πρὸς τέτοις φυτά.
 ὃ δὲ συγκρίνοντας, ὅλως ὠραβάλλειν, ὑπὲρ γὰρ καὶ ὅσα ἀγωνισ-
 τῶν, ἀλλὰ κεφαλαίᾳ κεφάλαιον, ἀγωνιστῶν γὰρ τὸ γέ. ἐπεὶ τὸ δι-
 ακεῖν ἐγκωμίας τρόπος, ὃ συγκρίσεως. Σύγκρισις ὃ ἐν αὐτῷ ὅσα
 εἰν, ἐπεὶ περ ὅλον ὅτι ὃ προγύμνασμα σύγκρισις:

Comparatio est oratio, quasi mutui rerum examinis, causā institu-
 ta; & per collationem infert atque attribuit rei per comparatio-
 nem illustrandæ maius vel æquale quid. Oporteret verò inter compa-
 randum aut bona bonis componere, aut mala malis: Aut etiam mala
 & bona, parva & magna inter se comparare. Est verò comparatio quasi
 geminum Encomiū, aut saltem Oratio admistam habens laudationem.
 Et sanè comparatione accedente increfcit orationis vehementia: Præ-
 sertim si fiat comparatio à minori ut vocant: Sive si alia præ re nostrā
 extenuentur. Et eadem omninò res illustrantur comparatione qui-
 bus laus aut vituperium adhibentur: scilicet personæ & negotia, tempó-
 ra, loca, brutæ bestię & præterea plantæ.

Porro in comparando non tantum totum toti committendum, quod nullo negotio fieret: Sed partes partibus opponendæ, ubi majori industria opus erit.

Demum partes orationis huc adhibendæ in Laudatione explicatæ sunt: cujus porrio quædam est comparatio.

COMMENTATIO.

De hoc Progymnasmate tria docet Autor.

1. *Quid sit vel definitionem.*
2. *Materiam proximam vel terminos.*
3. *Usum.*

DE PRIMO.

Definitio.

Σύγκρισίς ἐστὶ λόγος ἀντεξέταστικός ἐν ᾧ ὁμοειδέος συνάγων τὰ ὁμοειδομένη τὸ μείζον ἢ τὸ ἴσον id est, Comparatio est Oratio, quasi mutui rerum examinis causa instituta, quæ per collationem infert atque attribuit rei per comparisonem illustrandæ majus vel æquale. Genus, est oratio sed remotius, propius genus erit Enthymema vel Syllogismus Oratorius: quia omnis oratio in qua ponuntur quædam, & ex his aliud infertur, id est, omnis probatio est Syllogismus, Analyt. priorum c. 1. Syllogismus autem ex verisimilibus & signis est Enthymema 2. Priorum Analyt. cap. 27. Ex verisimilibus id est propositionibus probabilibus quæ ita pronunciant, ut res plerumque fiunt. e, g.

Genus Enthymema.

Quid sit Enthymema.

Matres amant liberos. Ex signis id est circumstantijs probabiliter indicantibus alterius alicujus rei præsentiam vel absentiam in eodem subjecto. E, g. expalluit. E. æger est aut conscius sibi est. Enthymema ex verisimilibus erit, si ponatur eiusmodi propositio universalis vel probabilis & inde argumentemur. Enthymema ex signo erit, si ponatur eiusmodi signum: ubi tamen universalis propositio solet subtrahi propter nimis perspicuam inconsequentiam vel falsitatem E, g. Ægri expallescent. Item qui conscius sibi sunt expallescent.

Hic

Hic expallet.

E. Ager aut conscius sibi est (Est Syllogismus affirm: in 2. fig.)

Si Majorem velis convertere; Omnis qui expallet conscius sibi est aut ager: erit perspicua falsitas. Talia sunt Enthymemata, sc. Imperfecti Syllogismi, fiunt affirmativi in secunda figura; vel ex propositionibus verisimilibus, hoc est ad speciem universalibus sed reverâ particularibus, loco majoris propositionis usurpatis in 1. figura. Et his utuntur Rhetores vel oratores. Quod autem Comparatio sit Enthymema sic patet, quia est probatio: & quidem oratoria, & ex signis ferè e, g. Ajax majores habuit meliores, quam Ulysses E. est melior hoc ex signo est. Itaque Comparatio est Enthymema.

Potest autem comparatio esse plurium partium: ut potest Ajax præferri Ulyssi, & ratione parentum, & naturæ, & educationis, & morum & rerum gestarum plurium, & successus rerum. Hic partes illæ singulæ sunt Synonymæ & inter se & cum toto: id est, singulæ sunt Enthymema, & ipsum totum vel Comparatio est Enthymema, id est, probatio oratoria, sicut & partes singulæ sunt comparatio & totum item est comparatio: nisi quod differant magnitudine vel multitudine partium: quod accidens est probationis. Idem accidit in scientiâ. (e, g. Mathematicâ, Physicâ.)

Differentia Comparisonis est composita, 1. Ex fine probationis qui est duplex: finis ω vel subjectum in quo: appellatur $\tau\omicron\ \omega\delta\alpha\lambda\lambda\omicron\mu\epsilon\nu\omicron\nu$ res comparatione illustranda. Hæc poterit esse quælibet res vituperanda aut laudanda. Suprà appellabatur $\tau\omicron\ \kappa\alpha\tau\eta\gamma\omicron\gamma\acute{\omicron}\mu\epsilon\nu\omicron\nu$. Alter finis est finis $\sigma\upsilon$ vel res efficienda scilicet ut $\omega\delta\alpha\lambda\lambda\omicron\mu\epsilon\nu\omicron\nu$ appareat majus vel æquale scilicet rei magnæ cum qua confertur. Sive Enthymemate hoc probandum, vel concludendum est per Enthymema, quod res illa proposita, sive subjectum conclusionis sit major, sive vehementius laudanda aut vituperanda. Sic hi duo termini conficiunt conclusionem probationis. Primus scilicet $\tau\omicron\ \omega\delta\alpha\lambda\lambda\omicron\mu\epsilon\nu\omicron\nu$ vel res probatione illustranda est subjectum conclusionis. Alter terminus $\tau\omicron\ \mu\epsilon\acute{\iota}\zeta\omicron\nu\ \eta\ \tau\omicron\ \iota\sigma\omicron\nu$ est prædicatum conclusionis: Unde dicit autor noster probationem $\sigma\omega\delta\acute{\alpha}\gamma\epsilon\nu$ hanc partem id est concludere & inferre. Altera differentiae pars est forma consequentiæ vel proba-

Differentia

Quatuor
termini, in
Compara-
tione.

tionis hic peculiaris: quæ appellatur ab autore *ὑποθέσις* Appositio, Conjunctio, Collatio. Item appellatur *ἀντιθέσις* mutua collatio vel mutuuum examen quando scilicet dicitur com paratio *λόγος ἀντιθέ-
σεως*. Exponit autem nomen hoc medium terminum, & rationem connectendi hunc cum terminis quæstionis, vel cum majori & minori. Debet fieri *ὑποθέσις ὁ ἀντιθέσις*, collatio termini nostri minoris, cum alio quodam simili, sive de quo idem prædicatum quod in nostra conclusione est dici potest, etiam si aliter fortè, nempe secundum magis aut minus. In qua collatione oportet afferri causam quare idem prædicatum hoc in sit diversis istis terminis. Sic quatuor fient termini 1. Subiectum conclusionis. 2. Prædicatum 3. Subiectum *ὑποθέσεως* vel res illa quæ confertur cum nostro themate 4. Causa. Eg. Sit Thema, præferendus Romulo est Cicero : quia ille initia Romanæ urbis condidit : hic florentem cum homines improbi evertere conati essent conservavit. Hic Cicero (1. terminus) præferendus vel majore laude dignus (2. terminus) Romulus (3. terminus vel subiectum *ὑποθέσεως*) Alter ædificavit initia, Alter florentem conservavit (4. terminus causa cur majori laude sit dignus Cicero) Sunt igitur duæ in-
comparatione omni consequentiæ vel duo Syllogismi aut Enthymemata. Primus videtur construi ex subiecto *ὑποθέσεως* & prædicato conclusionis ultimæ (e.g. Romulus est laudandus) & ex una parte causæ (nempe ædificavit primum urbem) Alter Syllogismus componitur ex subiecto conclusionis ultimæ item prædicato ejusdem, & altera causæ parte (Cicero valde laudandus, quia conservavit.) Conseq. talis est. Romulus ædificavit urbem & assecutus est magnam laudem E. Cicero qui eandem conservavit & quidem ab improbis oppugnatam atq. everrendam, majori laude dignus erit. Intervenit autem Propositio Hypothetica. si qui minora præstat laude dignus est E. majori laude dignus erit qui majora. Intervenit inquam inter primum & secundum Syllogismum. Primus Syllogismus est : Romulus magnam laudem assecutus est: Romulus primum fundamentum ædificavit. E. Qui fundamentum locat magnam laudem meretur.

Hic dico intervenit hypothesis illa, vel interponitur à mente nostra

COMPARATIO

stra scilicet qui plura præstat plura meretur: Cicero plura præstitit scilicet urbem florentem conservando: itaque Cicero majora meritis est.

Hoc igitur est comparatio; Enthymema, vel probatio oratoria ex signis & verisimilibus. Tale autem Enthymema in quo vel in cuius conclusione majus aut æquale sive major vel æqualis laus, aut vituperatio probatur adesse rei, per comparisonem illustrata; Probatur autem hoc per *ὑποθέσιν* vel talem compositionem propositionum quam superius fecimus.

Notentur duo 1. Oratores in comparisonem has tres potissimum propositiones exprimunt E. g. Primam, Romulus est laudandus. Secundam Romulus hoc & hoc fecit: vel causa laudum Romuli. Tertiam, Cicero fecit idem vel majus: vel aliud simile aut majus: quæ est causa laudum Ciceronis. His subjungitur demum conclusio.

II. Si dubium fuerit, utrum causæ illæ laudum sint pares vel impares: accedet tertia probatio E. g. Quæ probabit conservare urbem Romam esse majus quam ædificare. Sic autem hæ partes poterunt appellationibus distingui 1. Erit Conclusio 2. *ὑποθέσις* Et *ὑποθέσις* sic dividitur Primum in tres propositiones. Prima propositio habebit laudem vel vituperationem subjecti *ὑποθέσεως*. Secunda propositio habebit causam laudum aut vituperationis. Tertia propositio habebit causam laudum aut vituperationis rei per comparisonem illustrandæ (*ὑποθετικὰ λόγους*) Deinde deductionem vel amplificationem causarum istarum vel sic: 1. Conclusio 2. Laus vel vituperatio rei collatæ vel exempli adducti, 3. Causa laudis vel vituperationis huius 4. Causa laudatæ vel vituperatæ rei principalis, 2. Deductio vel Amplificatio causarum.

DE SECUNDO.

Termini in comparisonem nunc sunt eiusdem: nunc diversæ qualitatis aut quantitatis. Qualitatem hic intelligo bonum esse vel malum, laudandum aut vituperandum.

Quantitatem magis vel minus vel æqualiter. Termini alij sunt subjectum ut Cicero & Romulus, alij prædicarum & hoc duplex.

Duonotada

De terminis.

*Diviso.
Comparatio
similium &
dissimilium*

Prædicatum conclusionis ultimæ: & prædicatum in propositionibus. Prædicatum conclusionis ultimæ semper est qualitas e.g. Cicero est magna laude dignus Et hoc idem prædicatum ponitur etiam in propositionibus maioribus. In propositionibus minoribus prædicatum est causa laudis aut vituperationis, nempe factum aliquod aut aliud quid, quare vel Romulus vel Cicero i. e. res illæ comparatæ sint laudandæ aut vituperandæ. Subjecta item differunt. Aliud est subjectum conclusionis ultimæ, ut Cicero, appellabitur res comparatione illustranda. Aliud est subjectum prioris Syllogismi ut Romulus: appellabitur res collata. Si termini isti eodem modo se habeant i. e. sint ejusdem qualitatis aut quantitatis erit comparatio, similium vel parium: & talis quidem E, g. Romulus magna laude dignus: Romulus bene meritus est de Repub: & Cicero bene meritus est de Repub: Igitur etiam Cicero magna laude dignus est. Hi termini autem similes possunt esse inter probos ut in dato Exemplo: vel inter improbos: ut Galli pessimi homines erant & hostes Reipub: Galli evertebant Rempl: Catilina item vult evertere Rempub: Ergo Catilina pessimus nequam est & hostis Reipublicæ.

Aliquando termini isti sunt diversæ qualitatis vel dissimiles: scilicet cum bonis improbi, aut cum improbis boni comparantur i. e. res collata est bona fortè: Res comparatione illustranda est mala. Illius causa item est bona hujus causa item est mala.

Sic etiam major terminus consequitur similis utriq; i. e. illam laus, hanc vituperatio: ut Achilles fuit vir optimus: Achilles reddidit Priamo filium Hectorem interentum. Filius hujus Neoptolemus interficit filium in conspectu Parentis. Ergo Neoptolemus est pessimus & indignus tali Parente. Aut res collata est mala vel malè se habet. Et res comparatione illustranda est bona: Sic illius causa item erit mala vel causa vituperationis: hujus causa item erit bona vel causa laudum. Sic etiam Major terminus consequitur similis utriq; i. e. illam vituperatio, hanc laus.

Exempli gratia.

Cherea patrizat, fugit ocia, delicias, ruri degit & opere faciundo se exercet, Itaq; dignus est patre optimo filius & quem Pater amore complectatur. Æschines vivit in delicijs atq; ocio & luxurie profundit

bona

COMPARATIO.

7

bona. Igitur est indignus Parente optimo, filius degener, & olim senti-
et rei familiaris difficultatem magnam. Res collata est Cherea bene
se habens: causa est vita hujus: Major terminus, laude dignus est vel
dignus est Parente. Res comparatione illustranda est Æschines, ma-
lè se habens: causa vita hujus dissimilis superioribus vel item malè se
habens. Major terminus vituperatio. Sic erit exemplum comparatio-
nis inter rem bonam & malam. Sin invertantur termini, & vitupere-
tur Æschines, ut inde illustriores fiant laudes Chereæ: erit exemplum
comparationis inter rem collatam malam, & rem comparatione illu-
strandam bonam. Porro iidem termini nunc sunt pares nunc impa-
res. Pares i. e. eadem laude vel pari aut etiam vituperatione digni.
Impares, quando res collata minori, res comparatione illustranda ma-
jori laude est digna. Hic etiam consequentur singulis causæ & major
terminus pares. E, g. Cicero pro Murena: ad studiorum atq; artium
contentionem veniamus. Qui potest dubitari, quin ad Consulatum
adipiscendum plus conferat dignitas rei militaris, quam Juris civilis
gloria? Vigilas tu de nocte, ut tuis consultoribus respondeas: ille ut
eò quo intendit mature cum exercitu perveniat. Te gallorum, illum
buccinarum cantus exuscitat. Tu actionem instituis: ille aciem in-
struit. Tu caves ne tui consultores, ille ne urbes aut castra capiantur.
Ille tenet ac scit ut hostium copiae, tu ut aquæ pluviae arceantur. Ille
exercitatus est in propagandis finibus, tu in regendis.

*Comparatio
parium &
imparium.*

Conclusio.

Probatio.

DE TERTIO,

Sive usu comparationis, qui est finis vel utilitas. Quia comparatio est
instrumentum, probationis scilicet: ideo hactenus definitio, dein-
de fabrica hujus considerata fuit, nunc utilitas inspicienda est. De usu
isto autor noster tria docet. 1. Quis sit finis sive Internus & externus,
sive quid efficiat comparatio immediate & mediate, sive proximè &
remotè. 2. De fine sive quæ rerum sit comparatio, sive quæ res
possint illustrari comparatione. 3. De partibus, quibus adornanda est
comparatio.

Ufus.

DE PRIMO.

Finis sive Internus est cujus gratiâ instituitur comparatio, ut hunc
in se ipsa efficiat immediate: qualis est Medico conficere *Phlegma*,
cultro

*Finis sive
internus.*

culstro secare calceo munire pedem. Ille est in comparatione duplex vel gemina laudatio. Adde duplex vel gemina vituperatio vel etiam oratio composita ex vituperatione & laudatione. Laudatio & vituperatio: quia hujus causa instituitur comparatio, ut probemus rem comparatione illustrandam esse valde laudanda aut vituperandam. Gemina autem vel duplex: quia primo in Conclusionem & omnino in posteriori Syllogismo comparationis laudatur vel vituperatur res comparatione illustranda, Laudatur E. g. Cicero est ingenti laude dignus quia confervavit Rempub: Vituperatur E. g. Catilina est homo pessimus & supplicio dignus quia evertere voluit patriam & Rempublicam quidem & Romanam h. e. Imperium orbis, perfugium gentium. Deinde in Comparatione laudatur vel vituperatur res collata in priori Comparationis Syllogismo E. g. sit Thema Cicero est laudandus. Hic Comparatio similium erit Romulus Rempublicam condidit atque ea re aeternitatem nominis consecutus est. Hic item laudatur res collata Romulus sc: Sin instituit comparationem dissimilium, hic vituperabitur res collata E. g. Lentulus & socij conspirationis voluerunt Rempub: evertere, quos Senatus Romanus censuit ac iussit in carcere suspendi inusitato in Principes supplicij genere. Quippe indignos iudicabat ea luce, quam Patriae suae ereptum iverant.

Loci igitur comparationis, vel causae laudum aut vituperationis, sunt hic eadem cum locis laudum aut vituperationis superiori Prognomasmate expositis. Vel in Comparatione ea sunt afferenda & praedicanda de rebus comparatis quae solent praedicari de rebus laudandis aut vituperandis, quia sc. comparatio est laudatio & vituperatio sed composita vel gemina.

*Finis &
externus*

Finis & externus est utilitas, quam non immediatè efficit comparatio sed remotè: neque est in hujus potestate semper efficere. Quales medicus est sanitatem restituere, morbum depellere. Calcei est talis finis defendere à frigore atque alijs oblationibus: Cultri talis finis est, defendere à vi etc. Hic est in comparatione vehementer movere animos auditorum. Ut assensum praebent, esse rem magnam vel magnopere laudandam vel vituperandam rem illam comparatione illustratam: vel esse veram conclusionem comparationis. Imprimis hoc facit comparatio imparium vel à minori: si res collata alias valde


illu.

COMPARATIO.

9

illustris &c. Insignes habens causas laudis aut vituperij: tamen dicatur vix comparari posse ad nostram hanc, vel longè impar & minùs vituperanda aut laudanda esse. E. g. volo docere fortè quod sit magna & valde vituperabilis immisericordia illius divitis in Evangelio, qui ferre poterat ante ædes suas fame emori, mendicum Lazarum. Cogito igitur exemplum aliquod singularis alicujus & inusitatæ feritatis: & incidit de Caino fratricida. Hic conandum, ut quanquam summum hoc scelus est: tamen major & fædior sit illa immisericordia. E.g. Scelestissimum oportet fuisse Cainum, qui cum unicum ejusdem humanæ naturæ, & ijsdem parentibus natum socium ac fratrem nactus esset, Abelum scilicet cum eundem optimorum esse ac suavissimorum morum explorasset: cum nulla ne verbi quidem injuriâ aut acerbitate provocaretur: solâ invidiâ concitatus ad profusionem innocentissimi sanguinis, scelere immaniissimo prorupit. Quid creditis Auditores an majus ab homine in se concipi flagitium poterit? Potuit ab hoc epulone. Etenim Cainus quidem, cum nullo exemplo didicisset, neq; per animi commotionem satis cogitaret, quantum aut â percussione ad vitam periculum, aut in morte fratri allata dimanaturum esset ad parentes malum, aut in homicidio commissio â se perpetraretur peccatû: inde prolapsus est ad tanti sceleris atrocitatem. Verum epulo. no. ster & Caini & plurimorum homicidarum atq; immisericordium cum exemplis tum poenis monitus erat: tum nullâ animi commotione in facinus aliquod præcipitatus est, sed cum sat multis continuis diebus eam rem meditari posset, cum perpetuæ Lazari flebiles voces & per misericordiam Dei obtestationes animum istius attentarent: tamen obstinate homini misero penitus perdendo operam dedit. Cainus uno ictu aut altero: hic longo cruciatu vitam abstulit. Comparentur hîc mortis genera: scilicet quanto acerbius sit fame mori quam gladio vel vulnere. Tantò sc. grandius epulonis peccatum. &c.

Finis ẽ; est uno verbo, omnis illa rerum turba, enumerata progymnasmate 8. & 9. scilicet. Quæ laudari & vituperari possunt: eorundum laus aut vituperium potest comparatione illustrari.



*De Partibus Tractationis :**De partibus proprijs Tractationis.*

Duo hic docet Autor. Primum de partibus Comparationis proprijs. Secundò de partibus accessorijs.

De partibus proprijs dicit, non esse res universas cum universis comparandas, sed partes singulas singulis. Id est non esse tantum in genere dicendum hanc rem esse illi similem vel parem, vel minorem aut majorem. Exempli gratia: Ajacem esse deteriolem Ulyssè, aut æque dignum Achyllis armis! Sed explicandum est per partes, quibus in rebus, & quam multis Ajax sit vel par vel deterior. Unde autem hæ sint sumendæ res vel partes Autor non indicat. Possumus tamen colligere ex ijs quæ secundo membro dicta sunt; Nempe quia comparatio est laudatio quædam igitur eosdem habebit locos, vel easdem partes cum laudatione.

Loci.

In laudatione autem sunt explicati loci quibus personæ collaudari possunt. Itaq; ijdem hic erunt utiles quoties personæ comparabuntur: Scilicet ut conferantur,

I. Primum: Ratione Originis, hoc est, Patriæ, Majorum, Parentum, cognatorum.

II. Secundò; Ratione naturæ vel educationis, hoc est ratione inclinationis naturalis, indolis, studiorum puerilium, artium, morum.

III. Tertiò; Ratione rerum gestarum, secundum animum, secundum corpus, secundum fortunas. Horum usus talis est.

Utriq; personæ attribuuntur circumstantiæ illæ: Vel similes: sic erunt ipsæ personæ similes: Vel diversæ, sic erunt ipsæ personæ disparæ.

Similes; Exempli Gratia.

Ajax habet in majoribus suis Jovem, item Ulysses habet in majoribus suis Jovem. Ajax multa fortiter gessit pro populo Græco: Item Ulysses multa fortiter gessit. Ajax solus Hectorem sustinuit cum nemo hoc auderet; Ulysses solus missus est qui Palladis simulacrum ex Troianæ urbe clam auferret.

Dijst.

COMPARATIO

11

*Disimiles vel dispares Circumstantia varijs
modis distribuuntur.*

De altera persona affirmando, de altera negando. E. g. Ulysses est fraudulentus, omnia ex insidijs agit. Ajax non item.

I.

Secundò, Contraria affirmando de personis comparatis, e. g. Ulysses est timidus & fugax. Ajax est fortis & imperterritus.

II.

Tertiò de una persona affirmando de altera tacendo vel dissimulando: E. G. Ulyssis majores sunt homines scelerati, nempe Sisyphus qui Saxum volvit apud inferos. Vel sic, Aiakis majores & cognati non sunt scelerati homines qui Saxum volvunt apud inferos.

III.

Quartò; De una persona majora de altera minora affirmando. E. G. Ajax habet majores fortissimos viros & præclarissimè meritos de Republi: Ulysses quidem honestos homines sed non comparandos cum illis.

IV.

Et in hoc quarto genere non semper perspicua est differentia illa vel excellentia circumstantiæ alterius. Itaq; accedunt prosyllogismi, vel posteriores probationes quibus probatur, hos mores esse meliores istis, hanc rem gestam esse meliorem, altera, hanc naturam esse meliorem altera, &c.

E. G.

Ulysses pugnavit adversus Trojam, Item Ajax pugnavit adversus Trojam. Volo autem probare quod Ajax sit melior cum ramentes gestæ sint pares.

Dico, quod Ulysses coactus & invitatus ad hoc bellum profectus sit; Ajax sponte sua. Ergo opera Ajacis est honestior. Horum Prosyllogismorum inveniendorum quosdam locos tradidit, Aristotel: lib: 1. Rhetor: & Cicero lib: Top:

Ex Cicerone notabimus quosdam.

In comparatione inquit spectantur hæc: Numerus, species, vis, quædam etiam ad res aliquas affectio.

Loci ex Cicerone.

Número sic comparabuntur ut plura bona paucioribus anteponantur, pauciora mala pluribus, diuturniora bona brevioribus: late & longè pervagata, ex quibus plura bona propagentur, quæq; plures imitentur & faciant, angustis.

Specie autem comparantur, ut anteponantur quæ propter se expectanda sunt ijs quæ propter aliud: Et ut innata atq; insita, assumtis

& adventitijs, integra contaminatis, jucunda minus jucundis! honesta ipsis etiam utilibus; proclivia laboriosis; Necessaria non necessarijs! sua alienis, rara vulgaribus: Desiderabilia, ijs quibus facile carere possis? Perfecta inchoatis; Tota partibus; Ratione utentia: rationis expertibus: Voluntaria necessarijs: Animata inanimatis: Naturalia non naturalibus: Artificiosa non artificiosis:

VIS autem in comparatione sic cernitur: Efficiens causa gravior, quam non efficiens; quæ se ipsis contenta sunt, meliora quam quæ egent alijs; Quæ in nostra quam quæ in aliorum potestate sunt: stabilia in certis; Quæ eripi non possunt ijs quæ possunt.

Affectio autem ad res aliquas est hujusmodi; Principum commoda majora quam reliquorum: Itemq; quæ jucundiora; quæ pluribus probata quæ ab optimo quoq; laudata.

Usus istorum locorum Ciceronis:

Usus.

Loca ista Ciceronis sunt verisimilia quædam, id est, ponuntur loco majoris propositionis: Exempli Gratia.

In quo sunt plura bona, illud est melius. Quæ sunt nobis propria sunt meliora alienis. Sed hæ propositiones sunt minus universales Philosophicæ & remotæ à vulgi intelligentia: Quare in oratione non sunt exprimendæ. In iuventione tamen sunt utiles; ut scilicet singulas illas excutiamus & attendemus num possimus aliquid subsumere, quod expediat in comparatione præsentæ. Subsumere voco minorem propositionem ponere: quæ fit ex rebus comparatis, & ex medio isto termino. E. G.

Aiax & est nobiliori genere; & conjunctior Achilli; & clarioribus factis & plurimorum meritorum; Ergo est melior.

Cæsar mansuetudinis laudem habet propriam: victoriorum autem laudem cum multis communem; Ergo laus mansuetudinis est melior quam victoriarum. Hæc subsumtio vel minor propositio vere sola ponitur in oratione omissa majori: Et est duarum partium. PRIMA appellatur, *πρότερος* vel propositio. Altera, *ὑποδοσις* vel redditio.

πρότερος habet rem collatam & medium terminum. E. G. Cæsaris victoriæ sunt illi communes cum alijs multis.

ἀπὸδοσις habet rem comparatione illustrandam itemq̃, cum medio termino: Exempli Gratia. Sed modestiæ laus est Caesaris unus propria, non communis cum militibus, aut cum centurionibus, aut cum fortuna: Et hic varietas spectanda est.

Ut, aliquando multa multis, aliquando multa uni, aut unum multis: aliquando unam uni respondeat: Aliquando una tantum exprimitur pars ἀεγραιας scilicet vel ἀπὸδοσις: altera dissimulatur.

Multa multis Comparantur, E. G.

Ajax pugnavit cum Hectore: depulit flammam & incendium à classe Græcorum: item alia insignis roboris monumenta & specimina edidit.

ἀπὸδοσις. Sed comparate nunc quanto majora ab Ulyssis virtute profecta sint facinora. Ulysses enim quod nemo Græcorum ausus est intra Trojæ mœnia hostis accessit, Palladium sive Divæ Palladis simulacrum abstulit, sine quo capto Troja capi non poterat. Cum tamen Ajax contra Hectorem sane steterit, verum in ea pugna quam alij novem Græci Principes sibi deposcebant, & in his Ulysses etiam. Ut non Ajax propter virtutem prælatus: Sed fortunæ incerto atq̃ inconstanti moderamine ad illud duellum extrusus sit. Pugnavit verò, sed quo eventu, longe scilicet inferiori, ut cum Ulyssis capto Palladio conferri possit. Nihil enim non tantum roboris & virium Trojanis ex ea pugna detractum est, sed ne gloriæ quidem & laudis bellicæ decessit. Atq̃ eadem planè ratione si reliquam vitam componere placuerit accidisse reperietis. Ut Aiæ quidem merita plus audaciæ habuisse, Ulyssis autem plus salutis in Rempubl: contulisse compareant: Ille quidem manu & robore præpolluisse, hic verò consilio & prudentia plus præstitisse videantur.

Unum uni opponitur.

Exempli Gratia.

Aiæ est cognatus Achilli, Sed Ulysses est magis charus Achilli propter majora in Rempubl: merita: Quare hic est dignior Achilleis armis.

Multa uni opponuntur primum ut in ἀεγραιας multa, in ἀπὸδοσις unum. E. G.

Ajax habet in majoribus suis Jovem in cognatis Achyllem, Patrem Telamonem clarissimum virum. Ulysses etiam si hoc eodem familiaris splendore non careat: tamen eo potissimum nomine Aiace preferendum se censet, quod virtute antecellat. Vel sunt multa in *δοῖς* & unum in *μεγροῖς*, ut Ajax semel Hectorem sustinuit: Vlysses saepius profuit, quando Achyllem invitum ad expeditionem pertraxit: & Palladium cepit: & Dolonem ac Rhesium in castris interfecit: & Diomedis equos abegit. Et hæc vel multa vel una inter se opposita aliquando sunt ejdem planè termini; sed nunc affirmati nunc negati, ut Ajax est indoctus & hebes, Vlysses non est indoctus & hebes. Ajax nihil valet ingenio; Vlysses valet ingenio. Vel sunt oppositi termini, Vt Ajax est indoctus miles; Vlysses est doctus & peritus imperator. Aliquando sunt diversæ speciei, Vt Ajax est fortis manu; Sed Vlysses est eloquens. Aliquando sunt diversi planè generis, Vt Ajax est nobilis; Vlysses est virtute clarus: Aliquando una tantum pars exprimitur: idq; vel dissimulationis vel obliquæ criminationis causa. Dissimulationis quando nostræ partis virtutes tantum prædicamus, alterius tacemus & dissimulamus. E. G.

Ajax habet Patrem Telamonem qui Trojam cepit sub Hercule duce & in expeditione Archonautica in Colchidem navigavit. Avus fuit Æacus celeberrimus judex apud inferos. Proavus Juppiter. Dissimulatur autem hic quos majores aut parentes habuerit Vlysses. Aut quando alterius rei mala & incommoda tantum enumeramus, nostris malis præteritis: E. G.

Vlysses Palamedem falso crimine prodidit. Philocteten reliquit. Obliquæ criminationis causa unam partem exprimimus tantum: quando mala vel crimina de parte nostra vel negamus, ut auditor ipse secum colligat obijci ea alteri personæ comparatæ: licet id non exprimitur. e. g. Vlysses non habet Patrem parricidam vel qui fratrem interfecit. Hic relinquitur auditori intelligendum Ajacis Patrem interfecisse fratrem suum. Vel detrahimus adversario laudem aliquam; ut auditor ipse tacite colligat nobis eam attribuendam esse, e. g. Vlysses corpus in bello non est ferendum tanto armorum onere, quæ magnum robur fortis viri requirunt. Relinquitur intelligendum, Ajax potest ferre arma, ergo est dignior.

Porro

Porro usus locorum Ciceronis duplex est. 1. In amplificandis circumstantiis rerum collatarum. E. g. Ajax habet nobiles parentes item Vlysses. Hanc circumstantiam possumus amplificare vel probare parentes Vlyssis maiori ipsi laudi esse quam parentes Ajaci, idq; ex his locis. 2. Utiles sunt hi iidem loci ad inveniendas circumstantias si scilicet aliæ res quam personæ comparentur. e. g. Si fortitudinem, comparemus cum mansuetudine, Hic enim non sunt utiles loci personarum.

Monstrabimus: Primò usum horum locorum in his circumstantiis inveniendis, unde per se primus usus perspicuus erit. Sit igitur *Jesua*: Quod melius sit iram posse domare quam hostem vincere. Probo ex loco 1. Nam victoria adversus hostem à sola fortitudine proficiscitur. Sæpè ne ab hac quidem, sed à fortuna suppediatur. In iræ autem moderatione omnis fere conspicitur virtus: Tum innumera commoda consequuntur. Est enim & hæc animi quædam fortitudo, si adversus iram tanquam domesticum hostem, eoq; periculosiorem, ea animi constantia contra venias, ut fracto & superato hoste superior decessas. Tum qui hoc poterit, etiam reliquis cupiditatibus imperare noverit, & sic à temperantia ornabitur. Præterea idem modestissimus apparebit, quippe qui sui contemptum, unde omnis existit excandescencia, moderatissimè ferre poterat.

Ex loco secundo.

Victoria Constat vulneribus, vitæ periculo, & invidiâ, In iræ autem moderatione, & reliqua absunt incommoda, & nemo invidet, quod gloriæ splendor desideretur. Sola adest difficultas iræ coercendæ: Quæ quo major est eo honestius fuerit, labore & contentione eam vincere.

Ex loco Tertio.

Victoria adversus hostes unico ferè prodest tempore, quo cum hoste congredieris, ut scilicet ex illo intentato mortis periculo te expedias: Laus vero inde consequens faciliè oblivione obteritur: Nec semper novi hostes sunt, ut eam laudis recuperandæ materiam non semper in promptu habeas. Verum facultas animo imperandi totâ vitâ utilissima est. Cum quod adversus sensum & affectum quasi seditio-

Vs duplex.

*Vsus
exempla.*

*Plura bona
paucioribus
anteponuntur.*

*Pauciora
mala ante-
ponenda plu-
ribus.*

*Diuturnio-
ra bona bre-
vioribus an-
teponuntur.*

EX specie h. est, si res ipso genere vel natura sua differant.

Locus Primus.

Quod per se est expetendum, &c. Fortitudinis experimenta, qualia sunt arma hostilia à se depellere, hostem frangere, urbes hostium evertere: Hæc nemo paulò humanior expetit per se h. e. nisi exigat vitæ pacisq; tuendæ ratio. Verum iracundiæ comprimendæ facultatem omnes sanæ mentis homines exoptant, ipsius hujus virtutis pulchritudine affecti ad eiusdem amorem, etiamsi nihil commoditatis hinc consecuturum sperent.

Locus Secundus.

Innata sunt meliora adventitijs. Fortitudinis usum hominum & temporum malicia introduxit; Vnde nihil magis naturæ adversum quam hominem occidere; Verum ad iracundiæ moderationem, omnes semper à natura homines invitamur. Cum propterea cum mente imperatrice nos nascamur, ut affectibus dominemur. Jidem inermes in mundum prodimus, ut ad pacem non ad bella natos nos esse meminerimus.

Locus Tertius.

Integra sunt meliora contaminatis, h. e. in quibus nihil est vitij & imperfectionis sunt meliora illis in quibus aliquid est. e. g. A fortitudine vix abesse videtur crudelitatis quædam species, e. g. in Ænea, quod Turno ne supplici quidem parcit. In ira autem coercenda, nullius adhærescit vitij macula.

Locus Quartus.

Jucunda minus jucundis meliora sunt. In certamine illo hostili, totus homo commoveretur, pallet, tremit, horret, torquetur metu, fervet iracundia. In mansuetudine autem summa oboritur delectatio & ex præsentis affectuum obsequio, rationi obtemperantium; Et ex irritato adversarii conatu, qui obnixè operam dat, ut te commoveat sed frustra; Et ex memoria prudentiæ illius si post rem gestam consideres quot & quanta mala declinaveris eâ iræ compressione.

Locus Quintus.

Honesta ipsis utilibus sunt meliora, e. g. In hoste vincendo sem-

per fortuna, nonnunquam robur corporis raro virtus animadvertitur, tum propter spoliolum aut pacis constituendae commodum magis commendatur victoria quam virtutis spectatae admiratione. In animi ut vocant, vel iracundiae compositione, unicus est quem miramur quemque; praedicamus decor. Propterea pulchrum est iracundiam cohibere, quia honestum est, vel quia à recta ratione illud iubemur, nec quicquam aliàs hinc lucri promanat.

Locus Sextus.

Proclivia vel facilia laboriosis sunt meliora, e. g. ut hostem vincas non sit absque; manifesto periculo, ne & ipse vincaris: ut hostem occidas, propriae mortis aleam subeas necesse est: ut hosti regionem eripias, prius de tua regione periclitandum est. Verum haec adversus iracundiam victoria, non sine sanguine solum, sed omni plane periculo obtinetur.

Locus Septimus.

Necessaria sunt meliora non necessarijs. Ut hostem ipse oppugnatum eas non omni homini necessario occumbit, quippe cum & alia sint media partes conciliandi scilicet æquis conditionibus. Aut si omnino belligerandum sit, sæpe alij mitti possunt. Accedit, quod in bello ferè fortunæ nostrae appetuntur: vita, aut saltem anima, ad quæ hominum manus non pertingunt, extra periculum posita est. Verum in ira moderanda propria opera tua desideratur, nec alijs conditionibus, nisi pugnando transigi, neque, ab alio quam à te ipso pugnari poterit.

Finis autem contentionis est ipsius animae incolumitas.

Locus Octavus.

Sua sunt meliora alienis, &c.

Ex hoc loco scripsit Cicero orationem pro Marcello. Victoria adversus hostem sunt alienae, Partem aliquam sibi vendicat fortuna; partem centurio; Partem cohors vel miles. Sed mansuetudo est propria, nihil hinc sibi vendicat Centurio, miles, fortuna.

Locus Nonus.

Rara sunt meliora vulgaribus. e. g. Victoriae adversus hostem sunt

sunt vulgares & frequentes; A multis etiam ignavis reportatæ sunt. Iræ moderatæ rarissimæ sunt, non tantum nostris temporibus, sed omni antiquitatis memoria Exempla, quæ tanquam gemmarum quidam thesaurus asservantur.

Locus Decimus.

Desiderabilia ijs quibus carere possumus. e. g. Vincere sane nemo desiderat si alias pace frui possit. Dum desint pugna, desit quoque causa triumphi: Hæc ducibus bello gloria major erit. Verum omnes malunt domitam habere iracundiæ effervescentiam, quam ejusdem moribus vexari.

Locus Undecimus.

Perfecta inchoatis, e. g. Si victoriam adversus hostem obtinueris, pacis tantum fundamenta jacta sunt. Possunt enim ingentes belli manere reliquæ, quas non quidem foris adversus externum, sed domi adversus te ipsum geras inanimi extirpandis vitijs. Verum per mansuetudinem omnis affectuum repugnatrix vis, quasi ad conditiones accipiendas & imperata facienda cogitur: Et pax planissime constituitur.

Locus Duodecimus.

Tota, partibus meliora. Fortitudo est quædam iræ moderanda particula. Illi enim verè fortes sunt, qui in pugna adversus hostem non nimis præcipiti ira efferuntur, & sic aut imprudentia se in periculum conijciunt, aut crudelitate peccant. Verum Mansuetudo latius præterea patet, & ad omnes vitæ partes se diffundit. Vt qui Mansuetus sit, ille fortis quidem esse valeat, sed & alijs honestatis officijs fungi possit, in quibus nulla Fortitudo spectatur. Fortis autem si quid laude dignum præstitit, hujus universa commendatio à mansuetudine petitur.

Locus Decimus Tertius.

Ratione utentia, &c. Vel in quibus major est rationis usus, e. g. in Mansuetudine. Hujus omnia opera à ratione nascuntur, nihil enim est Mansuetudo aliud, quam rationis adversus iram contentio & imperium. Verum in fortitudine exiguus rationis usus est propterurbationum multitudinem. Primum autem adversarum rerum sensus dolore afficit. Impendentium periculorum expectatio metu tor-

quet: sperata vindictæ dulcedo, falsi gaudij imagine titillat, injuriæ hostilis cogitatio ad iram accendit. Tum corporis viribus & impetu potissimum, labor ille militaris perficitur; cum iræ moderatio ingenio constet.

Locus Decimus quartus.

Voluntaria necessarijs. e. g. In prælia & ad pugnam necessitate detrudimur, cum aliter nos, nostri, patria, res, vita, decus salva esse non possint: alias n. libenter omnes ab armis abstineremus; Quoniam nulla salus bello (ut inquit Poeta) Verum iræ moderatio tanquam insigne animi humani ornamentum, nulla cogente vi sponte sua ab honestis & virtutis amantibus suscipitur.

Locus Decimus quintus.

Animata inanimatis, i. Fortitudo vincit, animam homini eripiendo, mansuetudo animum confirmando & exornando. Fortitudo hostem armis deicit ferreis. Mansuetudo armis vivis sive mentis. Fortitudo statuit Trophea lapidea; Mansuetudo in sua & aliorum hominum memoria, immortalia suorum facinorum monumenta erigit.

Locus decimus sextus.

Naturalia non naturalibus: A bellica victoria & digladiatione illa armata, & sanguinis humani effusione, naturâ omnes abhorremus, ad iræ autem moderationem omnes natura propendimus.

Locus Decimus septimus.

Artificiofa non artificiosis, e. g. hostes sæpè vincuntur à rudī milite, verum ut iram domare possis, non nisi magna arte, longa assuetudine, diligenti præceptorum observatione, omni deniq. studio comparatur:

CLASSIS TERTIA.

Locus i. Causa efficiens est gravior quam non efficiens, id est si utramq. rem commoda quædam consequantur, sed alteram tantum causam alteram non: illa erit melior, e. g. Fortitudo Pacem externam & cum alijs, Mansuetudo pacem internam & tecum ipso introducit.

introducitur. Verum illa pax non tam à fortitudine proficiscitur, quam etiam sine fortibus factis à divina clementia indulgetur. Sed animi pax quanquam & hæc Dei donum est tamen non alio medio quam huius virtutis Mansuetudinis dico studio divinitus conceditur.

Locus Secundus.

Quæ se ipsis contenta sunt &c. Si hostem vincas non tamen propterea vir melior es: imò nihilo felicior; Tamen egebis mansuetudinis aliarumq; virtutum ornamentis. Verum qui mansuetus est, vir bonus & felix censebitur: Neq; poterit huic facile quisquam hostis esse: & sic neq; fortitudine magnopere egebit.

Locus Tertius.

Quæ in nostra potestate sunt. Vt hostem vincas non in te tantum, sed in commilitonibus, in duce, in socijs, in auxilijs, in temporum locorumq; oportunitate, in rerum necessariarum copiâ, in alijs deniq; multis situm est. Verum ut iram deijcias, universum in manu tua positum est: Nihil hic opus est exercitu, nihil expectatione aliorum, nihil fide sociorum, nihil deniq; apparatu bellico.

Locus Quartus.

Stabilia incertis. Certus eventus est pugnae adversus iram; Nisi enim tu per molliem cedere mavelis non poteris non superior decedere. Verum victoriae adversus hostem eventus incertissimus est.

Locus Quintus.

Quæ eripi non possunt. Gloria ex hoste devicto non semper est perpetua. Sapere etiam victis redit in præcordia virtus. Accedit quod hic fortuna dominatur, cuius nota est mutabilitas. Quorum omnium non periculum tantum, sed metus etiam ab ira moderanda absunt quam longissime.

CLASSIS QUARTA.

Locus 1. Comoda principum. Fortitudo est etiam vulgi & plebeculae virtus: verum clementia quæ est mansuetudo quædam, principum propria virtus est.

COMPARATIO.

22

Locus Secundus.

Jucundiora jam supra considerata.

Locus Tertius.

Quæ pluribus probata sunt. Omnes laudant si quis iræ modum adhibuerit; si hostem vicerit, non item: alij exhorrescunt ad narrationem istius cædis hostilis, alij aliud reprehendendum censent.

Locus Quartus.

Quod optimis viris probatur: Optimi viri mansueti plerique sunt, alieni ab exercitijs bellicis.

Secundus usus horum locorum, in Amplificandis Circumstantijs.

Secundo
usus.

Quando duæ personæ comparantur, conferuntur secundum circumstantias, Patriam, Parentes, Educationem. Ex his circumstantijs, si non appareat perspicuè excellentia alterius partis: ulterius possumus progredi comparando illas circumstantias, secundum loca hæc Ciceronis, e. g. Ulysses fuit mansuetus Ajax fortis. Hic possum progredi in comparisonem Mansuetudinis & fortitudinis.

DE PARTIBUS ACCESSORIIS.

Partes
accessoriae.

Partes accessorias voco, quæ solent in alijs Progymnasmatibus ad-
dj, Exordium, Propositio, Epilogus, &c. Has dicit Autor se nullas nunc tradere. Quod comparatio sit pars quædam Progymnasmatibus alterius, vel soleat scribi in alijs Progymnasmatibus tanquam pars. Nempe Laudatione, Vituperatione. Loco communi. Præterea non opus erat hic singularibus præceptis. Si enim in Exercendo Exordium addere libet, item reliquas partes satis jam dictum est, unde hæc inveniuntur.



PRO-

PROGYMNASMA

Undecimum.

ΟΡΟΣ ΗΘΟΠΟΙΙΑΣ.

Ηθοποιία ἔστι μίμησις ἥθους ὑποκειμένων προσώπων. διαφορὰ δὲ αὐτῆς εἰσὶ τρεῖς, εἰδωλοποιία, προσωποποιία, ἡθοποιία. Καὶ ἡθοποιία μὲν, ἡ γνώριμον ἔχουσα προσώπων, πλαττομένη δὲ μόνον τὸ ἦθος, ὅθεν καὶ ἡθοποιία προσωγορεύεται. Οἷον, πῶς αὖ εἴποι λόγους Ἡρακλῆς εὐρυθώρας ἐπιτάσσοντος. Ὑπαὶ ταῦτα ὁ μὲν Ἡρακλῆς ἐγνώσκει, τὸ δὲ λέγοντος ἦθος πλαττομένη. εἰδωλοποιία δὲ, ἡ προσώπων μὲν ἔχουσα γνώριμον, τεθνότος δὲ καὶ τὸ λέγειν παυσάμενον, ὡς ἐν δήμοις εὐπολὶς ἐπλάσεν. Καὶ ἄριστος εἶδης ἐν ταῖς ὑπερὶ τῶν τεσσάρων, ὅθεν καὶ εἰδωλοποιία προσωγορεύεται. Προσωποποιία δὲ, ὅταν ἅπαντα πλαττῆται, καὶ ἦθος καὶ προσώπων, ὥσπερ ἐποίησε μέναιανδρος ἔλεγχον. Ὁ γὰρ ἔλεγχος, πρῶτον μὲν, ὃ μὲν ἐπὶ καὶ προσώπων, ὅθεν καὶ προσωποποιία προσωγορεύεται. Πλάττεται γὰρ μὲν τὸ ἦθος καὶ προσώπων. Ἡ μὲν οὖν διαίρεσις αὕτη. Τῶν δὲ ἡθοποιῶν, αἱ μὲν εἰσι παθητικαί, αἱ δὲ ἡθικαί, αἱ δὲ μικταί. Καὶ παθητικαὶ μὲν αἱ καὶ πάντα, πάθος σημαίνουσιν. Οἷον, πῶς αὖ εἴποι λόγους ἐκάβη κειμένης τῆς τρεῖας. ἡθικαὶ δὲ, αἱ μόνον ἦθος εἰσφέρουσιν: οἷον αὖ εἴποι λόγους ἡγεσώτης ἀνῆρ, πρῶτον θεασάμενος θαλάσσαν. Μικταὶ δὲ αἱ τὸ συνημφοτέρην ἔχουσιν. Οἷον, πῶς αὖ εἴποι λόγους Ἀχιλλεύς ἐπὶ πατρόκλῳ κειμένῳ, βεβρυμένος πολεμεῖν. ἦθος μὲν γὰρ ἡ βελή, πάθος δὲ φίλος πεσὼν. ἐργασία δὲ τὴν ἡθοποιίαν χαρακτηρεῖ σαφεῖς, συντόμῳ, ἀνηρῶ, ἀπολύτῳ, ἀπηδαγμένῳ πάσης πλοκῆς τε καὶ ἀήματος. Καὶ διαίρεσις ἀντὶ κεφαλαίων τοῖς τρισὶ χρόνοις, ἐνεστώτι, παρωχικότι καὶ μέλλοντι.

Interpretatio.

Ηθοποιία est imitatio morum cujuslibet personæ. Species tres sunt εἰδωλοποιία, προσωποποιία, ἡθοποιία. Propriè sic dicta.

Diviso
prima.

Et

Definitio.

Et hæc quidem Ethopœia est quæ personam aliquam notam introducit, cuius saltem mores effingit: Unde dicta est Ethopœia quasi morum fictio vel deformatio, e. g. si excogites verba quibus Euristheo iniqua imperanti occurrerit Hercules, est Ethopœia, quia hic Hercules quis sit notum est: Saltem mores Herculis illa oratione, quasi imagine depinguntur.

εἰδωλοποιία verò vocant; Quando item notum hominem facimus loquentem, sed illo tempore quo mortuus est & cum dudum loqui desierit. Vt Eupolis in Comædia quadam, Populi, & Aristides in oratione quadam *Προ* quatuor. Et hinc etiam, *εἰδωλοποιίας* nomen attributum est, q. e. simulacri vel spectri introductio.

*Secunda
divisio*

Προσωποποιία est quando ficta sunt, non solum mores, verum etiam persona. Verbi causa, Menander produxit in theatrum Elenchum, Elenchus quidem est res sed non persona. Hinc dicta est *προσωποποιία* i. e. effictio personæ: quod præter mores, etiam persona quædam ficta adornetur. Et hæcenus quidem de illa divisione: Iam verò Ethopœiæ aliæ sunt Patheticæ, sive vehementiores: aliæ Ethicæ sive remissiores, aliæ mixtæ vel mediæ. Vehementiores sunt in quibus tantum sunt *πάθη* affectus vel commotiones & perturbationes animi: Ut siingas orationem Hecubæ eversa Trojâ. Remissiores quæ habitus morum, vel consuetudinem hominis ante oculos ponunt. Ut si pingas quid dicturus sit aliquis in meditullio natus & educatus cum primum mare conspiciat. Mixtæ vel mediæ sunt: Quæ utraq; illa complectuntur, e. g. Si exprimas orationem Achyllis Patroclo cæso, quâ de prælio adeundo secum deliberat. Quatenus enim deliberatio describitur mores efformantur. Quatenus amici obitus attenditur, affectus scilicet dolor oratione adumbrandus est. Elaborabimus verò Ethopœiam genere dictionis perspicuo, brevi, florido, soluto, & alieno ab elegantiori cultura figurarum.

Elocutio.

*Dispositio
vel inventio*

In dispositione, capitum vel partium loco erunt, tria tempora, Præsens, præteritum & futurum.

COM-

COMMENTATIO

Partes Quatuor.

P Artes quatuor sunt hujus progymnasmatidis. 1. Definitio. 2. Duæ divisiones. 3. Elocutio. 4. Dispositio.

DE PRIMO.

Ethopœia est imitatio morum cujuslibet personæ. Genus est imitatio. Est autem imitatio similitudo expressa aut descripta & extans alterius cujusdam rei in re altera. Ut in pictura, e. g. imago cæsaris est imitatio vultus cæsarij i. e. similitudo quædam quæ eadem lineamenta, eadem figura oris quæ in Cæsare est etiam in tabella vel imagine deprehenduntur. Sic igitur in *ἠθοποιῶν* animus quasi pictus ante oculos sistitur & agnoscendus præbetur, quemadmodum Cæsar in imagine.

Definitio.
Genus.

Differentia sumitur ex objecto vel re quam per Ethopœiam imitatur: nempe mores imitatur; sive exprimimus, similitudine adumbramus, conspiciendos quasi ante oculos ponimus. Et sic Ethopœia est morum imitatio vel pictura. Sumitur autem vocabulum **MORES** hic quidem generaliter; Et significat quamlibet animi facultatem internam; Quæ triplex est, Natura, affectus, & mores proprie sic dicti. Natura vel indoles, ingenium, sive ut in Scholis loquuntur, naturalis potentia & impotentia, e. g. Fœminarum ingeniositas, puerorum simplicitas, masculorum animi præsentia, rusticorum ruditas, nobilium generositas. h. e. proclivitas quædam ad has virtutes & vitia.

Differentia

Quid mores in genere.
Natura.

Affectus, e. g. ira, misericordia, invidia, pudor, metus, spes, gaudium, dolor. Habitus sunt facultates acquisite studio ac diligentia, & sunt duplices, intellectuales ut Philosophia, Poëtica, Jurisprudentia, & reliqua eruditio: 2. Morales, quæ sunt virtutes & vitia e. g. Fortitudo, Liberalitas, Modestia, Timiditas. Avaritia. Hæc ergo posse exprimere: nempe naturam hominis, affectum aliquem; eruditionem, virtutem & vitia, vel ita pingere hominis animum oratione, ut quasi oculis videri videatur, est Ethopœian facere.

2. Affectus.
3. Habitus.

Duo videntur desiderari in hac Definitione: nempe I. modus imitationis istius aut medium, quo imitatur illos mores. Tum 2.

Definitio perficitur.

Finis, quorsum ista fiat imitatio; addi potuisset magis perspicuæ declarationis causa. Modum & medium animadverto duplex esse apud Autores usitata:

Additur 1.
Modus &
medium
duplex

I. Orationem & sermonem Personæ cujus fingimus mores: II. Res gestas quasdam singulares quotidianas quas characteres morum vocant. Author noster tantum præcipit hic de primo modo, sive quomodo mores pingendi sint per orationem quandam personæ ejus moribus convenientem. Alterius autem modi Exemplum elegans habetis lib. 4. ad Herennium.

2. Finis.

Finis Ethopœias est persuasio, quia istæ picturæ morum vel delectando vel commovendo persuadent, Delectando Ethopœiæ remissiores; Commovendo Ethopœiæ vehementiores. Itaq; plena ex his partibus definitio erit: Ethopœia est probatio quædam per orationem affectam personæ, moribus ejusdem simillimam.

DE SECUNDO.

Divisiones.

Prima.

Divisiones duæ traduntur. 1. à Differentia personarum quæ loquentes inducuntur. 2. à Differentia morum qui oratione illa finguntur. Divisio prima est, quod alia sit Idolopœia &c. Ratio divisionis est, discrimen personarum, quæ introducuntur loquentes. Nam potest induci persona vel vera vel ficta. PERSONA autem i. e. substantia intelligens singularis ut, Homo, Angelus, Deus. Persona vera e. g. Hercules, Socrates, Priamus, &c. Persona ficta e. g. Mors, Nemo, fides, Sol, Paupertas, Lux, Luxuries, Febris in Marsupio, Ignavia, virtus &c. Si hæc fingantur loqui, dicitur induci ficta persona. Iterum vera persona, vel inducitur loqui ea, quæ olim loqui potuerit dum in vivis esset, e. g. Si excogitem orationem quæ Lucretia usa sit secum, abeunte Tarquinio. Vel inducitur loqui de rebus post mortem, & quas nunquam vidit aut cognovit, e. g. si fingam orationem quæ Lucretia uti possit, si nunc reviviscat, & videat nostri seculi mores. ETHOPOEIA igitur proprie sic dicta excogitat orationem personæ aliqujus moribus convenientem, quæ hæc olim uti potuerit. IDOLOPOEIA reducit homines mortuos quasi ab inferis, tribuit orationem moribus illorum quidem convenientem sed quæ illi nunquam usi sunt, verum finguntur saltem uti posse si nunc reviviscant. PROSOPOEIA

est

est quæ orationem affingit rebus quæ non loquuntur aut non sunt personæ, ut brutis aut inanimis, Item mundo, Patriæ, virtutibus & vitijs.

Altera divisio est, quod alia Ethopœia sit vehementior, alia remissior, alia mixta. Ratio divisionis est, discrimen illud morum prima patre traditum, Aliquando enim affectus pinguis per ethopœiam, e. g. iram, gaudium, dolorem, amorem, metum, misericordiam &c. Hæc appellantur *πῦρος* motus vehemens, commotio. Quia scilicet totum turbant hominem, & mentem ab officio deiiciunt. Quare Ethopœia quæ hos affectus exprimunt dicuntur vehementiores vel Patheticæ: & hinc oratio pathetica.

Iterum aliquando naturam vel ingenium hominis vel prudentiam aut sapientiam, aut calliditatem, aut liberalitatē, aut avaritiam, aut reliquorum morum aliquid representamus. Hæc omnia sunt sedata, quæta & attentā ratione constant & exercentur. Itaq; appellantur, remissi mores vel absq; animi cōmotione vel turbatione: & Ethopœia quæ hos exhibent appellantur remissæ aut Ethicæ. Demum licet utrumq; observare & utriusq; quædam vestigia in oratione ponere: Nempe affectuum & præterea naturæ atq; habituum. Sic appellabitur Ethopœia mixta.

Altera divisio.

DE TERTIO VEL DE ELOCUTIONE.

De hac præcipit Author noster, quod hic observandum sit certum quoddam genus dictionis: hoc est formulæ certæ quædam & figuræ verborum & sententiarum.

Non enim hic liberum est quo libet eloquendi uti genere.

Tale autem est, quod huc convenit dictionis genus.

1. Ut sit perspicuum, h. est facilis intelligentiæ, verbis ex quotidiano usu sumtis.

2. Sit breve, id est Commaticum sive frequentioribus commatis & intercisis distinctum: non debent hic texti longæ periodi; sive ambitus verborum, longiusculè diducti.

3. Floridum erit genus dicendi in Ethopœia i. e. quasi vivens & excitatum, sive crebris affectuum figuris distinctum: Quales sunt Repetitiones, Anaphoræ, Exclamationes, Apostrophæ, Prosopopœiæ.

4. Solutum & alienum ab omni implicatione, scilicet erit genus sententiarum & verborum in Ethopœia. Hoc præceptum videtur coincidere cum secundo. Nam implicata oratio vel circumducta vel circumflexa: est cujus longiora sunt membra, & hæc inter se connexa & coherencia, ut diu expectandus sit eventus & complementum vel integra sententia, e. g. Quamquam multo jucundissimus conspectus vester (Cicero pro Leg. Manil.) est visus Quirites, & hic locus ad dicendum amplissimus, & ad agendum dignissimus est visus, tamen ab hoc aditu laudis, non tam mea me voluntas, quam certæ vitæ rationes me abstinnerunt. Solent hujusmodi orationes coherere per Quamquam, Tamen, Et si, Tamen. Si, tunc, Quemadmodum, ita, &c. Hæc implicata dicendi ratio non convenit Ethopœiæ: Quia propter prolixitatem, requirit animum præsentem & quietum: In Ethopœia autem præsertim in affectibus exprimendis, animus est turbatus. Itaque hic utimur oratione solutâ, crebris commatis & interpirationibus divisâ.

5. Alienum à figuris vel elegantiori figurarum cultura. Intelleguntur hic figurarum illæ deliciæ: Quæ venuste cultam & comtam efficiunt orationem e. g. Metaphora frequens & apta, Metonymia, Synechdoche, Allegoria, Paræmia &c. quæ scilicet non absq; meditatione inveniuntur. Hæc non conveniunt affectui exprimendo, e. g. non videtur simul idem & iræ indulisse & cogitasse quomodo orationem suam elegantibus figuris posset exornare. Et sic in reliquis affectibus non videtur eodem tempore locus esse perturbationi & curæ de sermonis elegantia.

DE QUARTO VEL PARTIBUS ETHOPOEIAS.

Author monet tria tempora esse inspicienda, præsens, præteritum, & Futurum, & secundum hæc esse excogitandam dicendi materiam. Quid autem hoc est? i. e. fortuna, sive bona & mala, unde affectus excitantur, in quibus mores occupati sunt; & in quibus hæc spectantur, & quasi oculis repræsentantur: Illæ fortunæ inquam quæ scilicet acciderunt personæ introductæ, secundum temporum discrimen sunt distribuendæ, oratione exponendæ & inter se conferendæ.

Exercitium.

ETHOPOEIA GAUDII QUO AFFICIEBATUR

Filius perditus in gratiam receptus.

Cum filius perditus non solum in paternam gratiam pristinam admitteretur, pretiosissimis vestibus ornaretur, omnis peccati memoriam abolitam videret; verum etiam parentes summo gaudio perfusos animadverteret: tanta tamq; subita & vehementi lætitiæ copîa affectus est, ut lacrymæ homini cadèrent, ut verba quibus eam gaudij suum testaretur deessent, ut ipse vix sibi apud se esse satis videretur, somniare potius suam eam felicitatem quam experiri suspicaretur. Primus ille vespere inter oscula matris, parentis complexus, cognatorum salutationes & gratulationes, omnium summam lætitiâ consumtus est. Præterea ut sit in ea animorum hilaritate largius se invitabant poculis, vix quisquam nisi bene potus ex illo convivio discedere poterat. Mane cum noster adhuc dum à crapula æger, summâ luce evigilasset:

Hei mihi inquit quæ me suavia ista nocte miserum somnia vexarunt? Qui enim ita longe à patria absûm, non in ædibus tantum patris in parentum conspectu, sed in ipsis parentum complexibus vivere, atq; amantissime haberi visus mihi sum. Atqui etiam nunc id persuadent mihi oculi? veruntamen vix videor etiam his fidem tuto habere posse si quam indignus eâ fortunâ sim mecum cogitem.

Pessimus enim hominum homo qui vivunt, quam impie de utroq; parente meritus sum; Quam nequiter rem amplissimam alieno parentum labore partam dilapidavi, ô bellissimum parentem! ô exoptatissimam matrem! ô optimos cognatos qui & veniam tantorum delictorum facile dedistis: Et majori etiam nunc amore impurissimum me complecti videmini. Valete nunc fursures & porcos pascite: Valete harpyiæ imò furiae infernales, mendacissimæ meretriciæ, quæ me stolidum adolescentem in istam exitii voraginem abstraxistis: Quæ perdidissetis etiam nisi clementissima Dei manus è vestris insidijs liberasset.

O me tunc satis prudentem! ubi tam felicem meam conditionem agnoscere & inde satis magno ac digno gaudio effici valebo,

*Aditus vel
narratio
est à de-
scriptione.*

*1. Cogitatio
temporis
præteriti.*

Quid enim me erat miserius cum nobilissimi viri filius ad subulcos detruderer? Cum lautissimis epularum delicijs educatus ne fame perundum esset meruerem: Cum hereditatis non tantum possessione amissa, verum etiam spe deperdita amplissima, paupertate & nuditate, infra omnes infimos abjectus essem; Cum parentibus quibus carissimus esse debebam, & cum fuisse me olim memineram, nunc maxime invisus esse meruissim.

2. Cogitatio
temporis
presentis.

Quis nunc igitur me fortunatior aut venustior, qui & isto metu expeditus sum, & malis evolutus maximis? amicissimo praterea parentum, suavissimo amicorum, & cognatorum vultu, sermone, animo, studijs exhilarer? O pulvinaria, lectuli, cervicalia, sponda, lacuaria, pavimenta, aurea, venustula, bellula. In paradysum si ex illa paupertate mea subito translatus fuissim: Vix puto suavius aut mollius, ex inusitato illarum rerum sensu permulceri potuissim, quas illic percipi ajunt &c. Sed heus Domine prodige hæc dies alios mores aliam vitam postulat, Atque, utinam mihi terra dehiscat potius, quam a parentum obedientia ad pristina vitæ mores abeam. O mater mater! quantis obsequijs ego te demerebor! o pater quam pium ego me geram! ut quo hactenus indignior visus sum, quem vos paterno amore prosequeremini; eo plus vos de me meriti videamini, qui vestro beneficio, ad tam serium pietatis studium me obstrinxeritis.

3. Cogitatio
temporis
futuri.

Δευτέρου Περὶ ἠθῶν.

CAPUT I. Quid sit.

ETHOPEIA est modus quidam persuadendi per mores adumbratos. Est modus persuadendi i. e. probatio vel instrumentum Rhetoricum quo utuntur Oratores ad persuadendam alijs suam aliquam sententiam. Nam tres sunt modi faciendæ fidei apud Aristotelem 2. Rhetor. cap. 1. fictio morum in personis causam agentibus 2. captatio affectuum in auditore excitandorum: & tandem argumenta rerum. Et in his fictio morum habet potissimam persuadendi efficaciam. Per mores adumbratos i. e. per morum obliquam significationem. Hoc medium persuasionis est huic Ethopœiæ singulare ac proprium: nempe mores adumbrati, vel oblique significati & per signa quedam sin-

Tres modi
persuaden-
di.

gularia

gularia insinuati in animos auditorum, absq; ulla argumentatione. Et secundum hoc differt Ethopœia ab argumentatione & captatione affectuum. Argumentatio persuadet per aliquam allatam rationem e. g. Sit thema: Mulieres sunt meliores, argumentatio est quia minus sunt deditæ ebrietati. Captatio affectuum persuadet per rem aliquam singularem, ad auditores pertinentem; gratam illis vel ingratham, ut ista mentione commoveantur e. g. si sic dicam cavete ne quid contumeliosè adversus fœminas constituatis: etenim etiam in sorores & matres vestras hæc redundabit injuria. Hoc enim audito pudor incutitur. Et hic facit ut libenter assentiamur sententiæ, cui contra dicere ita turpe videtur. Ethopœia verò per signa quædam morum persuadet. Signa verò id est singulares quasdam res unde innoscunt mores animi. Hæc sunt sermo, gestus, & facta quædam singularia. Itaq; Ethopœia sermonem gestum & facta quædam singularia ita conformat & describit, ut inde qui mores in animo lateant perspicuum fiat. Nam qualis cujusq; animus sit ex sermone potissimum, gestibus, factis vel consilijs & institutis perspicitur. Quæri autè potest quonammodo hæc persuadeant? Respondeo ex hoc principio; omni viro bono & nostri amanti libenter assentimur: ei verò qui contrario modo affectus sit omnem fidem abrogamus. Item illum amamus, hos odimus Item ex moribus signum capitur, & verisimile fit, authorem facinus aliquod conveniens istis moribus commisisse. Itaq; oratores fingunt mores suos potissimum in exordiis, & adumbrant optimos, ut sic fidem suæ orationi apud auditores colligant. Item introducunt personas alias graves quibus suam sententiam dicendam attribuunt, ut sic autoritate istarum persuadeant. Item oratores adversario affingunt hujusmodi orationem, & facta singularia: unde fides isti abrogetur & odium auditorum concitetur.

CAPUT II.

Divisio & species Ethopœias.

Primum quædam Ethopœia est absq; figura, quædam est figurata. Figuram voco peregrinam quandam orationis formam cum ornatu & elegantia conjunctam. Itaq; figurata Ethopœia est in qua

Divisio.

com-

*Ethopœia
absq; figura*

communis & usitata orationis forma mutata est e. g. si Respub. introducatur loquens. Absq; figura est: in qua orationis forma nihil mutata est à communi consuetudine e. g. quando orator suos ipsius mores pingit ut commodum est ad persuasionem: quod potissimum fit in exordijs; ut, sit thema: mulieres esse meliores. Exordium fiet ex significatione bonorum morum, potissimum modestiæ, quæ adumbrabitur sententijs super hac controversia e. g. Prudentissime semper dictum existimavi à Poeta: ita posse sine invidia laudem parari si nemini adversus sis, aliorum studijs dedas te, cum quibuscunq; unâ fueris. Itaq; nunquam placere mihi potuerunt contentiones, quibus quorundam ingenia nimis delectantur: ut alios præ alijs ordines aut vituperent aut collaudent &c.

*Secunda
diviso,
Ethopœia
figurata.*

Figurata Ethopœia iterum variè dividi possunt. Primum ratione signorum. 2. Ratione personarum introductarum. 3. Ratione rerum adumbratarum.

Signi loco aliquando potissimum gestus aut consilia describuntur. Vocant *ὑποποροποιαν* lib. 4. ad Heren. vocatur Notatio. Dico, potissimum; quia immiscetur aliquando quid locutus sit ille, qui describitur. Aliquando signi loco potissimum oratio attribuitur. Dico potissimum: quia etiam hic inseritur notatio personæ, & frequenter ab hac Notatione fit orationis initium. Et hoc genus iterum est multiplex: Aliquando enim plures introducuntur personæ loquentes. Vocant *διαλογισμὸν* vel sermocinationem. Aliquando unus continû loquitur. Idq; nunc directo sermone, nunc obliquo casu. Tertia ratione personarum introductarum distinguuntur Ethopœia, Idoloopœia & Prosopopœia. Ethopœian vocant hic, si cuidam oratio attribuitur, quam verisimile est illum eundem olim habere potuisse, ut Cato ni & Lælio in libris de senectute & amicitia.

Idoloopœia est si quis ab inferis excitetur quasi per oratorem & huic oratio de rebus præsentibus affingatur.

Prosopopœia si alijs rebus loquelæ expertibus assignetur persona & oratio: ut Reip.

4. Ratione rerum adumbratarum: aliæ Ethopœiæ sunt leniores aliæ vehementiores, aliæ mixtæ.

LENIORES sunt in quibus mores natura & ingenium describuntur.

buntur. VEHEMENTIORES in quibus animi quædam turbatio exprimitur h. e. ira, misericordia &c. MIXTÆ in quibus utraq; illa concurrunt.

CAPUT III.

De inventione Ethopœias quæ est absq; figurâ.

Ethopœia absq; figura fit vel in persona oratoris, vel adversarij, vel alterius, cujus mores notatos volumus. Orator de se significabit potissimum tria: virtutem, prudentiam & benevolentiam erga auditores. Nam quibus hæc adsunt ijs libenter omnes assentimur: si quid autem horum desideretur: fit plerumq; ut frustra demonstratio per argumenta fiat. Significabit autem duabus rebus: 1. sententijs super re vel argumento præsentis: 2. factis quibusdam singularibus eodem pertinentibus.

Virtutes sunt potissimum, scilicet quas in oratore requirimus, modestia vel humanitas, urbanitas, iustitia, veracitas vel candor.

MODESTIÆ est vereri aliorum iudicia: & velle omnibus probatum studium & propositum suum, ideoq; hujus causas reddere: sentire de se tenuiter, de alijs honestissime: subijcere se aliorum voluntati, libenter supplicem fieri.

URBANITAS est facultas dicendi ea quæ faciant alijs risum, vel quæ alijs jucunda accidant, quod conjuncta sint ferè cum adversarij aut nostra aliqua turpitudine mediocri.

IUSTITIÆ est fugere fraudes & dolos: cupere ut sua cuiq; salva atq; integra sint, odisse malitiam, defendere velle innocentes. Item studium pacis & Reip. videtur huc pertinere.

VERACITAS vel candor est, si apertè dicas quod res est etiam cum periculo.

PRUDENTIA est pericia rerum earum, quæ sunt nostro commodo, & quarum usus est in vita communi.

BENEVOLENTIA est amor & favor erga auditores: quod horum rebus bene cupimus, & nos cum his conjunctissimos esse optamus.

Significamus, inquam, istas res duobus medijs: 1. sententijs 2. factis. Sententijs h. e. oratione, propositionibus, judicijs, talibus sci-

Inventio Ethopœias absq; figurâ

Aristot. 2. Rhet. cap. 1

Virtutes significande in oratore.

De medijs significandi

Sententia.

licet in quibus perspicuntur ista tria: virtus, prudentia & benevolentia. Vel huiusmodi sententijs, quas vir prudens virtute præditus & benevolus usurparet. Et ijs quidem sententijs conceptis super præsentii argumento, tempore, persona, & reliquis circumstantijs.

Sunt ex sententijs vel universales vel singulares.

Universales vocant *γνώμας* e. g. Ita nos in vita comparare debemus, ne quid præ alijs sapere videamur.

Particulares vocant *νοήματα* e. g. Ita me semper in vita comparavi, nequid præ alijs sapere viderer.

Inventio
sententiarum.

Has sententias sic inveniamus. 1. Si cogitemus quid de præsentii argumento aut controversia secundum modestiam & reliquas virtutes sentiri aut dici possit. 2. Item num quid auditores sinistrè suspicari possint, de argumento aut de nobis aut alia circumstantia. Illud significemus: hoc præoccupemus & occurramus concedendo vel causam exponendo, & solvendo rationem contrariam. Et hæc ferè fiunt in Exordijs, sed non sunt negligenda in reliquis orationis partibus imò argumentis & verbis ferè singulis, quæ sensu incommodo accipi possent.

Facta.

Adversarij
mores.

Facta singularia nostra item exponimus, quæ significant curam nostram, & fidem in præsentii negotio. In adversarij moribus notandis contraria sunt fingenda: nempe vitia, & stoliditas, & animus inimicus: potissimum hæc ex factis notamus: item alias personas ferè in narratione ita describunt oratores, ut de horum moribus aptum fieri iudicium possit.

Exemplum
ex Cicerone

*Exemplum Ethopœias ex oratione Ciceronis
pro Quintio.*

Exordium huius orationis est Ethopœia, sive pingit mores oratoris & adversariorum. In oratore pingitur modestia, cujus præcipuus in Exordijs usus est. Huius significationem dat orator sententijs quibusdam super præsentii argumento. Has invenit considerando se, reum, adversarios, tempus, iudicem. Item dum verbum imprudens corrigit, & *γνώμας* loquitur. Item adversariorum pingit mores, qui iniquissimè & indignis modis accusent. Hinc igitur exordium exco-
gitatur his ferè constans sententijs: homines gratiosissimi eidemq; e-

loquent.

loquentissimi adversarij nostri sunt, atq; inde magnus nobis metus incutitur. Nos autem non sumus cum illis comparandi.

Præterea non datum fuit nobis satis temporis ad cogitandum: quo tamen eò magis egeo quò minus ingeniosus sum. Quapropter vos iudices oramus homines iustissimos, ut innocentiam nostram defendatis. Quod non deberis eò accipere, quasi dubitemus de vestra fide: sed primum magnum est nostrum periculum. Jam verò omnes quorum in alterius manu vita posita est, sapius illud cogitant quid possit is cujus in ditione ac potestate sunt, quam quid debeat facere. Porro adversarij sunt potentissimi: & abutuntur potentiâ ad opprimendam nostram innocentiam. Curarunt enim ut nos qui defendimus, qui istorum accusationi respondemus, priori loco diceremus.

Quare P. Quintus orat atq; obsecrat vos, ut se injurijs oppressum adjuvetis.

Imitatio istius exempli.

Sit Thema: an mulieres sint meliores.

Exordium habebit Ethopœian modestiæ & prudentiæ in oratorie, loquacitatis in adversario. Modestia describatur sententijs super presenti argumento, quæ exogitentur ex consideratione vel collatione nostri cum adversario, & nostri extenuatione item à cogitatione temporis & auditorum. Sit ergò prima sententia: Quæ res in omni controversia disceptanda maxime metui possunt, eæ contra me faciunt in hoc tempore: sententiæ scilicet: cui contradicis vulgaritas, & in adversario dicendi facultas &c.

Mea verò sententia abhorrere videtur à vulgi auribus, & ego etiam minus virium in me agnosco, ad eam defendendam.

Illud quoq; mihi accedit incommodum quod temporis vix satis habui, ut rem multis difficultatibus implicatam possem cognoscere.

Quæ quo plura sunt Auditores, eò vos meliori mente nostra verba audire oportebit: ut oneris hujus gravitate debilitata verecundia mea, vestra æquitate refringeretur.

Non eò hoc dico quo mihi veniat in dubium vestra in iudicando prudentia & facilitas. Sed primum hoc mihi nonnihil timoris creat, quod de vobis ipsis quodammodo judicare videbimini, quan-

2 Sententia

3.

4.

γνώμη.

5.

Imitatio.

2. Sentent.

3.

4.

5.

do de sexuum præstantia arbitrari jubemini.

ἡρώδης.

Omnes autem in ijs quæ ad nos pertinent causis non iniquum nobis iudicium facere videmur, si æquiores nobis ipsi quam alij iudices existamus.

6.

Porrò adversarius loquacitate suâ pessimè totam causam corripit, itaq; multa obiecit: Ut in his dissolvendis omne tempus mihi attributum infumendum, & laudibus fæminarum dicendis nullus locus relinquatur.

7.

Tot itaq; tantisq; difficultatibus affectus in vestra benevolentia omnem spem fixam atq; collocatam habeo. &c.

CAPUT IV.

Aliud Exemplum Ethopæias per Narrationem factorum.

Exemplum
alterum ex
Cicerone.

In eadem oratione pro Quintio Cicero eleganter pingit ingenium & mores Caij & Publij Quintiorum: Item Nevij. Illos describit simplices justos & patientes: Hunc fraudulentum. Ut sic verisimile fiat iudicibus istos ab hoc deceptos esse. Continentur autem hæc in Narratione: 1. Ponitur propositio. 2. Notatio. Propositio est gemina. Prima pars est laus Caij Quintij cum Ironica correctione e. g. Cajo Quintio est prudens, nisi in una re quando cum Nevio societatem iniit.

Secunda pars vituperatio Nevij cum ironia & simulatâ *μετανοία* e. g. Nam hic Nevius est vir bonus, sed non ita institutus, ut noster jura & officia.

Sequitur Notatio 1. pars à natura, fortunâ & arte: per *ἀγων ἡρώδης* e. g. Non quod ei ingenium desit: quia est facetus scurra: Sed quia pauperculus est, homo imperitus & loquaculus, ideo se contulit ad artes malas. 2. parte Quintius describitur humanus e. g. nihil lucri potuit ab ipso sperare Quintius: tamen propter familiaritatem eum socium sibi adjunxit rerum in Gallia comparatarum. 3. Pars describitur ingenium Nevij in hoc negotio vel societate à principio medio & fine: nempe avarum, plenum fraudibus & dolis, & iniquissimum.

In

In principio: Nevius in Galliam abiens, semper lucra domum suam sevocabat: hic fuit admodum diligens. Nolo omnia commemorare. Probatum hoc tribus noëmatibus: 1. locum non ingenium mutabat Nevius in Galliam profectus. 2. Semper ab adolescentulo quæstum sine impendio instituit: postquam ergo aliquid impendit, non potuit mediocri quæstu contentus esse. 3. Vocem venalem habuerat: igitur ea quæ acquisiverat voce voluit sibi valde esse lucrosa.

Sequitur Medium. Moritur Cæus Quintius, cui Nevius suspectus fuerat, quod non posset rationem reddere. Publius Quintius frater fit hæres. Erga hunc magnam simulat benevolentiam Nevius: Cum auctionari vellet Quintius æris alieni dissolvendi causa. Ut sic omnia huic crederet Quintius, quod putaret eum qui orationem bonorum imitaretur, facta quoque imitaturum. Postea cum pecunia solvenda esset, negat Nevius, se assem soluturum esse, nisi prius sibi de quibusdam, quæ fingeat, debitis ex societate caveretur. Ut sic in ipso articulo hominem opprimeret.

Finis. Tandem in jus itum est, de vadimonij actum. Sed dilata sunt vadimonia donec tandem abesset Quintius in Gallia. Hic Nevius impetravit per iniquitatem Prætoris, ut damnaretur Quintius, quod se iudicio non stitisset. &c.

Imitatio Ethopæias Ciceronianæ illius.

Depingatur homo ebrius & sobrius, 1. propositio. 2. Notatio ponentur. Ebrius appellabitur Cæus: sobrius Titius. aliàs humanissimus vir, sed in eo aliquantulum asperior semper visus est, quod Cæi familiaritate minus delectaretur. 2. Vituperatio Cæi. Nam hic sane est vir bonus, sed in eo infelicior, quod frequentissimâ siti vexatur. Notatio 1. pars à natura fortunâ & arte: per ἄρσιν καὶ θεσιν: non quod non possit suæ cupiditati imperare, nam patientissimè novit dolores ferre, quod nuper probavit, quando exhaustis in, nescio quo, tempestivo convivio multis trollis, tamen altero mane caput sibi dolere pernegavit. Quid igitur est? cum ei natura præter garrulitatem nihil dedisset, parentes autem nihil præter inopiam reliquissent: garrulitate ad artes adulatorias abusus est, inopia autem coactus est, ut nisi strenuè esurire vellet, noctu & interdiu in tabernis cerevisiarijs

Imitatio.

Titius.

habitare & pocula, precariò forbere cogeretur.

2. Notatur Titius frugi & simplex: Quare quod socium tibi velles eum adungere nihil erat: nisi ut ex tua pecunia comparares, unde perdendæ pecuniæ modum disceres. Tamen seductus hujus blanditijs ac callidissimâ probitatis simulatione Titius, hominem in aliquam familiaritatis partem recepit. 3. Negocium aliquod singulare, in cujus principio medio & fine extremè imprudentem se gessit Cajus. In principio e. g. Itaq; jam cum Titio quotidie morabatur Cajus: paulatim magis ac magis ad alia atq; alia nequitia & luxuriæ exempla istum invitabat.

3. Noëmata. Nam morum mutationem simulaverat, non fecerat. 2. Et qui ab adolescentulo etiam apud peregrinos nequitia minister fuisset, posteaquam nescio quod familiaritatis jus apud Titium sibi nactus esse videbatur, non mediocriter insanire aut impudens esse voluit. 3. Nec mirum si is qui voluptatum ministerijs aditum sibi ad Titium paraverat: Hunc jam istis artibus quodammodo occupatum, iisdem retinendum sibi esse putabat. Quia in re ita diligens erat, quasi cui magnâ fide hoc officium gerendum esset.

MEDIUM Cum menses complures à Cajo Titius ad omnem luxum abduceretur: cumq; ejus rei suspicio aliqua ad parentes delata esset: moritur tandem Titij parens: hæredem testamento reliquit omnium bonorum filium Titium: ut cui nomen familiæ ornandum committebatur: idem rerum agendarum nervis, ut vocant sive amplissimâ hæreditate juvaretur. Quo mortuo domum rediturus erat Titius, ut ipse rebus suis præsetter: quod diceret negligentius illas à peregrinis administrandas fore. Verum Cajus studiosissimè dissuasit ne æratulam immaturis istis sollicitudinibus maceraret, neve frater, nam illam secum necessitudinem ita temerè desereret &c.

CAPUT V.

Ethopæia cum figurâ brevior.

Ethopæiæ quæ per figuram sunt, vel mutatâ orationis formâ versitatâ quædam breviores sunt, quædam longiores. Breviores qualis est illa pro Quintio: ubi orator hoc argumento utitur: Non potuit ho-

Ethopæias figuratæ exemplum.

neſtè Nevius petere ut ſibi liceret bona Quintij poſſidere: quia hic iſti cognatus fuit. Hoc argumentum illuſtrat per Ethopæiam: qua docet Nevium ita eſſe improbum, ut ipſi hoc argumentum vel omnis honeſtas nullius momenti eſſe videatur.

Partes quatuor ſunt hujus Ethopæias. 1. κατὰςτοις vel præparatio per ſubjectionem. Quid ad hæc Nevjuſ? ridet ſcil: noſtram amentiam, quod in vitâ ſuâ rationem ſummi officiij deſideremus, & inſtituta bonorum virorum requiramus (& in hac ſubjectione dicitur ſumma vel exprimuntur mores Nevij oratione ſignificandi.)

2. Ipſa oratio Nevij: 1. ridet juſticiam: Quid mihi inquit cū iſtâ ſumma ſanctimoniâ ac diligentia? viderint iſta officia viri boni. 2. proſitetur fraudem. De me autem ita conſiderent: Non quid habeam ſed quibus rebus invenerim, quærant: quemadmodum natus & quo pacto educatus ſim memini: vetus eſt de ſcurra, multo facilius divitem, quam patremfamilias fieri poſſe.

3. Pars correctio. Hæc ille ſi verbis non audet re quidem verâ palam loquitur.

4. Pars αἰολογία fictæ Ethopæias. Etenim ſi vult virorum bonorum inſtituto vivere multa oportet diſcat atq; dediſcat, quorum illi ætati utrumq; difficile eſt.

Imitatio hujus Ethopæias adverſus Epicureos: qua poteſt ſubjci poſt adhortationem ad pietatem. e. g.

Simus pij & revereamur Deum: quia certè non ita procul abeſt dies ille extremus omnium, in quo univerſæ vitæ cogitationumq; ratio exigeretur. Vbi hoc argumentum multis propoſitum & explicatū fuerit: poterimus tandem Ethopæiam ſubjicere, qua impietatem & impios in odium adducamus.

Partes erunt quatuor. 1. Pars κατὰςτοις vel præparatio per ſubjectionem: in qua ſumma notabitur ſequentis orationis. Sed quid ad hæc noſtri homines, qui in luſtris & ganeis degunt? aut avaritiæ & ſœnerationi dediti ſunt: aut alijs deniq; nequitia & impietatis ſordibus volutantur? rident ſcilicet noſtram amentiam qui eò rem perducturos nos perſuaſum habeamus, ut ex noſtra vel divini verbi poti-

Falfa translatio que transfert culpam in neceſſitatē.

us sententia ipsis vitæ rationem instituere necessum sit: eademq; se nobiscum ridicula meticulositate torqueri velimus.

2. Pars ipsa oratio. 1. (Contemnunt fidem de ultimo iudicio.) Quid nobis, inquiunt, cum ista diei vel iudicii extremi ebuccinatione? Viderint ista quibus aut considerandi otium, aut illa prædicandi officium est. 2. (Profitentur mundanum studium:) Nostra autem hac potius sollicitudo sit non an cælum aliquando sit ruiturum, sed quo pacto dum cælum steterit, dumq; aliqua huius lucis usura fuerit nobis concessa, commode atq; ex sententia ætulam nostram transigamus.

3. (Pars Translatio falsa in necessitate.) Nos neminem qui ex ista vita altera, quam tam frequenter in ore habent prædicatores, reuersus sit meminimus. Et vetus est, ignorari illud ipsum iudicii extremi tempus. Quare cur non ignoramus potius quam quotidiano illius metu vexamur? 3. Correctio. Hæc illi si verbis non audent, re quidem vera palam loquuntur.

4. *αἰτιολογία* fictæ orationis illius. Etenim si verè iudicium extremum crederent, multa oporteret in vita mutare, quod ab ijs nullo modo fieri videmus.

CAPUT VI.

Ethopœia cum personâ verâ.

*Exemplum
Ethopœias,
cum personâ
verâ ex
Cicerone.*

Ethopœia prolixior aliquando sermonem attribuit veræ personæ, aliquando fictæ. Veræ personæ, exemplum est in oratione pro Milone. Ubi describitur Milo per Ethopœiam his 3. partibus: 1. secundum iustitiam vel patriæ amorem. 2. Per affectum, dolorem scilicet. 3. Per Notationem: 4. Secundum prudentiam. 5. Secundum animi magnitudinem.

Præmittitur *κατάμνησις*: me quidem, iudices, exanimant & interimunt ex voces Milonis quas assidue audio, & quibus interitum quotidie. 1. (Pars iustitia vel amor patriæ.) Valeant, inquit, valeant cives mei, sint incolumes, sint florentes, sint beati: ster hæc urbs præclara mihiq; patria charissima quoquo modo de me merita erit: tranquilla Rep. cives mei quoniam mihi cum illis non licet, sine me ipsi sed tamen per me perfruantur: ego cedam, atq; abibo: si mihi Repub.

*communi-
catio.*

boni

bonâ frui non licuerit, at carebo malâ: & quam primum tetigero bene moratam ac liberam civitatem, in ea conquiescam.

2. pars dolor. ô frustra, inquit, mei suscepti labores! ô Spes fallaces! ô cogitationes inanes meæ! Ego cum tribunus plebis oppressa Repub. me Senatui dedissem, quem extinctum acceperam: equitibus Romanis quorum vires erant debiles: bonis viris qui omnem authoritatem Clodianis armis abjecerant, mihi unquam bonorum præsidium defuturum putarem? Ego cum te (mecum enim sapissimè loquitur) patriæ reddidissem, mihi non futurum in patriâ putarem locum? Ubi nunc senatus est, quem secuti sumus? Ubi equites Romani illi, illi inquit, tui? Ubi studia municipiorum? Ubi Italiæ voces? ubi deniq; tua Marce Tulli quæ plurimis fuit auxilio vox & defensio? mihi ne ea soli, qui pro te toties morti me obtuli, nihil potest opitulari?

3. Pars Notatio personæ. Nec verò hæc, iudices, ut ego nunc flens sed hoc eodem loquitur vultu quo videtis.

4. Pars prudentia. Negat se ingratis civibus fecisse quod fecerit: timidis & omnia circumspicientibus pericula non negat. Plebem & infimam multitudinem quæ P. Clodio duce vestris fortune imminebant, eam quo tutior esset vita nostra se fecisse commemorat, ut non modo virtute flecteret, sed etiam tribus suis patrimonijs deliniret. Nec timet cum plebem muneribus placarit, vos conciliarit meritis in Remp. singularibus &c.

5. Animi magnitudo. De me, inquit, semper populus Romanus, omnes gentes loquentur, nulla unquam obmutescet vetustas: quia hoc tempore ipso, cum omnes à meis inimicis faces invidiæ meæ subijciantur, tamen omni in hominum catu gratijs agendis & gratulationibus habendis & omni sermone celebramur. Omitto Hetruriæ festos dies, & actos & institutos: Centesima lux est hæc ab interitu P. Clodij: & opinor ultra quam fines imperij Romani sint, non solum fama jam de illo sed etiam latitia peragravit. Quamobrem ubi corpus hoc sit, non inquit, laboro: quoniam omnibus in terris & jam versatur & semper habitabit nominis mei gloria. Hæc tu mecum his absentibus, sed iisdem audientibus hæc ego tecum Milo &c.

*His subi-
tur clau-
ula.*

CAPUT VII.

*Analysis huius exempli**Eadem Ethopœia per ὁμοιοπύγην explicata demum figurâ.*

Cicero in ista Ethopœia hunc scopum habuit: scilicet ut per mores Milonis persuaderet populo, hunc dignum esse qui isto iudicio absolvatur. Vis persuasionis hæc est: amans patriæ, calamitosus, prudens & magnificus, idemq; magni animi, certè est omni cōmiseratione dignus & iuvandus: Talis est Milo: E. &c. Propositio major non ponitur sed relinquitur ipsis auditoribus supplenda. Loco propositionis minoris ponit orator istas notas & characteres: quibus obliquè hoc insinuat, talem scilicet fuisse Milonem: scilicet ex oratione & gestibus illius: quod citra invidiam oratione directâ affirmari non poterat.

Simplex oratio hæc fuisset. 1. Milo est amans patriæ. Quia etiam si ingrati in ipsum existamus dum in exilium eijcimus, tamen benè nobis precatur: adeo nihil commovetur nostrâ injuriâ, ut à patriâ in patriam pietate nusquam abeat. 2. Quanquam sane gravissimè nonnunquam perturbatur, quoties maxima sua erga Remp. erga senatum: in equites, in plebem, in meipsum merita memoriâ recolligit.

Quod nunquam arbitratus est futurum esse, ut ita ab omnibus nobis destitueretur. 3. Interim tamen fori animo hæc perferre novit. 4. Milo omne patrimonium suum absumsit muneribus in plebem: ut horum animos deliniret & à turbis avocaret.

5. Animi magnitudo. Unicum ergo superest, quod hominem consolatur: nempe posteritatis memoria.

Quippe cum etiam nunc vivus gratissimâ famâ omnibus terrarum partibus celebretur.

CAPUT VIII.

*Præcepta inventionis duo.**Præcepta inventionis in his exēp.*

Primum: Cogitemus quos mores commodè possimus attribuerē isti personæ, quam volumus introductam: scilicet qui maxime ad rem præsentem opportuni sunt: e. g. Cicero vult persuadere, ut Milo in

lo in civitate retineatur & absolvatur à iudicio cædis Clodianæ. Fingit igitur Milonem patriæ & civium amantem: tum graviter perturbatum hoc imminentis exilij casu: sed magni animi virum constanter ferentem injurias, & optimè sibi conscium. Quia si talis verè creditus fuerit Milo omninò retinendum & non ejiciendum censebit, quisquis credet.

Secundum. Eos mores vel affectus ita exprimemus, si cogitemus regulas vel *νόμους* universales, quibus describitur officium & partes vel natura istorum morum & affectuum: & illas regulas in particulari hujus personæ orationi accommodemus, vel observari à personâ introductâ monstremus e. g. De viro justo, quatenus patriam amat hæc est Regula: Vir bonus & patriæ amans, etiam si injuriâ affectus sit ab eadem, tamen huic bene cupit. Hanc regulam accommodat Cicero orationi Milonis, in quo ista virtus vel justitia erat describenda: scilicet dum affingit Miloni verba, quibus bene cupit & precatur patriæ injuriâ ab eadem affectus. Ut sic auditor ex hac oratione intelligat, Milonem justum esse.

*Exempla
quatuor.*

2. Exemplum.

De viro forti injuriâ affecto Regula est, vel universalis experientia, scilicet viri fortes & benemeriti de alijs, ingratitude horum valde perturbantur: cogitant sua merita & conferunt cum his quæ passi sunt. Secundum hanc Regulam describit Cicero Milonem fortem virum, sed injuriâ affectum & propterea dolentem. Itaq; affingit illi verba mentis perturbata, præterea cogitantis merita sua.

3. Exemplum.

De viro potente & magnifico regula est, quod noverit populum tanquam beluam regere, & miros modos excogitare compescendi istorum tumultus. Verum eâ in re nullis parcat suis privatis opibus. Cicero descripturus Milonem talem, affingit hujusmodi orationem, in qua, fecisse se illa commemorat.

4. Exemplum.

De animi magnitudine Regula est; Animus magnus, nihil nisi unam virtutem & gloriam admiratur, reliqua omnia nihili facit, &

horum jacturam facilimè compensat istius saltem cogitatione. Cicero igitur descripturus Milonem virum animi magni: introducit gratulantem sibi de conscientia & gloria.

CAPUT IX.

Imitatio.

*Imitatio ex
empli illius
Ciceroniani*

Absolon describitur per Ethopæiam à Ioabo deprecante apud patrem, ut ille reductor ab exilio.

Ratio universalis inventionis. Describendus est Absolon ijs moribus & affectibus, quibus pater ad benevolentiam & gratiam erga filium reconcilietur, & commoveatur ad misericordiam, ut sic filium reductum velit.

Hi mores poterunt esse 1. pietas & benevolentia erga parentem in presenti facto declarata. 2. Dolor ex presenti calamitate. 3. Prudentia superioris vitæ. 4. Pietas in Deum super presenti facto.

1. p. Pietas.

Equidem lacrymas continere nequeo, quoties recordor ejus sermonis, quem nupero tempore mecum habebat Absolon quando proximè ex Gerar ab illo discedebam (Hic regula est vel *ἡ ῥυθμὸς* Pij filij est à parente puniti graviolem sentire offensionem patris, quam ipsam pœnam. Hanc regulam sic accommodare poterimus ad orationem Absolonis, e. g.) Vtinam, inquit, utinam mihi miserrimo in mentem venire potuisset, patrem meum charissimum istis insidijs peti, patrem istis armis circumveniri, patrem ista cæde percuti, quæ in fratrem perabatur: quoniam ita patri luctum acerbissimum creaturus eram, qui ipsi quidem omni morte violentior, mihi autem omni hoc exilio aut aliâ calamitate gravior accidit: quoniam ejus à quo ipse vitam acceperam, à quo diligi me videbam, ejus inquam vitam ita afflicturus eram, ut & vitæ meæ, & susceptæ erga me paternæ charitatis pœnitere jure me meritoq; deberem.

2. p. dolor.

Regula dolentes de admissio facinore, damnant suam stultitiam: & hic demum vident quantò rectius agere potuissent. Hoc sic exprimet Joab e. g. ô me in felicem, inquit, qui ad istas miseras natus sum, ô facinus meum pudendum, ô stolidam & importunam iracundiam. Ego cum jam ætate sapere didicissem, quam jam grandiusculam nactus eram: cum alijs jam consulere debuissim, quod mihi pa-

ter regnum propediem committendum promitteret: cum fratris erratum tam graviter ulciscendum putarem, qui infirmitate humanâ vitatus fuerat: Egone inquam, adeo graviter ipse delinquere in fratrem & parentem potui? ego cum id operam semper dederim, ut patri, à quo præ fratribus omnium maxima beneficia expectabam, etiam omnium filiorum charissimus essem: unquam metuere potuissem eò rem meâ stoliditate perventuram esse, ut apud eundem parentem in odio forem pessimo? Quis me stolidior, qui tamen visus mihi sum sic satis prudens? quis me ad alios regendos ineptior cum in me ipso regendo adeò parum potuerim? quis me iniquior, qui in fratris lapsu tam turpissimè se vij? quis me indignior, qui, non dico à parente tali, tam vehementi amore comprehendar, quo me ille, ille, inquam, meus olim complexus est, sed qui omninò cum parentem habeam, erga quem tam sceleratè ingratus extiterim. Notatio vel prosopographia ingestu. Neq; verò hæc, ut ego nunc, ficcis oculis loquebatur: sed uberimâ lacrymarum copiâ fluentibus.

3. Prudentia superioris vitæ per μετασχηματισμὸν i. e. mutationem figuræ. Regula: Prudentis hominis & maximè principis est ita se gerere: ut ab omnibus amore comprehendatur: Negabat enim, negabat se omnino dignum, non tantum qui regnet, sed qui vivat etiam: verum olim ante hunc infelicissimum casum ita se comparasse ut & vita & regno dignissimus esse videretur non negabat.

Patrem acerrimum in mores filiorum censorem studuisse se ait, ut non tantum nunquam offenderit, sed optimè sibi faventem paraverit: de populo & multitudine præterea nihil dubitabat, ne non quod iustorum patris de se iudiciorum nemo non conscius esset, horum etiam voluntates sibi adjunxerit. Procerum quidem regni erga se observantiam non esse obscuram: plebis verò eos sibi animos semper fuisse perspectos erga se, ut patre excepto neminem alium quam Absolonem sibi imperare maluerint. Addebat enim hæc, quæ certe verissima sunt, non esse aptos eos imperio, qui rationem conciliandi sibi subditorum animos nullam noverint: neq; eorum videri posse diuturnam potestatem, quam non summa populi voluntate initio consecuti sint &c.

4. Pars pietas in Deum vel penitentia. Regula: pius homo admissio aliquo delicto ita acerbissimè fert, peccatum suum, ut omnes

alias aliarum rerum jacturas præ Dei deperdita gratia nihili faciat: Sed tamen superius actam vitam prudenter institutam fuisse, tantum aberrat ut laudi suæ alicui duceret Absolôn, ut etiam graviolem inde doctorem conciperet, quod ea divinitus sibi concessa prudentiâ non usus fuisset, ad tantum scelus præcavendum. Meum, inquit, animum memoria istius funesti facinoris perpetuo exedens, nulla unquâ oblivione conquiescere à sceleratâ ista recordatione patietur. Quin hoc ipso tempore, cum mei reducendi, cum patre deinde etiam cum Deo reconciliandi spes à te facta est, tamen cogitatione paterni vultus, & sacrarum ararum, religiosissimi templi, quæ à me nequissimo homine adeunda sunt, vehementer perturbor. Annus jam est, ab illo proditorio convivio, & opinor amplius. Et tamen, quò inveterascit magis hic doloris in animo meo cruciatus, tantò majores & vehementiores vires sumit. Quamobrem quid de honorum meorum & dignitatis reparatione vel restitutione fiat, non, inquit, laboro: quoniam de illa animæ meæ cum Deo reconciliatione potissimum sollicitum me habeo.

Conclusio. Hæc ille mecum, te absente, ò rex serenissime, & quidem iisdem, nisi quod pluribus verbis &c.

CAPUT X.

Quid Josephus in carcere cogitaverit.

Aphthonius jubet in inventione respiciendum esse ad tria tempora: præsens, præteritum, & futurum. h. e. fortunam & infortuniam, omnemq; vitæ conditionem considerandam esse secundum hanc temporis differentiam. Cum quo præcepto si jungantur superiora, expeditior erit inventio: scilicet: ut in istis temporum fortunis quasi in tabula, oratione affecta tanquam coloribus, vera ac viva morum & affectuum imago exprimatur. Sit exemplum oratio Josephi in carcerem conclusi, qui conqueretur fortunas suas ex recordatione superioris vitæ primo: deinde ex cogitatione præsentis miserie: & demum ex metu ac spe futuri eventus: Scopus orationis esse poterit, ut ad misericordiam commoveat eos, ad quos querela ista relata fuerit. Quare & mores exprimendi huic scopo convenientes 1. ergo dolor exprime-
dus erit per recordationem insignis mutationis. 2. Pietas qua in ho-

Aliud exemplum de Josepho in carcere.

norem

norem Dei patienter omnia ista ferre promittit. 3. Prudentia: qua accuratè de causis judicat. 4. Mansuetudo qua hostibus suis ignoscit. 5. Fortitudo, qua summa confidentia lætum & salutarem eventum expectat.

Dubium non est quin miser ille Josephus, cum in carcere detineretur præ doloris magnitudine vix senserit ubinam, & quis esset. Postquam autem ad se redijt quid aliud quam hoc cogitare potuit? I. Pars dolor. Regula: Qui ex fortuna aliqua & conditione lautiori in infortunia recidunt, jam tunc bona sua quæ possederint, agnoscunt & ex eorum cogitatione vehementius affliguntur. O me infelicem, qui unquam homo natus sum! quippe cum ad tantas misérias perfectas natus sim: ô infelices parentes meos, qui tam jucundo mei amore perfruebantur! cum nunc ex mei amissione eò majori vexentur dolore. Quid prodest, quod locupletissimum parentem habeam, cum mihi extrema paupertas sentienda sit? quod delicatissimè educatus sim, cum nunc crudelissimè habear? quod tanta sit fratrum & familiæ meæ turba, cum horum potissimum perfidia in hanc calamitatem devolutus sim? ô dulcissima patria mea, Canaanis terra, majoribus nostris divinitus promissa! dolebone ita mihi tui usum ereptum esse? an potius gaudebo, etiam me indignum in te hujus lucis usuram accepisse? &c.

Non satis fuit hoc calamitatis, ut à fratribus è charissimi parentis complexu avellerer, pro mancipio venderer, nisi hæc squalidissimi carceris calamitas accessisset? Quæ enim poterit esse gravior pæna, quam ita me ex vivis ad mortuos, ab hominum conspectu ad hanc murium & viperarum societatem: à lucis & solis intuitu ad has densissimas tenebras relegari? Idq; nullo merito meo: imò per calumniam pestilentissimam, omnibusq; his intolerandis malis longè graviolem.

Et quis scit an non heri mei animus ab uxore ita exasperetur ut pro scelerato ad nefanda supplicia abripiar? II. pars, pietas. Regula, Deo debent pij eam obedientiam, ut quicquid ex divina illius manu obtigerit summâ animi lenitate sufferamus. III. Pars, prudentia. Regula: pij rectè noverunt judicare & prudenter de causis calamitatum 1. efficiente: scilicet directorem esse Deum: & non licere Diabolo ac mundo pro libitu in nos grassari 2. causa finalis est exploratio fidei nostræ

κατα-
σις.

Cogitatio
præteriti
temporis.

Cogitatio
rei præsen-
tis.

Cogitatio
rerum fu-
turarum.

& pa-

& patientiæ: item regeneratio in hac & futura vita. I.V. Pars, Fortitudo siue constantia fiduciæ. Regula: pij sunt eâ fiduciâ in Deum, ut de saluberrimo eventu calamitatum suarum nihil dubitent, scient in Dei manu omnia esse posita, hujus esse cælum & terram, & omnem gloriam eorû: & hunc distribuere ista pro voluntate benignâ suâ &c.

PROGYMNASMA DU- odecimum: Descriptio.

ΟΡΟΣ ΕΚΦΡΑΣΕΩΣ.

Εκφρασίς ἐστι λόγος περιηγηματικός, ὡς ὅτι ἄγων ἐναγὼς τὸ δηλημιενον. ἐκφραστὴν δὲ πρὸς ὧπα τε καὶ πᾶγματα, καίρους τε καὶ τόπους, ἀλογα ζῶα, καὶ πρὸς τέτοις φυτά. Πρὸς ὧπα μὲν, ὡς περ ὁμηροῦς, ἐν τῇ ὁδῷ εἰς τὸν εὐρυβάτην: γῆρας ἐπὶ ὧμασι μελάνχρονος. Πρὸς πᾶγματα δὲ, ὡς ναυμαχίας, καὶ περὶ μάχας, ὡς περ ὁ συγγραφεὺς. Καίρους ὅ, ὡς εἶας, καὶ θεροῦ φρεζῶν ὅποσα παρ' αὐτὰ τῶν ἀνθρώπων πρὸς ἐρχεται. Τόπους δὲ, ὡς αὐτὸς ὁ θουκυδίδης τὸν λιμένα τῶν θεσπρωτῶν εἰπε χερμέριον, καὶ περ ἔχει χήματος. Εκφράζοντας ὅ δὲ πρὸς ὧπα μὲν δὴ τὸ πᾶν τῶν ὧπ' αὐτῶν πλευτάδια ἵεναι, τῆς τε δὴ κεφαλῆς ὅτι πόδας. Πρὸς πᾶγματα ὅ δὴ τῶν πρὸς αὐτῶν τε, καὶ ἐν αὐτοῖς, καὶ ὅσα ἐκ τῶν ἐκείνων κεν Φιλῆ. Καίρους δὲ καὶ τόπους, ἐκ τῶν περιεχόντων. ὅ δὲ ἐκφραστὴν αἰσθῆσιν ἀπλᾶς, αἰσθῆσιν δὲ σιωπῆς γεγνημένας. Καὶ ἀπλᾶς μὲν, ὡς αἰσθῆσιν μάχας ἢ ναυμαχίας διεξέρχόμενας. Σιωπῆς γεγνημένας δὲ, ὡς αἰσθῆσιν πρὸς πᾶγματα καὶ καίρους, ὅσα συνάπτεσθαι, ὡς περ ὁ θουκυδίδης τὴν ἐν σκελίᾳ νυκτομαχίᾳ ἐκφράζει. Μετὰ ὅδ' τῆς μάχης ὅπως ἐπὶ ἀπῆστο, καὶ νυκτός ὅπως εἶχεν ὡρίσματο. ἐκφράζοντας δὲ δὴ τὸν τε χαρακτῆρα ἀναιμένον ἐκφέρειν, καὶ διαφορὰς ποικίλλειν τοῖς χήμασι, καὶ ὅσα συμμειδᾶται τὰ ἐκφραζόμενα πρὸς πᾶγματα.

Verba auctoris.

Descriptio.

Descriptio est Oratio circumducta ipsis penè oculis rem descri-
ptam subjiciens. Describi autem possunt personæ, negotia, tem-
pora, bestia, & demum stirpes. Personæ: Quemadmodum Home-
rus in Odyssæa Euribatem describit: incurvis humeris ater crispòq;
capillo. Res, ut prælia mari aut terrâ commissa, quæ ab Historicis
solent describi. Tempora. E. g. Si quis veris aut Æstatis amœnitatem
exponat, ut flores horum temporum quasi picti in oratione perspi-
antur. Loca, quemadmodum Thucydides hortum Theſprotarum
Chimerium Oratione descriptum exhibuit.

*Definitio
subjectum.*

In Personis describendis animum referre oportet & pertendere
à primis ad ultima, à capite ad pedes. In negotiorum autem descri-
ptione incipiendum est ab antecedentibus, progrediendum ad media,
& tandem ad ipsos Eventus veniendum.

Loca & Tempora repræsentantur, descriptis rebus quæ istis
continentur.

Sunt autem aliæ simplices, aliæ compositæ. Simples, ut si tan-
tum prælium describas sive navale, sive terrestre.

*Descriptio-
nes.*

Compositæ, ut si fortè præter negotium etiam tempus operosè
exprimas. Quod fecit Thucydides, quando describit prælium noctur-
num in Sicilia. Præter rem gestam enim etiam nocturnum tempus
artificiose descriptum exhibuit.

Oportet autem describentes oratione uti liberâ vel solutâ: vari-
etate tamen figurarum eam condire, & omninò se accommodare ad
naturam rerum describendarum.

PROGYMNASMA XII. DESCRIPTIO.

De hoc progymnasmate quinq; docet author.

1. Definitionem.
2. Subjectum, vel finem ϕ , vel quæ res descriptione illustren-
tur.
3. Locos vel unde in descriptione sumi potest materies.
4. Species.
5. Elocutionem.

De Primo.

Definitio.

Genus.

Differentia

Εκφρασίς ἐστὶ λόγος περιηγηματικὸς ὡς ὅψιν ἄγων ἐναεργὸς πὶ δηλούμενον. i. e. Descriptio est oratio circumducta ipsis penè oculis rem descriptam conspiciendam exhibens. Genus est oratio circumducta i. e. prolixè per ambages, partes & circumstantias exponens suum subjectum vel rem quam describit, Quod genus videtur habere hoc Progymnasma cum Narratione, item cum Laudatione & Vituperatione commune: quæ item sunt talis oratio circumducta, vel per circumstantias & partes, declarans rem vel subjectum. Differentia sumpta est à fine & sive à rebus quæ describendi subjecti causa afferuntur. Hæ sunt, partes & circumstantiæ subjecti tales, quæ subjectum ipsis penè oculis faciunt conspicuum i. e. quæ in oculos & sensus incurrunt, atq; in oratione comprehensæ atq; expressæ ita perspicue rem declarant atq; exponunt; ut quodammodo antè oculos picta videatur, & auditor ex sensu communi non audire tantum, sed quodammodo coram tueri se rem descriptam iudicet, e. g. si describam personam aliquam à forma & vestitu, ut Zoilum Martialis: Crine ruber, niger ore, brevis pede, lumine luscus.

Vel si describam prælium à partibus istis quæ in oculos incurrunt & sensum: vel afferam clamorem clangoremq; tubarum auditum, equorum fremitum, fumum & pulverem conspectum è concursu & bombardis, prostrata corpora, equos fugientes deiectis equitibus. Hæc differentia distinguit descriptionem à Narratione, quia in Narratione non has partes tantum, quæ oculos & sensum incurrant, & rem q. depingunt, persequimur, sed quaslibet alias, ut originem, naturam &c. Et in prælio describendo narro qui Duces affuerint, quæ causa belli, quot milites, quanta equitum vis, quantus peditum numerus &c. Nisi quatenus descriptio ornatus causa cum narratione conjungitur. Quibusdam enim circumstantiis licet adhibere descriptionem, quod supra docuimus in Narratione. Item distinguit hæc differentia descriptionem à laudatione & vituperatione: quia illius descriptionis hic finis est, ut res perspicue exponatur: At laudatio & vituperatio exponit vel describit ut laudem vel vituperationem inde concludat: Alioquin, re scilicet perspicua, non exprimit partes illas: præterea non has tantum persequitur sed quaslibet, sicut & Narratio.

DESCRIPTIO.

De Secundo Subjecto.

Subjectum vel finis ϕ sunt res quibus inservit vel adhibetur descriptio. Hæ quales sint author inductione ostendit.

I. Personæ sic possunt describi ut Zoilus à Martiale descriptus est. Et Mezentius 10. Æneid.

At vero ingentem quatens Mezentius hastam
Turbidus ingreditur campo: quam magnus Orion,
Cum pedes incedit medij per maxima Nerei
Stagna viam scindens humero supereminet undas;
Aut summis referens annosam montibus ornum,
Ingrediturq; solo & caput inter nubila condit.
Talis se vastis infert Mezentius armis &c.
ET Polyphemus 3. Æneid. describitur.
Ipsam inter pecudes vasta se mole moventem
Pastorem Polyphemum, & littora nota petentem,
Monstrum horrendum, informe, ingens, cui lumen ademptum.
Trunca manum pinus regit, & vestigia firmat:
Lanigeræ comitantur oves: ea sola voluptas,
Solamenq; mali de collo fistula pender &c.
Sic Silenus describitur 6. Eclog.

II. Res i. e. negotia vel actiones humanæ.

III. Tempora, ut Ver, æstas, dies, nox.

IV. Loca.

V. Animalia & stirpes. In genere subjectum descriptionis sunt omnes res practicæ, quæ hujusmodi partes habent in oculos & sensum incurrentes, ut sic oratione iisdem sensibus subijci possint. Practicæ res i. e. quæ in actionem cadunt, vel tanquam objecta, vel tanquam partes, vel tanquam instrumenta aut causæ, aut aliæ circumstantiæ vel accidentia. Quia de talibus practicis rebus instituitur omnis oratio oratoria. Quod autem partes illæ requirantur in oculos incurrentes: probatur: quia descriptio est talis oratio, partes hujusmodi describens, quæ igitur res habuerint ejusmodi partes poterint sic describi. Unde non tantum illæ enumeratæ res ab authore sunt subjectum descriptionis, sed etiam aliæ e. g. Substantiæ qualibet naturales etiam

*Subjectum:
vel res de-
scribenda.*

fulgura, imbres, venti &c. Item qualitates, ut frigora, æstus.

Ut plurimum autem in actionibus describendis occupantur auctores. Poetæ artificiosi sunt & prolixi in describendo res suas fictas: Ut Deos, Deorum consilia: Solis equos: Item personas istas fictas, famam, Harpyjas, sirenes &c.

De Tertio vel de Locis.

Loci.

1. personarum.

Locum 1.

Locos appello titulos vel indices, vel generales terminos quosdam, è quibus invenitur materies descriptionis vel prædicata, siue res quibus subiectum describitur. Locos enumerat author noster singulis rerum describendarum generibus proprios. Sic tria sunt genera locorum. Primum genus, Loci personarum, quibus scilicet indicatur ratio exco- gitandi materiam vel res quibus personam aliquam describas.

Hi sunt omnia in homine, à primis ad ultima, à capite ad pedes i. e. partes hominis quæ quidem in sensus incurrunt. Hæ debent cogitari, sic suppeditabunt materiam descriptionis. Harum. n. figura & forma est afferenda in descriptione vel omnium vel plurimarum.

2.

II. Item vestitus, & alia istis partibus accidentia possunt in descriptionem afferri, ut Polyphemo de collo fistula pender: Lanigeræ comitantur oves: Trunca manum pinus regit. Sileno. 6. Eclog.

Serta procul tantum capiti dilapsa jacebant
Et gravis attrita pendeat cantharus ansa.

2. Georg. Omnia secum Armentarius Afer agit tectumq; laremq;
Armaq;, Amyclæumq; canem, Cressamq; pharetram.

3.

III. Per hyperbolem aliquid affingitur, & describitur facultas aliqua, e. g. Camillæ celeritas vel facultas currendi.

7. Æne. Illa vel intactæ segetis per summa volaret
Gramina, nec teneras cursu læsisset aristas:
Vel mare per medium fluctu suspensa tumentis
Feret iter, celeres nec tingeret æquore plantas.

4.

IV. Aliquando ex singularibus actibus describitur facultas, ut peritia exercitiorum militarium ejusdem Camillæ.

11. Æne. Tela manu jam tum tenera puerilia torfit,
Et fundam tereti circum caput egit habena,

Strymoniamq; gruem, aut album deiecit olorem.

V. Ex judicijs hominum aliorum fiunt descriptiones 7. *Æneid.*
de eadem.

Illam omnis rectis, agrisq; effusa juvenus
Turbaq; miratur matrum, & prospectat euntem;
Attonitis inhians animis, &c.

VI. Ex similitudine, quia similia valde declarant rem. 4. *Æneid.* ubi describitur fuga Trojanorum, vel migratio à Didonis urbe, subiicitur similitudo:

Ac veluti ingentem formicæ farris acervum
Cum populant, hyemis memores, tectoq; reponunt:
It nigrum campis agmen prædamq; per herbas
Convectant calle angusto: pars grandia trudunt
Obnixæ, frumenta humeris, pars agmina cogunt:
Castigantq; moras: &c.

9. *Æneid.* Describitur Euryalus interfectus: viribus
ensis adactus

Transadigit costas & candida pectora rumpit.
Volvitur Euryalus letho; pulchrosq; per artus
It cruor, inq; humeros cervix collapsa recumbit:
Purpureus veluti cum flos succisus aratro
Languescit moriens: lassove papavera collo
Demisere caput, pluvia cum forte gravantur.

Alterum genus locorum, Loci rerum ex quibus invenitur materies, unde res sive negotia humana describantur.

Loci rerum

Hi loci sunt partes tres actionum τὰ πρῶτα πραγμάτων i. e. antecedentia. τὰ ἐν αὐτοῖς i. e. media vel præsentia vel ipsum principale negotium. τὰ ἐκ τῶν συνεπώντων i. e. consequentia vel eventus. Hæ partes diligenter sunt cogitandæ, in has distribuendum negotium, & ex his deligendæ quæ in sensus incurrunt, & hinc conficienda est descriptio. e. g. Si prælium describendum: Cogitanda primum sunt antecedentia quomodo altera pars læsa sit, altera conventu publico habito consultaverit de vindicta.

Deinde MEDIA sive quomodo utrinq; eductus exercitus, &

nimis pulchris armis præditus, quomodo concursus fit, reboante caelo, fracta tela, viri strati &c.

Demum consequentia, quomodo hostis impetu forti peditum aut equitum facto, primum loco pulsus, deinde in fugam conversus sit, postero die missi sunt legati qui pacem peterent velatis manibus, Quibus ritibus pax sit confirmata.

Loci temporum & locorum.

Tertium genus locorum, quibus tempora & loca describantur. Hic locus unus est τὰ περιέχοντα res contentæ, quarum aliæ sunt veræ partes temporum & locorum, aliæ accident: Et hæc quidem aliæ accident naturaliter aliæ civiliter, aliæ per fatum. Videatur supra Progym: secundum.

De brutis & stirpibus describendis non dat locos author, sed & hic & alias universaliter observari poterit, ut partes cuiusq; rei, Item quæ cuiq; rei adsunt vel insunt vel conjuncta sunt, ut hæc omnia inquam minutim dividantur, & singula describantur vel afferantur in descriptionem rei, quatenus & quomodo in sensus incurrunt.

De quarto videlicet speciebus.

Species.

Species duæ: Prima simplex descriptio, quando saltem una res describitur, ut persona vel actio aliqua, vel locus aliquis unus vel répus. Altera species est composita Descriptio quando res plures simul describuntur. Ut 4. Æneid. in venatione Didonis primo aurora describitur: Deinde apparatus: Tercio Regina & ministri. Quarto Equus. Item 9. Æneid. describitur classis Æneæ.

Elocutio.

De Quinto.

Character, inquit, author debet esse solutus i. e. elocutio debet esse libera. Quid autem sit libera vel soluta elocutio, supra in proximo progymnasmi: membro 3. diximus.

Exercitium.

Describatur exercitij causa Rusticus. 2. Miles. 3. Adolefcens vestitu ineptiens. 4. Anus. 5. Virgo &c. Et omnino omnium ordinum homines. 1. A corporis habitu. 2. A vestitu & reliquis. Item exerceri debemus in describendis per partes omnis generis negotijs humanis.

præ.

prælio, venatione, conventibus, consilijs ac deliberationibus. &c. Videatur secundum progym: secunda circumstantia. Colligere debent adolescentes ex poetis, historicis & alijs authoribus varias descriptiones locorum, temporum, operum naturalium & artificialium.



ΟΡΟΣ ΘΕΣΕΩΣ.

ΘΕΣΙΣ ὅτιν, ἐπίσκεψις λογικὴ θεωρημένης τινὸς πράγματος. Τῶν δὲ θέσεων, αἱ μὲν εἰσι πολιτικαί, αἱ δὲ θεωρητικαί. ἡ πολιτικαὶ μὲν, αἱ πράξιν ἔχουσαι πόλιν συνέχουσιν, οἷον, εἰ γαμητέον, εἰ πλευτέον, εἰ τειχιστέον. Ταῦτα γὰρ πάντα πόλιν συνέχει γινόμενα. Θεωρητικαὶ δὲ, αἱ μόνῳ τῷ νῷ θεωρούμεναι. οἷον, εἰ σφαιροειδὴς ὁ ἔρμης, εἰ κόσμοι πολλοὶ, ταῦτα δὲ εἰς πείραν μὲν ἀνθρώποις σὺν ἔρχεται, μόνῳ δὲ θεωρεῖται τῷ νῷ. Διενύωχε δὲ θέσις ὑποθέσεως, τῷ τὴν μὲν ὑποθεσὶν ἔχειν περίεστιν: τὴν δὲ θέσιν, ἀπερίεστον εἶναι. Περίεστις δὲ ὅτιν, πρὸς ὥπον, πρὸς ἄγμα, αἰλία καὶ ἄλῳπα. Οἷον τὸ μὲν, εἰ τειχιστέον, ἐπίσκεψις σὺν ἔχουσα πρὸς ὥπον; τὸ δὲ ἐπὶ ὄντων πρὸς ὥπον, Λακεδαιμόνιοι βλαβεύοντα τειχισαὶ τὸ πᾶρτην, ὑποθέσεις. Πρὸς ὥπον γὰρ ἔχει Λακεδαιμόνιος σκοπεύοντας: πρὸς ἄγμα δὲ τὸ τειχισθῆναι τὸ πᾶρτην: αἰλίαν δὲ, ἐπὶ ὄντας τὰς πέρας. Πρῶτον δὲ ἡ θέσις ἐν προσημασίᾳ, ἀντίθεσιν καὶ λύσιν, καὶ ζήτημα δέχεται. Διαρρίπτεται τοίνυν ἡ θέσις πρῶτον μὲν τῇ καλεσμένῃ ἐφόδῳ ὑπὸ ἀντὶ προνομίων ἐρεῖς, εἴτα χρῆσθαι τοῖς τελικοῖς κεφαλαίοις, νομίμῳ, δικαίῳ, συμφέροντι, δηνατῷ.

VERBA AUTHORIS.

Thesis est consideratio oratione exposita: h. e. Deliberatio de negotio aliquo per mentem cognoscibili. Aliæ autem Theses sunt politicae, aliæ Theoreticae. Politicae Theses appellantur quæ instituntur de actione aliqua ad Politicam vel vitam civilem pertinente. E. g. Sintne matrimonia celebranda? An navigatione sit utendum? An urbs aliqua moribus firmandi? Hæc enim pertinent ad vitam politicam

ticam & salutem Reipublicæ. Theoreticæ autem Theses appellantur, quæ solius speculationis causâ proponuntur. E. G. An sit cœli figura spherica? an sint plures mundi? Hæc sub humanum exercitium non cadunt; sed tantum mentis speculatione absolvuntur. Inter Thesin & Hypothesin hoc est discriminis: Hypothesis certis conclusa est circumstantiis: Thesis autem extra singulares circumstantias vagatur. Circumstantiam autem vocamus. e. g. Personam, negotium, causam &c. Theseos igitur erit Exemplum. e. g. Sint ne extruenda mœnia? Quia in hac deliberatione non habetur ratio ullius personæ. Sin verò quæras: An Lacedæmonij urbem suam munire debeant adversus imperum Persarum: Hic adsunt certæ personæ deliberantes, nempe Lacedæmonij: Est singulare negotium, nempe istius Spartanz urbis munitio. Demum est singularis causa, nempe imperus Persarum prohibendus. Hoc autem Progymnasma primum est, quod admittit in contentione objectionem & solutionem. Ità autem distribuitur: ut primum ponatur introitus, h. e. exordium. Deinde subiungantur capita illa usitata: Legitimum, Iustum, Utile facile &c.

PROGYMNASMA XIII. Θ Ε Σ Ι Σ.

De hoc progymnasmate 3. docet author.

- I. Quid sit vel definitionem.
- II. Distinctiones duas.
- III. Tractationem sive partes.

De Primo.

Definitio.

Θ ΕΙΣ ὅτιν ἐπίσκεψις λογικὴ θεωρημένης τινὸς πράξεως i. e. θέσις est consideratio oratione exposita h. e. deliberatio, negotij alicujus per mentem cognoscibilis.

Genus.

Genus est consideratio oratione exposita vel deliberatio. Est autem deliberatio ζήτησις vel inquisitio quædam, sitne res aliqua agenda vel non. Hujus finis & conclusio est electio: electione enim habita & certa sententia conclusa, finem habet deliberatio. Et electio-

onis

onis vel certum quid constituendi causa instituitur omnis deliberatio. Talis igitur inquisitio vel consideratio est *ῥέσις* h. e. deliberatio. Jam vel nobiscum soli deliberamus: vel alijs consilium damus quod fit oratione qua exponitur mens nostra, & rationes probandi. e. g. In suaderatione & dissuaditione, adhortatione & dehortatione, petitione &c. deliberamus cum alijs. Hujus generis deliberatio est *ῥέσις* scilicet oratione exposita, vel ad alium, sive alios instituta vel consultatio consilium &c.

Differentia generica.

Differentia specifica est *πράγμα θεωρούμενον*, scilicet objectum vel res in *ῥέσι* vel deliberatione hac tractanda. Hæc est *πράγμα* vel negotium, sive res in actionem cadens, quæ à nobis agi potest. Quod est objectum proprium deliberationis. Quia non deliberamus nisi de actionibus vel rebus quæ à nobis possunt agi, Non de cælo aut sole aut alijs rebus naturalibus. Deinde vox *θεωρούμενον*, restringit objectum generale. Quoniam non omnis deliberatio de actionibus vel negotijs, est *ῥέσις*, sed res illa deliberata sit *θεωρούμενη*, efficitur *ῥέσις*. *Θεωρούμενη* autem i. e. mente cognoscibilis h. e. universalis, quia universalis sunt, quæ mente cognoscuntur. Singularum cognitio penes sensum est, si igitur res per deliberationem considerata, vel subjectum quæstionis fuerit universale, erit *ῥέσις*, e. g. An sit ducenda uxor; An fures sint suspensio puniendi; An Monarchia sit præ reliquis formis Reipubl: expetenda. Sin non fuerit universale, sed singulare aliud genus deliberationis erit non *ῥέσις*. e. g. Num Antonius ducere debuerit uxorem Cleopatram. Et Salomon filiam regis Egyptij, &c.

Differentia specifica.

De Secundo.

Distinctionibus scilicet duabus. Distinctio prima est homonymia: Aliæ Theses inquit author sunt Politicæ, aliæ theoreticæ i. e. dupliciter usurpatur hæc vox thesis. Aliquando dicitur de quæstionibus politicis sive practicis: sic Rhetores usurpant & appellant thesin deliberationem vel quæstionem hujusmodi ad deliberandum vel consultandum propositam super re aliqua universali politica seu practica. Aliquando autem thesis dicitur de quæstione speculationis vel exercitationis vel collocationis philosophicæ causa proposita: quales sunt quæstiones de cælo, quæ figuræ sit cælum, An sint plures mundi, & de

Distinctio.

alijs similibus rebus naturalibus; quæ εἰς πείραν ἀνθρώποις ὄντι ἐρχέσθαι
i. e. quæ non cadunt sub exercitium humanum h. e. non sunt ab ho-
minibus; Imo de rebus non tantum naturalibus sed reliquis etiam de
quibus querere solent Philosophi. In hac posteriori significatione
notus est hujus vocabuli usus in scholis, jam ab Aristotelis usque ætate qui
i. Top. c. 9. notat thesin proprie philosophis dici sententiam vel pro-
positionem nobilis cujusque philosophi a communibus opinionibus ab-
horrentem. Postea generaliter usurpari capram vocem, pro quolibet
problemate vel questione ad disputandum & philosophandum pro-
posita. In prima autem significatione thesin pro tempore accipimus,
quia hæc progymnasmata oratoriæ initia sunt, itaque cum oratoribus
loquendum nobis nunc est. Altera distinctio indicat discrimen inter
thesin & speciem alteram deliberationis vel consultationis oratoriæ
hypothesin. Omnis enim deliberatio fit vel in Thesi vel in
hypothesi. Differunt autem quantitate subjecti. Thesis est deli-
beratio de questione universali, est ἀπερίωτος i. e. caret circumstan-
tijs, ut an bellum sit gerendum? Hypothesis habet περίωτον vel cir-
cumstantiam i. e. deliberationem de questione vel negotio singulari,
e. g. An Germani contra Turcam debeant bellum gerere: & hoc qui-
dem tempore. Oratores habent quoddam præceptum de amplifican-
da oratione, quod vocant transferre hypothesin ad thesin, quod sic
intelligendum est. Hypothesis est deliberatio particularis. In hujus
tractatione facit ad amplitudinem orationis, si digrediamur in Thesin,
i. e. universalem deliberationem. Quæ hic est q. locus communis &
major propositio. e. g. Si deliberetur, num contra Turcam hoc tem-
pore bellum gerendum sit? est hypothesis. Hic avocanda est questio
& digrediendum in tractatione ad ipsum genus i. e. dicendum univer-
saliter de bello contra Turcam. Item in genere de bello, & patriæ de-
fensione.

De Tercio vel partibus θέσεως.

Partes.

Duo monet author. Primum de parte quadam accessoria, vel
huic progymnasmati propria quodammodo. Alterum de partibus
communibus vel usitatis etiam in reliquis Progymnasmatis.

Pars accessoria illa est ἀντίθεσις καὶ λύσις, objectum & hujus so-

lutio.

*Distinctio 2
inter thesin
& hypothe-
sin.*

*Quid sit
transferre
hypothesin
ad thesin.*

lutio. Hoc autem progymnasma thesis, primum est inter reliqua quod objectionem admittat, inquit author. Quod ita intelligendum est, non quod reliquæ partes & elementa Rhetorices, Narratio, sententia, locus communis, laudatio, vituperatio &c. respuant: sed quod in thesi tractanda frequentior objectionis usus sit. Unde in his exercitijs ad hoc usq; progymnasma reservata est ab authore objectionis mentio.

Est autem obiectio vel Antithesis idem quod ἐνστασις five instantia vel propositio, unde concluditur contra thesin nostram vel etiam rationes hujus e. g. Si sit θῆσις vel θέμα ad declamandum propositum, conjugium est ineundum, & ratio inter alias, quia aliàs quomodo natura & humanum genus conservari posset? Instantia vel obiectum erunt quæcunq; rationes persuadent, conjugium non esse ineundum, forsan quia molestum: aut quia sic magis res divina curari potest, si in vita cælibe vivas &c. Item Instantia contra illam rationem θῆσεως erit, quæ concludet contra illam, vel illam infirmabit. e. g. Multi vixerunt hætenus & magni viri extra conjugium & tamen genus humanum conservatum est.

Has objectiones in discursu oratorio solent afferre & sibi ipsis objicere oratores, postea solvere. Assumunt autem primum ex oratione adversarij, vel eius qui ab ipsis dissentit. 2. Ex communibus hominum opinionibus, eas scilicet quæ communiter & vulgò solent contra thesin præsentem objici: & sic in mentem venire possunt auditoribus, adeoq; impedire quo minus nobiscum sentiant. Præter has non sunt sollicitè conquirendæ aut subtiliter excogitandæ aliæ oppositæ rationes.

Cur objectionis in θῆσι vel deliberatione potissimum usus sit, causa videtur esse. 1. Quod in deliberatione adversarium habeamus. 2. Auditorum agitur negotium, ideoq; sollicitè rem in partem utrâq; cogitant: Inde fit ut quæ in partem contrariam auditori animum movere possint i. e. objectiones, vel oppositam sententiam persuadentes rationes, studiose ex animo auditoris sint evellendæ.

De partibus communibus vel usitatis res facilis est. Primum ponenda est ἐξοδος ingressus, i. e. exordium, quod quomodo & unde efficiendum sit supra in Prog: quinto & sexto dictum est.

Obiectio.

Unde sumatur obiectio

Cur objectionis in thesi usus.

Partes communes.

Deinde rationes persuadendi subjungantur: his immisceantur passim objectiones: post rationes illas tractatas & stabilitas. Loci autem unde inveniuntur rationes probandi, ponuntur ab autore: legitimum, justum, utile, possibile: adde verisimile, perspicuum, consequens, decorum, jucundum, facile, necessarium &c. Item horum contraria. Et consule locos progymnasmatum s. 6. & septimi. His subjungendus est epilogus.

Exercitium.

Adhortatio ad Sobrietatem.

Exordium ex locis s. & 6. progym: datis, potest sumi. e. g. 1. Dicatur summa, animus mihi est commendare vobis sobrietatem. 2. Attentionis causa commendetur hæc virtus. Valde illustris est, plurimæ utilitatis, maximæ necessitatis, ornamentum & corona reliquarum, tum rarissima his seculis. 3. Partitio dicendorum. Dicam primo de dignitate hujus virtutis. Secundo, De utilitate & necessitate.

Confirmatio. Locus primus à decoro. 1. Est prudentiæ sobrietati studere: non tam quod prudentia omnium virtutum mater quæ quod peculiari ratione quadam in homine sobrio apparet prudentia. Cum enim vulgi multitudo affectibus fræna remittens pecudum instar turpibus voluptatibus volutetur, homo sobrius prudentiam & rationis vim ea in re egregie probat, dum ab istorum moribus segregat se, affectibus fræna iniecit, honeste potius quam secundum pravam consuetudinem vivere vult. 2. Pertinet ad Theologiam hæc virtus sive in sacris literis multis modis commendatur. 3. Monstretur ad quas virtutes Christianas pertineat sobrietas: In sexto præcepto habet fundamentum, est quædam castitas & fons castitatis ac conservatrix: qui sobrie vivunt non præbent scandalum sunt pii, possunt sic officium facere rectius. 4. Monstretur ad quas virtutes Ethicas pertineat sobrietas. 3. Pars est temperantiæ. Deinde reliquarum virtutum quædam imagines in sobrietate apparent, ut fortitudo: & hic fiat allegoria, voluptates dicantur hostes, & prosterni ac vinci, & in triumphum duci &c.

Locus Secundus altera orationis pars, utilitas & necessitas hujus

virtu-

virtutis. Fiat inductio ex partibus utilitatis sive bonorum generibus & efficiendi modis supra in 5, & 6. progym: expositis.

Epilogus. 1. Repetat summam dictorum. 2. Invehatur in pessi-
mos mores nostræ ætatis qua sobrietas contemptui est, possim luxui
datur opéra, quod indignum est audire de hominibus Christianis.
Hinc etiam tot calamitates in caput nostrum accersimus.

Exercitia alia.

Scribantur exercitij causa hæc theses. 1. Deliberationes de ne-
gotijs politicis, ut adhortatio ad bellum inferendum, propulsandum,
continuandum, finiendum.

Dehortatio de iisdem. Adhortatio ad pacem petendam & de-
ditionem.

Petitio pacis supplex. Deliberatio de ædificandis muris, arcibus,
propugnaculis, turribus, suburbiiis clâssibus, templis, nosocomi-
is, vijs, theatris, foris &c. Deliberatio de ærario instituendo & locu-
pletando, tributis exigendis. Deliberatio de conservandis ordinum
distinctionibus, vel num familia nobiles cum plebeis sint per matri-
monium confundendæ. Deliberatio de conservandis singulorum
ordinum privilegij, principum, nobilium, literatorum, artificum,
mercatorum, nautarum, agricularum & reliq; plebis. Deliberatio
an ordines sint distinguendi vestitu & habitu. Deliberatio de forma
Reipubl. constituenda: num Monarchia, an Dèmoncratia, an Aristo-
cratia melior sit. Deliberatio principatus & adhortatio ad suscipien-
dum imperium. Petitio imperij, recusatio.

Dehortatio à Tyrannide. Commendatio principatus vel ad-
hortatio, ut princeps faciat officium. Adhortatio ut princeps vel ma-
gistratus religionis synceritatem tueatur: Magistratum suum con-
servet, habeat manus ac oculos continentes, habeat rationem fisci &
parsimonix: caveat ab adulatoribus: non facile promittat, promissa
constanter servet. Deliberatio de legibus ferendis & abrogandis, de
educatione puerorum atq; institutione.

De scholis instituendis, advocandis doctõribus, stipendijs de-
cernendis, ædificandis Lycæis &c. De privilegij studiosorum &c.

II. Deliberationes de negotijs privatis.

Adhortatio ad periculum adeundum. 2. Adhortatio in periculo præfenti. 3. Consolatio in luctu. 4. Adhortatio ad fortiter occumbendum. 5. Ad aggrediendum hostem. 6. Ad conscendendum murum & alia facinora. 7. Dehortatio ab ignavia. 8. A temerarijs periculis, grassationibus nocturnis. 9. Adhortatio ad temperantiam. 10. Dehortatio à gula & vitæ turpitudine. Et sic reliquarum virtutum ac vitiorum moralium actiones possumus persequi, & sunt illæ materies deliberationum vel thesium. 11. Adhortatio ad prudentiam comparandam. 12. Adhortatio ad experientiam rerum variarum comparandam, per perigrinationes & conversationem cum doctis. 13. Adhortatio ad parumoniā in collocandis studiis sumtibus: coemendis libris. 14. Deliberatio de certo artium genere discendo. 15. Adhortatio ad studium eloquentiæ: studium Theologiæ, Juris, Medicinæ, Philosophiæ, Mathematicæ, historiæ, linguarum &c. 16. Adhortatio ad pietatem. 17. Dehortatio ab impietate, & vitæ impænitentia. 18. Adhortatio ad dilectionem Dei, veram agnitionem &c. 19. Dehortatio ab hæresi certa ut Calviniana declinanda. &c.



ΝΟΜΟΤΕΙΣΦΟΡΑ.

Καὶ τὴν εἰσφορὰν τῶν νόμων, ἵνα δὲ εἶναι δαδῶκασι γυμνασία, οὗ μὲν γὰρ χεδὸν ὅλη ὑποθέσις, & μὴ ἀπαντα σώζει τὰ τῆς ὑποθέσεως. εἰσάγεται μὲν γὰρ ἐν αὐτῇ πρὸς σωπόν, & μὴ ἐφ' ἀπαντα γινώσκον. ὅθεν θέσεως μὲν ὅτι μᾶλλον ἤτιον δὲ ὑποθέσεως. οὗ μὲν γὰρ ὅλως χήματος δέχεται πρὸς σωπόν, ὑπερεβαίνει τὴν θέσιν, διὸν ὅτι σαφὴ μὴ σώζει τὴν περίεσιν, ὑποθέσεως λείπεται. Νόμος πάλιν ὅτι εἰσφορὰ, διὰ τὴν γυμνασίαν, σωτηροῦ καὶ κατηγορίας νόμου περὶ τῆς. ὅτι ὁ νόμος εὐχρημα μὲν καὶ δῶρον θεῶν, κοινὴ ὅτι σωτὴρ πόλεως, ἐπανόρθωσις ὅτι πλημμελημάτων τῶν εἰς αἰμφότερα. καὶ ἡ μὲν διαίρεσις αὐτῆς τῆς εἰσφορᾶς τῶν νόμων. ἐργασία ὅτι αὐτὴν κεφαλαιώσας.

οἷς καὶ τὴν πραγματικὴν, νομίμω, δικαίω, συμφέροντι, διωατῶ. προγοί-
μα ἢ ἥσεις, καὶ μετὰ τὰ προγοίμα, τὸ κεκλημένον ἐναντίον. εἴτα
χρήσῃ τοῖς προσηρημένοις κεφαλαίοις. ὅθεν καὶ ταύτη διώεγχε
ῆσεως.

LEGUMLATIO.

Legumlationem quoq; quidam inter Progymnasmata retulerunt.
Est autem hæc ferè Hypothesis quædam, quanquam non omnes
seruet hypotheseos condiciones. Nam etiam hic introducitur Perso-
na: verum non planè nota. Quare potius ad Thesin referenda quam
ad Hypothesin. Quatenus enim Personæ etiam rationem habet, ha-
ctenus à Thesi discedit. Quatenus autem non manifestè exprimit
Personam, hæctenus quiddam ab Hypothesi dissimile habet. Duo-
bus autem modis institui potest Legumlatio. 1. Ut instituatur de-
fensio Legis. 2. Ut suscipiatur Legis accusatio. Est verò Lex inven-
tum & beneficium Dei, & publicum quasi civitatis pactum & corre-
ctio vel prohibitio delictorum in quamcunq; partem. Et his quidem
modis Legislatio dividitur. Describitur autem iisdem partibus, qui-
bus explicatur Thesis: nempe probatur ex legitimo, utili, facili.

Præmittitur Exordium: postea Contrarium subjungitur. De-
inde capita illa probationis. Ut & hac in parte discrimen quoddam
inter Thesin & Legumlationem existat.

PROGYMNASMA XIV.

Legislatio.

De hoc Progymnasmate tria docet Author.

- I. Quid sit.
- II. Divisionem.
- III. Tractationem.

DE PRIMO.

UT explicet Author quid sit legislatio, duo dicit. 1. Esse progymna-
ma. 2. Conferat cum hypothesi & thesi. Quando dicit legislatio-
nem esse progymnasma, definit genere communiori & relato. Pro-
gymna-

Definitio.
Genus.

gymnasma i. e. exercitium eloquentiæ: & partem quandam Rhetorices leviolem ac faciliorem, in qua scribenda possunt exerceri eloquentiæ studiosi, tanquam in quibusdam initijs oratoriæ facultatis. Ait autem Author, quosdam hoc dicere scilicet artifices vel Rhetores. Quidam enim dissenserunt, quod putarent legislationem esse virium majorum & perfectioris facultatis, quam ut ab adolescente & eloquentiæ tyrone, exigij ejus scriptio possit. Quippe cum legislatio, vel oratio de legibus ferendis aut abrogandis instituat ad universam multitudinem, civitatem, populum: hos autē Oratione regere, atq; inflectere ad tuam sententiam, non videtur esse nisi perfectissimi oratoris.

*Differentia
quæ differt
à thesi.*

Verum etiam hic ostendi quadam initia possunt Eg, de partibus Orationis hujusmodi: de locis argumentorum & rationum. Collatio legumlationis cum hypothesi & thesi hujusmodi est: Primum cum hypothesi quædam habet communia legumlatio quædam etiam propria. Communis est hypothesi cum legumlatione persona, scilicet concurrens indeliberatione vel de qua dicendum est indeliberatione, & cujus mentio restringit quæstionem ut sit quodammodo quæstio particularis.

Hæc persona qualis sit non meninit Author. Potest autem esse primum persona Authoris vel ejus qui scripsit legem. 2. Potest esse persona populi vel eorum quibus fertur & ponitur lex. Persona authoris Eg, si quis velit persuadere populo ut recipiant legem. Pirræi Philosophi, quod ebrij duplici pæna afficiendi sunt. Aut si Julius Cæsar volens legem ferre de adulterorum pænis: afferet persuadendi causa, commendationem suæ persona, quam sollicitus sit de Reipubl: constitutione. Quodq; populus Romanus hanc sibi potestatem concesserit leges condendi, & salubribus constitutionibus communi Reip. salutem providendi. Et hæc persona authoris dico, videtur in omni legumlatione requiri: quoniam leges etiam optimæ si non sint à legitima potestate profectæ, inde repudiantur. Quare in legumlatione videtur pars deliberationis & quæstionis esse: nam persona & authoritas legumlatotris sit legitima. PERSONA populi item in hac deliberatione attenditur, quando consultatur de lege ferenda, nam hujus status considerandus, libertas, privilegia, finis, partes: vel num commodum reip. futuræ sint ferendæ leges. Et sic in legislatione non universaliter quæ-

vitur sit ne lex ferenda vel etiam hæc lex Eg, Julij Cæsaris de adulterijs sed particulariter quaritur, num hæc lex, hujus authoris, huic populo ferenda sit. Quod legislatio cum hypothesi habet commune Quoniam hypothesi item est hujusmodi deliberatio de quaestione particulari ut in proximo superiori progymnasmate dictum, membro secundo. Proprium habet legislatio quo distinguitur ab hypothesi, quod persona hic in legislatione non est *ἡμέτερον* aut *συνήδες* id est nota, perspicua, certa. Intelligitur autem persona populi cui quidem universo feruntur leges, ut universi obligati sint & uti possint. Sed non omnes sunt ea conditione aut habent potestatem proximam ut uti possint. Illis igitur qui sunt ea conditione vel habent potestatem proximam ut uti possint principaliter videtur Lex ferri Eg: lex de adulterijs quæ statuit pœnam adulterio irrogandam. Hujus legis usus est universaliter contra omnes cives potestate remota, quatenus omnes divisim possunt fieri adulteri. Proprie autem pertinet ad istum lex & hujus usus, qui est adulter actus. Item ad illum cujus conjugium adulterio violatum, hic enim secundum istam legem potest persequi adulterum. Hi autem qui potestate proxima uti lege possunt & quibus principaliter fertur lex sunt persona incerta, ignota, secundum Individuum signatum: & ita fertur lex: quisquis: & si quis &c. Quia ignoti sunt, qui possint potestate proxima uti lege. Hoc nunc differens habet legislatio ab hypothesi. Quia in legislatione hujusmodi individuum vagum fere semper adest. In hypothesi autem, persona certa vel individuum signatum est. Eg. Si Mecænas deliberat cum Augusto sit ne ab ipso Resp. Romana in Monarchiam redigenda, vel sit ne ab ipso occupandum imperium Romanum.

*Differentia
quæ differt
ab hypothe-
si.*

**DE COLLATIONE LEGUMLATIONIS
cum Thesi.**

In hac collatione proprium habet legislatio personam. Commune autem cum thesi, generalitatem illam, quod circumstantiæ non attenduntur in thesi aut legumlatione, Personarum discrimina, temporis, loci &c. Lex enim generalis & universalis est Eg. adulter puniatur. Nisi quod hic persona concurrat in legumlatione, sed illa item generalior quam in hypothesi. Colligi hic potest definitio quid scilicet

*Colligitur
definitio.*

cet sit legumlatio. 1. Quia communem naturam habet cum Thesi & hypothesi: erit igitur deliberatio quædam. 2. Quia differt à thesi & hypothesi erit distincta species & distinguetur subiecto ab illis proprio, vel medio h. e. Individuo vago vel rebus ad certos quidem sed non singulares homines pertinentibus. Sed perspicuitatis causa propius ac specialius objectum assignari debet. Lex scilicet. Legislatio igitur erit deliberatio de ratione instituendi publicæ authoritate eaque ad rempublicam & mores civium pertinent. GENUS est deliberatio. Differentia ratio constituendi. &c.

DE SECUNDO.

Deliberatio hæc de legibus ferendis duplex est, à duplici fine: potest enim alius defendere legem ferendam, alius repudiare. Hinc duplex est legumlatio, vel duæ hujus progymnasmatismatis partes. Prima pars appellatur *συνηγορία* patrociniū vel defensio legis. Cujus usus est 1. in lege roganda novā 2. in Vetere lege confirmanda & stabilienda, & retinenda contra hujus abrogatores & desuetudinem authoritate. Altera pars appellatur *κατηγορία* accusatio legis. Hujus item generis est usus duplex. Primus in oppugnanda nova lege, & impediendo ne illa feratur. Secundus in abroganda & abolenda antiqua aliqua lege. Hic inserit author definitionem legis: quam definit populariter. Genus est causa inventrix. Et illa quidem duplex. Prima universalis. Deus scilicet causa omnium bonorum humanorum. Secunda, causa propria, nempe civitatis vel civium vel Reipublicæ consensus. Differentia sumpta est a fine legum, nempe prohibitio delictorum vel morum malorum. Sed hic finis medius saltem est. Ultimus finis cur leges ferantur est honestas & salus Reipublicæ. Aristoteles in Rhetoricā ad Alexandrum Cap. 1. ab hoc fine describit legem. *ὁ νόμος ὅτι λόγος ὡρισμένος κατ' ὁμολογίαν κοινῇ πόλεως, μὴνὼν πῶς δεῖ πράττειν ἕκαστον.* Lex est ratio communi Reipublicæ consensu constituta, præscribens quo quodque pacto agendum sit.

Quid Lex.

DE TERTIO SIVE TRACTATIO.

Tractatio hic eadem est quæ in Thesi. Nimirum partes hæc scilicet: Exordium, Demonstratio, Epilogus. Et demonstratio habet hic eosdem

eosdem locos probandi nempè legitimū, justum. &c. Nisi quod hic contrarium inferitur: ut inquit Author. Contrarium i.e. adversaria sententia ponitur & refutatur. Quod tamen etiam in thesi fieri poterit: maxime cum hujus instantiæ tractentur & solvantur quæ sunt rationes probandi contrarium.

EXERCITIUM.

Minoris usus est hoc progymnasma quod nunc certis utamur legibus & præscriptis. Exercitii causa poterit tractari prolixius oratio M. Catonis pro lege Appia contra muliercularum luxuriam ex Liv. lib. 34. & opposita oratio L. Valerij ibidem. Item aliæ deliberationes multæ super Legibus ferendis ex historia Romana.



DE AMPLIFICATIONE IN- stituenda Progymnasma XV. accessorium.

CAPUT I.

Agitur 1. de ambiguitate vocabuli 2. quid sit amplificatio propriè sic dicta.

DE PRIMO.

Amplificationis vocabulo aliter vulgò, aliter oratores utuntur. Vulgò ita ut idem significet hac voce quod alias appellant artifices copiam verborum & sententiarum. Nam si quando sententiam unam aliquam in multitudinem aliquam verborum aut rerum effundendam quasi & extendendam esse præcipere volunt, amplificare illam jubent. Dilatate & copiose efferre, & expolire hoc potius dicerent Rhetores. Ipsamq; eam operam ita dilatandæ orationis expolitionem, aut diductionem, aut dilatationem, aut similibus vocabulis, ex consuetudine artificum potius quam amplificationem appellari posse censeo.

DE SECUNDO.

Amplificatio *αυξησης* est methodus Rhetorica demonstrandi rei notæ alicujus magnitudinem opinione auditorum aut vulgari longè majorem. Idq; affectus alicujus vel commotionis in animis auditorum succendendæ causa. Genus est methodus rhetorica: Methodus i. e. artificiosa quædam ratio: vel peritia quædam sive animi facultas, perfecta sive ornata observationibus artificum h. e. in eodem genere peritorum. Est Rhetorica methodus i. e. pars Rhetoricæ vel pertinens ad oratoriam facultatem, vel talis facultas quam reperiatur in oratoribus excellentibus. Et sine qua nemo est appellandus orator, præsertim excellens & insignis.

Differentia triplex est: vel una potius trium partium: nempe ab opere amplificationis proprio. Omne enim instrumentum ab opere suo est definiendum. Opus illud hujus methodi est: Demonstratio vel probatio. Secundò. Non est quælibet probatio: cujusmodi ergo? Quæ est vel sit de re notæ: de qua verò demonstratur. quod sit major quam vulgò creditur. Itaq; duplex conditio est rei amplificandæ vel per amplificationem demonstrandæ. 1. Quod debet esse nota. 2. Quod debet demonstrari de ea magnitudo quædam sua.

Nota autem debet esse scilicet secundum rem gestam vel rei veritatem. Rursum nota debet esse vel sponte sua absq; oratoris operâ: vel ut saltem in narratione & confirmatione prius doceatur res quam adhibeatur amplificatio.

CAPUT II.

1. Dicta exemplo declarantur. 2. Enumerantur quatuor species Amplificationis.

DE PRIMO.

E. G. Volo amplificare historiam filix lactantis matrem in carcere. Hic tria sunt in hac historia. 1. Ipsa res gesta. 2. veritas rei gestæ. 3. Magnitudo rei gestæ sive quod hoc factum sit valde mirabile, insigniter pium, raræ virtutis omnibus modis commendandum. primum sive res gesta, exponitur per narrationem simplicem.

Alterum sive veritas rei gestæ, si qua forte incidat dubitatio, de-

monstra.

monstratur per confirmationem. Tertium sive magnitudo rei gestæ tandem expeditur & demonstratur per amplificationem.

DE SECUNDO.

Amplificationis genera vel instrumenta alij aliter numerant: optimè ille, ut videtur, qui quinque ea facit ut primum Genus vel instrumentum sit comparatio: Secundum conglobatio: Tertium congeries: Quartum Ratiocinatio: Quintum ordinis digestio.

Quæ singula quid sint & quis usus eorum nunc porro explicandum est.

CAPUT III.

1. Quid sit comparatio & quotuplex. 2. Quæ partes in comparatione. 3. Exemplum.

DE PRIMO.

Comparatio est exemplum simile vel dissimile rei præsentis vel facti augendi causa adductum. Exempla autem alia vera sunt, nempe historiarum: alia falsa vel ficta. Et ficta alia sunt fabulosa ut de Polyphemo aut Christophoro magno, Alia ex hypothesi ficta e. g. Si ego hoc fecissem. Si quis haberet hujusmodi annulum, qualem fingitur habuisse Gyges: Si quis nunc esset Romæ: Si quis statueretur in summo quodam loco aeris unde posset universum terrarum orbem oculis perlustrare. &c. Vbi assumuntur circumstantiæ fictæ, locus, tempus, personæ &c.

DE SECUNDO.

Partes comparationis sunt Propositio, Redditio, Conclusio. Propositio i. e. expositio ejus exempli quod comparationis causa adducitur. Quæ expositio sæpe fit prolixiori narratione.

Redditio est expositio rei vel facti nostri quod comparatione illustrandum est: ubi narratur quid simile, par aut impar, cum facto superiore in nostris deprehendamus.

Conclusio est argumentatio & collectio pro magnitudine facti nostri: i. e. quod valde laudabile aut valde vituperabile sit factum nostrum propter hanc comparationem. Præmittuntur autem etiam, & sæpius insperguntur crebræ præmonitiones quasi excitandi auditoris causa.

DE TERTIO.

*Praemonitio**Propositio
vel exem-
plum.**2. pars Pra-
monitio.*

Volo amplificare factum Christi, quod ille pro populo suo mortuus est. ô factum Christi filij Dei nullis vel angelicis linguis satis praedicandum. De Davide meminisse potestis A. quod in sacris extat scriptum literis: cum adversus hunc bellum & quidem periculosissimū conceitasset filius Absolon, pauci cum Davide: universa fere Israelitica natio cum turbatore filio stetisset: jamq; aut pereundum aut praelio extrema tentanda essent: censuisse regem prudentissimum maximopere ad summam rei recte administrandam interesse, si ipse in conflictu praesens, & ipso vultu ac reverentia sui perfidos hostes terreret suisq; animum adderet. Quod cum ita regi placuisset, populus tamen ut fieret passus non est. Ita enim judicabat, non esse regis sui & charissimi quidem regis atq; optimi, adeo temere vel jacturam vel periculum faciendum. Itaq; abstinuit quidem ille ne in aciem aut praelium prodiret, magis in eo populi quam suae voluntati obsecutus: interim propositi aut consilij fortissimi apud omnes laudem indubitatam abstulit: scilicet illum fuisse Davidi regi animum, ut potius vitam suam quam militis sui victoriam in dubio posita esse mallet. Comparete nunc Regem nostrum cum Israelitarum Rege, Christum cum Davide, Deum cum homine, hujus factum cum facto illius: reipsa cognoscetis quantum inter eos, qui conferuntur, Deum & hominem: tantum inter facta ipsa discrimen intercedere. Etenim etiam nobis i. e. humano generi bellum & periculosissimum quidem moverat hostis Sathan, jamq; ad arma vel manus ventum erat, agebatur res summa & maxima: non de regno aut imperio, non de vita & sanguine, sed de omnium aeterna salute decertandum erat. Porro ductore peropus nobis erat, non tantum qui animum meticulosi nobis subijceret, aut in primâ acie pugnaret, aut hostium agmini terrorem incuteret, sed qui universam hanc praelij bellicq; vim solus exciperet ac sustineret. Neq; enim adversus carnem & sanguinem h. e. nostrae mortalis conditionis homines, suscepta erat contentio: sed adversus spiritus impuros sive nequam Dæmones, qui non nisi spirituali sive Dei virtute superari poterant. Hic Christus noster ducem se nobis talem stitit, non qui officio ullo teneretur sed qui voluntate suâ se devovisset: non qui à nobis rogatus esset, sed qui ultro hujus beneficii summi copiam nobis fecisset. Neq; stitit se so-

lum

lum ducem, verum etiam in aciem prodijt, verum etiam prælio cum hostibus congressus atq; expertus est: verum etiam quod aliter in hoc mirabili atq; inusitato certandi genere vinci non posset, vulnera accepit, animam efflavit, vitam posuit, & tandem hostium omnium victoriæq; potitus est.

Conclusio hujus comparationis vel argumentationes. O facinus Davidico illi longe præferendum. Etenim ille etiam si ad periculum proficiscebatur, tamen cum spe evadendi ac repellendi ejus profectus fuit: Christus autem ad eam pugnam pro populo suo se obtulit unde eluctari se non posse sine morte sua certissimè prænotat. David non tam pro populo discrimen vitæ aggredi quam populus pro Davide periclitari, si rem rectè consideraverimus videbitur. Neq; enim populo regnum ereptum sed Davidi venerat Absolon: Christus autem noster nulla sua spectavit commoda: pro nobis populo suo beligeravit, pro nobis passus, pro nobis mortuus est, nobis hanc victoriam nobilissimam obtinuit. David etiam si adversus hostes exiisset, militum tamen manu potius quàm suâ contendisset. Sed Christus noster tantum abest ut alienam manum cum hoste consereret, ut ne ullius quidem hominis vel administræ operâ uteretur. Ille ex debito quod rex salutem populi tueri teneretur operam suam in officio faciendo promptè detulit quam non nisi per ignaviam subterfugere potuisset. Sed Christus noster quo jure aut officio huc impulsus fuisse dicendus erit? qui & Deus noster erat: & nostra adversus ipsum perfidia perditis nobis non tantum non redemptionem sed ne misericordiam quidem debebat. Ille recusantibus subditis à proposito destitit, hic Petro monenti ut caveret sibi rectius, vehementissimè iratus fuit. &c.

3. pars Conclusio.

CAPUT IV.

Illustratur idem factum Christi per comparationem exemplorum fictorum.

Quod si inter homines evenerit hujusmodi inusitatum sane atq; inauditum humanitatis exemplum, ut supplicium quod à fratre lendum erat vel ab amico reo, homo innocens misericordiâ impulsus in se suscipiat: Deus bone! quanta hujus virtutis inter homines existeret

admira-

admiratio, quanta apud omnes prædicatio oriretur? quàm saltem non ad cælum usq; cuncti factum hoc omnibus efferrent laudibus? Quid igitur hic aut faciendum, aut quæ laudes satis dignæ afferendæ redemptori nostro qui pro universo genere nostro, non pari conditione servus, sed supremâ dignitate omnium dominus: & quidem voluntate suâ ejusdem nobiscum humanæ nativitatis, sed per naturam æternæ ac cœlestis à patre originis: per gratiam atq; arbitrium proprium frater noster, caro nostra, sanguis noster: sed jure suo pater noster, Deus noster, creator noster: in tantam suppliciorû acerbiteriam pro nobis ultro se coniecit.

Alterum exemplum. Quid si princeps aliquis eâ uteretur adversus subditos clementia, ut cum subditi ære alieno tanto sibi obstricti sint, quod nunquam ab ipsis exolvendum fore videatur: ille misericordia tactus unâ litura universa nomina illa expungat: tanto illustriorem hujus liberalitatis laudem omnes existimabunt quo à digniori auctore principe sc. profecta fuerit. Quod enim ille, omne adeo vitium inquit, tanto conspectius in se crimen habet, quanto qui peccat major habetur. Hoc non tantum in vitijs ad turpitudinem verum etiam in rectè factis ad commendationem fieri intelligendum est, ut semper à facinoris auctore non exigua & vituperationis & laudis fiat accessio. Quod cum ita sit etiam illud fatendum est neminis non orationem tantum sed ne mentem quidem ac cogitationem assequi posse earum laudum magnitudinem quæ charissimo redemptori nostro debeantur: quod tam grandem debitorum summam atq; adeo in æstimabilem qua non pagus unus aliquis, non oppidum, non regio, non latissimè diffusum regnum, sed universum humanum genus obstrictum erat & ultro condonavertit & sanguinis sui quasi litura expunxit. Scilicet cum tantò excellentiores Christo nostro laudes tribuendæ fuerint, quanto Dei majestas humanam principis alicujus dignitatem superaverit.

CAPUT V.

Explicatur secundus Amplificationis modus:

1. Præcepta. 2. Exempla.

DE PRIMO.

Conglobatio sive distributio sive Enumeratio, sive frequentatio, sive Divisio & Partitio, est modus amplificandi per addensationem quasi sive ostensionem multarum in re unâ & eadem, amplificandâ scilicet partium, & adjuvatur conglobatio figuris repetitionis scilicet Anaphora, Epiphora, Symploce, &c. item Homæoteleuto. Et servatur illa perpetua varietas ut nunc ad commata singula, nunc ad periodos fiat illa inculcatio. Item aliquando partes facti enumerantur, aliquando partes qualitatatis. Aliquando comparatio admiscetur. Aliquando per præteritionem assumuntur partes. Aliquando causa pro partibus inculcantur.

DE SECUNDO.

Exemplum I. Cicero contra verrem: Venio nunc ad istius quæ admodum ipse appellat studium: ut amici ejus morbum & insaniam: ut Siculi latrocinium: Ego quo nomine appellem nescio. Rem vobis proponam: vos eam suo nominis pondere penditote. Genus ipsum prius cognoscite: deinde fortassis non magnopere quæretis, quo nomine appellandum puteris. **NEGO** in Sicilia tota **TAM** locupletate **TAM** vetere provincia, **TOT** oppidis, **TOT** familijs, **TAM** copiosis, **VLLUM** argenteum vas, **VLLUM** Corinthium aut Deliacum fuisse: **NEGO** ullam gemmam, **AUT** margaritam fuisse, **AUT** quicquam ex auro, **AUT** ebore factum: Signum ullum æneum, marmoreum, eburneum. **NEGO** ullam picturam **NEQ;** in tabulis, neq; textilem fuisse, quin quæsierit, inspexerit, & quod placitum sit abstulerit. Magnum videor dicere iudices, attendite etiam quemadmodum dicam. Non enim verbi neq; criminis augendi causa complector omnia, cum dico nihil istum ejusmodi rerum in totâ provincia reliquisse. Latine me scitote non accusatorie loqui: etiam planius: **NIHIL** in ædibus cujusquam **NE** oppidis quidem, **NIHIL** in locis communibus, **NE** in fanis quidem: **NIHIL** apud Siculum, **NIHIL** apud civem Romanum, deniq; **NIHIL** istum quod oculos animumq; accenderit neq; privati, neq; publici, neq; profani, neq; sacri, tota in Sicilia reliquisse.

Partes qualitatatis.

Partes facti

CAPUT. VI.

K

Exem.

Exempla conglobationum alia.

Cicero pro domo sua. Quid cum Gabinio Siria dabitur, Macedonia Pisoni, utriq; infinitum imperium, ingens pecunia: ut tibi omnia permitterent, tibi manum, copias, tibi suos paratos decuriones, tibi pecunias, tibi familias compararent, te sceleratis suis concionibus sublevarent, senatus auctoritatem deriderent, equitibus Romanis mortem proscriptionemq; minitarentur: me terreret minis, mihi eadem & dimicationem denunciarent, meam domum refertam bonis viris per amicos suos complerent, proscriptionis metu me frequentia nudarent, virorum bonorum praesidio me spoliarent, senatum pro me non modo non propugnare amplissimum ordinem, sed etiam plorare et supplicare mutata veste prohiberent, ne tum quidem vis erat?

*Aliud exemplum in quo est Comparatio juris prudentia
& artis militaris.*

Cicero pro Murena.

Sed vel hoc omisso ad studiorum atq; artium contentionem veniamus. Qui potest dubitari, quin ad consulatum adipiscendum multo plus afferat dignitas rei militaris quam juris civilis gloria? Vigilas tu de nocte ut tuis consultoribus respondeas: ille ut eo quo intendit maturè cum exercitu perveniat.

Te gallorum, illum buccinarum cantus exuscitat: tu actionem instituis, ille acie instruit: tu caves ne tui consultores, ille ne urbes aut castra capiantur: ille tenet ac scit ut hostiam copia, tu ut aqua pluviae arceantur: ille exercitatus est in propugnandis finibus, tu in regendis. Ac nimirum, dicendum est enim quod sentio, rei militaris virtus praestat ceteris omnibus. Haec nomen populo Romano, haec huic urbi aeternam gloriam peperit: haec orbem terrarum parere huic imperio coegit: omnes urbanae res, omnia haec nostra praecleara studia, & haec forensis laus & industria, latent in tutela, & praesidio bellicae virtutis simul atq; increpuit suspicio tumultus, artes illico nostrae conticescunt.

*Aliud Exemplum in quo enumerantur partes
qualitatis.*

Cicero in Oratore.

Quid est aut tam admirabile quam in infinitâ hominum multitudinem unum existere: qui id quod omnibus naturâ sit datum, vel solus vel cum paucis facere possit? aut tam jucundum cognitum atq; auditu, quam sapientibus sententijs gravibusq; verbis ornata oratio & perpolita? aut tam potens tamq; magnificum, quam populi motus, iudicium religionem, senatus gravitatem unius oratione converti? quid tam porro regium, tam liberale, tam munificum, quam opem ferre supplicibus, excitare afflictos, dare salutem, liberare periculis, retinere homines in civitate? quid autem tam necessarium, quam tenere semper arma, quibus vel tectus ipse esse possis, vel provocare improbos, vel te ulcisci laceffitus.

*Aliud Exemplum.**Cicero contra Rullum.*

Quid enim est tam popolare quam pax? qua non modo ij, quibus natura sensum dedit: sed etiam recta atq; agri mihi latari videntur. Quid tam popolare quam libertas? quam non solum ab hominibus, verum etiam a bestiis expeti, atq; omnibus rebus anteponi videris. Quid tam popolare quam ocium? quod ita jucundum sit: ut & vos, & majores vestri, & fortissimus quisq; vir maximos labores suscipiendos putet, ut aliquando possit in ocio esse, præsertim in imperio & dignitate: ut idcirco majoribus nostris præcipuam laudem gloriamq; debeamus: quod eorum labore est factum, ut impune in ocio esse possemus.

Quare qui possim non esse popularis? cum videam hæc omnia, Quirites, pacem externam, libertatem propriam, nominis atq; generis vestri ocium domesticum, deniq; omnia quæ vobis chara atq; ampla sunt, in fidem & quodammodo in patrocinium mei consularis esse collocata. Neq; enim Quirites illud vobis jucundum, aut popolare videri debet: largitio aliqua promulgata, quæ verbis ostentari potest: revera fieri, nisi exhausto arario nullo pacto potest. Neq; vero illa popularia sunt appellanda, iudiciorum perturbationes, rerum iudicatarum infirmitas, restitutio damnatorum: quæ civitatem affligunt, & quæ perditis jam rebus, extremi exitiorum solent esse exitus. Neq; si qui a

Epanodas.

gros populi Romani pollicentur, si aliud quiddam obscurè moliuntur, aliud spe ac specie simulationis ostendant, populares existimandi sunt.

Aliud exemplum. Cicero pro Deiotaro.

Is igitur non modò à te periculo liberatus, sed etiam honore amplissimo ornatus arguitur domi te suæ interficere voluisse. Quod tu nisi eum furiosissimum judicas, suspicari profecto non potes. Ut enim omittam, cujus tanti sceleris fuerit in conspectu Deorum penatum necare hospitem; cujus tantæ importunitatis, omnium gentium atq; omnis memoriæ clarissimum lumen extinguere? cujus tantæ ferocitatis, victorem orbis terrarum non extimescere? cujus tam inhumani & ingrati animi, à quo Rex appellatus esset, in eum Tyrannum inveniri? ut hoc omittam: cujus tanti furoris fuerit: omnes Reges quorum multi erant finitimi: omnes liberos populos: omnes socios: omnes provincias: omnia deniq; omnium arma contra se unum concitare? quonam ille modo, cum regno &c.

Imitatio istorum exemplorum.

Illustremus conglobatione amorem cælestis patris quo ille ita vehementer atq; arctissimo universum genus humanum complexus est ut filium suum eumq; unum ex se genitum nobis donaret, ut omnis qui in hunc crediderit, nihil ab æterno exitio metuat, sed certissime aditurus sit regnorum cælestium hæreditatem.

Imitatio I. Exempli.

O inusitatum dilectionis genus: ô inauditum humanitatis ac clementiæ exemplum: ô veræ charitatis miraculum: ô factum plane ejusmodi ut nec mens ulla satis assequi, nec nomen ullum exprimere magnitudinem possit. Homines universos omnibus locis omnibus seculis adeò, improbos plerosq; atq; adeò sceleratos, æque divites atq; pauperes, neq; neglectis aut præteritis infantibus, neq; adultis neq; plebeis, neq; latronibus quidem. Omnes, inquam, homines principes & reges & in populo Dei & extra populum Dei viventes, privatos, pauperculos, mendicos, omnes inquam homines non minus ingratos atq; incredulos quam memores hujus divini beneficii, & fidem huic cælesti amoris habentes, & dilexit Deus, & infelicitatis omnium misere-

ricordia

ricordiâ tactus est, & filium à quibus expedirentur omnibus donavit. Magnum videor dicere attendite etiam quemadmodum dicam: Non enim dicis causa, ut ajunt, neq; ut falsis aut fictis laudibus Deum exornem ideò ita multa complexus sum, cum dico neminem ex universo humano sanguine in hac Dei dilectione esse præteritum: Piè me scitote non Sophisticè, theologicè non oratoriè loqui. Itaq; dicam si poterò planius; nemo quisquam in ullis mundi angulis homo est, ne in regionibus quidem: nullus ita obscurus homo est, ne natio aut gens quidem: Nemo neq; inter Judeos neq; inter gentes: Deniq; nemo qui nomen naturamq; hominis à parentibus acceperit sive primis sive medijs sive nostris sive futuris seculis unquam extitit, quin hoc divinæ dilectionis beneficio contineatur.

IMITATIO II. EXEMPLI.

Ex Cic. pro domo suâ.

Habetis in quos contulerit amoris & charitatis donum Deus: nunc cujusmodi & quarum rerum facta sic donatio, cognoscite. Dicam uno verbo se ipsum nobis donavit Deus. Quo munere quodnam dari poterat magnificentius? quid enim cum filium in mundum mitteret, ex homine hominem nasci vellet, communem nobiscum naturam induere, eadem carne esse, ut nostram omnium culpam susciperet: pro nobis Dei iram & pœnas, pro nobis cruciatus exquisitissimos, pro nobis mortem, pro nobis infernum adiret: ab alienatis à Deo Dei gratiam repararet, è cælo exulibus patriam beatitudinemq; restitueret: se pro mundo victimam, se pro peccatoribus vadem ac sponsores sisteret; suam animam sanctissimam illam pro maledictis nobis in redemptionem solveret: sui traditione nos ex vinculis expediret, ex inferni abyso extraheret: & universum humanum genus non tantum benedictos Dei appellari, qui meritis nostris maledicti eramus: sed etiam cælorum hæreditatem sperare posse, imò adire per Christi gratiam intraret, an non hoc est Deum seipsum hominibus donavisse?

Imitatio Exempli tertij ex Oratione pro Murenâ.

Quando mundum ex nihilo produxit Deus sanè omnipotentia suâ, clementia ac bonitatis exemplum dedit præclarissimum. Quod

Præmonitio.

tamen ejusmodi est, ut si cum hoc charitatis opere quo filium nobis dedit comparetur, dubitari non possit, quin ut illic potentiae divinae, ita hic charitatis imago longè exstat illustrior.

In productione rerum hoc donabat mundo Deus ut ex nihilo aliquid esset: In filij missione, ut cum Deo, hoc est beatitudine sua conjunctissimus esset. Illic mundum ex nihili tenebris: hic ex inferni faucibus excitavit. Illic lapsurum mundum produxit: hic lapsum à casu erexit: illic fecit ut esset aspectu pulcherrimus, hic ut Dei dignatione & amore felicissimus: hic curavit ut hominis imago in Deo reluceret, quemadmodum illic fecerat ut Dei imago in homine impressa esset: hic ad homines filium demittendo hos in cælum transtulit, quemadmodum illic mundum à se diversum procreando potentiae suae sedem hunc esse voluit. Ac nimirum, si penitus rem introspicere voluerimus, frustra, imò magno malo nostro mundus conditus fuisset nostrâ sane pravitate & culpa, nisi hæc facta fuisset à Deo filij donatio. Hæc nobis Dei gratiam, hæc generi nostro cælestis beatitudinis spem comparavit: hæc peccatorum nostrorum abolevit nomina: omnes Spiritus Sancti fructus, omnia quæ à Deo vel possidemus vel speramus, & hæc adeo hujus cognitionis lux ex verbo Dei effulgens à filio & per hujus missionem nobis impetrata est. Quæ sane nulla contigissent, perissemusq; in tenebris nostris, nisi Deo reconciliasset nos in Christo conjunctio.

CAPUT VII.

DE TERTIO modo Amplificandi per congeriem.

1. Quid sit. 2. Exempla.

DE PRIMO.

Congeries aliàs dicta *ἐμπόνη* immoratio: quando in re una & eadem immoramur sive rem unam & eandem alijs atq; alijs verbis effe- rimus, ut magnitudinem tandem videat ex ea inculcatione auditor. Fit per Synonymias item partes enumeratas aliquas, item per Hyperbolem: Interrogationes hic sunt crebræ e. g.

DE SECUNDO.

Exemplum I. Cicero pro Ligario.

Quid enim tuus ille, Tubero, in acie Pharsalica gladius agebat? cujus latus ille mucro petebat? quis sensus erat armorum tuorum? quæ tua mens? Oculi? manus? ardor animi? quid cupiebas, quid optabas? Hoc est; Tu Tubero an non etiam pugnavisti contra cæsarem?

Exemplum II. Pro Marcello.

Te enim quem præsentem intuemur, cujus mentem sensusq; & os cernimus: ut quicquid belli fortuna reliquum Reipub. fecerit, id esse salvum velis: quibus laudibus efferemus? quibus studiis prosequemur? quæ benevolentia complectemur? Parietes medius fidi-
dius Cai Cæsar, ut mihi videntur, hujus curiæ tibi gratias agere gesti-
unt: quod brevi tempore futura sit illa autoritas in his majorum su-
orum & his suis sedibus &c.

Exemplum III. ex eadem Oratione.

Nec verò hæc tua vita dicenda est quæ corpore & spiritu conti-
neatur. Illa inquam, illa est vita tua Cæsar quæ vigeat memoriâ secu-
lorum omnium; quam posteritas alet, quam ipsa æternitas semper in-
tuebitur: huic tu inservias, huic te ostentes oportet: quæ quidem
quæ miretur jam pridem multa habet, nunc etiam quæ laudet, expe-
ctat. Obstupescant posteri certè imperia, provincias, Rhenum, Oce-
anum, Nilum, pugnas innumerabiles, incredibiles victorias, moni-
menta, munera, triumphos audientes & legentes tuos: sed nisi hæc
urbs stabilita tuis consilijs & institutis erit, vagabitur modo tuum no-
men longè lateq; sedem quidem stabilem & domicilium certè non ha-
bebit.

CAPUT VIII.

*Imitationes.**Imitatio Exempli I.*

Sententia simplex sit: Idololatræ vel qui statuas adorant ipsum
Diabolum venerantur; quia quod Deo adimitur honoris, certè Dei

hosti Diabolo tribuitur. Hæc ratio potest per congeriem amplificari scilicet si insistamus & immoremur huic uni & eidem sententiæ alijs atq; alijs verbis eam efferentes e. g. An non enim quod Deo denegatur honoris in Dei ignominiam cedere credendum est? An non si Dei cultus negligitur, inde Diabolo honor accedere putandus est? An non quod Deo ignominia infertur, inde quasi sua quadam religione diabolus colitur? Quid enim poterat diabolo fieri gratius, acceptius, iucundius, magis ad hujus reverentiam quandam pertinens: quam quod in divinum nomen maximè contumeliosum, quam quod divinis præceptis maximè adversarium?

Imitatio Exempli II.

Sit sententia simplex: Hypocrisis est maximè detestandum vitium: quia sciens volens malus est hypocrita. Hanc rationem sic effer per congeriem: Hypocritam autem qui Deo illudere, qui sponte sua ad interitum vitia atq; improbitatem proruere se ipse novit: ut quæ alios fallit sæpe, ignorantia ab hoc absit quam longissimè: quibus convicijs insectabimur? quibus satis dignis nominibus notabimus? quo satis grandi Zelo detestabimur: Sol iste mei A. ut mihi videatur cum omnibus alijs turpibus hominibus, tum hypocritis imprimis gravissimè succenset, quod nimis longa videatur mora illa esse, qua propter horum improbitati tam diu lucem suam præbere cogatur.

Imitatio exempli III.

Sit sententia simplex: Superbia est pessimum vitium: quia Deum contemnit præ se homo per superbiam. Neq; verò arbitrandum est homines ejusdem secum conditionis tantum a superbis contemni & pro nihilo haberi: Deum, inquam, Deum mei A. a quo universi conditi sumus, à quo omnes originem trahimus, quem vitæ omniumq; earum rerum quas possidemus authorem & largiorem cuncti agnoscere debebamus, hunc isti habent despiciat: Huic illudunt, hujus non tantum præcepta & voluntatem sanctissimam impunè se ridere posse putant, sed etiam Deum vel nullum esse, vel in hominum delicta non animadvertere stultissime sibi persuadent. Etenim arrogantissimè quasi conculcant leges, mores bonos, pudorem, probitatem,

pietatem, virtutes alias, charitatem inseparabile Christianismi symbolum; aliorum fortunas, ingenij dotes, eruditionem arrogantissime præ se despiciunt. Ut Deum nullum credere videantur, qui pœnas nullas divinas metuunt: neq; Dei providentiâ aut virtutes foveri aut vindicari vitia agnoscant; qui neq; virtutum amore, neq; odio vitiorum ullo flagrent.

CAPUT IX.
DE QUARTO Amplificandi modo
Ratiocinatione.

1. Quid sit. 2. Exempla.

DE PRIMO.

Ratiocinatio est amplificandi modus quo non rem ipsam cujus magnitudinem ex proposito demonstratam volumus, sed aliam aliquo modo ad istam pertinentem amplificamus, ut hinc consequenter istius magnitudo colligatur. Aliquo modo pertinentem: circumstantiam facti principaliter amplificandi aut simile aut contrarium aut partem. e. g.

DE SECUNDO.

Cicero II. Philippica.

Tu istis faucibus, istis lateribus ista gladiatoria totius corporis firmitate, tantum vini in Hippia nuptijs exhauseras, ut tibi necesse esset in conspectu Populi Romani vomere postridi. O rem non modò visu fœdam, sed etiam auditu! Si inter cœnam in tuis immanibus poculis hoc tibi accidisset, quis non turpe duceret? In cœtu verò populi Romani, negotium publicum gerens, magister equitum cui ructare turpe esset, is vomens, frustis esculentis, vinum redolentibus gremium suum, & totum tribunal implevit.

Hic amplificata est turpitudine hujus facti 1. à personâ vel corporis constitutione in Antonio 2. à loco per comparisonem fictam vel Exempli ficti. 3. à partibus,

Exemplum II.

Virgil. lib. 1. Æneid.

ubi Æolus cavum conversa cuspide montem,
Impulit in latus, ac venti velut agmine facto
Qua data porta ruunt, & terras turbine perflant.

Hoc est, ex causa facta est amplificatio per Rationationem, nempe illa magna & grandis descripta est: scilicet porta patens data ventis omnibus: ut intelligeret auditor magnitudinem effectus sive tempestatum.

Imitatio exempli 1.

Sit sententia simplex & amplificanda: Tyrannide sanguis humanus effunditur. Amplificetur à persona tyranni 2. ab exemplo ficto 3. à partibus facti e. g. Ille autem, tyrannum dico, ita cruentis manibus, ore teterrimo, animo truculentissimo & ad omnem immanitatem projecto reperitur, ut ne ab humano quidem sanguine magna copia profundendo crudelitatem abstineat. O rem ad quam non humanæ tantum aures sed tota rerum universitas contremiscat! Si forte humana specie lupus aut diabolus, eam in ejusdem secum figuræ homines ferocitatem exerceret, quis non detestaretur? Ejusdem autem sanguinis & naturæ hominem, & ad salutem omnium publicam in sublimi honorum collocatum fastigio, cui inclementem esse & inhumanum nefas videri debebat, is innocentum civium sanguine magna sui delectatione jugulatorum, vitam suam & omnem posteritatis memoriam fœdare nihil veretur.

CAPUT X.

DE QUINTO *Amplificandi modo.*

1. Quid sit. 2. Exempla.

DE PRIMO.

Orationis digestio sic appellatur ab oratoribus si res vel partes rei alicujus diversæ ita inter se digerantur vel collocentur, ut semper quod posterius est majus sit, & sic per gradus atq; incrementum ascendatur quasi ad summam magnitudinem.

DE SECUNDO.

E.g. Cicero contra Verrem.

Phalargum centurupinum dixeram exceptum esse à Cleomanthē quod in ejus quadriremit Clemanthes vectus esset: tamen quia pertimerat adolescens, quod eandem suam videbat causam esse, quam illorum qui innocentes peribant, ad hominem accedit Timarchides, à securi negat ei esse periculum, virgis ne caderetur, monet caveat, Ne multa: ipsum dicere adolescentem audivistis se ob hunc virgarum metum pecuniam Timarchidi numerasse. Levia sunt hæc in hoc reo crimina, metum virgarum Navarchus nobilissimæ civitatis precio redemit, humanum: alius ne condemnaretur pecuniam dedit, usitatum est. Non vult populus Romanus obsoletis criminibus accusari Verrem, nova postulat, inaudita desiderat, non de prætorē Siciliæ sed de crudelissimo tyranno fieri iudicium arbitratur. Includuntur in carcerem condemnati, supplicium constituitur verbo in illos, revera sumitur de miseris parentibus, prohibentur adire filios suos, prohibentur liberis suis cibum vestitumq; ferre. Patres hi quos videtis jacebant in limine, matresq; miseræ pernoctabant ad ostium carceris, ab extremo complexu liberorum exclusæ, quæ nihil aliud orabant, nisi ut filiorum extremum spiritum excipere sibi liceret. Aderat janitor carceris, carnis ex prætoris, mors terrorq; sociorum & civium, lictor Sestius, cui ex omni gemitu doloreq; certa merces comparabatur. Ut adeas tantum dabis, ut cibum tibi introferre liceat, tantum. Nemo recusabat. Quid ut uno ictu securis afferat mortem filio tuo? quid dabis ne diu crucietur, ne sæpius feriat, ne cum sensu doloris aliquo aut cruciatu, spiritus auferatur? etiam ob hanc causam pecunia lictori datur. O magnum & intolerandum dolorem, o gravem acerbamq; fortunam! non vitam liberum, sed mortis celeritatem precio redimere cogebantur parentes, Atq; etiam ipsi adolescentes cum Sestio de eadem plaga & de uno illo ictu loquebantur, idq; postremum parentes suos liberi rogabant, ut levandi cruciatus sui gratia, pecunia lictori daretur. Multi & graves dolores imminēt parentibus, & propinquis multi: Veruntamen mors sit extrema? non erit, Estne aliquid ultra, quò crudelitas progredi possit? reperietur. Nam illorū liberi cum erunt securi percussi ac necati, corpora feris obijcientur. Hoc si lucuosum est parenti redimat precio sepeliendi potestatem. Onasum Segestianum hominem nobilem dicere audivistis se ob sepulturam Heracliti

*Extenuatio
hujus primæ
partis.*

Ætiologia.

*2. pars nar-
rationis.*

*Congloba-
tio definiti-
onum vel
convecierū.*

*Amplifica-
tio hujus
partis per
circumstan-
tias.*

*Extenuatio
illius partis
præ illo
quod sequi-
tur maxi-
mo facino-
re.*

*Motus à descriptione
& congerie*

Navarchi pecuniam Timarchidi numerasse. Hoc ne possis dicere, patres veniunt amissis filiis irati, vir primarius, homo nobilissimus dicitur neq; de filio dicit. Jam quis tam fuit Syracusis qui non audiverit quin sciat has per Timarchidem pactiones sepulturæ cum vivis illis etiam esse factas? Non palam cum Timarchide loquebantur? non omnes hominum propinqui adhibebantur? non palam vivorum funera locabantur? Quibus rebus omnibus actis atq; decisis producuntur in carcere, & deligantur ad palum. Quis tam fuit illo tempore durus & ferreus, quis tam in humanus præter unum te, qui non illorum ætate nobilitate, miseriâ commoveretur? Ecquis fuit quin lacrymaretur quin ita calamitatem putaret illorum, ut fortunam quidem alienam, periculum autem commune agi arbitraretur?

Imitatio.

Sit sententia, iram esse grande malum: quia non tantum mores deformat verum etiam valetudinem ladir, Imò rationem corrumpit.

Partis prima

Principio universæ humanæ vitæ haud levem ignominie labulam aspergit iracundia. Quippe cum magnum ad famam atq; existimationem dedecus afferre videatur, si ita incontinentis animis tantaq; adeo mollicie: ut vel unus, irruentis offensuscula impetus in eos facinorum scopulos te impellat, ubi charissimarum rerum inevitabilis facienda jactura sit. Sed ferri hoc posset, famam hominis atq; existimationem iracundia contaminat, idem ab alijs vitij fit. Turpitudinem vitæ ac morum homini adfert, non debet hoc in vitiorum genere videri insolens. Non hoc nunc agimus ut communia iracundie cum alijs vitij incommoda insectemur: in ea inquirimus, ea ad vos adferemus iracundie detrimenta, quæ maxime insignia ex hoc quasi fonte vel lerna potius ita promanant, ut hinc omnium contagiosissimam agnoscere valeatis.

*Extenuatio
huius facti.*

Alteram partem

Ipsam valetudinem affligit, corpus hominis atq; adeo naturam in oppugnatum. Exhaust enim atq; absomit quasi quoddam incendium sanguinis spirituumq; temperiem, perturbat ac convellit nervorum soliditatem, oculorum aciem præstringit, totius vultus confort-

mitatem ac decus labefactat, & omnino universam hominis sanitatem à statu suo deiecit. Videas enim in iracundis hominibus oculos lippientes, tremantes manus, infirmos pedes, ventrem debilem mortis deniq; celeritatem. ô verè pestilens vitij genus quod non tantum famam ac vitam hominis commaculat, sed etiam valerudinem aufert & mortis adeò apportat celeritatem. Itaq; permolestum oportet esse hoc vitium ijs qui infecti fuerint: Veruntamen cum famam cum valetudinem læserit hominis, quod præterea corrumpat, nihil supererit? Imò erit. Estne igitur aliquid ultra quod homini auferri possit? Reperietur. Nam cum ijs qui sæpe tenuiori utuntur valetudine: aut per calumniam, aut alio aliquo casu famæ jacturam fecerunt in mente: atq; intelligentia commodum nonnunquam eluctandi præsidium inventum sit: etiam hanc rationis dico arcem iracundia oppugnatam atq; oppressam habet. Ira furor brevis est dixit Poeta. Quid enim sanæ mentis reliquum est? quis usus rationis? quis locus cogitandarum sententiarum salubrium quibus tanquam vitæ regulis universa consilia nostra gubernari debebant? scilicet ubi justò laxiores iracundiæ habenas habuerimus? Ut sane miserrimum hominem efficiat iracundia, à quo mentem etiam, & sic penè sibi hominem ipsum eripiat.

*Amplificatio
hujus
partis per
exclamationem.
Extenuatio
huius partis*

Conclusio.

CAPUT XI.

Alia de Amplificatione ex Granatensi 1. De Amplificatione in genere 2. De Figuris Elocutionis.

DE PRIMO.

Granatensis lib 3. Rhet Ecclesiast. hæc habet digna memoratu de Amplificatione 1. Quid differat ab Argumentatione. 2. De inventione. 3. De figuris Elocutionis. Differt amplificatio ab argumentatione 1. secundum materiam vel quæstiones vel conclusionem. Argumentatio probat rem esse veram: Amplificatio rem esse magnam. Differunt 2. formâ: Argumentatio ponit propositiones, arguitur vel monstrat consequentias & facit conclusiones. Amplificatio est quasi perpetuus quidam narrationis contextus. Differunt 3. fine: Argumentatio vult docere & persuadere menti. Amplificatio vult movere &

trahere voluntatem excitare gemitus, aut gaudia, aut iram aut misericordiam.

De Inventione autem hæc præcipit Granatenfis, Amplificationem fieri ex locis ijsdem unde fit argumentatio vel probatio scilicet ex definitione ex partibus, & antecedentibus & consequentibus, ex causis ex effectis, ex comparatis, ex oppositis &c. In quibus tamen hoc peculiariter attendendum sit quod illi tandem loci ad amplificandum utiles sint vel illa argumenta serviant amplificationi unde res magna appareat ut locus utilissimus sit à partibus.

Omne enim multum magnum est. Quare hæc ad monitio ad amplificandum est efficacissima, ut quod magnum ostendere velis, hujus varias partes excogites, & in has orationis generalitatem dispertias.

Secundus locus est, ut quæcunq; singularem & admirabilem faciunt atq; in auditam rem præsentem ut ea conspectemur atq; colligamus. Atq; hic proderit in singularibus factis cogitare personas rem causas, tempus, locum, modum: Et hoc secundum ἀγῶν & ἡρώων. c. secundum quæ absunt & adsunt.

Porro partes aliæ insunt aliæ adsunt. Partes insunt quæ non possunt abesse vel partes necessariae e. g.

Actionis partes necessariae sunt, Antecedentia, Res ipsa & consequentia. Corporis partes sunt caput pedes ventres. Partes quæ adsunt voco circumstantias & alia quæ orationis extendendæ causa accersuntur. Hinc illa genera Amplificationum apud Granatensem: primum genus à veris partibus.

2. Genus à præcedentibus sive longius repetitis initijs & consequentibus sive inculcata multitudine cōmodorum vel incommodorum: item à comitantibus scilicet circumstantijs singulis negotij explicatis. 3. à causis. 4. à locis communibus.

DE SECUNDO.

Censet Granatenfis amplificationi inservire peculiare elocutionis figuras, ex quibus ille has enumerat.

1. Descriptionem, quæ est figura, qua eas facti alicujus partes oratione prosequimur, quibus res auditoribus quasi ante oculos spectanda sistatur.

Secunda Figura apta Amplificationi nominatur ab autore sermocinatio vel Dialogismus, Quando scilicet non tantum negocij partes narratione nostra vel oratoris exponuntur sed introducuntur ipsæ personæ de quibus narramus inter se loquentes.

Tertia Ethopœia est pars sermocinationis quando alicui personæ attribuitur sermonem, non quo usâ illa sit, sed quo uti potuerit aut debeat e. g. Sap. 2. Homines impij & contemptores ita secum ipsi: Exiguum, inquit, est tempus vitæ nostræ, & nemo unquam reversus est ab inferis. Venite curemus cuticulam, sorbilemus vinula venustula, coronemur rosis &c. Item Nobis ipsi aliquando orationem assignamus e. g. Si hortor ad pœnitentiam, & dicam mei A. faciamus igitur diligentem in omnes vitæ nostræ partes inquisitionem, cogitemus assidue imprimis vesperi ubi cubitum iverimus quam recte iste collocatus sit dies. Ecquid hodie, inque, Deum meum offendi, eccubi officium facere neglexi? an non hoc fieri illud omitti oportuit? an non hoc secus illud rectius institui potuit? num forte verbum aliquod effutivi imprudētius? nū in aliquo cōsilio egi præcipitantius? Videornè aut læsisse quem non debebam, aut deseruisse qui adjutandus fuerat?

Quarta Figura Prosopopœia est fictio audentior, si & sermonem fingas & personam e. g. si Diabolum facias loquentem, aut virtutem aliquam, aut vitium, aut patriam aut solem aut aliam partem mundi.

Quinta Figura Idolopœia, est si homines mortui dudum, iterum revocentur quasi in vitam & producantur in theatrum loquentes ab oratore: h. e. si orator orationem aliquam attribuat hominibus dudum mortuis & fingat eos coram præsentibus, auditores alloqui.

Sexto, omnes aliæ figuræ quæ faciunt orationem vehementem possunt huc advocari e. g. Exclamatio, Apostrophe præsertim ad res inanimas: Hyperbole, Interrogatio, obsecratio per Christum & per Deū & per animam, Adjuratio vel juramentum, optatio, Imprecatio, Admiratio, Itē illæ figuræ quæ addunt acrimoniam orationi, ut Repetitiones illæ, Anaphora, Epiphora &c. Item Antithesis, & Homæoptoton, & Homæoteleuton. Item Paradoxon.

CAPUT XII.

DE AMPLIFICATIONE ex Cicerone.

Cicero

Cicero in libro partitionum oratoriarum hæc habet de amplificatione. Amplificatio, inquit, est gravior (h. e. cum quadam animi commotione facta) quædam affirmatio, quæ motu animorum, (h. e. commovens auditores ad dolorem, metum, spem, gaudium, misericordiam &c.) conciliet in dicendo fidem. Ea & verborum genere conficitur & rerum (h. e. Amplificatio utitur peculiari verborum genere. Præterea habet rerum quosdam locos sive peculiare genus quibus in orationem adductis fiat amplificatio.)

*Primum
præceptum
de verbis.*

Verba ponenda sunt quæ vim habeant illustrandi (h. e. perspicuè declarandi & quasi ob oculos ponendi, ne adducantur verba ignota auditoribus, aut alias obscuritatem habeat oratio) nec abusu sint abhorrentia (qualia sunt antiqua illa Cyrnea pro poculo &c.) grandia (i. e. à rebus magnis deducta e. g. Adhibere dolori medicinam pro consolari, divinam opem in ægritudine animi summa adhibere pro consolari) plena (h. e. perspicuæ & illustris significationis) & præterea sonantia, (i. e. quæ constant aliquo numero & spacio syllabarum, & literis grandius aliquid sonantibus e. g. Pertimesco pro timeo: cohorresco pro metuo, disceptationes pro pugna) juncta (i. e. periphrastica e. g. si dicas pro cura, curarum tempestas aut multitudo: pro probus, homo summæ probitatis) facta (i. e. composita vel derivata e. g. complures pro multi, circumspectus pro prudens) cognominata (i. e. Metonymica & synechdochica e. g. ut dicamus non homines avari sed hominum turpem avaritiam & sceleratas sordes. Non, sacerdotes contemnit; sed venerabilem sacerdotum auctoritatem. Non, nihil te metuo iratum, cum habuerim hostes potentiores: sed, non metuo nubeculam frontis tuæ cum sævissimas tempestatum procellas sustinuerim) non vulgata (i. e. plebeia aut rustica aut in quibus nihil disceditur a familiari sermone) superlata (i. e. hyperbolica e. g. ut homicida appelletur parricida: homo nequam, appelletur sacrilegus. dicamus cælum læteri quodammodo hujus diei festivitate, non mirum esse si terra absorbeat illos homines) imprimis translata (i. e. Metaphorica quæ & omnem alias orationem & imprimis Amplificationem venustam faciunt, maximè si continentur per imaginem vel Allegoriam.)

Nec in singulis verbis sed in continentibus soluta quæ dicuntur

sine

sine conjunctione ut plura videantur (i. e. Afsyntheton quando plures in eadem re partes copulantur sine conjunctione, non tantum per verba singula sive commota, sed etiam in verbis continentibus h. e. per membra & cola.) Augent etiam Relata verba (i. e. homæoptota quæ solet Cicero appellare paria paribus relata e. g. quantum iniquitas, apud improbos potest, tantum innocentia apud æquos & justos judices valet.) Iterata (i. e. Epizeuxis e. g. crux crux inquam: item Anaphora & Epiphora: item symploce e. g. Quis legem tulit? Rullus &c.) Duplicata i. e. per Epanodon aut Epanalepsin aut Anadiplosin aut Epanadiplosin repetita) & ea quæ ascendunt gradatim ab humilioribus verbis ad superiora (i. e. climax incrementum e. g. Veni vidi vici.) omninoq; semper quasi naturalis & non explanata oratio (i. e. sine affectatione, ut non videatur oratio à nobis magno studio accersita & multum discrepans à communi loquendi usu, sed nobis familiaris & sub lingua nata, quod ajunt) & grandibus referta verbis (i. e. sonantibus, plenis, & deductis à rebus magnis.)

Hæc igitur in verbis: quibus actio voce vultu & gestu congruens & apta ad animos permovendos accommodanda est. Sed & in verbis & in actione causa erit tenenda & pro re agenda (h. e. negotium est diligenter considerandum, & singulæ partes, ut revera magna sint quæ velis amplificare, ne ex musca Elephantem facias) nam quia hæc videntur per absurda (hæc i. e. verba, & actio) cum graviora sunt quam causa fert: diligenter quid quamq; deceat judicandum est.

Rerum amplificatio sumitur iisdem ex locis omnibus quæ valere dicta sunt ad fidem (i. e. ex definitione, ex partibus, ex causis, ex effectis unde sunt argumentationes: scilicet si illa afferri possint vel multa vel singularia inde fit amplificatio) maximeq; definitiones valent conglomeratæ (i. e. multæ definitiones ejusdem rei inter se continuatæ quæ sumuntur Ex laude vel vituperio e. g. Si pro virtute dicam: Egregiū illud humanæ vitæ decus, frenū aureum cupiditatis animæ summum ornamētum, rerum adversarum præsidium, prosperarum temperamentum virtus) & consequentium frequentatio (i. e. enumeratio per partes multas eorū quæ ex præsentī negotio amplificando promanant vel commoda vel incommoda) & contrariarū & dissimiliū & inter se pugnantium rerū conflictatio (i. e. Antitheses & enumerationes rerum pugnan-

*Præceptum
secundum
de actione:
& aptitudi-
ne.*

*Præceptum
tertium de
rerum ad
amplifica-
tionem in-
ventionem.*

tiam quæ fortè in unum atq; idem præfens negocium nostrum concurrant, e. g. Ebrietas ex pio profanum, ex indultio ignavum, ex ingenioso heberem plumbeumq; facit: opes eripit, paupertatem affert, gratia & favore aliorum spoliatur, collocat in odium & invidiam: omnem bonam famam adimit, summam conciliat ignominiam &c.) & causæ (scilicet enumeratæ amplificanti, si illæ sint mirabiles e. g. si digrediaris in locum communem de providentia, aut narres ea singulæ quæ vel lepida sint vel erudita) & ea quæ sunt de causis orta (i. e. effecta) maximeq; similitudines (h. e. comparationes adductæ rerum in natura, aut saltem alius diversi generis) & exempla (i. e. fabulæ & historiæ: in quibus narrantur res gestæ similes fortè aut dissimiles præfenti negotio) fictæ etiam personæ, muta deniq; loquantur (personæ fictæ e. g. si introducatur in oratione loquens Turcus, aut Prophetæ aliquis, aut Aristoteles, aut virtus. Muta e. g. si fingatur Sol loqui, aut vinum quod homines temulenti perdunt) Omninoq; ea sunt adhibenda si causa patitur quæ magna habentur: quorum est duplex genus: Alia enim magnâ naturâ videntur, aliâ usu. Naturâ ut cælestia, ut divina, ut ea quorum obscuræ causæ, ut in terris mundoq; admirabilia quæ sunt, ex quibus similibusq; si attendas ad augendum permulta suppetunt. Usu, quæ videntur hominibus aut prodesse aut obesse vehementius. Quorum sunt genera ad amplificandum tria. Nam aut caritate moventur homines ut Deorum, ut patriæ, ut parentum: aut amore, ut fratrum, ut conjugum, ut liberorum, ut familiarium: aut honestate ut virtutum, maximeq; earum quæ ad communionem hominum & liberalitatem valent (i. e. facienda est mentio quomodo res præfens pertineat ad Deos, patriam, parentes: indeq; demonstranda illius magnitudo.)

CAPUT ULTIMUM.
DE LOCIS Amplificationis ex
ARISTOTELE.

Aristoteles lib. 2. Rhet. cap. 19. dicit magnitudinem rerum sive amplificationem, esse sumendam ex istis locis partim quæ probant rem esse bonam, partim quæ probant rem esse meliorem. Rursum Aristoteles

teles loca unde probatur res esse bona exposuit lib. Rhet. 1. cap 6. Et loca unde probatur res esse melior lib. eodem cap. 7. Ex ijs locis huc quædam repetemus 1. loca bonorum alia sunt bonorum indubitatorum: Alia bonorum controverforum vel verisimilium.

Loca bonorum indubitatorum sunt hæc.

1. Siquid per se eligendum est hoc est bonum & magnum. Per se i. e. ubi absit omne lucrum, & omne aliud commodum. Eligendum h. e. tale quod libenter facias & cupias.

2. Si cuius rei causa aliud quiddam eligimus vel facimus præsertim multa, illa res est bona & magna.

3. Quod omnes appetunt aut omnia adeò si haberent sensum vel mentem, illud est bonum vel magnum.

4. Quò naturali mentis appetitu invitamur in vita, hoc est bonum & magnum.

5. Quo præsentē bene habemus, & nullā re egemus magnopere illud est bonum & magnum.

6. Quod efficit istorum aliquid aut simul secum trahit, hoc est bonum & magnum.

7. Omnis virtus est magna.

8. Felicitas est magna.

9. Omnia bona corporis & animi.

10. Omnia bona fortunæ.

11. Adde, Maximum est favor Dei, beatitudo & reliqua cælestia. Item horum contraria Diabolus, peccatum, Damnatio.

Loca bonorum controverforum.

1. Cujus contrarium malum, id bonum & magnum.

2. Cujus contrarium inimicis prodest & inimici volunt, id est bonum & magnum.

3. Cui multi student hoc est bonum & magnum.

4. Quod laudatur passim.

5. Quod etiam inimici & impij coguntur laudare.

6. Quod prudentes & optimi judicant bonum.


7. Quod proprium est, vel à nobis solis proficiscitur.


8. Rara & talia quæ nemo alius possit imitari.

9. Valde excellentia.
10. Valde congruentia circumstantijs, personis, tempori, loco, &c.

Loca comparationis vel demonstrationis unde demonstratur res Melior, ita accommodabimus, ut demonstrari possit res maxima.

1. In quo sunt plurima numero bona vel plurimæ partes illud est bonum maximum.
2. Quæ efficiunt multa vel magna bona sunt bona maxima.
3. Cujus causæ sunt maximæ hoc est maximum.
4. Finis multorum honorum est bonum maximum.
5. Quo carere non possumus ad multa bona, est maximum.
6. Difficilimum: quia virtus est ad illud contendere.
7. Facillimum, quia ignaviæ est deserere.
9. Necessaria. &c.





SYLVULA

vel

MATERIES

Exercitiorum

Ex hac tertiâ parte.




M 3

No-

Nomina Exercentium in tertia parte
Progymnasmatum.

Henricus Dubislaus à Rammin. Nob. Pom.
 Laurentius à Reventlow, Nob. Megapol.
 Valentinus Sperling, Nob. Megapol.
 Nicolaus ab Arnim, Nob. March.
 Marcus ab Eichstedt, Nob. Pom.
 Christianus Reineccius, March.
 Petrus Boblin, Stet. Pom.
 Martinus Friderici, Freinwald. Pom.
 Frölichius Hoppius, Stolp. Pom.
 Paulus Sagittarius, Belg. Pom.
 Henricus Gilttermannus, Lubec.
 Martinus Henrichius, Coslin. Pom.
 Georgius VVarnimus, Coslin. Pom.
 Matthias Lizovius, Rup. March.
 Elias Berlin, Rup. March.
 Johannes Gerardus, Stolp. Pom.
 Jacobus Fabricius, Coslin. Pom.
 Joachimus a Sager, Nob. Pom.
 Martinus Chemnitius Jun. Rost. Meg.
 David Reclingius Gryphsvv. Pom.
 Gothfridus Reimarus, Siles.
 Valerius Carstadius, Stet. Pom.
 Jacobus Scammius, Lufatus.
 Daniel VVasserfuhrer, Stet. Pom.
 Joachimus Hoppius, Coslin. Pom.
 Elias Æbelius, Lubec.



EXEMPLVM I. COM- PARATIONIS.

EXEMPLVM II. COMPARATI- onis; Comparatio inter Romulum & Ciceronem.

*Exordium capiat benevolentiam ab excusatione suscepti ar-
gumenti. Figura elocutionis occupatio.*

Cogitanti mihi instituere quandam inter Romulum & Cicero-
nem collationem, quod in utroq; principe, quamvis seculis mul-
tis disjunctissimo, natura sive Deus potius ita multa coniunxisset aut
paria fecisset, ut dubium etiam prudentissimo cuiq; esse possit, utri
potior laus debeat cum utriq; debeat maxima: Cogitanti hæc
inquam mihi, incidit illud quod ex Tacito produci solet: Vulgus ne-
minem sine comparatione finit vivere. Quo Author sapientissimus
ad plebejos mores refert & vulgi temeritatem, comparationem inter
viros excellentes instituere. Verum ut illam vulgi curiositatem te-
merariam non approbo: ita non fieri adversus Taciti Sapientissimi

Obiectio.

*Solutio ob-
jectionis.*

historici sententiam puto, si in instituto comparandi Ciceronem & Romulum perrexero. Cum enim natura ipsa quandam inter viros magnos quasi contentionem exhibeat, dum alios paribus, alios ejusmodi ingenii, fortunæ, virtutis, honoris, dignitatisq; ornamentis expoliat, ut quasi ipsa in medium proponat disceptandum, in utrum excellentiora contulerit: non vidamur alienum a probis moribus facere si eam naturæ industriam simili aliquo orationis studio æmulemur.

R. ad rationem per distinctionem

Vulgus quod attinet temerariè qualibet inter se comparat, opinionem potius in plerisq; sequitur, quam assumptionem verarum laudum. Alia autem est eruditorum & literatorum intentio, qui ex vera virtutis admiratione quasi in bilancæ appensas diversorum hominum vitæ fortunarumq; conditiones, accuratè examinant. Horum igitur propositum est adumbrare ac sectari accurationem, non ad vulgi abire levitatem &c.

Petitio benevolentia.

Facite ergo æqui boniq; auscultatores ut sitis.

COMPARATIO ipsa.

*Circumsta.
1. Origo.*

Cicero fuit non Romæ natus, sed in oppido Arpino: Ita Romulus communem hanc habuit originis fortunam cum Cicerone, ut non in solo illo Romano sed Albæ nasceretur.

2. Origo propria.

Romulus ex regibus oriundus fuit, Cicero ex equite.

3. Majores.

Romuli maiores fuerunt Æneas & posterì: Ciceronis maiores ignoti.

Fiat hic contentio e.g. Debit itaq; aliquam partem Romulus suarum laudum alienis authoribus, nempe maioribus suis: At Cicero quantus quantus extitit à seipso & virtute sua commendationem accepit. Ille quod à regibus esset oriundus spem aliquam de se fecit, quod dignus imperio futurus esset: hic prius virtute comprobavit, seq; ipsum Romano populo ad inusitata honorum nutrimenta commendavit, quàm eveheretur &c.

4.

Romulus natus est ex concubitu illegitimo: Cicero ex legitimo (potest fieri contentio). Frater fuit Remus: Charus quidem Romulo verum usq; ad imperium. Cum enim regni socium hunc tolerare non posset, prætentata violatæ legis specie, de non transiliendo muro publico affecit supplico. Cicero fratrem. Quia tum constanti & perpetuo amore comprehendit.

5.

Edu.

Comparatio
naturæ.

Educatus fuit Romulus inter rusticos, nempe apud Pastorem Faustulum & uxorem huius Laurentiam Lupam meretricem.

Adolescentiæ studia fuerunt, pecoribus pascendis præesse. Cum aliquantulum adolevisset ut videas quid natura possit, regem sæpe egit inter pueros rusticos. Tandem ætate juvenili arma tractabat, & impatiens publicorum facinorum, coërcebat latrocinia pastorum. Hoc ille ingenij specimen dabat. Longe maius ac præclarius Cicero: scil. quo educatus fuit honestius, inter philosophos & in scholis. Nam cum puer primum præceptores auscultaret, facile omnes ingenij industriaq; felicitate superavit, ut nominis sui fama etiam graves viros ad puerum hunc visendum in scholam alliceret. Primum poetica operam dedit: deinde ad eloquentiam animum applicuit. Demum ad philosophos. In singulis tantum præstitit: ut commilitonibus difficile esset Ciceroni non paribus quidem sed secundis esse. Neq; a militia abhorruit, sed sub sylia tyrocinium edidit. Ætatis anno 26 orationem dixit in foro elegantissimam & gravissimam illam pro Quintio: item alteram pro Roscio, quæ Syllæ apud populum Romanum, & sibi apud Syllam gravem invidiam conflavit. (Fiat hic contentio per simile) Quemadmodum frutices & arbores agrestes ejusdem sunt naturæ fere cum ijs, quæ in hortis nostris alimus: fructus tamen & fætus longè uberiores, blandiores & delicatesiores ex his quam istis carpimus, propter culturæ assiduitatē: ita in humanis ingenijs fieri censendum est &c.

Scientia
comparatio

Romulus sub magistro suo Faustulo rem quidem rusticam didicerat: verum ingenij bonitate, & sub se ipso magistro vel proprio experimento rem militarem ita percepit probè, ut non solum strenui militis sed optimi imperatoris officio functus sit.

Aistologia.

Solet enim Deus penes quem omnis imperiorum distributio est, eos, quos ad dignitatem evehere vult, & necessariis ad eam rem donis instruere. Cicero vero non tam natus ad res magnas administrandas, quam sua virtute factus videtur: ita a puero diligentissime ijs artibus incubuit, quæ in principe, cui Respub. commendanda est, requiruntur: Eloquentiam dico, philosophiæ cognitionem, variam non historiæ Romanæ tantum, sed omniū fere rerum a nationibus exteris gestarum eruditionem. (potest fieri contentio Eloquentiæ cum peritia rei militaris. 2. imperatoris vel magistratus a philosophi, & philosophi)

Præterea Cicero etiam non fuit alienus à rei militaris peritia: quod probavit in bello difficillimo adversus Parthos: ubi ab exercitu imperator salutatus est: & Romæ triumphus illi oblatus.

Mores.

Primò in Romulo fuit insignis fortitudo bellica scilicet in hostibus vincendis. Et hujus virtutis probandæ multiplex occasio data, quod vicinæ gentes initijs Romæ felicissimis inviderent armisq; obsterent. Prælia igitur gessit multa, multos reges ac principes devicit, civitates ac nationes imperata facere coegit. Imprimis memorandum est quod in bello adversus Hetruscos, cum hostium cecidissent quatuor & decem millia, Romulus plusquam dimidiam partem proprijs manibus trucidasse fertur. Cicero verò magis à togata, ut vocant, fortitudine commendatur: h. e. animi quadam constantia in sententijs dicendis, consilijsq; pro Reip. salute dictis tuendis.

Hinc ille longe præclariori victoria non hostes sed cives, non singulatim sed confertissimè pugnantes, neq; plebem tantum, sed principes: & quidem sine vulnere ac sanguine vicit: eoq; plane eventu, ut & Ciceroni vincere gloriosissimum esset, & adversarijs vinci saluberrimum.

Secundò Cicero fuit singularis innocentia: Romulus non caruit suspitione injustitiæ, quod senatum autoritate sua privaret, nimumq; potestatis sibi arrogaret. Cicero fuit humanissimus: Romulus nihil minus.

Res gesta.

Romulus urbem ædificavit & vindicavit ab injurijs variorum hostium. Cicero conservavit & domesticorum hostium flammam prohibuit.

Mors.

Romulus creditur à senatoribus interfectus quibus tamen illos honores concesserat. Cicero ab Octaviano neci destinatus in gratiam Antonij, quem Octavianum Cicero senatui honorificentissimè commendaverat, & ad tantam potestatem pervexerat.

Romulus inter Deos relatus & immortalitati consecratus est à civibus suis. Cicero ipse monumenta memoriæ nunquam intermouituræ in scriptis suis sibi erexerat.

Conclusio per præteritionem e. g. Non fugit me posse etiam alijs partibus multis comparari inter se Romulum & Ciceronem: si

non

non illud potius spectandum esset, ut satietati auscultandi occurratur, quam orationis indulgeatur prolixitati.

Exemplum III. Comparationis.

**Comparatio inter Alexandrum Magnum
& Julium Cæsarem.**

Exordium à commendatione presentis argumenti.

Cum plena sit jucunditatis atq; admirationis ea consideratio, quæ virorum à virtute & rebus gestis clarissimorum vitæ rationes atq; instituta perpenduntur: tum plurimum delectationis in hoc meditationis genere accedit inde, si insignia quædam aliorum exempla adjungas, inter quos quasi certamen & contentio quædam fuerit de virtutis excellentia. Fit enim in hac comparatione, ut dum dubitamus quibus major laus tribuenda sit, admirabilior in omnibus atq; insignior appareat Commendatio, majoremq; sui apud nos amorem admirationemq; excitet.

Itaq; non abs re mihi facturus esse videor, cum de Alexandri vita ac gestis rebus dicere instituissim: si orationem meam patiar in perpetua Alexandri cum Julio Cæsare comparatione versari. &c.

Alexander Magnus à rege natus fuit Philippo Macedonum potentissimo. In majoribus vero etiam Deos numerat, nempe Herculem, ratione patris: & Jovem in familiâ maternâ. Patria regio Macedonia est celebris Alexandri & Philippi virtute. Julius Cæsar à cive quidem natus est. Originem tamen etiam à regibus habuit, nempe Albanis, Ænea scilicet & hujus posteris. Et sic Venerem Deam auctorem habet familiæ suæ. Patria autem fuit Roma rerum domina.

(Fieri hic potest contentio) Alexander patrem clariorem habuit, Cæsar patriam. Ille igitur aliquem nominis & celebritatis suæ lucem ac claritatem parenti se debere negare non poterit: Hic autem non tantum nihil ad honoris ea fastigia, ad quæ conscendit, à parentibus adjumenti accepit, verum etiam obscuris iisdem ferè hominibus gloriæ immortalis nunquam intermoritura monumenta primus constituit &c.

Alexan-

*Circumsta.
1. Origo.*

2. Circumst.
Educatio.

Alexander etiam puer egregia edidit animi magni specimina. Bucephalum equum tredecim talentis emptum, quem nemo attingere audebat, sibi domandum tradi postulavit, & in patris conspectu, quamvis recalcitrantem conscendit, calcaribus impulit, & iterum habenis contentis retorfit, patre præ gaudio collacrymante.

De patris victorijs quando domum renunciatum erat, reliqua aula gratulationibus persfrepente, Alexander puer solus tristis incedebat, nonnunquam inlachrymabat. Et quid inquit ad comites suos, mihi olim erit negotij? quæ gloriæ materies? si ita pater perrexerit omnia occupare. Sedecim annos natus, patre absente, adversus Megareses deficientes bellum suscepit, & perfecit feliciter &c.

Julius Cæsar verò & ille quidem ea præclara virtutis fundamenta ætatis initio struxit, quorum non facile alium quenquam pænitere potuisset: verum ipsum tamen pænituir, quod ad Alexandrum Magnum comparanda non viderentur.

Quamquam verò celeriorum ingenij ac naturæ fructuum prærogativam ultro cessurus esse Alexandro Cæsar videtur: tamen quò serius ad virtutis in Alexandro æmulationem accessit, eò gravius ac vehementius fuit illud contentionis studium: ut quò tenuiora in Cæsare initia, eò ponderosiora victoriæ atq; eventus monumenta existant. Accidit enim in humanis ingenijs atq; fortunis, id quod in fruticibus, herbis atq; arboribus contingere videmus, ut quædam brevissimo temporis curriculo, insignem atq; admirabilem proceritatem atq; amplitudinem occupent, Verum citissime deflorescentem: alia occulto quasi, ut cum Poeta loquar, ævo succrescant, sed robore quodam consolidato & adversus tempestatum, alijsq; corruptionis pericula probè communito.

3. Circumst.
Scientia.

Alexander Magnus præter rei militaris peritiam quam non alienis præceptis sed suis imperijs imbiberat, etiam ex Aristotelis schola excellentem Philosophiæ cognitionem ad imperium attulit. Præterquam quod in Medicinâ tantum profecit, ut nonnunquam amicis ægrotantibus opem adhibuerit. Julius Cæsar nusquam quidem Philosophiam attingisse commemoratur: quod hujus tempore hæc literæ Romæ non magnifereant: interim eloquentia, quæ tum Romæ regnabat, & à Cicerone, unâ cum militari disciplina, imperatoria ars vo-

Cic. pro Muræna.

can

cari solet, tantum profecit, ut Romæ secundus à Cicerone numeretur.

(Fieri poterit contentio eloquentiæ & Philosophiæ.)

Alexander audacissimè in pericula se coniecit: ut etiam hoc nomine ab amicis sapius reprehensus fuerit: primus in acie pugnare solebat, primus murum conscendere, fluvios clypeo innixus tranare. Julius Cæsar magis id metuere visus est, ne hac parte ab Alexandro relinqueretur quam ipsa pericula: ita sæpe sine omni evadendi spe, certissimo, non dico periculo, sed exitio se commisit: quando cum hoste bis tantis atq; amplius viribus instructo signa conferre, quando intempestivo ad navigandum mari navigare, imò quando in mari natare nihil veritus est.

Uterq; intemperantior fuit, ille in poculis, hic in libidine (fiat contentio utrum vitium pejus sit) Alexander vicit Persas, gentem quidem potentissimam, verum rudiorem artium militarium: Julius Cæsar non Hispanos tantum nationem bellicosissimam: non Gallos in armis exercitatissimos: non Britannos & Germanos ferocissimos: verum etiam ipsam Romam, ante ea tempora Dominam terrarum invictissimam, in suam subiecit potestatem.

Alexander Monarchiam constituit Græcorum vel Macedonum: Julius Cæsar Romanorum.

Alexander superbius gessit se in dominatu, Cæsar humanius.

Alexander prælagium imperij habuit equum cum bovillo capite: Julius Cæsar equum cum humanis digitis.

Alexander Magnus periit vini insidijs: Julius Cæsar amicorum.

Exemplum IV. Comparisonis.

Comparatio inter Aaronem Sacerdotem summum, & Josephum patriarcham.

Exordium à commendatione argumenti.

Figura elocutionis, Similitudo.

4. Circumst.
Morum cō-
paratio 1.
Fortitudo.

2. Tempe-
rantia.

5. Circumst.
Res gesta.

2. Res gesta.

Fortuna.

Vita exitus.

SI rectè sit A. ut hominum piorum, & à prudentia celebrium præconium aliquod suscipiatur, in eorum conventu & confluxu, quod ad earundem virtutum laudem contendunt: eodem jure fieri puto posse, hoc est summo vestro consensu, ut in hoc conventu vestro, de vita, moribus ac fortunis Aaronis sacerdotis dicam, & ita quidem perpetua quadam contentione hunc cum Josepho patriarcha comparem. Nisi etiam quod verè mihi arrogare posse videor, melior hujus argumenti conditio futura est, quam illius simplicis laudationis, de qua initio mentionem injiciebam: Sive enim propter exemplum precunda est alienæ virtutis consideratio, sive ipsa per se plurimum delectationis adfert: certe utrumq; præclarius duobus istis per contentionem propositis viris magnis consequemur, quam ex unius illius laudis solitudine &c.

Captetur benevolentia.

1. Circumst.
patria.

1. Communis patria vel potius exilij locus fuit terra Canaan. Quam Joseph puer vidit: Aaron procul tantum de monte quodam excel'so aspexit. Uterq; ea in re admonitus per divinam gratiam, pater patriam suam nusquam inveniri hic in terris istis, verum a cælo usque expectari.

Deinde exularunt uterq; in Ægypto: unde quidem Aaron vivens exijt: Josephus autem olim populum suum exiturum esse in Spiritu prævidit: & ut ossa sua mortui una aveherentur demandavit. In eo igitur felicior fuit Aaron, qui cum in captivitatem Ægyptiacam a cælo ipsius incidisset, mirandam populi liberationem sub ipso ac fratre duobus, toties patribus promissam coram aspexit. Verum ea felicitate parte Josepho concedit Aaron: quod hic Pharaonis servitio & se & populum suum oppressum vidit, cum ille universa non tantum ante Pharaonicæ sed regioni Ægyptiacæ dominaretur.

2. p. Orig.
nus, Major
res.

Majores Partim communes, nempe primi illi populi hujus antecessores, Jacobus, Isaacus, Abrahamus: partim proprii Aaroni. Quantò Josephus communes illos parentes propius attingit, eò plus videtur gloriæ, quasi per hæreditatem propiorem ad ipsum devolutum esse quam ad Aaronem nostrum.

Verum si & illud consideremus: promissiones Abrahamæ & semini

ni ejus factas magis spectasse illa tempora, quæ ab Abrahamo remotiora sunt, & Aaronis seculum propius stringunt: Videbitur illud in duobus his heroibus accidisse, quod in arbore aliqua nobiliori. Hic enim eæ partes, quæ à radice absunt propius, plus quidem roboris sustinent: verum quæ abierunt remotius à stipite, & in quandam tenuitatem se effuderunt, ut fructuum aliqua spes jam ab istis nobis fiat, hæc inquam, nobis chariores & in majoribus delicijs sunt. Tantò ergò charior Aaron divino numini, qui ad hanc temporum felicitatem reservatus, quibus divinarum promissionum quasi fructus aliquis atq; eventus sperabatur, præ Josepho, qui ab eadem longe remotus fuerat.

Nativitas utriusq; ejusmodi fuit ut facillè etiam hinc conjectare posses, ad singularia quædam & præclarissima munera obeunda ambos illos viros divinitus destinatos esse. Josephus matre natus fuit Rahele multis annis sterili, quæ tamen hunc filium suum Josephum tandem à Deo precibus impetravit. Aaron ex sæcundo quidem natus fuit conjugio sed infelici seculo, quo scilicet multæ infantum innocentes animæ per Pharaonis tyrannidem prius ex luce ista abreptæ sunt, quam eam sensissent. Ut miraculosa quadam conservatione Aaron infans ex cruentis Pharaonis manibus extortus sit, qui deinde populum suum liberaret. Josephum fratres perdere volentes in Ægyptum vendunt avehendum; quo tamen facto maximè servarunt. Obstetricibus id datum erat negotij à rege ut Aaronem in nativitate, quem admodum reliquos Iudaicos pueros fraude tollerent; quarum tamen pietate ille tyranni crudelitatem maximè evasit.

Eruditio, Utriq; contigit ut ijs artibus à quibus nunc potissimum eruditionis existimatio capitur parum imbuerentur. Josephus enim inter opiliones, Aaron in officinis lateritijs educatus fuit: tantum tamen absfuit, ut ea neglectioris institutionis calamitas quicquam ipsorum sapientiæ in adultiore ætate derogaret, ut etiam ultrò ad magnitudinem summæ admirationis ingentem cumulum adjiciat, quod in tam excellenti utriusq; prudentia, nullorum humanorum præsidiorum adjumenta ac vestigia appareant. Aaron enim universi Israelitici populi sacris præsedet, & de controversijs respondit: Josephus Ægyptiacum regnum prudentia suâ administravit (Fiat contentio in-

2 Circumst.
Educatio.
1. Nativitas

Mores.

ter politicam & Theologicam facultatem) Quanquam in utroq; ea extiterunt virtutes inter quas difficilis omnino futura est comparatio: Maxime si non id tantum spectemus, ut paria in ambobus esse laudum monumenta commonstretur, verum etiam ut utri potiores & priores commendationis partes debeantur scire libeat: tamen & ea in quibus aliqua convenientia est morum, commodè præteriri non possunt: & sunt præterea quidam sui utriq; ita proprii mores, ut alter alteri haud invitus in ijs concedat.

1. Temperantia.

Temperantia fuit in Iosepho singularis, quam optimo jure heroicam dicere posses. Abstinent enim à conjugio herili juvenis, qui ab ætate pelliceretur, neq; ab hac tantum, verum etiam ab herili conjugio ipsa: præterea proposita præter præmia etiam impunitatis certissima spe: imò cum videret vitæ summum periculum imminere sibi si recusasset; maluit tamen ille fidelis erga herum esse quam videri, & Dei sibi quam heræ incolumem gratiam.

Concesso.

Hic sane fatendum est, non occurrere in Aaronis vita quod cum ea animi fortitudine comparemus. Nisi illud a ferre placeat, quod cum Israeliticus populus graviter Deum offenderet, unus Aaron inventus sit, qui arrepto thuribulo, in medium procurrens, iram divinam adversus populum jam invalescentem placare atq; extinguere ausus sit. Inusitata est ea atq; inaudita Iosephi continentia: nec minus hæc animi præsentia in Aarone. Ille heram hujusq; preces & minas injustissimas superavit: hic Dei justissimam iracundiam mitigavit & compressit. Ille suam unius animam ab impudicitiae macula castam integramq; custodijt, hic verò universum populum ab intereptione certissima expedivit.

*Monstratur similitudo.**2. Magnanimitas.*

Uterq; honorum quidem minus appetens, ad eosdem tamen summos pervectus est, & ita usus, ut facile appareret sub sordido pueritiæ pallio magnos utriq; animos latuisse. Iosephus præfectus regis summam regni Aegyptiaci sibi concreditam habuit. Aaron princeps sacrorum fuit, salutis maximæ fuit regno Aegyptiaco illius administratio: nec minus Israelitico populo hujus præsidium.

3. Candor.

Candor primum in Iosepho dum heræ suæ injurias ira patienti fert animo, ut carcerem non recuset, potius quam illius perfidiam pro-

dere

dere velit. Ita Aaron deprecatur apud dominum frequentes populi seditiones, potius quam illum ultrò accuset.

Primum Josephus parentem & fratrem, universam Israelitarum familiam in Ægyptum vocavit, regionem propriam quandam habitandam dedit terram Gosen: Regi eam fidem præstitit, ut omnem Ægypti agrum huic coemeret. Aaron populum suum eumq; multò numerosiorem, & tyrannide Ægyptiorum oppressum, ab exilio illo Ægyptiaco eduxit: & non in ipsam quidem Cananæam regionem possidendam, veruntamen in limine ejusdem constituit.

Primum fiat repetitio plerarumq; partium: secundo agantur gratiæ Deo, qui in Ecclesiæ ædificationem non satis habeat unis aliquibus temporibus mittere viros clarissimis donis illustres, verum etiam eadem in plures aliorum atq; aliorum seculorum conferat &c.

Res gesta.

Conclusio.

Exemplum V.

Comparatio inter Christum & Archangelum Michael.

Exordium dicat rationem suscepti hujus argumenti à conditione præsentis temporis. Figura elocutionis similitudo.

IN convivijis hoc facere solent, ut eam sermonum materiam requirant ab ijs qui una adsunt præsentibus, quæ ad hilaritatem & convivarum delectationem aliquam pertineat. Quod in hunc finem institutum illum conventum dicamus, quo animi mutua aliqua jucunditate perfruantur ac recreentur.

Idem eò potius in serijs negotijs observandum est, quò horum negotiorum, dico certior quam otiorum ratio constare debet.

Quid igitur huic temporis convenientius? aut quodnam ad dicendum argumentum aptius eligere poteram? Quam ut Archangeli Michaelis, cujus nunc in Ecclesia laudes concelebrabuntur, comparationem quandam cum Christo servatore nostro instituiam? vel illud demonstrarem, nullum alium esse eum quem Archangelum Michaelum prædicamus, quàm ipsum dulcissimum caput nostrum ac summum patrum Christum mundi servatorem. In qua opera dum versor vos

quæso obtestorq; A. per eam pietatem vestram, quam Servatori nostro debetis, ultroq; præstabitis, vacuas attentasq; aures mihi patefaciatis.

1. Circumst.
Natura quod
pertinet 1.
Nativitas
& nomen.

Principio Michael angelus est, h. e. Spiritus, est essentia cuiusdam, ut cum Philosophis loquar, spiritualis. Dum autem Spiritum dico intelligi volo de re aliqua plane humanis sensib; incognita, atq; adeò incomprehensibili: vel ut dilucidius me expediam: quando Spiritum dico esse angelos, hoc cum Christo nostro dictum atq; intellectum volo, Angelos neq; carnem neq; ossa habere, aut aliquid corporearum rerum esse. In eo primum convenit Michael cum Christo nostro. Etenim etiam Christus Angelus est Malach. 3. Et Spiritus, Deus enim Spiritus Iohan. 4. Imò omnium spirituum pater ac conditor.

2. Circumst.
Matth. 22.

Michael nativitatis originem aut parentes aliquos suos agnoscit nullos: non enim humano more per nuptias copulantur Angeli: sed in mundi primo exordio universa Deo eadem creationis opera exsisterunt. Deum tamen patrem suum agnoscunt atq; appellant Iob. 1. v. 1. cap. 38. v. 13. Christus noster eadem gaudet excellentia, nisi quod eam longè maiorem consecutus est. Nam secundum divinitatem nullos & ille parentes è creaturis quidem habet: Deum verò patrem suum appellat verum, cum quo ille unus & idem Deus est, ab æterno genitus & ante æternitatis tempora. h. e. nullo unquam facto huius generationis initio.

3. Circumst.
Mores.

Commendatur Michael imprimis à singulari fortitudine. Id quod ipso nomine indicatur. Dicitur enim Michael, si ad verbum interpretaris, Quis sicut Deus? vel quis se cum Deo roboris & virium paritate comparare audebit? Unde etiam non tantum in subsidium aliorum Angelorum iterum iterumq; vocatus fuit: Dan. 10. v. 21. verum etiam dignus habitus, qui æterno illo & ἀπὸ τοῦ ἀδύνατον adversus diabolum prælio imperator crearetur Apocal. 12.

Ἀπόδοσις

Atq; hic dubium nullum esse poterit, quin iste Michael Archangelus nihil præter nomen à filio Dei diversum habeat: atq; illud quidem ejusmodi, ut secundum literas quidem alium aliquem, verum secundum abstrusorem & penitiorem sensum neminem quàm servatorem nostrum indicet. Quis enim ille est qui est si cut Deus, vel par cum Deo potentia? nisi filius, qui paribus vel ipsdem potius cum patre, viribus valet. Quis ille angelorum omniumq; dominatorum

caelestium princeps & caput? nisi servator noster Christus super omnes dominationes erectus? Ephes. 1. Philip. 2. Rom. 8. & ab omnibus angelis adorandus?

Michael Archangelus depugnat pro Dei populo Dan. 12. v. 1. ut eos filios faciat: atqui hic non est aliqua creatura, n. aliquis Angelus aut Archangelus: sed ipse de caelo Dominus. Non enim quisquam unus vel hominum vel angelorum hoc poterat, ut nos ex diaboli potestate explicaret, aditumq; ad salutem nobis communiret: nisi ab ipso Domino suscepta fuisset tantioneris & difficultatis provincia. Porro Michael Archangelus Diabolum vicit, atq; e regno caelesti deturbavit Apocal. 12. & hoc sane praedictum fuerat, fore ut Diaboli tyrannis infringeret. A quo vero? num ab aliquo e reliqua caelestium Spirituum turba? imò a mulieris semine: ut habet quidam in Moyse textus: quod est ab ipso Christo nostro: hic caput serpentis vel Draconis conterit secundum Moysen, vel ex D. Iohannis visione Diabolum e caelo expellit, h. e. potestatem in humanum genus abjudicavit atq; ademit. Neq; enim debetis cogitare Diabolum aut caput habere osseum aut pelle tectum, vel hactenus in caelo post januam stabulasse. Spiritus divini mysteria illa sunt, quibus illa visionum & verborum ad nostrum captum accommodatorum quasi integumenta atq; involucria iniecit: quod intelligentiae nostrae infirmitas minus caperet, si illa suis h. e. caelestibus verbis efferrentur.

Caput igitur diaboli calliditas scelerati illius Spiritus est: tum dominatus tyrannicus in humanum genus nostrum: quo a caelestis hereditatis additione, jure eo quod propter peccata nostra habebat traditum, nos arcescebat. Ab eo jure per Christi redemptionem exclusus, a caelo dejectus esse dicitur. Neq; unius hora ea est expulsio: sed perpetua adversus Diabolum fidelissimi Michaelis nostri contentio. Quamvis enim ille Diaboli immanitatem dudum pedibus suis subiectam habet sanguinis sui merito: tamen eret am nunc usq; ad mundi finem pro nobis depugnandum est, ut & sub nostros pedes Diabolum conterat Rom. 16. v. 20. Quod ita intelligere debetis: peperisse quidem Christum nostrum universo mundo ex diabolica potestate liberationem: verum eos tandem huius victoriae beneficio frui, qui per fidem Christo se adjungant. Hac igitur pugna est atq; concerta-

tio,

4 Circumst.
Res gestae.

ratio, ut fidei primum compotes fiamus, deinde in eadem semel percepta consistamus &c.

Conclusio.

Sed redeat unde digressa est oratio: intellexisse vos spero, Michaellem Archangelum tam similem esse Christo nostro, ut nemo sibi ipse similior. quod & origo & nomen: fortitudo præterea & beneficia deniq; in nostrum humanum genus, quæ à Michaelle profecta dicuntur, planissime in unum Christum nostrum convenient.

Exemp. VI.

Comparatio Alexandri Magni cum Salomone.

Exordium modestia causa, rationem reddit huius instituta Comparationis. Figura Elocutionis Occupatio.

SI quisquam est A. qui ita sentiat, ea ad dicendum argumenta afferenda esse, quæ ab Auditorum auribus non abhorreant: si idem audiat præsentis orationis nostræ illud argumentum esse, ut Salomonem Iudæum Regem pari nominis rerumq; gestarum splendore fuisse monstremus cum Alexandro magno, & audaciæ alicuius hoc institutum nostrum condemnet: rogatum eum volumus, ab ea damnatoria sententia abstineat, donec justam consilii nostri rationem cognoverit. Etenim ita more comparatum est, ut à vulgi iudicio non libenter discedamus. Vnde cum notiores sint ex Ethnicorum historiis Alexandri Magni laudes: Salomonis autem rarior in vulgus mentio: hinc factum est, ut nemo è vulgo dubitet, quin hic ad illius laudum magnitudinem nunquam aspirare audeat. Veruntamen si rem penitus introspiciamus: & si benevolentiam attentionis vestræ polliciri mihi fueritis, faciam Deo dante, ut animadvertatis, aliter sæpe vulgus de magnorum virorum laudibus arbitrari, nempe ex temeraria quadam opinione: aliter ex veritate de iisdem iudicandum esse.

Propositio.

Sentio igitur Salomonem eam fuisse natalium, morum, scientiarumq; gestarum amplitudine ac nobilitate: qui non solum cum Alexandro Magno æquiparari, verum etiam eidem longe anteferrì jure meritoq; possit.

Alex.

Alexander oriundus fuit ex Macedonia Græciæ provincia, ignobili illâ ante Alexandrum & Philippum. Salomon originem ducebat ex terra sanctâ divinitus benedicta lacte & melle fluente, adeoq; inusitata quadam omnium rerum felicissimarum copia abundante. Fiat contentio: Si patria non minimam obtinet partem in laudibus clarissimorum virorum: dubium non est, quin quo quisq; clariori patria ortus est, tantis partibus post se relinquat alios obscuriori atq; ignobiliori prognatos locu. Certe Alexander Magnus nō mereretur alterum tantum imperii, quanquam sitientissimus gloriæ erat, ut ex ignobili quodam Indiæ, aut Thules, aut alio mūdi loco prodisset: Fateatur igitur necesse est tanto inferiorem se Salomone esse, quantò illustrior hujc benignitate divinâ patria contigit.

Accedit quod in Salomonis regno Deus ipse naturæ author sedem ac templum suum locatum fixumq; habuit: quem Alexander Magnus adeò ignorabat, adeoq; ab se remotum habebat, ut pro vero illo numine, pessima Cacodæmonum monstra templis sacrisq; veneraretur. Id quod in magnâ in Salomone quidem felicitatis atq; excellentiæ: in Alexandro verò infortunii ac calamitatis parte collocandum esse planissimè sentio.

Alexander patrem habuit Philippum Macedonem prudentissimum virum, acerrimum bellatorem, & ducem felicissimum: qui Macedonia fines longè lateq; extendit atq; propagavit. Salomo vero noster ex eo parente in hanc lucem susceptus est, qui sine omni plane negotio is fuisse demonstrari poterit, ad quem Philippus ille Macedo nullo modo comparandus fuerit. Hic enim multas quidem urbes & regiones cepit, plures tamen fraudibus, quàm justis præliis: quod in more positum haberet: auro prius experiri omnia quam armis. Vnde etiam in vulgus abiit, & creberrimis usurpatur sermonibus, quoddam eius dictærum, quod ille cuidam de civitate quadam prædicante, esse eam armis inexpugnabilem, respondisse fertur: num etiam auro onustus asinus ejus urbis mania transcendere posset? David verò Salomonis parens, præterquam quod numero subjectarum sibi regionum Philippum regem longè superet, nulla prodicione unquam aut artibus malis, sed sola fortissima manu adversus hostes usus esse legitur. Accedit, quod Macedo plurimos hostes suos prius opprimendo

1. *Circumst. origo, cōmunis vel patriæ.*

2. *Descriptio patriæ.*

Origo propria vel parentes.

ΑΠΟΔΟΤΙΣ

fecit; quam se ab eodem aliter, quam amicorum & sociorum loco haberi sentirent. David verò neminem unquam in pace à majoribus acceptâ aut petita turbare, aut ullam nisi intentatam hostilem vim propulsandam adversus quenquam suscipere voluit. Itaq; ille quidem Macedo cum plurima bella gessisset, plurimum tamen exhauriendam molestiam subditis & filio à morte sua reliquit. David autem cum multas gentes belli offensione abs se alienasset, ita tamen ea bella gesserat, ut simul cum adversorum armorum devictione animos suorum hostium ita fregerit, ut & Davidi seni, & post hunc filio ejus Salomoni summa voluntate parere, imperata facere, tributa solvere mauerint, quam imparibus viribus, & injusta contentione adversus eodem rebellare &c.

Nativitas.

Venio ad nativitatem, quæ utriq; digna tantis heroibus & à prodigiis admiranda contigit: longè tamen illustrior Salomoni. Alexandri mater Olympias cum uterum ferret, visus est sibi Philippus pater secundum quietem videre ad uxoris uterum affixam bullam cum leonis insignibus. Consulti arioli responderunt prægnantem esse Olympiam: parituram autè esse marem leonini, h. e. excellentissimi animi. Et hæc quidem præfagia Alexandro obtingebant: Præclariora illa Salomoni. Etenim huius nativitatem, tum regni felicitatem, non per somnia Dæmon aliquis, sed apertis vaticiniis ipsum divinum nomen, prædicebat. Addebantur etiam honorum insignia, ut non quidem sub figurâ leonis pingeretur, sed filij Dei appellatione honestaretur.

*Circumst.
Mores.*

In Alexandro Magno fortitudo bellica: in Salomone rogata. In Alexandro primis quidem annis singularis confidentia, in postremis immanissima ad omnes libidines profusio. In Salomone constanti quædam ac perpetua vitæ moderatio. In Alexandro magnificentia quædam, in luxu ac splendore aulæ; Sed major in Salomone. Magnanimitas summa illa in Alexandro: major in Salomone. Alexander Philosophus fuit: Salomon non humanâ, verum divinâ: plane non Physicarum tantum rerum atq; omnium earum, quæ in hominum scientiam cadunt, peritiâ, verum etiam cælestium cognitione adeò stupendis fuit, ut meritò sapientissimus omnium, qui ex homine natus sunt, prædicetur.

*5. Eruditio
scientia.*

Alex

1. Alexander fuit bellis insignis: Salomon pace (comparetur hic belli incommoda cum pacis commodis) Alexander Magnus urbes devastavit: Salomon exædificavit 3. Alexander Magnus potissimum celebratur à devicta & debilitata Persarum potentia. Salomonis præclarissimum omnium opus fuit, quod Templo Hierosolymitano constructo, religioni illi certam fixamq; sedem constituit: (Fiat hic comparatio horum duorum operum)

Illum vinum; hunc mulieres perdiderunt.

Repetat summam dictorum cum propositione.

6. Res gesta.

7. Mors.
Conclusio.

Exemp. VII.

Utrum Vinum, an Rex, an verò Mulieres,
vel tandem veritas sit fortior & præ-
stantior.

Oratio I. Preparatoria.

Dicetur 1. Summa.

Darius Persarum rex magnificum convivium instituerat: in quo omnes provinciarum præfides liberaliter prolixeq; excipiebat. Inter pocula, ut sit, sermo incidit de admirandis vini viribus, quodq; homines etiam potentissimi hujus quodammodo imperio parere cogerentur.

Alius verò de vino illud negare: mulierum contra dominationem extollere cepit. Inventus porro est qui eam vim longè lateq; omnibus rebus dominandi, indignum censeret ad vinum aut mulieres potius quam ad reges rerum dominos referri. Tandem etiam quidam pro veritate quædam in medium afferebant, quod hujus potestatem summam esse ac maximam dicerent. Cum placuisset ea plena eruditionis & jucunditatis contentio Dario regi, per præconem proclamari jussit: ut si qui essent qui dicto die in consilio principum eam rem diligentius meditati, de singulis sententijs verba habituri essent: promittere regem ei, cujus oratio proximè à veritate absutura esset, munera planè digna magnificentia regiâ: nempe ut purpurâ ei uti liceret: tum aurea vasa plurima, lectulos aureos, aurea frena, byssinam to-

gam & torquem. Et præterea secundum à rege habitum illum
iri.

Postero die convenit inter regis cubicularios, ut ipsi inter se hanc
disceptarent controversiam. Itaq; literas ad regem miserunt quibus
eam voluntatem suam, & quam singuli partem defensuri essent si-
gnificabant. Perplacuit tū id regi quod ita etuditis uteretur cubicula-
rijs. Indictus est principum conventus: cui ipse Darius interfuit. Hic
in medium prodire juvenes illi: pro se quisq; diligenter dixit sententi-
am. Tandem pronunciatum est Zorobabelem verissimè omnium di-
xisse, qui primas veritati assignaverat. Eam litem suam fecerunt quas
adesse videtis adolescentes. Quod illud jam non tantum more vul-
gato liceat: verum etiam magno studiorum commodo fiat: ut cum
ille eloquentiæ usus sit, de rebus scilicet serijs in Repub. sententiam di-
cendi: multò ante in scholis exerceamur, aliorum agendis ac sustinen-
dis personis fictis, horumq; verbis dicendo ea, quæ ad illorum senten-
tiam videantur quàm proximè accedere, Itaq; & hoc orandi estis, ut
liceat nunc ista area pro Darij curia uti. Et eum qui primus assidet fa-
cietis opinione vestrà Darium regem: reliquos è consiliariorum nu-
mero habebitis. Juvenes disceptatores hujus litis ipsi se indicabunt &c.
Petatur porrò benevolentia auscultationis.

Oratio II. DARIJ REGIS.

*Qua exponit præsens institutum, Captat benevolentiam à signi-
ficatione clementia & amoris erga bonas
literas.*

Non opus puto fore, viri principes, vobis omnium vitæ nostræ
rationum conscijs commemorare: quantæ semper, nobis curæ fuerit,
ut animum nostrum vestrum omnium, qui boni estis, amantem intel-
ligeretis. Sane quantum in eâ re allecuri simus vos longè rectius ju-
dicare poteritis quam ego prædicare: id tamen jure meritoq; affirma-
re posse videmur, nihil à nobis prætermisum, quo vel honoribus de-
ferendis, vel voluptate aliqua ac delectatione honesta creanda, bene-
volentiam ac gratiam nostram quoquo modo vobis probaremus.

Eo accipietis mei principes, quod cum heri corporis refectioni

ali-

aliquid tribuerimus, hodiè in hunc locum vos convocaverim, ut aurum atq; animi quadam recreatione & ijs delicijs quas nobis quidam adolescentes nostri facere polliciti sunt, vos una mecum afficerem ac permulcerem, Nunc ergo vacuas aures patefacite, & hilaris mecum animis adestote: ut non minori voluntatis æquitate hoc studium nostrum, quam illud hesternum, vos accepisse ex vultibus atq; attentione vestra colligere valeam.

Oratio III. Cancellarij.

Primum exponitur summa controversia orta inter judenes & occasio: Secundò leguntur literæ, quas super eâ re ad regem scripserint: tertio jubentur singuli dicere sententiam.

Literæ fingi debent 1. exordium à laudatione virtutum in rege: præcipuè magnificentiæ illius in præmia, quæ ad aliorum excitandos animos decernat e. g. cum omnis virtus in regibus animadversa à tanti cultoris dignitate singularem quendam splendorem trahat: tum nihil illustrius est, nihil gravius, nihil admirabilius eâ liberalitate, quâ principes ad aliorum inflammandos animos in virtutum studio, nulli munerum aut profusionum etiam generi parcant &c. Cum igitur & tu clementissime rex id operam dederis, ut non reliquis tui ordinis principibus par in hoc virtutum amore, sed longè superior evaderes: permovit inusitata ea clementiæ species animos nostros, ut pessimo dedecori futurum nobis arbitraremur, si non aliqua simili industria responderemus.

2. Pars propositio: Quare eam controversiam, quam per præconem proclamari jussisti, à nobis explicandam recepimus.

3. Pars. Confirmatio. 1. ab honesto. Non quod pares adeò gravi negotio videremur: sed quod ea in mentem nostram insedisset cogitatio: siquidem regi honestum videretur, si qui ex omni subditorum numero prodijissent, qui super hac controversia, quam possent sententiam dicerent: multò eidem honestius visum iri, si ejus rei dubiæ disceptatores existerent, qui cum rege quam proximè communi scili-

cet familia jungerentur (possunt argumenta alia addi à facili, jucundo, possibili &c.)

4. *Conclusio*: Quare regem obtestamur, ut si etiam nunc videri digna poterit tua auscultatione & principum confesso liticula illa: potestatem dicendi nobis facias. Dabimus equidem operam ut appareat, proximè regem eruditionis amantissimum, adesse non tantum qui de literis garrire, sed aliquid dignum regis auribus afferre possint.

*Oratio IV. Sententia prima
pro Vino.*

Exordium ad imitationem Ciceronis pro Roscio. Dicit causam quare ipse cum socijs adolescentibus prodeat ad hanc dicendam causam: cum tot eruditissimi & gravissimi viri sedeant.

Primum non esse eam hujus consilij rationem: quod plus sibi præ alijs vel peritiæ vel audaciæ arrogant: Verum in ipso argumento esse quod se excuset. Nempe hanc disceptationem animi delectandi causa à rege esse mandata. Itaq; regem parcere voluisse auctoritati reliquorum principum, ut majori cum dignitate illis ad seria uteretur. Huc accedere, quod hoc controversiæ genus ad voluptatem totum comparatum, ingeniorumq; quandam exercitationem, alienius videatur à maturiore ætate illa principum 2. petatur benevolentia 3. fiat propositio e. g. Sentio equidem eas esse vini vires quare reliquarum in hac controversia oppositarum rerum facultati ac robori longè præferendum sit.

Argumentum I. Cui plura in sunt bona hoc est melius: Vino plura insunt bona E. est melius: Propositio major. Principio facile assensuros vos esse mihi spero, eam digniorem esse cujuscunq; rei laudem, quæ non ab unâ aliqua solitaria virtute proficiatur, sed à pluribus alijs quasi comitibus & socijs cohonestetur.

Ratio. Etenim est quoddam virtutum inter ipsas vinculum & conjugium, ut societate mutua delectentur, eaq; sui conjunctione singulæ ab alijs peculiarem quasi quandam lucem & dignitatem mutuentur: sin autem à se disjungantur, & solitariè alicubi appareant, longè

obscu-

obscuriores & tenuioresprehendantur.

Simile: Id quod etiam in luminibus fieri videmus vel facibus ac flammis, etiam si eæ res seorsim collocatæ radios aliquos à se emittant ac spargant: tamen hos omninò infirmiores esse, quam si multa luminosa corpora copulentur. Contrarium: quanquam idem etiam in vitijs ac morum turpitudine observare est: ut qui uno aliquo sceleris contagio infectus sit, magis lateat: qui verò plurium scelerum maculam in se conceperit pejor & contaminatior habeatur. Unde illud Poetæ tractum est,

At vitijs nemo sine nascitur: optimus ille est
Qui minimis urgetur &c.

Conclusio. Sit itaq; nobis hoc extra omnem dubij aleam positum, eò quamq; rem præstantiorem esse, quò plures ejus commendatæ rationes extiterint, quoq; plura quasi virtutum insignia in ea quasi suspensa sint. Propositio minor: Porro ea est vini excellentia, ut non tantum reliqua omnia quibuscum comparatur faciliè viribus superet ac frangat: verum etiam alijs laudum insignibus, eadem longe post se relinquat. Etenim neq; mulier tantà unquam astutiâ inventa fuit, quæ non singulari vini facultate labefactaretur ac proderetur: nullus unquam vel auditione perceptus, vel ex historicorum libris observatus, vel ex antiquissima patrum memoria ad nos delatus rex fuit, cujus vel sapientia vini haustu cupidiori non oppressa, regni dominationisq; potentia vini nimio studio non imminuta, vel tandem ejus inusitata atq; inaudita quædam continentia vini hauriendi cupiditate immoderatiore non aliquando victa fuerit. Quid dicam de veritate? quid illà nudius? quid inermius? quid miserius? scilicet ubi ad potula ventum fuerit? nuda omnibus ridenda prostituitur, silentij sui præsidij quibus per sobrietatem bene munita custodiebatur ad primam vini oppugnantionem facilimo negotio exturbatur, exuitur, exterminatur. Atq; hoc nunc primum est mirandæ in vino fortitudinis experimentum. Quod eò est præclarius, quò pluribus atq; illustrioribus alijs bonorum ac virtutum subsidij adjuvatur.

Etenim non tantum istis longè prævalet vinum quibuscum contenditur robore suo, verum etiam quod singulari quadam suavitate univèrsam vitam nostram aspergat ac condat, dum & sensus nostros ve-

hemmen-

hementer afficit: & in ipsa pugna jucundam facit eam cum ad versarijs collucationem. Narrari hic possunt ridiculi gestus ebriarum 1. mulierum 2. virorum maxime principum. Porro etiam justiciæ quædam quasi mater vinum est, quod alieniores à dolo & fraude sunt, qui vino sunt dediti. Item facit veraces homines & candidos: Demum ad fortitudinem impellit: item prudentiam creditur conciliare. maxime ab iis hominibus, qui non nisi inter pocula deliberant de rebus gravibus. Conclusio. Ex quibus omnibus patet vinum esse longe fortius & præstantius.

Argumentum 2. In quo insunt pauciora mala, hoc est præstantius: In vino insunt pauciora mala E. est præstantius. Propositio minor.

Mulierum in viros imperium affert omnium rerum perturbationem: si viri sunt patresfamilias inde familia: si sunt principes inde Respublica conquassatur: Reges multa crudeliter, multa libidinosè faciunt: regum victoria multo sanguine & subditorum & hostium constat. Veritas omnium litium est causa in religione, unde tot hæreses? in foro, inter Philosophos, in re domestica &c. Sed vinum quid habet incommodi? quod quidem cum istis comparari possit: pedes titubare facit? at ridiculo spectaculo. In lutum abiicit? vestem corrumpit? at domi uxor est quæ lavare possit. Valerudo attenuatur? imò corroboratur magis & animus exhilaratur &c.

Conclusio. Itaq; vinum est fortius & præstantius. Propositio maior. Tanti enim unaquæq; res esse debet, quanto q. intervullo à damnis & molestiis abfuerit.

Argumentum 3. Diuturniora bona sunt præstantiora: vis vini est diuturnior E. est præstantior. Conclusio ponenda primo. Præstantia igitur vini, satis ex illis quæ dicta sunt patebit: nec minus tamen eandem ea, quæ porro dicturi sumus, demonstrabunt. Minor propositio. Quid enim etiam si regis potentia in subditos, aut mulieris in virum longè amplior sit: an non propterea majores vires vino tribuimus quod illa, regis dico & mulierum imperia ut violentia quadam continentur, ita dissolvuntur quam facillimè, cum nullum violentum possit diuturnum esse: vini autem ille in humanum nostrum genus dominatus, voluntate nostra quadam susceptus, non tantum nullum sui fastidium afferat, sed consuetudine & ætate magisq; nobis

commen-

commendetur. Unde etiam ex veteri prouerbio: in senibus plerisq; videri solet illud quod dicitur, aquilæ senectus h. e. vehemens quoddam potandi studium. Propositio maior. Neq; hoc leue putandum est argumentum, quoniam in aliis ira ferè æstimare solemus: ut quò cuiusq; rei firmior & diuturnior est possessio, eò ipsa habeatur carior.

Argumentum 4. Longius peruagata sunt præstantiora: Vini usus longius peruagatur E: est præstantior. Propositio minor. Rex tantum in subditos, & eos sæpe vnius regionis aut oppidi etiam potestatem habet. Mulier in unum virum: veritas in Theologos & simplices homines: vinum in omnium ordinum, locorum, seculorum homines mandata dat: illorum subditi inuiti: hujus volentes obsequuntur. Rex tantum subditorum opibus: mulier mariti libidini: veritas opinioni: vinum omnibus vitæ partibus præsidet.

Vino non est opus regis opera aut mulieris: reges sæpe usi sunt, vino ad vincendos hostes, ut Cyrus adversus Massagetas: mulieres adversus amatores ut Judith.

Conclusio. 1. repetat argumentorum summam 2. propositio-

*Oratio V. Sententia altera
pro præstantia Regis.*

Exordium modestia causa conqueretur de argumenti hujus difficultate, quæ mirâ quadam ratione ex ejusdem facilitate exoritur.

Cum enim, inquiet, nihil videatur demonstratu facilius, quam regis longè majorem esse potentiam, quam non vini tantum aut mulierum sed omnium aliarum rerum: hoc tamen in hac re difficultatis mihi obicitur, ut in re cuiq; obvia, aliquid novum afferam, quo audiendi fastidio occurratur.

Et hoc promitter: si rex & reliquas confessus benevolentiam polliceantur & præsent, daturum se operam, ut si id assequi nequeat, ut digna illo auditorio afferantur, tamen appareat, nihil, ut illud assequeretur, studij atq; industriæ à se prætermissum esse.

Argumentum I. ex quibus plura bona propagantur sunt præ-

stantiora: ex rege plura bona propagantur E. Est præstantior. Propositio major. Ex pluribus quasi exemplis & fructibus certum animi præstantis ac veræ fortitudinis documentum capitur. Contrarium Et vana est ea laus, qua robur aliquod jactatur quidem verbis verum nullo experimento comprobatur. Ut in hujusmodi quorundam mores dudum usurpatum sit proverbium: Hic Rhodus, hic salta.

Propositio minor: A Regibus proficiscuntur plura fortitudinis experimenta: nulla est tanta vis, quæ non eos metuat: his non effeminati tantum ut vino & mulieribus, sed etiam fortissimi quique obsecundant & morem gerunt.

Ab his robur nequissimorum hominum frangitur: justitiæ amantium potentia confirmatur. His debemus, quod à bestiarum violentis impulsibus, quod à latronum firmissimis conspirationibus, quod ab hostili manu tuti & securi vivimus: quarum rerum omnium impetum nostris singuli viribus excipere non poteramus. Quid minus concuti potest fortissimis manibus & turribus? regum tamen potentia ea multa concussit atque evertit: quid minus ulla humana facultate perdomari potest, quam Maris furor? Cyri tamen primi Persarum regis potentia maris fremitum ita perdomuit ac compressit, in multos rivulos eo deducto, ut placidissimi fontis instar deflueret. Quid minus humanis manibus tractari poterit, quam montium moles? & tamen has etiam regum potentia loco suo movisse, & aliorum transportasse legitur. Denique quid admirabilius? quid cum divina illa mundi gubernatrice majestate convenientius? quam unius alicujus hominis imperio ac nutu multa millia hominum capita, & ut imperata faciant cogi & à mutuis externisque injurijs prohiberi?

Conclusio: Quare cum quo plura adsunt fortitudinis experimenta, eò minus de ipsius fortitudinis præsentia dubitandum sit: cumque, à rege ita multa præstentur, quæ eximie alicujus fortitudinis indubitata signa sunt: quis est qui dubitare ausit, quin certaminis hujus palma regibus adjudicanda sit?

Argumentum 2. Quæ plures imitantur meliora vel præstantiora sunt. Regem plures imitantur E. rex præstantior est. Conclusio, Præsertim si & illud attenderimus quod nunc dicam, magis ita sentiemus. Minor: Qui enim sit, quod illam, quæ in regibus est, vim &

authotitatem à multis quidem exoptari inusitata quadam cupiditatis
vehementia: ab omnibus autem quacunq; imitationis ratione ad se
rapi animadvertimus? (Narretur hic de Iulio Cæsare & Alexandro
magno & aliis regna affectantibus Deinde narretur quid singuli ho-
mines imitentur regum) i. pueri ut videas mirabilem naturæ vim, per
ludum inter se creant reges. Item cives. Item in serijs officijs videas
quandam imaginem Reip. ut aliquis quasi rex eminentiori potestate
reliquos cohibeat e. g. in scholis: in opificijs: in senatu: in fami-
lijs &c.

Peroratio. Fiat repetitio propositionis & argumentorum per
subjectionem e. g. Quid igitur est A. cur dubitetis quin omnium ma-
ximum robur penes regem sit? Experimentum enim singulare robo-
ris & potentiæ desideratis? in rege illud extare demonstravimus. An
verò aliorum sententiam confugitis? illudq; robur maximum judica-
tis, quod à pluribus præ alijs potentiæ generibus eligitur? Etiam hanc
prærogativam in reges competere ostensum est. &c.

*Oratio VI. Sententia tertia pro
mulieribus.*

Exordium vel insinuatio à narratione ridiculâ de Æsopo.

Hunc de ficubus deuoratis accusarant conservi: quas tamen ipsi
abligurierant. Æsopus difficillimæ & impeditissimæ erat linguæ, ut quæ
vellet animi sensa exprimere satis non posset. Ea hominis calamitate
abutebantur isti. Verum quod linguæ facultate consequi non pote-
rat Æsopus ut de crimine se purgaret, lepido quodam ingenij com-
mento tentavit. Epotâ aquâ calidâ vomuit, idemq; ut conservi face-
re juberentur nutu petijt: & statim apparuit dolus cum ille nihil præ-
ter aquam, hi ficus egerent. Sed quorsum hæc tam multa de Æso-
po? videbitis profecto A. si paululum animum attenderitis, idem ho-
die mihi usu evenisse quod olim Æsopo illi contigit. Quamquam de
sociorum meorum dolis aut fraudibus quod conquerar non habeo:
tamen ea in re merito cum illo me compono, quod iustissimam qui-
dem causam lingua balbutiente adversus disertos adversarios profite-
or: Ideoq; nimium metuo, ne meo vitio atq; hæsitantia ipsius causæ

æquitas in dubium apud vos vocari possit. Et hic quidem quid mihi maximè optandum sit plane perspicio: ut scilicet item aliqua ingenij felicitate subtiliq; commento tanto huic mala occurram. Verum cum id optare mihi magis liceat quam sperare: ad tuam rex clementissime iudicij æquitatem, vestram illustres proceres humanitatem, supplex me recipio, ut quod in hac causa à me ipso præsidium non suppetit: id à vobis petere mihi liceat: ut sc. illud magis cogiteris, quam quibus rationibus, ac qua ingenij orationisq; elegantia à me defendatur.

Propositio: sentio igitur mulierum eam authoritatem vulgo non apud plebem tantum, verum etiam principes usurpatam esse: cui merito ille regis dignitatis splendor se nulla ratione comparare audeat.

Argumentum 1. Quæ per se sunt bona sunt præstantiora quam quæ propter aliud. Mulieris potentia est per se, regis propter aliud. 2. mulieris est præstantior: **Propositio minor.** Principio autem in confesso est, regum omnem illam potentiam, quamquam latissimè se extendat, tamen ab alienis potius quam proprijs facultatibus suspensam esse. Multum hic potest fides sociorum, subditorum virtus, præsidiorum & munitionum firmitas, item vicinorum animus pacis studiosior, & à tumultibus alienus. Atq; hæc ejusmodi sunt, ut nec sine illis tueri imperiū suum princeps valeat, neq; ramen omnia satis in ipsius manu ac potestate sita sint. Mulier autem ad eam quam in maritum habet superiorem potestatem, nullo cum socijs aliquibus fædere indiget: nihil civium aliquorum aliena virtute confidit: nullis arcibus, nullis vicinorum operis utitur.

Ipsa à se accipit quæ ad asserendam authoritatem necessaria sunt: ipsa miles, imperator mania præsidium. **Conclusio:** Quare quò minas alienis quam suis pollet viribus, eò etiam potentior præ rege judicanda est.

Propositio maior: Quippe cum non ex nostræ vires sint quas ab alijs mutuamur sed quas ipsi præstamus.

Argumentum 2. Innata sunt præstantiora assumtis: fæmina potentia est innata regis assumpta. E. illa est melior.

Propositio minor: Ad ea imperia quæ mulieres in viros habent

quasi

quasi natura invitamur: ut nullus unquam animus ita ab omni humanitate alienus repertus sit, qui non, si non aliud, saltem mulieribus blandus & obsequens esse didicerit. Etiam in pueris hoc animadvertas ut socijs quidem suis ejusdem sexus non concedant, jurgia moveant verbera intentent: puellis autem ultrò supplices fiant. Et ne quis hoc ad puerilem ætatem referat: nullus adeo hominum ordo vel à prudentia & sapientia ita institutus, vel ab animi magnitudine obfirmatus fuit, quin mulierum imperijs cedere potius & obsequi, quam iisdem opponere se maluerit. Ex Philosophorum scholis principem illum & atavum quasi Socratem producere possunt: ex castris Samsonem, Alexandrum, Herculem? Quid igitur aliud judicarunt hi viri fortissimi & sapientissimi? quam mulierum imperijs reluctari, quæ à natura imponantur, esse quodammodo cum Deo belligerare.

Propositio major & conclusio: Quare cum tantam à natura commendationem tamq; fortissima auxilia quasi capiat mulierum imperium: Quid mirum est, longe illud alijs imperijs prævalere.

Præsertim cum regum imperium maxime naturæ adverferur: Quippe cum nihil indignius feramus ista superioris domini in nos potestate &c. Idem de vino dici posset: scil. cui nisi per dolos & fraudes nihil in homine potestatis est. Sapientes enim & prudentes viri per sobrietatem illius dominationem longissimè à se arcent. Apud imprudentiores per insidias irrepens non nihil turbat.

Conclusio 1. Fiat repetitio 2. motus per obtestationem ne judices vim faciant conscientia, suo exemplo commoneantur domesticae erga mulieres observantia: ut quod uxoribus tribuunt & domi quidem sentiunt tribuendum esse, id ne hic publicis sententijs iisdem abjudicent.

Oratio VII. pro veritate.

Exordium captat benevolentiam à modestia: dum adversarios laudat: ita tamen ut de causâ suâ nihil concedat.

Quod facere alij pleriq; solent, ut eorum quibuscum oratione contendunt, quibus possunt modis extenuent sententiam: ut ipsi eo videantur sentire rectius: eò more etiam me nunc usurum esse, vos

jam tacita cogitatione suspicari nullus dubiro. Quanquam autem eam in initio hujus orationis non incommodam esse rationem agnoscam: tamen ab ea abstinendum mihi esse planissimè judicavi. Non quod tantum ingenio meo arrogem, ut quæ vulgo comparata sunt dicendi subsidia, ea temerè contemnā: verum quod præsentis causæ quasi singularis quædam sanctitas non patiat̃ illud, ut vel levissimus quisq; mollior ornatus, aut quicquam aliud quod fuci & simulationis speciem habeat huc adducatur. Dicam enim de veritate: quæ omnifimulationi & injustæ aliorum extenuationi inimicissima est, & ita quidem dicam, ut ipsam per se tantarum demonstrum esse virium, quæ aliarum rerum robur longissimè superet: itaq; omnino etiam in hac oratione non tam longius petitis argumentis quam ipsa re demonstrari oportebit, quantum veritas per se ipsa valeat, quamq; parum in animis bonorum virorum sibi conciliandis, alius cujusquam rei adjumento egeat.

Propositio. Concedo igitur collegis meis eam laudem: quod accuratè, quod diligenter, quod eruditè, addo etiam quod ipsi inter se non concederent, quod pleraq; verissimè dixerint: interim etiam hoc contendo, veritatis imperium ac vim latius extendere se, & plus posse quam eæ res quas ipsi prædicabant.

Argumentum 1. Honesta utilibus sunt præstantiora: veritas est honesta, reliqua tantum sunt utilia: E. Veritas est præstantior.

Propositio minor: Nam quæ est in regibus potentia, ut de hac tanquam præcipua dicam: quid aliud vinculi habet quo continetur, si utilitatem ei adimas, quæ ad publicam omnium pacem ac commoditatem ex ea in magistratum reverentia derivatur? veritatis autem ea ratio, ut si nulla inde ullius lucri spes ostendatur, tamen nativa quadam atq; insita vi animos nostros convincat & parere sibi faciat &c.

Argumentum 2. Facilia sunt meliora laboriosis: veritatis potentia est facilius E. melior.

Propositio minor: Quid quod regi quidem ad tuendam in suis autoritatem multarum rerum comparatione opus est: arcibus, legionibus, milite, ministrorum fide, & sexcentis talibus: quibus diligenter conquestis ne sic tamen satis tutus erit. Veritati autem, ut quod velit in hominum effectum animis consequatur, nullo hujusmodi ap-

paratu opus est: ipsa per se vincit: illic non semper absq; vulnere transigi res poterit; hic omne vulneris periculum quam langissimè abest.

Argumentum 3. Perfecta inchoatis sunt meliora. Veritas est perfectum quid. E. est melior.

Propositio minor: Porrò quis finis tandem est quare regum illa immensa potentia introducta sit? an non, ut cum tanta humani ingenij malitia sit, quæ ipsa sentire vera & honesta nolit, nisi alienâ auctoritate jubeatur: ut reges scilicet eo fungantur jubendi officio? Quare ipsi jam perspicitis si in hominum societatibus veritati locus, sit nos regum illam dominationem parum desideraturos esse.

Argumentum 4. Ratione utentia vel in quibus major rationis usus sunt meliora.

Propositio minor: Præterea reges potentiam suam corporis & alijs externis viribus conitabunt: veritas rationis viribus pugnat: Itaq; etiam illi corpora saltem & fortunas hominum subiecta sibi habere possunt: ut autem animi subditorum se illis subijciant aut favent saltem: nulla vi impetrare poterunt.

Hæc autem veritas scilicet mentem intelligentiamq; omnium debellat, & ad conditiones accipiendas quasi adigit.

Conclusio 1. habeat repetitionem argumentorum 2. motum per obtestationem & prosopopæian: fingatur veritas loqui, & obtestari proceres, ut pro se pronuncient. Addatur dilemma: non potestis pro adversarijs meis pronunciare, quin pro me pronuncietis. Si enim non ex verâ animi sententiâ dixeritis, longè alienum à vestra dignitate facietis: sin autè ei adjudicare voletis causam qui vera dixerit, veritatem vicisse ipsi fatebimini.

Oratio VIII.

Conclusio generalis.

Alter Cancellarius 1. repetat propositiones quatuor orationum. 2. singulos adolescentes laudet 3. Dicat ita placere consilio principum ut ultimus qui pro veritate dixerit, palmam reportet, & præmia a rege deereta auferat.

Exem-

*Exemplum VIII.*Collatio ordinis Literarij &
militaris.

Exordium à narratione de Herculis bivio : Secundo fiat accommodatio vel interpretatio fabula.

Hoc voluerunt dicere authores unicuique nostrum necessariam esse deliberationem de certo eligendo vitæ genere. Et eam esse adeo gravissimam ut non nisi Hercules, h. e. felicissimo ingenio natus illud constituere valeat, quod est saluberrimum. Quare non videmur abs refacturi esse, si non ingenii tantum, sed prudentiæ etiam exercendæ causa quasi deliberationem quandam de eligendo vitæ genere introducamus. Sunt autem tres potissimum hominum ordines ne minutius prosequar. Alii enim literas sectantur, alii ad militiam applicant se, alii denique ad mercaturam animum abjungunt. Ego itaque meo loco literatorum ordinem cum militibus comparatio. Quod ut facilius mihi fore in vestro literatorum consensu arbitror, ut scilicet literarum decus præ militari gloriâ longe majus esse obtineam : ita vos oro obsecroque vehementius, ut in argumento vulgari quidem, sed tamen ad ordinis nostri dignitatem pertinente vestra me in audiendo attentione derelinquat.

ARGUMENTVM I. Quæ plures imitantur sunt meliora : Vel ad quæ plures se applicant : ad literas plures se applicant E. sunt meliores. PROPOSITIO MAIOR. Quod si A. rebus censendis valere quicquam potest illud iudicium, quod publicè fit : vel saltem hoc aliis præferri debet æstimationibus, quæ sunt paucorum privatæ : an non eæ res majoris pretii sunt, quæ plurium studio appetuntur, quam quas consecrantur pauciores ? CONCLUSIO : Atque hoc si mihi conceditis, videre an non concesseritis etiam hoc, literatorum ordinem præ militari longè digniorem atque excellentiorem esse ? PROPOSITIO MINOR. An non enim ad literas confluunt, tanquam ad saluberrimos quosdam vitæ thesauros, omnium ætatum, locorum, ordinum homines ; Divites quidem, quod recte putent in literis acquirendis divitias suas se collocaturos esse : Pauperes verò, quod eruditione comparatâ reliquas

opes se parum desideraturos credant: Ignobiles, ut literarum claritate
familiae suae lumen inferant: Nobiles, ut à majoribus suis partum fa-
mæ ornamentum, literarum quasi conditurâ quadam conservent: Pro-
bi & modesti atq; ingeniosi, quod ad se propriè literarû studia pertine-
re arbitrentur: improbi, hebetes atq; infelicioris ingenij, quod in lite-
ris adversus improbitatem & ingenij difficultatem medicinam sibi pa-
raram esse persuasi sint: Vulgus quod literas quasi alas quasdam esse
videat quibus ex inferioris loci sordibus ad altissima dignitatis fastigia
subvolemus: Principes autem quod præcipuum tuendæ tantæ excel-
lentiae præsidium in literis positum esse, certissimum habeant. *Απόδο-
σις* Ad militiam quæso quis hominum ordo se confert? nisi turpissima
plebeculæ fex: tum quos aut ignavia ad militiam tanquam otij quan-
dam palestram allicit: aut scelerum atrocitas ex honestiori aliorum
societate eijcit: aut summa tandem rerum necessitas ad arma sumen-
da cogit.

ARGUMENTUM 2. Quæ per se bona sunt sunt meliora: Lite-
ræ per se sunt bonæ E. sunt meliores.

PROPOSITIO MINOR: Quid autem in militia est, quo non
malleus carere nos, si illud per hostium improbitatem liceat? Ab
hoste spolia auferuntur? mallet vir bonus suis istis hostem frui, modo
ipse domi sua securâ teneat. Victoria ab hoste obtinetur? at non si-
ne multo sanguine, & eo plane eventu, ut honesti homines victoriæ
insignibus carere non dubitent, modò pacem salvam obtinere valeant.
Dum desint hostes desit quoq; causâ triumphî: Hæc ducibus belli
gloria major erit: inquit venustissimus Poeta. In literis autem om-
nia per se commoda, grata, utilia; nullum hic sanguinis profundendi
periculum &c.

CONCLUSIO 1. repetat propositionem 2. rationes.

Exemp. IX.

Oratio II. pro ordine militari ad-
versus literarium.

Exordium ἐξ ὑπολήψεων h. e. opinionibus adversis: vel sinistris
auditorum opinionibus respondens de præsentî instituto. Parum

R

quidem

quidem A. convenire instituto meo videtur, ut cum literarium ordinem præ militari longe indigniorem & inferiorem censeam: tamen ad hoc evincendum literarum vel orationis auxilijs utar. Verum non tam mea me voluntas ad hanc disceptandi rationem impellit, quam præsentis temporis locorumq; ratio quodammodo cogit. Cum enim ab adversario meo ad rationis quandam contentionem potius quam armorum provocatus sim: cumq; hæc loca & ille confessus vester potius adversarias orationum declamationes quam digladiationes armorum desideret: ita faciam omnino, & quod vos malle intelligo, paucis evincam, non armis tantum defendi militarem ordinem posse, verum etiam orationis h. e. eis telis quibus omnium maximè impugnatur.

ARGUMENTUM I. Innata atq; insita sunt meliora assumtis: Ars militaris est innata, literæ sunt ascititiæ E. Ars militaris est melior.

MINOR PROPOSITIO. Est homini quædam ingenua vis se suaq; ab injurijs defendendi, & ulciscendi si quicquam iniquè passi sumus. Unde etiam in omni historiarum memoria nullius rei crebrior occurrit mentio, quam bellorum gestorum. Quid quod etiam feris bestiis insita sit, quædam quasi belligerandi cupiditas?

Unde etiam singulæ suis quibusdam armis instructæ sunt (Naretur de singulis bestiis quæ inter se pugnant) *Απόδοσις*: Literæ autem sunt recens inventum & apud paucas gentes.

ARGUMENTUM 2. Integra sunt meliora contaminatis: Ars militaris est quiddam integrum: literæ contaminatum E. ars militaris melior.

MINOR PROPOSITIO Ars militaris virtute conficitur & animi quadam præsentia: literæ in otio leguntur, & sunt cum mollitie quadam conjunctæ &c.

ARGUMENTUM 3. Proclivia sunt meliora laboriosis: Ars militaris est proclivis vel facilis E. melior est.

PROPOSITIO MINOR Ad literas magnis opus sumptibus multis cœmentis libris, plurimorum annorum otio. Miles, facile instruitur, accingitur gladio &c.

CONCLUSIO habet repetitionem 1. propositionis 2. argumentorum.

Exemp. X.

Oratio III. pro ordine mercatorum
adversus literarium.

EXORDIUM ex adversis opinionibus: Video parum gratam futuram A. eam sententiam ad quam dicendam progressus sum: nempe mercatorum ordinem non esse ita nihili aestimandum, ut non pari, quin etiam saudebo enim dicere quod verè me posse dicere sentio) aliquam partem superiori in Repub. loco, quam literarius, merito collocandus sit. Audacem credo, aut etiam impudentem me suspicabimini: qui hæc adversus vestrum ordinem non tantum, verum etiam omnium communem opinionem affirmare animum inducam. Verum quæso obtestorq; vos, ut liceat hoc tempore à vobis hoc sperare orandoq; consequi, ut libentius veritatis testimonium, quam ordinis vestri fictas fallasq; laudes ausculteris, plurisq; valeant apud vos argumentorum pondera, quam vulgi in concipiendis opinionibus temeritas: & id deniq; magis consideretis, quibus fundamentis & quam veris ista mea sententia confirmetur, quam quod à pluribus eidem contraveniatur.

ARGUMENTUM I. Jucunda sunt meliora injucundis: mercatorum ars & vita est jucundior: E. est melior.

Propositio MINOR. Mercatores in perpetuis vivunt delicijs: cum interim literati perpetuâ sollicitudine conflantur. Unde etiam ipsi fabulam excogitarunt de Cornelio, h. e. ut ipsi interpretantur, hæreditario quasi quodam literatorum morbo, quod continuis curis exerceantur & macerentur.

Fiat partitio: adolescentes vitam miserrimè tolerant, eleemosinis victitant, & alienis servitijs vitam sustentant. In diem præterea vivunt, perpetuo solliciti, ne in crastinum ejecti esurire cogantur. Ubi ille albæ gallinæ filius mercator aut in parentum sinu educatur, aut diviti alicui hero commendatus, cum habeat quod pro victu numeret, delicatissimè habetur. Porro ætate provecti, literati quidem in alias scholas, quasi exulatum abeunt: ad peregrinos veniunt, quibus vel beneficij impetrandi causa adulari coguntur, vel perpetuam flagrantium pecuniam insatibilem cupiditatem explere. Cum interim non

sint satis grati hospites, quoniam ut solvendo sint, semper metuitur. Mercator autem noster, si aliquod ingrediendum est iter, de equo optimo aut comitibus, tum loculo instructissimo sibi accuratè providet. Itaq; hic uno digitulo fores diverfori aperiet, quas calcibus pultando surdastras offendit scholasticus. Imò omnis familia hospitis mercatori obviam procurunt, salutant, adventum gratulantur, ecquid velit rogant, ut commodè ab equo descendat juvant, ad equum curandum se offerunt, ut ocreas à se potissimum detrahi sibi patiatur, ultro rogant: hic primus sedet, primus lavat, hunc hospitis familiæq; oculi unum speculantur ac custodiunt. Ad virilem ætatem ut veniam, ubi officia demandantur, & exercentur ea quæ superiori tempore didiceris: quæso quid jucundius, quam aureos nummos & argenteos plurimos ex mercaturâ tuâ lucrari, in cistam abdere, iis contemplandis iterum iterumq; numerandis occupatum esse. Præterea à quibus hominibus crebriora convivia celebrantur? vel saltem quinam minori rei familiaris suæ damno convivia adornare possunt? ecqui frequentius invitantur? addo etiam eam delectationem quam ex reverentia reliquorum erga se ordinum mercatores capiunt: Nullorum enim civium fores magis frequentantur etiam à nobilibus & literatis, quam mercatorum, quando illi se, horum indigent operâ & pecuniâ. Hic non sine summâ voluptate mercator aliquis ab istis literatis, ut vocant, salutatur benignissimus Dominus meus, humanissimus fautor meus, gratiosissimus patronus meus & alijs, quas excogitare isti norunt blanditijs. Quid beatuli isti vestri scholastici, quid interim, inquam, agunt in suis angulis? caput scabunt: ungues abrodunt, chartas pervolitant, strenuè esuriunt: & in eo felicitatem suam positam putant, quod ex philosophia quadam sua miserrimos se esse non sentiant.

CONCLUSIO repetat argumentum & propositionem.

Exemp. XI.

Oratio IV. pro ordine literario
adversus mercatores.

EXORDIUM à significatione eandoris. Vereor A. ne oratio mea eorsum accipiat, ut cum pro vobis ad vos dicam, magis id

specta.

spectasse videar, quid vobis placere posset, quam quid ego verè affirmare. Verum seponantur aliquantisper illæ adulationum suspiciones, à quibus me volo esse quam alienissimum, argumenta ponderentur, non à vobis tantum, sed à quolibet alio iudice.

PROPOSITIO: Quem si nactus fuero, non adversissimo erga nostrum ordinem animo: id spero me effecturum esse, ut satis perspicue intelligatur, literatorum ordinem non tantum mercatorum tribu non inferiorem, quod adversarius meus ridiculè petebat: sed multò etiam digniorem atq; illustriorem esse.

ARGUMENTUM I. Honestæ sunt meliora utilibus: literæ sunt honestæ, mercatura tantum utilis est. E. literæ sunt meliores. **MAIOR PROPOSITIO:** Omnes homines eò nati sumus, non ut quam plurimum possideamus, sed ut quam honestissimè vivamus. Hic igitur scopus omnis doctrinæ non divinæ tantum sed humanæ etiam: ut virtutis nobis atq; honestatis amor quidam ingeneretur: ut discamus reliqua omnia parvifacere in quibus lucellum aliquod est, nihil admirari nisi virtutem &c. **MINOR;** Fateor si id quæretur quæ commodiorem ditescendi ratio sit, utrum illa per literas: an altera per mercaturam: ex literis non tantum minus, verum etiam non quicquam vel minimum rei fieri posse: verum si mercaturam facere libeat, inde ingentes divitias posse reperiri. Uerum de ea laude nunc non contenditur, uter ordo faciat locupletiores: sed ex utro meliores homines prodeant. Hæc igitur laudum in literis summa, hæc literarum victoria, hic triumphus: quod virtutum uberrima quædam seges ex literis pronascatur. Etenim hinc sapientia existit &c. hinc prudentia emanat: hujus soboles sunt variæ liberales disciplinæ. (Addatur ad singulas virtutes quoddam Encomium.)

Ex literatorum scholis prodisse se fatebuntur Theologi. Tum jureconsultos, medicos, oratores et quicquid est excellentium ingenio virorum: unde nisi à scholis prodisse saltem fingemus? **VIRTUTES MORALES.** Et ut ab illis disciplinis abeam: quam multi fortissimi heroes aut à literis eam animi magnitudinem, aut saltem acerrimos stimulos ex iisdem hauserunt? possem in eam partem nominare Alexandrum Magnum, Achillem, Cæsarem, Pompeium, qui iidem fortissimi viri sed & a literis cultissimi prædicantur. Iam temperantia unde

rectius discitur quam ex doctorum virorum adhortationibus &c. (Fiat inductio reliquarum virtutum moralium, magnificentiae, liberalitatis &c.

ARGUMENTUM II. Proclivia sunt meliora laboriosis: Literae sunt proclives vel faciles E. sunt meliores: MINOR. Adversarius meus valde iactabat se in eo argumento, ut ostenderet iucunditatem quae ex mercatura perciperetur: cum tamen nihil isto hominum genere sit miserius 1. pueri vel adolentes sexennium vel amplius famulantur, pro vilissimis habentur mancipijs, plateas verrunt, calceos purgant, vilissima obeunt ministeria. Adultiores facti ubi ista servitute exierint, in aliam pejorem detruduntur, omnibus coguntur ablandiri, & rusticos etiam dominos suos salutare, ut merces vendant: Debitoribus item fiunt supplices miris modis. Item quod plane servile est & quod cum gnathonibus commune habent & canibus, cibum & flamma petunt, imò & maris profundo. Quid quod ne sic quidem discere valent nisi ad perjuriam perfugiant: ut pane suo non potiantur quin animam periclitentur. Literarum studiosus interim otio suo domi fruatur & literis se oblectat &c.

ARGUMENTUM III. Rara sunt meliora vulgaribus, literati sunt rariores E. sunt meliores. MINOR Mercatorum omnia sunt plena: ut nullum adeò exiguum oppidum sit quin plurima civium pars mercaturae artibus sit dedita sc. quia secundum Poetam omnium hominum ingenium à labore proclive est ad libidinem seu otia, ideò mercaturam sectari plerique malunt quam arare aut opificia tractare. Literarum autem quanta sit raritas, ex publicis querelis constat. MAIOR à simili; Ut in his fieri animadvertas, quod in duobus istis bestio-
larum generibus, bombycibus dico & araneis: illarum quidem maxima utilitas sed penuria summa est: harum autem in summa copia non tantum nullus usus aut commodum, sed etiam molestia haud exigua, persenscitur.

CONCLUSIO: Fiat repetitio 1. propositionis 2. argumentorum 3. addatur argumentum novum à necessitate: dicant ipsi mercatores an putent rempub. facilius carere literatis à quibus regatur & conservetur, an mercatoribus à quibus peregrinae merces invehantur?

Exemp. XII.

COMPARATIO ORDINIS MILITARIS cum Mercatoribus.

Exordium à modestia extenuante in se dicendi facultatem.

Facile intelligo auditores, in quæ pericula me committam, sed ordinem etiam meum, dum honores ego hujus, ordinis scilicet militaris defendendos suscipio. Præterquam enim, quod ipsa ea provincia gravissima est, ut scilicet rei dignissimæ par aliqua oratio inveniat: Etiam ego parum in istis artibus dicendi exercitatus, vix quicquam dignum non tantum argumento hoc, sed loco etiam afferre posse mihi videor. Verum enim verò quamquam non parum commotus sim his rationibus: tamen ut hæc causa qualicumq; potius quam nullo patrono uteretur, prodire in publicum volui. Accedit quod eam de vestra æquitate mihi facio spem, ut videtur iustissimam: facturos scilicet: vos, ut potius illud consideretis, quam verè & quam firmis rationibus, quam an satis ornate & eleganter dicturus sim. Quod si impetrare à vobis liceat, ut artem quidem dicendi non magnopere in me desideretis, illud vobis promitto atq; in me recipio, non nisi verissimas militaris ordinis laudes in medium me allaturum esse. Idq; brevi demonstraturum, eam esse hujus ordinis necessitatem, ut non facile hac parte mercatores inventuri sint quod opponant: Eas porro esse rationes aliarum laudum gravissimas, quare pudere istos homines debet mercatores dico, qui aliquid vel par vel simile in suo ordine reperire se posse sibi videantur.

Necessaria meliora sunt non necessarijs

Milites sunt necessarij: Mercatores non item.

Ergo milites sunt meliores.

Propositio minor] Principio inter omnes constat mercaturam à luxu quodam & mollitie temporis introductam esse: olim enim homines suis vivebant regionibus, & ijs contenti erant fructibus quos singulis sua regio suppeditabat. Postea cum luxuries hominum animos incesse, domestica sordere cæperunt, nihil nisi perëgrinum

place-

placere potuit. Itaq; non ex ferinis pellibus amplius aut pecorum lanis sed fericis filis ex ultima India usq; advectis vestes texebantur.

Non amplius uasis testaceis sed aureis & argenteis aut gemmis etiam bibitum, in cibis nihil nisi saccaro aut pipere, aut alio aromate Indico conditum sapere visum est. Ad eam igitur gulæ intemperantiam vestiumq; ineptias mercaturæ opera primum opus fuit. Ut non tantum istis hominibus facile carere valeamus, verum etiam magno Reipub. commodo faceremus, si tanquam pestes ultra Sauromatas morum gravitatis maximè capitales quasdam mundi seculum; quæ regere ablegaremus. Militum autem arte quod mundi seculum; quæ regere; Quod Reipub: tempus, non dicam commode carere, sed omnino sine certissimo interitus atq; eversiois periculo carere poterit? Hi sunt qui hostium irruentem vim propulsare: qui alienas manus à Repub: nostra abstergere & prohibere: qui domesticas turbas civium aut impedire, aut ortas celeriter comprimere norunt: Horum arte & manu Resp: conduntur & defenduntur: Imperia occupantur & propagantur: Omnes disciplinæ atq; artes, quæ otio aluntur omnia, inquam, hæc per milites ita conservantur, ut ad nullum quantumvis exiguum spaciū aliter salva esse queant.

2. Argu.

Sua sunt meliora alienis,
Quæ in militibus laudantur sunt sua,
Ergo sunt meliora.

Propositio minor] quid est quod admirantur in mercatoribus istis vel quod in laudis alicujus parte assignari possit? Vulgus quidem de hoc genere maxime prædicare consuevit, quod arcas grandes auro & argento stipatas habeant. Quæ laus sane ejusmodi est, si aliqua est ut ab ingenuis animis non invidendam censeam. Primum Fortune ea omnia sunt, neq; faciunt eū qui possidet, vel uno pilo meliorem. Alias maximè istas cistas bearent, à quibus verius possidentur, quam ab ipsis qui dicuntur, dominis. Miles verò pluribus alijs nominibus potest commendari. 1. à Peritia militaris artis. 2. ab animo excelso & intrepido, quo pericula aggreditur. 3. à tolerantia laborum. 4. Ab amore in Patriam & pietatem pro quibus vitam effundere non dubitat.

Propositio major] Hæc nostra sunt bona, à quibus vera laus proficiscitur.

Con.

CONCLUSIO generalis habet primùm Repetitionem primæ propositionis. & Secundò Argumentorum.

Exemp. XIII.

Oratio pro Mercatoribus adversus
milites.

Exordium captat benevolentiam à significatione studij erga concordiam.

Nihil pestilentius arbitror Auditores rei alicui publicæ, ijs vocibus quibus ordinum inter ipsos contentio fovetur, illudq; quæritur, non ut quam amicis inter se animis cives vivere possint, sed ut pessimis quibuscunq; modis singuli reliquos præ se contemnant atq; extenuent. Ex illis enim verborum convitijs quæ primum à paucis quibusdam audiuntur, postea plurimorum animi irritantur, inde sequitur seditio, & hinc tandem quasi quodam incendio Resp. collabascunt. Itaq; placere mihi non potuit adversarij oratio: non tam quod adversus mercatorum ordinem, cui me favere fateor instituta esset: quam quod ipso genere criminationis, & quod earum litium atq; contentionum inter cives semina quædam contineret, de quibus mentionem initio injiciebam, ideo inquam periculo certissimo non carere mihi videretur. Itaq; & propter hanc causam & quod ipse criminationes iniquissimè confictæ sunt, paucis occurram. In eo tamen potius mea versabitur oratio ut ordinis dignitatem immeritò extenuatam ab adversario meo vindicem: quam ut criminationes illius vel dissolvam vel multis in militarem ordinem cavillis compensem.

ARGUMENTUM I. Desiderabilia sunt meliora ijs quibus facile carere possimus: Mercatoria ars est desiderabilis; Militia facile carere possumus. E. mercatoria ars est melior.

PROPOSITIO MINOR. Non abibo longius: Uos appello Auditores, militumne putetis operam an mercatorum ejusmodi esse quam vestra ætate maximè exerceri cupiatis? Quid cogitari magis horrendum potest? Quid ipsa prima nominatione magis terret animos mentesq; nostras, quid omnibus votis magis detestamur atq;

aversamur? Quam si militum belliq; aliqua imminenti inijciatur mentio? Non dicam nunc de aniculis aut pueris quæ ad belli mentionem factam se crucibus signare solent: non de matronis aut puellis quæ admilitis appellationem toto exalbescunt corpore. Hoc tamen verè possum dicere neminem esse patriæ amantem civem quantumvis animo fortissimum, qui non DEum sapius deprecetur, ut suo saltem tempore aut aliàs etiam quàm longissimè & diutissimè à Repub: suà absit bellorum calamitas.

Απόδοσις ut autem mercatura & negotiorum quædam frequentia terræ mariq; florentissima sit atq; amplissimè divagetur, omnibus templis & diebus sacris omnium otatur precibus.

Eaq; Respublica demum felix iudicatur quæ & civium suorum industriâ, & clementiâ principum & divina tandem benignitate illud consecuta sit, ut negotijs amplissimis locupletaretur.

ARGUMENTVM II. Perfecta sunt meliora inchoatis. Mercatura est perfectum quiddam: Militia inchoatum. E. Mercatura est melior.

MINOR. Nemo adeò amens reperitur, qui dum mercaturæ operam dare liceat ijs qui in hoc genere exercentur, exoptet hanc temporum felicitatem cum belli fortunis commutari. Est enim in hoc temporum statu rerum omnium quædam perfectio, ut & necessariarum rerum suppetat copia: artes verò ac disciplinæ & quæ præterea ad pacis ornamenta pertinent, liberaliter sustineri queant. Cum contra in bellis miris modis turbetur: Cælum terræ quodammodo misceatur: Et si feliciore quodam contingente rerum successu, tandem pax aliqua constituatur; non tamen ne sic quidem conquiescere poterimus, nisi inter cives ratio quædam ineatur mercium evehendarum & apportandarum. Quasi quod eò pax militum armis parta sit, cujus per se inutilis esset fructio, nisi ad mercaturæ exercendæ commoditatem adhiberetur.

CONCLUSIO I. Fiat repetitio propositionis & argumentorum.

2. Adhortatio ad modestiam, e, g, Nolite contumeliosè sentire de alijs hominum ordinibus: quæ res & vobis mutuum parit ab alijs odium, & gravissimorum in Repub. malorum quoddam quasi se-

minarium est. Piæ cujusdam prudentiæ est, & melius atq; honestius de alijs quam se ipso opinari, & non nisi honorificè de quolibet alio loqui. Quare & concordia inter omnes publica alitur, & animi aliorum benevolentissimi erga nos parantur.

Exemp. XIV.

**Pro Præstantia sexus virilis adversus
fœmineum.**

*Exordium à significatione pietatis quæ explicatur sententijs
de præsentī argumento.*

Verè quidem & ex animi sententia ita sentio, auditores, non posse viros sine fœminis conservari: neq; fœminas absq; viris vivere, adeoq; utrumq; sexum à Deo esse & suo quodam honore afficiendum: Idq; ex Pauli quodam loco didicimus. Interim tamen quia & hic Apostolus quædam affert, quæ ad deijciendos spiritus fœmineo sexui familiares faciant: Et ea res, si animi tantum causa suscipiatur: non cavillandi libidine, habeat aliquid honestæ & eruditæ delectationis: E quidem in me lubens eam suscepi operam, ut quæ omnes & vere quidem sentiunt, nisi quod à contumacibus quibusdam fœminis parum creduntur, virilem scilicet sexum longe pluribus donis divinitus quasi ad imperium instructum esse: id certis quibusdam rationibus ut comprobarem.

Principio enim omnia in viris majorem quasi quandam maturitatem habent, unde etiam à Philosophis fœmina imperfectus quidam mas dicta est (monstreretur per partes) 1. In animo est quædam intelligentia solidior & præstantior. Viri de gravibus rebus rectius judicant: fœminæ de ludicris & puerilibus. Unde illi ad Remp. adhibentur, de moribus consuluntur, aut si qua alia res gravis deliberanda incidit. Fœminæ autem suis sententijs & judicijs non ultra colum aut culinam ac rem vestiariam aut epulas instruendas procedunt. 2. In affectibus temperandis, metu, ira, voluptate fœminæ semper pueri sunt: molli & fracto animo: viri constanti, & qui sibi imperare norunt iram animumq; cohibere.

I. LOCUS.

Perfecta sunt meliora inchoatis: Sexus virilis est perfectus. e. est melior.

III. In corpore. In viris vultus totiusq; corporis constitutio ac robur corporis præ se fert soliditatem ac firmitatem. In fæminis autem perpetuam quandam hæc eadem teneritudinem retinent, qualem in pueris conspiciamus: ut quasi in ipso flore emarcuisse videantur.

IIII. In voce & reliquo gestu: quæ omnia in viris quidem ad quandam perfectionem ac nativam vim provec̃ta esse apparent: In fæminis autem admodum exigua & tenuia sunt.

Prop. major

PER SIMILITUDINEM: ut quod aurum est secundum Chemicos, nempe maturima quadam concoctione, ut loquuntur; ad eum excellentiæ gradum summum perductum metallum, à quo quanto longius absunt reliqua, eò vilioris merito æstimentur precio: eundem locum in humano genere virilis sexus occupet, tanto melior fæminis, quanto hæc ab illius perfectione recedunt longius.

Prop. min.

II. LOCUS.
Tota partibus sunt meliora: virilis sexus est quiddam totum Ergo est melior.

III. LOCUS.
Ratione utentia sunt mel. rat. ex partibus, Viri magis utuntur rat. quam mul. Ergo sunt meliores.

Quod etiam inde significatum fuit, quando in prima creatione ex quadam virili costa fæmina exædificabatur, ut scilicet origo ea perpetuo quodam monumento esset, fæminam non paris cum viro dominij, multo minus superioris futuram esse, sed plurimarum viri operarum, quasi quandam administratricem manum. Unde etiam non Domina sed adjutrix dicta est viri. [PROPOS. MIN.] Atq; hoc ipsum in eum finem à Deo ita prævisum atq; ordinatum est, ut quo minus fæmina sibi consulere posset, eo melius viri imperijs regeretur. Quid enim est incontinentius aut minus sui compos, quam famineus aliquis animus? qui ad quamvis vel levissimam fortunæ obstrepen-temauram folij instar vehementissimè concutitur, ut vel libidine trahatur, i. e. gaudij sæpe vana speciè extra se rapiatur: vel mali levissimi minimo tumultu in eularus effundatur, vel deniq; ridiculæ sæpe rei metu penè enecetur. Virorum a. proprium est ita coercitos habere illos affectuum impetus ut etiamsi erumpere annitantur, rationem tamen audire cogantur. Itaq; eos plane se comparabunt, ut nihil agant quod vel in præsentia propter affectus vehementiam dedecet vel postea penitentiam afferat.

CONCLUSIO habet repetitionem propositionum & argumentorum.

Exemp.

Exemp. XV.

Pro Sexu Fæmineo.

EXORDIUM à reprehensione aduersariorum in genere. Non latere potest vos, Auditores, ea publicorum morum quasi scabies, quæ multi titillantur, ut quælibet in sexum fæmineum comminiscantur convicia, adeoq; sordidissimus quisq; in hisce excogitandis est ingeniosissimus. Quod scilicet non tam ingenium in fingendo, licet vulgo videatur, quam impudentia & malitia in edictando & proferendo requiratur. Quod non tam eò moneo, quasi illum, qui ante me in fæmineum sexum dixit, ejusdem vitij insimularem: quam, ut si quis eorsum accipiat, eam suspicionem anteverterem. Longe enim scio, alia mens est, aliud quid spectatum fuit. Quod neq; ipse orationis initio dissimulabat. Itaq; hæcenus quidem ab ejus sententia nusquam discedit oratio mea.

PROPOSITIO] Quamquam neq; hoc nego, omnibus partibus ejus orationis me nequaquam assentiri. Quod enim fæminarum sexum ad virorum plane pedes abijciendum negabat approbo: quod verò dum virilis sexus laudibus efferendis incumberebat, nimium quidam viris tribuere videatur non assentior. Quare si vestram in audiendo attentionem præstiteritis, cognoscetis spero: Et honestam quidem, priorem illam orationem fuisse: sed honestiora & graviora pro fæminarum laudibus dici posse.

LOCUS I. Ratione utentia sunt meliora rationis expertibus. Fæminæ magis ratione utuntur, viri minus. Ergo fæminæ sunt meliores.

PROPOSITIO MAIOR] Quid est præclarius, quam in eo homines hominibus antecellere, in quo unico bestias superamus?

PROPOSITIO MINOR. Fæminæ maxime ratione utuntur & frequentissimè.

PRIMO viri sæpius ira turbantur, quo affectu nihil magis inimicum rationi, nihil magis cum bestiis commune.

Narrentur de Hercule historiarum vel fabulæ, de Alexandro, Aiace. Fæminæ & ipse quidem aliquando exardescunt & vehementer quidem, sed minori cum periculo, ut harum quidem imperus fulguri si-

milis videatur, intra oculi ictum longè lateq; disperso quidem sed facile expiranti: Illorum autem vehementia, quasi quoddam tonitru miserandâ clade obvia quæq; ruat, rumpat, prosternat.

SE C U N D O. In ingenio rarior quidem, sed eò excellentior & magis admiranda quædam vis in fæminis, quam in viris deprehenditur. Vt excellentia quidam à natura videatur, originem trahere: raritas autem quadam calliditate virorum procurari, qui legibus publicis à disciplinarum culturâ, fæminas prohibuerunt.

Narrentur hic historiæ de eruditis mulieribus.

T E R T I O. Porro in vita communi, ubi prudentiæ usus maxime conspicitur, ita vulgare est viros à fæminis ingenio superari, ut vix attingere opus sit. Narretur de Semiramide Assyria historia. In consiliis excellit muliebre ingenium: tum reddendis consiliorum rationibus, defendendo atq; accusando, laudando, vituperando. Hæc noster sexus multis annis, magna difficultate, ingentibus sumptibus, studio indefesso à plurimis eloquentiæ & dialectices magistris addiscere elaborat. Vix tamen quisquam repertus, qui omni eâ opera tantum profecerit, ut si forte cum fæmina aliqua in contentionem disputationemq; descenderit, non facundiâ hujus quadam naturali facile superetur.

Â R G U M E N T U M I I. Voluntaria sunt meliora necessarijs: Quæ fæminæ sunt concessa sunt voluntaria, quæ præterea in viris ad sunt magis propter necessitatem exoptantur, cum alias possemus istis carcere.

Ergo quæ sunt in fæminis sunt meliora.

P R O P O S I T I O M I N O R. In fæminis est quædam naturalis blandicies & humanitas, maxime commoda ad uniendos inter se hominum animos, tum unde singularem quandam animi jucunditatem percipimus. Vt taceam formæ suavitatem, tum prudentiam, quæ hunc sexum excellere dicebamus. Quid a. in viris singulare est, quod a fæminis absit; Nisi quod membrorum magnitudo paulo sit robustior: Sed animi ad iracundiam impetus vehementior. Quibus rebus tam libenter sane carere velle, vita nostra videtur, quam ijs ipsis ad quas depellendas istis opus est, injurias dico & vim adhibitam. Quæ si aut

aliās abessent aut modis quibusdam alijs amoveri & propulsari possent, non viderentur magnopere illa expetenda.

CONCLUSIO. Fiat repetitio propositionum. II argumento-
rum. III. Motus. E. g. Ad parentes uestros & matres potissimum
quibus sanguinem & animam debetis, provoco, has appello: vel illud
vos saltē considerare jubeo, si quid non satis honestē & pro merito sex-
us fæminei statueritis, in has ipsas matres dico vestras redundatu-
rum esse?

Exemp. XVI.

De Modestia.

EXORDIUM. Cum omnis virtus laudibus exornanda sit, tum
jure meritoq; ea præsertim hoc loco commendatur, quæ nostram
juvenum ætatem maxime exornat. Modestiam intelligo: quæ uni-
ca ferè ratio est collaudandi cujusquam adolescentis. Omnes enim ita
judicamus, quæcunq; alia de Adolescente prædicentur, nisi modestiæ
etiam quasi accessio fiat non magni æstimandas omnes reliquas lau-
des. Sin a. modestiæ testimonium dictum sit, ita gravem commen-
dationē factam esse arbitramur, in qua si quid aliud desideretur, facile
tamen abesse possit. Hujus itaq; virtutis pulchritudine inductus, tum
facilitate argumenti persuasus, pauca de modestia verba ad vos facere
institui. Ut quanto minus possum ab ingenio, ab argumenti facili-
tate adjuvarer: Dignitas autem argumenti meam in dicendo inopi-
am sublevarer, vestramq; attentionem mereretur. Vos facite Audi-
tores, ut hos conatus nostros vestra audiendi æquanimirate promo-
veatis.

LOCVS I. QUID SIT. Principio a. inquirendum videtur,
quid modestiæ nomine intelligamus. Nempe virtutem quandam,
quæ animi nostri appetitus moderatur in honoribus. Quid autem
honores sunt? Opiniones hominum de nostra virtute & excellentia:
Tum significationes harum opinionum præclararum. Quare mode-
stia faciet, ut hæc aliorum de te judicia præclara non ultra meritum
tuum expetas, imo etiam minora, quam es meritis. quia in hanc par-
tem sæpius peccatur, nempe ut majora ipsi de nobis polliceamur, quā

nostræ

nostræ ferunt facultates.

LOCVS 2. à PARTIBUS. Spectatur hæc modestia in varijs vitæ partibus 1. in ambiendis officijs 2. in colloquijs 3. In contractibus 4. in verbis. 5. in gestu & 6. in vestitu (in singulis declaretur quid deceat hominem modestum)

LOCVS 3. à CAUSIS. Etiam illud consideratione dignum videtur, unde tam pulcherrima virtus & tam latè patens originem ducat.

PRIMA CAUSA. Deus, quia omnis boni causa & præcipue virtutum. Tum modestiæ vel humilitatis ut vocant Theologi, amantissimus.

SECUNDA CAUSA. Natura; Insevit vero ille omnium hominum mentibus quasi quosdam igniculos, amorem nempe & notitiam hujus virtutis. Omnes enim amamus honestos mores in alijs animadversos, & ipsi novimus absq; disciplina quæ facienda ut modesti simus.

TERTIA CAUSA. Præcepta. Interim tamen naturæ malitia ad superbiam abstrahit. itaq; quasi calcari nobis opus est: quod ex præceptis Philosophorum, sententijs oratorum, Poetarum, historicorum sumimus.

QUARTA CAUSA. EXEMPLA.

QUINTA CAUSA. Institutio domestica & præceptorum.

SEXTA CAUSA. Societates.

QUARTVS LOCVS. Cognata, hoc est similia vel aliæ virtutes. E. g. Fortitudo. monstretur quod modestia sit melior, quia fortitudo plus mali in se habet. Item alia bona. E. g. Divitiæ & nobilitas generis. Hic iterum fiat comparatio, nempe quod modestia sit melior.

SEXTVS LOCVS. Contraria vitia sunt duo. 1. Superbia. 2. Ignavia, si quis non curat rumores de se in malis moribus. Utrumq; hoc vitium describatur à definitione & partibus.

Conclusio per adhortationem, amemus modestiam.

COMPARATIO NOBILITATIS

CUM MODESTIA: ILLA

Præfertur.

H. Oratio

EXORDIUM, dicit causam orationis. 2. Criminatur eum, qui prius dixit.

1. Occupatio.

Quanquam parum modeste facere fortassis videar Auditores, qui ad contradicendum laudibus modestiæ allatis procedam: tamen quia non omnem eam dictam orationem everurus sum, sed reliquas omnes partes approbo, & verissima esse confirmo quæ in modestiæ commendationem afferebantur: uni tamen alicui loco assentiri non possum in quo non tantum nimis laudibus efferebatur modestia, sed etiam nobilitatis dignitati detrahebatur: Dabitur spero mihi a vobis petenti hanc veniam, quod contra hanc partem venire maluerim, quam veritatem & nobilitatis dignitatem meo silentio prodere. Non enim ea in laudibus haberi aut accenseri poterit oratio, ubi per fictas etiam causas falsam quandam excellentiam collaudationi atteximus. Multo autem minus ea honesta est commendatio, quæ cum aliorum criminatione & obrectatione conjuncta est. Verum ita fuit, ut dum nimis impenſe id agimus, ut laudes maximas afferamus, sæpe falsis admiscendis præconijs conatu nostro frustremur, omnemq; ipsi fidem orationi nostræ abrogemus. Quemadmodum Entellus ille apud Pœtam, dum gravissimum ictum meditat ut - vires in ventum effudit: & ultro

2. λίσσις per distinctionem.

3. Conclusio per deprecationem

4. ἀπολογία.

5. Correctio ficta.

5. Æneid.

Ipse gravis, graviterq; ad terram pondere vasto
Concidit: ut quondam cava concidit, aut Erymantho
Aut Idæ in magna radicibus eruta pinus.

Ut meo commilitoni facile sanè ignoscam hac parte, quippe qui non tam sua voluntate, quam publicè recepta consuetudine peccet. Ea tamen conditione ignosco ut etiam æquum judicet ne mihi irascatur, qui verioris sententiæ potius defensor, quam erroris suffragator esse voluerim.

CONCLUSIO. Modestiam aiebat longè præstantiorem esse nobilitate generis: Si tanquam sententiam veram & communibus hominum opinionibus approbatam attulit, nihil vidi magis ridicu-

lum. Sin tanquam paradoxon aliquod Stoicorum cur nos non prae-
monuit? Cur non ab omnibus agnitas potius Modestiae laudes, quam
istas à nemine, ne ab Authoribus quidem Stoicis creditas produxit?

PROPOSITIO MINOR. Puerilium laudum ea summa est,
ut dicamus modestiam singularem in aliquo Adolescente depre-
hendi: aut saltem alicujus è plebe & mediocri fortuna hominis: viros
principes magnis honoribus functos, Duces, Reges, Imperatores, à no-
bilitate generis ita commendamus, ut si hæc adsit, facile reliqua om-
nia in virtutis quandam speciem commutet: sin vero absit, valde om-
ni laudum diligenter undecunq; apparato lumini officiat.
2. Præterea, pueris potissimum ista præcipimus, ut modestiae operam
dent, quod horum pectoris angustiae non satis capiant, quid sit nobi-
litis decus. Viri autem potissimum huc contendunt, ut generis no-
bilitatem aut confirment ipsi, aut primi impetrent atq; ordiantur.
3. Finge tibi puerum aliquem terræ filium, hoc est obscurissimæ origi-
nis, fortasse, etiam illegitimæ: sed eundem modestissimum: h. e. te-
nuissime de se opinantem. Quis mirabitur? quis hæc ad virtutem a-
liquam præclaram referet? quis magnopere laudandum judicabit? Et
tamen adversarius meus hunc nobilitati longè præferendum censet:
h. e. viris gravissimis, ducibus, principibus, Imperatoribus? ô stolidi-
tatem.

CONCLUSIO. Fiat repetitio 1. propositionis 2. argumen-
tum.

Exemp. XVII.

**Comparatio Modestiae cum Nobilitate:
illa Præfertur.**

EXORDIVM. Cum neminem vestrum adesse putem, Audito-
res, qui non iniquam eam reprehensionem judicaverit, qua inter
fictas Modestiae laudes referebatur, quod prima oratione Nobilitati
Modestia prælata fuisset: tum non parum multos miratos fuisse non
dubito: Quod adeo injusta accusatio justis tamen & æquis rationibus
niti videntur. Et hanc quidem opinionem ut in plurium animis in-
hæsisse credo ita de me fateor. Addo hanc mihi causam fuisse: ut an-

veras illas Modestiae laudes defendere, & criminationes diluere valerem periclitari placeret. Vos quæso auditores ut non tam meam quam vestram omnium sententiam meis saltem verbis dicenti, auribus attentis animisq; benevolis auscultetis

II. PROPOSITIO. Quid igitur est quod hac sententia nostra confirmandum est? Modestiam virtutem, esse longè digniorem majoriq; ambiendam studio, & præconijs concelebrandam, quam illam generis Nobilitatem, quâ possis avos proavosq; tuos, longa serie numerare, eosq; locupletes homines plerunq; aliquando claros aut bonos aut non malos, viros: frequentius tales, de quibus nihil nisi nomina supersint.

CONCLUSIO. Iam evicta credo est causa, postquam saltem exposita est summa controversiæ: ut vix alijs argumentis opus sit, scilicet hoc quæri an virtus opibus, an animi bonum bono fortunæ præferri debeat. Virtutem meliorem esse: animi bonum præferendum esse, quæ causa intervenire possit quare non omnes velitis?

PROPOSITIO MAIOR. Tamen ad Arbitros abeamus. Recusare spero, Adversarius meus non poterit, ut uter plures calculos quasi tulerit, ille superior discedat: Vel si ostendero plurium hominum prudentium studijs & voluntatibus meam sententiam quam ipsius approbari, quin mihi lis adjudicanda & secundum me pronunciandum sit. Etenim ea est fere ratio in judicanda rerum in vita communi veritate, ut quo quæq; sententia pluribus Authoribus placuerit, eo verior videatur. Omnis autem opinionum singularitas & invidiæ & non iniustæ aliquando criminationi exposita est &c.

PROPOSITIO MINOR. Sed redeo ad ea quæ proposueram, de Modestia vel virtute sentio plurium prudentium hominum iudiciis eam anteferrî Nobilitatis vanis titulis. Omnes enim ita judicant prudenter vitam institui, si excellere alios veris bonis, virtute, eruditione, dexteritate & felicitate ingenii maluerimus, omnem harum rerum ostentationem modestissime fugitantes, quam si stolidam quadam ambitione cupias inter nobiles accenseri, emas tibi aut eblandiaris à comitibus Palatinis, ut vocant, ausis sine ullo merito tuo magnificè diplomata, insignia nobilia, Clypeos eleganter pictos, aut titulos Doctorcos & Magistrales ab Academijs. Quanquam hæc à multis inpru-

Argum. 1.
Pluribus
probata
sunt meli-
ora,
Modestia
est plurib9
probata.
Ergo est
melior.

dentibus Adolescentibus fiant: nemo tamen bonus est, qui non reprehendat, culpet, aut gemat saltem: aliter fieri cupiat. Qui mutare possent necessitate quadam ferre coguntur, quam mihi non est commodum exprimere.

REPETITIO propositionum & conclusionis.

II. PARS CONFUTATIO.

Sed jam respondendum ad ea, quæ obijciebat adversarius. Quærebatur primum, an hanc sententiam tanquam vulgo receptam, an tanquam Stoicorum paradoxon produxissemus. (R.) In quo ille graviter errabat: quod putabat nullas sententias esse, nisi aut vulgi essent, aut Paradoxæ. Cum in multa prudentes viri consentiant, quæ nec Paradoxæ sunt neque à vulgo creduntur, ut de virtute de contemnendis opibus, vita &c. Huc ergo etiam nostram sententiam referimus. Deinde obijciebat nobis, ab optimo quoque potius expeti Nobilitatem, quam modestiam: ad puerilia studia hanc, illam ad viros referebat. R. Hic iterum acumen in adversario desidero. Modestia tantum puerorum virtus esset? quid igitur viris licet superbis esse? Maxime præ reliquis virtutibus pueros modestia decet, sed non solos pueros. Ob. 2. Producebat puerum pauperem modestum, & huic opponebat virum nobilem, & quærebat uter melior, putabat hunc meliorem. R. in quo dissentio ab eo. Et quis non mecum? Quis enim hominem nobilissimum & potentissimum sed eundem omni modestia carentem h. e. superbum & vanissimum, non contemnendum & infelicissimum habendum judicaret, præ puero male à fortuna sed probe à virtute ornato?

PERORATIO. Fiat repetitio brevis dictorum.

Exemp. XVIII.

Contentio de Armis Achillis ex Ovidio in Locos Comparisonis retexta.

EXORDIUM. Antequam ad rem istam & fortassis etiam alteram hora hic agendam aggrediamur, Auditores, exponam vobis summam hodiernæ hujus negotij, ac consilium, quod ab illis quos assidere

videtis

videtis Adolescentibus in deliberationem vocabitur. Principio id à vobis petimus ut vestra pace hoc loco pro Græcorum ad Troiam castris uti liceat: In quo gravissimorum Principum conventus factus adumbretur ab hoc Adolescentum confessu. Alius enim, cui scilicet sedis principatus obtigit, hic inquam Agamemnonis Regis partes agit: qui latus huic proxime claudit dicit Nestoris sententiam: propter hunc sedet Menelaus. Reliqui & ipsi quidem principum loco erunt, & suas dicent sententias, sed non vobis auscultantibus: Ut neq; opere precium sit, si nomina indicentur.

Qui ergo hodie isti sunt qui sedeant, cognovistis: nunc quæ disceptanda sit controversia animi attendite. Habuerunt Græcorum castra illa, si vera sunt quæ de his commemorantur ab istius gentis scriptoribus, & viros sanè incomparabilis virtutis, & hos quidem maximo numero. In his autem Achilles fortitudine, Nestor eloquentia, Ulysses prudentiâ, Agamemnon & Menelaus potentiâ, Ajax & alij audacia militari excellabant. Perijt Achilles tandem ex insidijs à Paride interfectus. Petierat enim à Priamo nuptias Polyxenæ filia: missus est Paris & Deiphobus, qui negotium conficerent, cumq; Achille paciscerentur & de conditionibus constituerent. Hos Achilles in Apollinis templum quoddam secum duxit ut ad aram sædus fieret. Eam occasionem nacti Deiphobus & Paris, ille quidem inermem Achillem complexus est quasi gratulandi causa, hic à latus uno altero ictu fodit ut mortuus concideret. Hic factorum finis Achilli, quanquam Poetæ ut concinnitatem fabularum sectentur, aliter paulò. Defuncto fati suis Achille, ajunt inter Principes Græcorum Ulysses & Aiace in castris contentionem obortam, quod uterq; petierit à populo Græcorum illo, sibi tanquam singulare virtutis suæ præmium attribui tam præstantis Herois arma. Quod uterq; sua quadam peculiari rerum gestarum nobilitate præ alijs ita meritis sibi videretur. Ajax militari arte: Ulysses facundia sua confidebat. Primus Ovidius videtur fabulam excogitasse, ut quanto Literarum decus majus sit Militari arte et gloria depingeret. Fingit n. oratione disceptatam eam controversiam & secundum Ulysses judicatum esse. Eas disputationes ex Ovidij descriptione transscriptas saltem & numeris Poeticis solutas hic audietis. Ne autem nihil de nostro etiam adderemus, etiam Agamemmoni & Nestori dissen-

sionem

tionem affinximus: qua & hi deliberant, an concertationi armorum, an orationis contentioni lis porius committenda sit &c.

Pete benevolentiam auscultationis.

II. Oratio.

Sententia Agamemnonis: melius esse ut lis inter Ulysssem armis quam iudicio & oratione finiatnr.

Imitare Ci.
pro Quint.
I. period

EXORDIUM, Quamquam viri Principes libenter utor consilijs vestris: tamen non libenter vos convoco. Quia vereor vobis molestus esse alijs occupatis. Itaq; & vos interim fortiter pro Graci nominis gloria pugnatis: & nos si quid inciderit controversiarum nostra industria expeditus. **CONTRARIA PROPOSITIO**: Sed nunc ejusmodi quiddam incidit in quo vestro consilio maxime opus erit.

2. **NARRATIO** de Achille mortuo. Encomium & querela intertexatur per Præteritionem. 2. De orta inter Ulysssem & Aiace[m] dissensione. 3. Laudetur uterq; breviter. 4. Quod Ulysses iudicio petat hanc cognosci causam: Ajax postulet ut armis sibi hanc contra Ulysssem controversiam componere liceat.

3. **PROPOSITIO**. Causa quæ sit videtis: nunc quid vobis statuum sit diligenter cogitare. Ego sanè ut dicam quod sentio: iudico non iniqua postulare Aiace[m]: omninoq; commodius fieri ut super armis fortissimi viri, & hic in castris quidem, & qui de fortitudinis testimonio à nobis auferendo concertant: Etiam fortitudinis potius quam eloquentiæ experimentis congrediantur.

4. Arg. I quæ sunt in nostra potestate sunt meliora.

CONFIRMATIO. Quia fortitudinem ipse quilibet de se præstare potest: Eloquentiam & iudicium sententias non potest: Omnis enim animi illa præsentia, in qua victoria potissimum sita est, voluntate quadam & studijs nostris nobis adjungitur. Verum in eloquentiæ studijs frustra laboraveris, nisi & naturæ quadam felicitate rarissima & maxime inusitata adjutus fueris, & in ipsis pueritiæ annis quos nemo fingere ipse sibi potest & qui ab alieno dependent arbitrio præceptorum, nisi in his, inquam annis jacta sint ea doctrinæ fundamenta firmissima, quæ tantam facultatis amplissimæ molem sustineant facile. Quod a. ad iudicium sententias attinet quamquam quod de me ipso

ipso, idem etiam de his Principibus qui assident polliceri possim: bona fide pronuntiuros nos esse: tamen ita multa interveniunt, quæ etiam optimi & prudentissimi viri mentem nonnihil à veritatis accurate in errorem abducere valent. 1. Gratia & favor. 2. metus offensionis. 3. ab ipsius eloquentiæ opere multæ struuntur judici insidiæ. Ut vix mihi videatur fieri posse ut qui melior, qui dignior, qui præstantior demum vir sit, Ulysses ne an Ajax: verè & commodè à nobis pronuntiari isto pacto possit.

Accedit, quod illa armorum dico contentio ab ipsis solis potest peragi, inter quos lis intercedit, nobis tantum ejus certaminis spectatoribus: hæc autem altera disceptatio, nostris judicijs & sententijs dirimenda: potius inter nos quam inter istos erit hujus controversiæ Authores. Etiam illud considerare, an non hæc dissensio possit etiam longius disseminari, si eam nostris suffragijs componendam susceperimus; scilicet si aut inter nos sententijs dissederimus: aut eum contra quem pronunciatum fuerit adversus omnes nos, aut eos qui maxime contra steterint, odio inflammaverimus. Quod periculum ut maximum, ita & diligenter à nobis præcavendum est, et eo uno fere modo præcaveri poterit, si ipsos inter se solos Martis potius & armorum quam nostrorum votorum arbitrijs litem dissolvere patiamur.

Peroratio modestiæ causa permittat, libertatem dicendi principibus.

Exemp. XIX.

Sententia Nestoris: Melius esse ut lis inter Ulysses & Ajacem oratione & judicio quam armis finiatur.

EORDIVM. Laudet Agamemnonem: quod non tam id operam det ut potentiâ alios principes excellat, quam clementia & humanitate. Et ejus voluntatis jam exemplum dedisse, quando & in componenda hac inter Ulysses & Ajacem controversia adeo sit sollicitus: & in dicendis sententijs libertatem Principum confessus adeo liberaliter concedat. Quanquam rectè sentire se ipsum non tantum

firmi.

Arg. 2. quæ se ipsis contenta, sunt meliora.
Arg. 3. perfecta inchoatis sunt meliora.

Orat. III.

firmiter credat Agamemnon sed etiam multis rationibus, quæ ad-
ductæ sunt, persuasum habeat.

ADVERSATIVA. Veruntamen non possum negare, quin a
tua sententiâ dissentiam, & profiteor, me illis rationibus tuis non ita
permotum esse, quin & melior sententia altera visa sit, quam tu op-
pugnabas, & graviores pro hac rationes inciderent. (Petat veniam
ut hanc sententiam humaniter audiat Agamemnon: nec ad suam
contumeliam dictum putet, si contra ipsum disputaverit. *αιτιολογια*.
Quod hoc sit Regis, & potissimum Agamemnonis; malle in Consilio
vel consensu Principum corrigi sententiam suam, quam postea quæ
deliberata sunt, transacta à vulgo imprudentiæ & stultitiæ accusari.)

PROPOSITIO Orationis. Sentio prudentius à nobis statui,
ut Ulysses & Ajax causam suam oratione nobis exponant & æquis con-
ditionibus inter nos componi permittant: Ut uter meliori jure arma
Achillis se poscere demonstraverit, illi communibus omnium nostris
suffragijs adjudicentur.

Arg. I. Ju-
cunda in
jucundis
sunt meli-
ora.

ARGUMENTUM I. Quis nostrum possit spectator esse tam
miserrimæ cladis ut Principes nostri sanguinis & plurimorum meri-
torum in Remp. vel uterq; mutuis vel alter alterius vulneribus ante o-
culos nostros mactarentur?

Ar. 2. hone-
sta utilib;
sunt mel.

ARGUMENTUM II. Parum honestum nobis hoc esset, alie-
num ab omni gratitudine, ut optime de nobis meritos ita turpissime,
scilicet mutua cæde ac scelere perire sineremus. Barbarum est; Nos
armis in hostes utimur, non in amicos. Melius est, nos controver-
siam hanc nostra aliqua molestia resolvendam suscipere: quam præ
mollitie in tantum discrimen fortissimos illos viros conjicere.

3. Arg. sta-
bilia in cer-
tis meliora

ARGUMENTUM III. Dubius & incertissimus est Martis e-
ventus: non is semper vincit, qui est melior: sed qui forte casu aliquo
sit superior. In consilijs autem & judicijs nulla est hujusmodi errandi
ocasio.

CONFUTATIO. Ad argumentum I. Etiam armorum usus re-
quirit quandam & naturæ bonitatem & exercitium. 2. Aliud in O-
ratore aliud in Principe requirimus. Illic ingenij concertatio agitur,
hic causæ & controversiæ disputatio &c. Ad argumentum 2. de con-
troverfia propaganda. Resp. illud prudentia Agamemnonis præca-
vendum,

vendum, & polliceatur etiam suam in ea re industriam.

CONCLUSIO. Dicat se in nullius gratiam dixisse, petat ut Deus mentem Principum dirigat in commodum Reipublicæ.

Exemp. XX.

Oratio Ajacis quæ se Ulyssî præfert. Ex

Ovidio lib. 13. Metamorph.

FAB. I.

EXORDIVM à reprehensione adversarij, & indignitate hujus actionis, quod sua Ajacis contra Ulysssem causa adeo sit perspicua. Sed est alienum ab arte, quia inverecondum, quod non pudet Ajacem irasci, & convicia dicere in adversarium, ante probationem. Cum præcipiant Artifices modestiam præferendam in Exordijs. Verum ita fictum est à Poëta, ut pingeret ingenium militare & rude in Ajace.

Cum hæc meæ, Viri Principes, contra Ulysssem de dignitate Contentio & ipsa per se indignissima atq; iniquissima sit, tum ea hujus certaminis iniquitas inde imprimis animo meo obijcitur, ingentemq; mihi dolorem injicit, quod hoc loco dubitatur, an non ego Ulyssî cedere debeam, qui locus æternum & meæ fortitudinis præclarissimorumq; in gentem nostram meritorum, & turpissimæ in Ulyssse ignavia ac perfidiæ monumentum extabit. &c. Hic enim fugit ab Hectore Ulysses; ego vero Hectorem contra steti: & incendium à classe nostra prohibui.

Indignum itaq; hoc est certamen: ut ille gestis rebus jam à me dudum victus, nunc oratione mecum de dignitate contendat. Verum non recuso, quanquam possem: cum videam non magna arte opus fore, ut vobis virtutem meam probem: quippe quam aliàs operam dedi, ne vos lateret: Ulysses autem ut suas aliquas res gestas vobis persuadeat fieri non posse, quippe quæ ille mirabili quadam ratione ita peragit, ut nec spectatores adsint dum geruntur, neq; alio nisi se ipso teste eas ita gestas esse probare possit.

Præterea etiam aliud in hac causa incidit unde difficultatem haud exiguum sentio: nempe quoties eventum hujus cogito

judicii, quod scilicet non tam illud spectabitis, uter ego Ulyssi præferendus: quod non posset spero, diu animos vestros suspensos detinere: sed an tanti viri, Achillis scilicet armis gerendis dignus videri possim. Et hic sanè si nihil aliud desiderabitis, saltem illud scrupulum injiciet, quod Ulysses homo vanissimus, is tamen sibi visus sit, qui facile possit meam virtutem et alijs & vobis potissimum videri adæquasse. Verum ut non dubito, quin quæ ille animi quadam vanitate sibi arrogare ausus est, vos in fraudem meam non sitis accepturi: Ita spero me ejus rei veniam à vobis facile consecuturum esse: si illud meritorum erga Remp. nostram præmium deponco, arma Achillis puto: quo præmio Ulysses sibi non indignus esse visus est, quando in hoc judicii certamen mecum congredi postulavit. Quanquam, quæ est hominis calliditas, id astutè providit, non quidem nullo suo se periculo hoc tentatū, sed tamen quocūq; etiam res cecidisset magno commodo. Quod scilicet si non ipsa Achillis arma reportasset, Cujus rei spem quamvis impudentissimus sit, tamen facere sibi non potuit: interim vel eo nomine celebraretur, quod uter Achillis armis dignior esset, cum ipso Ajace scilicet contenderit.

Arg. I. à genere vel origine. Ajacis majores & in his Juppiter, Ulysses à Sisypho scelesto homine. 2. Cognatus Achillis est Ajax: Ulysses peregrinus.

II. à Rebus gestis. 1. Ulyssis turpibus. 1. Noluit ad Trojanam expeditionem proficisci. Contra, Ajax inter primos profectus, promptus offert se periculis

Atq; VTINAM. &c. 2. Turpius quod sequitur, Philocteten prodidit.

Ille tamen vivit. 3. Turpissimum, de Palamede.

Qui licet eloqui. 4. At eloquens est Ulysses? Resp. defendere tamen non potest factum, quod Nestora senem turpiter deseruit.

Aspiciunt oculis. 5. Deus ultus est, ut ipse incideret in periculum: turpiter cecidit, fugit. Hic pro una laude duo regeruntur crimina.

III. Res gestæ Ajacis, primum est à me defensio. 2. Cum Hector congressus est. 3. hunc à navibus depulit. Quid contra Ulysses fecit? 1. tenuia. 2. per dolum, 3. socio Diomede ut hujus laus sit dimidia.

IV. à Naturâ. Dolosus & timidus Vlysses, tum imbellis: Ergo non apta sunt ei arma.

V. à fortunis. Clypeus Ajacis fractus: Vlyssis integer. Peroratio à motu.

Exemp. XXI.

**Oratio Ulyssis: Qua se Ajace digniorem
esse armis Achillæis demonstrat. Ex ovidio
lib. 13. Metamorph.**

EXORDIVM 1. à pietate 2. argumento, & forti 3. purgatione. Velem potius viveret Achilles: quam hanc contentionem ortam. Nunc autem illo martuo, cui meliori jure arma relicta debentur, quam quo authore ille hæc arma pro vobis cepit? Quod mea eloquentia in invidiam vocata est: ea ne criminatio, quæso apud vos locum habeat: cum vestris commodis ea sæpissime inservierit.

arg. à figura dictionis.

II. Ipsa Comparatio. 1. à majoribus. Ajax est à Jove. Resp. per negationem consequentiæ. Non est magna laus. 2. per *ἀντιπο-φασιν*. Etiam Vlysses à Jove & ratione maternæ originis est nobilior. 3. per recriminationem: Pater Ajacis interfecit fratrem. 4. per distinctionem. Non est quæstio, uter habeat meliores, sed uter ipse melior, h. e. plurium meritorum. 5. Et hoc idem sit responsum ad cognatos Ajacis. 6. per instantiam particularem. Etiam Pyrrhus & Teucer sunt cognati. Ergo ad hos etiam pertinerent arma.

II. Res gestæ. Non possum omnia enarrare: dicam quædam 1. de Achille ad militiam pertracto. Quæcunq; ergo hic fecit (quæ per partes enumerantur) earum rerum laus aliqua ad me Vlysssem redundat.

2. Agamemnoni persuasit, & uxori, ut ad placandos Græcis Deos filiam mactari permitterent. Hoc non potuisset Ajax efficere.

3. In ipsam hostilem urbem Trojam profectus est, repetitum res abreptas, & magna hic sustinuit vitæ pericula. Inferitur hic præteritio generalis, non posse se nunc omnia recensere.

4. Toto decennio castra gubernavit: Enumerantur hic multæ

partes hujus officij. Vbi contra Ajax ociosus cesset: nihil huc possit conferre.

5. De revocatis à fuga socijs: inter quos fugerit ipse Ajax. Itaq; quæcunq; gessit ab isto tempore Ajax, ejus laus aliquam partem pertinet ad Ulysssem, qui illum à fuga retraxerit.

6. Ab honore, A Diomede electus socius.

7. A gestis secundum fortitudinem: Dolonem interfecit.

8. Rhesum.

9. Sarpedonem & alios quos hic multos enumerat.

10. Vulnere habet multa Ulysses: Ajax nulla.

III. In ἀποδοσεῖς respondet nunc ad Ajacis facta ab ipso commemorata.

1. Hectoris incendium à classe depulit? Resp. non nego, sed non solus. Etiam Patroclus pugnavit: & solis armis Achillis Troas conjecit in fugam.

2. Cum Hectore congressus est Ajax solus? Resp. At hoc cum multorum injuria conjunctum est. Novem enim principes nos ad pugnam offerebamus, è quibus ille sorte electus est.

3. Non est laudis cum Hectore pugnare, si non vincas.

IV. A naturâ vel robore Corporis. Ego gestavi Achillem cum armis. Itaq; etiam ipsa arma gestare possum.

V. Ab habitibus. (hic omittit suas laudes) Ajax non intelligit artes, quarum opera sculpta sunt in clypeo Achillis nempe imagines rerum cælestium. Quare est armis indignus.

VI. CONFUTATIO. Criminum objectorum. I. de morte eundi cum Græcis in bellum. Resp. per instantiam: sibi hoc commune esse cum Achille: & hoc se priorem venisse: tum etiam hunc impulsisse, quod non possit prædicare Ajax. Communem autem utriq; fuisse causam, pietatem in suos. II. de Palamede. Resp. per translationem criminis in ipsos Græcos: & Palamedem esse juste occisum. III. Idem respondet de Philoctete, & hic digreditur ad promissiones de fide sua.

Speciatim promittit, se reconciliaturum Philocteten, quod est difficultatis plenissimum. Itaq; mover auditores benevolentia & admiratione.

VII. Redit ad facta sua: occasione ut faciat illud verisimile de Philoctete: quia olim similia gesserit. Palladium abstulit Troja, quod non potuisset Ajax.

VIII. Ab honore. Ceditur sibi à multis alijs præstantissimis viris.

CONCLUSIO. per congeriem quandam in multis comparat: & reperit: 2. addit motum.

Exemp. XXII.

Comparatio inter disciplinarum genera.

I. Oratio.

EXORDIVM. Quæ omnium duæ gravissimæ deliberationes sunt, auditores, de socijs scilicet & amicis diligendis, tum de eligendo certo uno studiorum ac vitæ genere: eæ ambæ in nostram juventutem ætatem accidunt. Ut cum error circa has res sit per se ipse periculosissimus, quippe conjunctus cum omni felicitatis humanæ nostræ iacturâ: Inde tamen augeatur periculi hujus magnitudo quod per imprudentiam nostræ ætaturæ minus prospicere nobis & errorem evitare valeamus.

II. Enarrentur pericula ex socio electo si in hunc malum aliquem & nequam incideris.

III. Enarrentur damna ex errore eo, si aberraveris in eligendo studiorum & vitæ genere: ad quos ineptus sis, aut cujus te aliâs pænitet.

IV. Quæ cum ita se habeant, peropus fuerit, sapius de his tam gravibus rebus cogitare, & multo ante constitutum habere ac perspectum, quid prudenter, quid commodo nostro de his sentire vel agere vel alijs etiam consulere possimus.

V. Atq; adeo etiam aliud agendo rectè ad hujusmodi serias deliberationes exercitia nostra disciplinarum referimus. Simile) Quandoquidem nautarum pueri per lusum natâre, scalmum impellere, vela vel laxare vel adducere discunt, quæ sunt justa opera artificum eorum qui navibus utuntur.

VI. Hoc consilio quos adesse videris, Adolescentes hodie oratio-

nibus, disputandam susceperunt controversiam de eligendo studiorum genere. Unus philosophiam commendabit: alter Medicinam: tertius Iuris prudentiam: Quartus Theologiam.

VII. Petatur benevolentia & attentio.

Orat. II.

Pro philosophia.

EXORDIUM. Cum mihi pro philosophia dicendi partes sumserim Auditores, nescio sane an eo consilio meo latari magis an dolere debeam. Lator sanè, quod eam hujus controversiæ partem delegerim: quam non sub persona tantum aliena, sed ex animi sententia & quod judicarem eam verissimam ideò defenderem. Doleo autem, quod vel non alium potius aptiorem patronum nacta sit Philosophia: vel quod à me, à quo recepta est, non ea aut excogitandi subtilitas, aut eloquentiæ suavitas afferri possit, qua idem quod ego verissimè sentio, vobis item persuadere liceat: Nempe unam omnium earum rerum quibus discendis literati operam tribuimus, dignissimam esse philosophiam in qua omnem ætatem conteramus.

Petatur benevolentia & audientia.

Argum. I. Philosophia magis utitur ratione quam reliquæ facultates.

Pr. Major.

Summa est jucunditas contemplationis: Ut in eâ felicitatem possuerint philosophi. Atq; hæc nihil aliud est quam inquisitio abditissimarum rerum, causarumq; unde hæc profluunt. Quare quo disciplinæ genere causæ hæc explicantur, et ratio earum quæ opinantur redditur; illa nos ad hanc beatitudinem adducit. Si qua v. cognitio consistit intra nudas affirmationes: à causarum autem reddendarum conditione, aut difficultate prohibetur, aut quodam instituto suo abstinet: Illa sanè quocunq; tandem loco sit propter rerum contentarum dignitatem: illam tamen quam diximus contemplationis jucunditatem non asseret.

In philosophiam major est ille usus

PROPOSITIO MINOR. Medici circa corporis sanandi curam occupati & sic in opere faciendo, & varietate singularium rerum impediuntur à scientiæ perfectione: tum in conficiendis pharmacis magis exercentur, quam quod ex speculatione afficiantur. Unde etiam hæc facultas ex contemplativis disciplinis, ut vocant, ad artificum so-

cie.

cietatem relegata est. Icti magis memoria exercentur in comprehendendis tot juris & responforum voluminibus: quam iudicio in rationibus legum ex ipsa natura reddendis. Theologi religione prohibentur in dictorum divinorum causas inquirere: nisi quas item scriptas jam in S. codice habeant. Solis philosophis ea libertas concessa; ut nihil assentiantur, nisi ratione aliqua affirmatum: nihil affirmant, nisi à ratione inventum ac profectum fuerit. Neq; his sufficit, si quid ab aliquo gravi authore affirmatum, à Icto responsum, ab imperatore rescriptum, à Galeno aut Hippocrate observatum dixeris, nisi ratione approbatum dederis, inter opiniones incertas referetur.

Argum. 2. Studium philosophiæ magis liberum est; reliquarum v. disciplinarum usum necessitas introduxit. Itaq; illud à se ipso commendatur: hæ autem si tolli necessitas ea posset non expeterentur. Si valeant homines ars tua Phæbe jacet, inquit Poëta. Ita si cessent fraudes, ars tua Balde jacet. Verum philosophiæ contemplatio eo jucundior erit, quo minus necessitate aut tolerandæ hinc vitæ aut famæ quærendæ ad eam impellemur.

Epilogus faciat repetitionem.

Exemp. XXIII.

Orat. III.

Pro Medicina.

EXORDIVM. Perplacuit mihi, Auditores, ea semper sententia quæ est apud Horatium: Tū nihil invitâ dices faciesvè Minervâ. Quæ prudenter sanè suas quisq; facultates exploratas habere jubemur, & quid valeant humeri quid ferre recusent, dudum antè nosse quam aliquid oneris nobis imponamus. Nam quemadmodum in omnium animis non ineptis ad ingenij aliquam culturam, est quædam ad certum quoddam artium ac literarum genus propensio, ab alijs alienatio: Ita fit ut ubi ad alia temeritate, errore ac negligentia quadâ animum applicemus, ad quæ minus naturæ præclivitate adjuvamus, admotâ q. operi manu maximam difficultatem sentiamus, & desperato sæpe successu ad alia atq; alia reijciamur.

Quare si à me quærat: cuinam ex omnibus, ut vocamus Facultatibus vel Literarum generibus potissimum opera danda sit; dice-

rem,

ad quod naturæ quodam instinctu inviteris.

Verum si quis hoc parum dijudicare & constituere possit: & querendo urgeat: quodnam ex omnibus illis generibus disciplinarum quibus nunc operam damus dignissimum putem: in quo rectissime a-tas, sumtus, studium atq; opera collocentur: Responderem, Medicinam eam mihi videri omnium aliarum facultatum dignissimam ac præstantissimam. Verum quoniam alij ab hac sententia mea dissentiunt, paucis exponam eam causam, quare & ipse ita sentiam & vos mihi assentiri velim,

Argumentum I.] Medicina est quodammodo naturalis, vel connata homini: neq; homini tantum sed etiam bestiis. Quare turpe esset hæc semina & ingniculos à natura optima & providentissima ducere nobis infitos, tanquam necessarios ad nostri conservationem non propagare, fovere, alere, augere. In philosophia omnia difficultatum plenissima, a quibus natura adhorret. Præterea spinosissimæ quæstiones à curiositate humana excogitatæ: quibus nec sapientior, neq; melior animus redditur: corporis autem valetudo & universa natura miserrimè affligitur istis perquirendis.

Ita litium apud ICtos multitudo, unde nisi à naturæ perversitate ortum ducit? Object: etiam Medicina propter morbos est: & ex morbis originem ducit. Respons. Est hæc quædam Medicinæ utilitas fateor. Origo tamen videtur alia dignior: nempe admiratio divinæ cujusdam in singulis herbis alijsve naturis virtutis. Unde etiam qui ad usus curandorum corporum non adhibent, tamen cognoscere volunt Medicinæ secreta.

Argumentum 2.] In Medicina plus artis quam in alijs: philosophi, ICti, Theologi ex lectione alienorum scriptorum paucis annis non contemnendi prodeunt. Medicis vero etiam his sane opus est: Verum vix inde fundamenta jaciuntur hujus peritiæ: ita multiplici opus est experientia: tum varijs ac multis artibus, quæ ad Chymiam pertinent: adeò diuturnâ observatione multarum in omni genere morborum occurrentium varietatum.

Epilogus faciat repetitionem breviusculam dictorum.

Exemp.

Exemp. XXVI.
Pro Jurisprudencia.

EXORDIVM. Omnes qui aliorum sententiam, Auditores nulla provocari compellatione, nulla injuria læsi neq; eiam officio adducti contradicendo rejicere volunt providere debent, non solum ut parum verisimilem opinionem improbent, sed etiam ut quam ipsi potius credi volunt sententiam eam & meliorem esse docere & probè confirmare valeant. Legem enim sibi ipsi dicunt accuratius sentiendi & diligentius quod sentiant comprobandi, qui in aliorum oratione hæc eadem desiderant. Nam qui hoc sibi sumsit ut corrigat aliorum errores & peccata reprehendat: quis huic ignoscat, si ipse non minus vel longius etiam a veritate declinarit? Itaq; video quantum oneris subierim. Alij fortassis uni alicui sententiæ: ego multis me oppono, ex quibus heri quædam, reliquæ hodie dicentur. Præterea alij se opposuerunt fortè in controversijs non magni momenti. Hæc autem de gravissimo omnium negotio suscepta est disceptatio: scilicet de eligendo certo studiorum genere.

Ubi & non sine magno tuo aliorumq; periculo erratur, si sententia falsa aliqua dicta ac credita sit, & non sine arrogantia ac temeritatis suspitione sententia dicenda suscipitur: quippe cum de tantis rebus sine singulari quadam ingenij dexteritate, maximo rerum usu, incredibili pænè doctrinâ judicium fieri non possit. Ego igitur non mea voluntate sed ne jurisprudentia justitiæ patrona, omni patrono hoc loco & hoc tempore careat hanc ejus defensionem suscipiam. Petitio- nem elegantem benevolentia item imitare ex Cicerone hoc loco.

I. Argumentum.] Jurisprudentia efficit quæ promittit, nempe justitiam. Ubi enim audiuntur jura & leges: ibidem felicissima justitiæ leges consequatur necesse est: prohiberi fraudes & injuriam. Nam leges nihil aliud sunt nisi justitiæ regulæ, & justè vivendi præceptiones. Armata sunt eadem autoritate & potentia, ut cultores suos ornare, eos qui degeneraverint pœnis cogere possint. In Medicorum autem potestate non sunt morbi aut valetudo, & vix pauciores ex omni ægrotorum numero revalescunt, quam ex ijs qui Medicorum

Orat. IV.

a sententia
 vel gnome
 quæ cōque-
 rimur de di-
 fficultate
 hujus mu-
 neris vel o-
 rationis.
 Cic. 3. in
 Verr.

curationi se commiserunt. Philosophi item multa pollicentur, animi quandam perfectionem, beatitudinem, summam suavitatem, præterea morum honestatem. Sed ea omnia hujusmodi sunt: ut qui illa hæcenus didicerint multi reperti sint: qui inde nugaciores & callidiores evaserint, item nonnulli numerari possint: sed qui propter ista meliores viri habiti fuerint vix quisquam unus nominari queat.

Argumentum 2. Jurisprudentia se ipsa contenta magis. Nam ad philosophiam discendam quanta mole disciplinarum discendâ opus est? Phisicâ, Ethicâ, metaphysicâ, Logicâ, Rhetoricâ: tot Mathematices partibus? Arithmeticâ, Geometriâ, Musicâ: de primo mobili, de secundis mobilibus, tot elementorum Euclidis libris: ut reliqua præteream. Tum, quot hic opus est commentarijs ad cognoscendas saltem eas quæ sunt inter logicos controversias, ne de reliquis dicam. Ita ad Medicinam accuratiori philosophiæ cognitione opus est. In jurisprudentia jactis fideliter linguarum fundamentis & leviter haustis Dialectices & Rhetorices præceptis, reliqua omnia discenda satis copiose ex uno juris volumine disci possunt &c.

Argumentum 3. Magis est in nostra potestate. Facile disci potest nostrâ operâ absq; prolixis commentarijs: aut interprete: si quis sit paulò ingeniosior.

Epilogus faciat repetitionem.

Ex. XXV.

Pro Theologia.

Orat. V.

Cic. pro
M. Calio.

EXORDIVM. Si quis, Auditores forte hic adsit ignarus & aliàs usitatæ in scholis, & jam pridem apud nos receptæ consuetudinis: mirabitur profectò quæ sit ista mira quædam dicendi ratio, ut qui posterior in hanc cathedram surgit semper superiores sententias atq; orationes evertat ac refutet: Idem cum audiat, esse eum publicum morem, quo de varijs quæ in vita incidere possunt consilijs ac deliberationibus, in scholastica cathedra q. animi causa sententiæ exponantur, rationes afferantur: mox istis contradicatur, hæ solvantur ac rejiciantur, novæ proponantur ac meliores sententiæ, quibus iisdem modis postea occurratur: donec tandem in aliqua una sententia max.

imē

imè verisimili acquiescatur : hic morem sane improbare non poterit : sed quis in hac controversia de disciplinarum præstantia tandem exitus futurus sit requireret. Cum revocabitur à vobis homini ei in memoriam, omnibus reprobatis ac reiectis illis quæ jam auditæ sunt sententijs, pro philosophia, pro Medicina, pro Iuris prudentia ; ultimâ fore Theologiæ cōmendationē : cōmentationē elegantē atq; eruditâ commilitonum reprehendere non poterit : incommodè tamen collocatam esse censebit, ut qui istas humanas disciplinas præ divino Theologiæ studio præferendas probare voluerint : mihi cui pro Theologia dicendum restet, facillimam operam relictam arbitrabitur. Etenim si attendere diligenter, existimare verè de hac inter nos distributa disceptatione volueritis, Auditores, sic constitueris : recte collegas meos difficiliore probandi partes sibi elegisse, quo elegantior esset ingenij exercendi materies. Neq; meum factum improbabit, quod quo minus ab ingenio & exercitatione possum, subsidio mihi hanc sententiæ facilitatem comparaverim &c.

PROPOSITIO. Theologia est præstantissima : cui vel potissimum, si parentes & patroni assentiantur opera danda est : vel si illorum voluntati cui omnino parendum est ad aliud literarū genus te applicaveris tamen literarū sacrarū adjungenda est quotidiana & studiosa meditatio. Atq; hoc quo minus dubiū est, eo paucioribus arg: utar &c.

Argumentum 1.) Theologia certior reliquis facultatibus. Quia exstructa sunt capita cælestis doctrinæ omnium solidissimo principio vel fundamento, nempe Dei autoritate. Quippe quod hujus sapientiam nihil latere, per potentiam autem ejusdem nihil non fieri potest. Reliquæ disciplinæ omnes omnia fere ex rationis judicio hauriunt. Unde quo hoc imbecillius & fallacius est, eo incertius & infirmius est, quod tam ruinoso fundamento superstruitur. Potest hic fieri quædam inductio : ut per partes aut certa quædam sententiarum capita hæc monstremus.

Argumentum 2.) Theologica scientia, aut sapientia potius, amitti non potest : tum quam illa præstat, felicitas nunquam eripitur aut deperditur. Contra reliquæ disciplinæ, unâ cum mundi ista vanitate desinent. Explicetur per partes.

Argumentum 3.) Præstantissimi semper exsisterunt singula-

rum disciplinarum professores vel artifices. Medici Hippocratem, Galenum, Dioscoridem alios jactitant; Philosophi de Aristotele Platone, Socrate sibi gratulantur: Oratores suum prædicant Demosthenem & Ciceronem: ICti ipsum Imperatorem in cathedra sua collocant. Quæ ut summa laus est, quæ à tantis cultoribus ad ipsas artes redundat: ita longe major judicanda est S. Theologiæ excellentia, quam non tantum prophetæ, Apostoli, Reges, Sed ipse filius Dei docuit.

Epilogus habet repetitionem: per subjectionis figuram.

Exemp. XXVI.

Comparatio inter furtum & calumniam:
prima quod hæc sit majus vitium.

Oratio.

I. Benevolentia.

II. Benevolentia à necessitate hujus argumenti.
Pr. major. Prima conclusio Ergo & ego volui necessarium argumentum occupare.
Pr. minor. Hujusmodi est præfatus illud.
Propositio orationis.

Exord. à significatione pietatis significatæ sententijs super re præfenti fig. elocutionis, Votū. Vellem equidem, Auditores, ea nos conditione vivere possemus homines, ut sponte nostrâ & naturâ quadam invitatione declinarem vitiorum turpitudinē, virtutis autem honestatisq; studia atq; ornamenta sectaremur. Correctio) Verum quò minus hoc per ingenij humani pravitatem non dico consequi sed sperare licet, eò magis necessaria judicanda attentiorq; animi studio auscultanda est illa oratio, quæ vitiorum deformitatem quam fædissime potest, depingat, animosq; nostros q. horrenda quædam specie inde absterrere studeat. Quæ sanè me cogitatio non parum commovit, ut cum meo loco aliquid à me dicendum esset, illiusmodi argumentum mihi deligerem, quo ista spectasse aut voluisse saltem viderer: nempe ut adversus aliquod vitæ humanæ vitium, & propter frequentiam & suâ quadam fæditate atrocissimum dicerem, tum ita dicerem ut illam fæditatem quam posset fieri teterrimam ob oculos statuerem. Quæ postquam cogitare capi, sanè non longâ circumspectione opus fuit: statim occurrit, nec facile inveniri posse, & pejus & seculis nostris familiarius vitium quam calumniam: neq; posse eam nec fædius neq; verius describi, quam si perpetua quadam collatione cum furto comparetur. Id igitur nunc agam, Aud. si me Deus, quod spero, bene juverit, & vestra in advertendis animis auribusq; accesserit benevolentia: ut cognoscatur, non tantum quia vulgò omnes ita sentiunt, sed propter

pluri-

plurimas, easq; magni momenti rationes calumniæ scelus furti crimine longè indignius & minus ferendum esse.

Arg. I. Inanimata animatis: vel quæ ad animam pertinentia tollunt sunt pejora quam quæ non. Calumnia animum & ad animam pertinentia tollit perdit, corrumpit: furtum non. E, illa pejor.

Declaratio minoris propositionis. Principio hoc certum est calumniam & ejus animæ nocere adversus quem fævit: & præterea ac pejus quidem ipsius calumniatoris: furtum ferè quod damnum affert eo plerumq; fortunas saltem lædit, animum non semper attingit. Nam pleriq; fures non tam ex animi quadam malitia peccant, quam coacti extrema quadam rerum communium inopia & intolerabili famis ac paupertatis calamitate urgente. Correctio) Non omnes excuso fures, de quibusdam hoc verè dicere possum. Animus ergo potest manere integer maxime si mature pænis aut aliàs corrigatur. Alijs autem nocet fur non nisi numerum nummorum & levissimè sæpè imminuendo. Sed calumnia non potest proficisci nisi ab animo improbissimo, 2. tum confirmat in malitia animum 3. aliorum improborum morum causa & invitamentum est. (inducantur) Porro eos, quos lædit non fortune privatur quod tolerandum esset: Sed his animum ipsum affligit. 1. dum tristitia intolerabili afficit 2. dum non virtutis atq; eruditionis quidem facultatem, sed tamen opinionem inter homines & sic etiam etiam exercitium, ad quod illa necessaria est aufert. Propositio major) Quanto animus excellentior opibus, tanto illud nocentius & pestilentius est, quod illi quam quod his nocet.

Conclusio. Ergo calumnia est longe pejor furto.

Propositio minor) furti multæ similitudines sunt & tolerantur in natura h. e. in bestiis & hominibus, imò etiam in rebus inanimis, & g. bestia pabula accipiunt quæ non severunt, & mutuo sibi subtrahunt, imò quædam aliarum carne vivunt. Et hæc à naturæ auctore Deo ita sunt constituta. Homines per bella quid aliud agunt, nisi ut alijs eripiant quæ horum sunt? Et illa tamen approbantur. Ignis, aqua, frigus, calor, siccitas & humor, alia alijs alimenta subtrahunt. Uerum Calumniæ artes omni naturæ adversæ sunt: quibus sc. malus bonus suppressit, propter hoc quod non sui similes sint.

Propositio major) Quæ ab omni natura abhorrent sunt scdio-

Arg. 2.
non natura
alia natura
ralibus.

ra, quam quæ non ita longè discedunt à quadam cum naturæ institutis
similitudine. Conclusio. Ergo &c.

Peroratio faciat repetitionem propositionis.

Exemp. XXVII.

Comparatio inter furtum & calumniam alte-
ra: quod illud sit pejus; *Confutatoria.*

EXORDIVM. Modestæ causæ, conqueritur de difficultate cau-
sæ: & multa concedit adversario. (fig. elocutionis, epanodos vel
prolepsis: vide orat. Cic. pro Quintio) Quæ duo adversus causam &
sententiam meam maximè metuenda esse videbantur, ea in oratione
illius, qui ante me dixit, ambo adesse contra me video: Sententiæ ad-
versariæ vulgaritas, & rationum veritas. Quia cum eam quam tue-
tur adversarius sententiam etiam vulgò receptam esse confiteri cogor,
ne ea res fidam meæ orationi abroget, cogor metuere. Quod autem
eandem veris & gravibus rationibus confirmatam audivistis, ne prop-
terea frustra aliud persuadere vobis contendam, haud mediocriter per-
timeſco. Quæ quo majora sunt, eò vehementius à vobis contendo.
Auditores, ut has dicendi partes non temeritate ulla sed veritatis amo-
re à me susceptas: Sed quas nunc graviores ac putaram sentio, vestræ
benevolentia adjuvetis: deinde vero ne prius de tota causâ quicquam
judicetis, quam quid in alteram partem dici possit cognoveritis. Quod
si impetravero, non dubito, quin brevi ita iudicaturi sitis, etiam si ple-
becula aliter sentiat, etiam si porro non longe aberrare à veritate vide-
atur ea vulgi sententia: tamen verius & prudentius eam teneri sen-
tentiam, quod furti facinus ac scelus longe fædius sit calumniæ levitate
& improbitate.

ἀξίως.

Propositio

*Confutatio vel contraria comparatio ex
iisdem locis.*

Adv. Arg. I. Quæ sententia prudentibus placet, melior quam quæ vulgo &c.
furtum esse pejus placet prudentibus. Ergo.

Propositio minor per communicationem. Quid faciam? ne-
gabo ita vulgus sentire? calumniam esse pejorem furto: faceri hoc
non

non plebem tantum, sed etiam summos viros? poëtas decantare? oratores & historicos declamare? Responsio per distinctionem) Non potero. Huc me convertam: concedam populi eam esse sententiam. Prudentum & eruditorum nego. Obiectio) At extat? Resp. quid viri docti, principes, prudentes sentiant, non est inquirendum ex ipsis quando cum vulgo agunt, sc. cum ad horum captum tanquam pædagogi ad puerorum se accommodant. Neq; cum affectibus turbantur. Sed quando leges scribunt aut dicunt. In his ex animi loquuntur sententia. Item in judicijs. Hic ergo furtum dicunt pejor esse quippe quod suspensio punitur.

Adversarij arg. 2. Quæ animum lædunt sunt pejora quam quæ fortunas. Calumniæ lædit animum, furtum fortunas. Ergo. Resp: nego minorem.

Venio ad illud quod dicebatur à calumniæ animus lædi & calumniatoris & ejus qui calumniæ impeteretur. Quod ut concedo: ita miror cur hoc idem damnum dari à furibus negetur. Etiam furandi malitia tanta est ut non nisi in extremæ improbitatis hominem imo monstrum hominis cadat. 2. confirmet in improbitate 3. ad alia scelera invitet. Ejus a. cui bona aufert, an non etiam animum lædit? dum tristitia afficit: dum honestæ vitæ instrumenta necessaria aufert: & quantum in ipso est, ipsa vitæ & animæ spoliatur.

Nam opes nostræ sunt ita necessariae cuiq; ut à latinis substantia à Græcis *σώτα* dictæ sint. Conclusio Ergo furta sunt pejora calumniâ.

Arg. 3. Adversarij. Non naturalia sunt pejora naturalibus. Furta sunt naturalia. Ergo. Resp. per inversionem vel negationem majoris 2. per negationem minoris.

Quod vero de natura dicebat adversarius, vix poteram credere seriò illud affirmari: nisi etiam confirmare quibusdam exemplis aggreffus fuisset. Quid audio? illane sunt mitiora ac tolerabiliora vitia ad quæ natura invitat? Dicamus ergo libidinem, superbiam, mendacia & similia leviora esse verborum aut artium erratis &c. Ita philosophi sentiunt, & cum his Theologi, & quicquid est prudentium hominum, eò difficilius correctu & fædius esse vitium si naturæ pravitate communi eò invitetur, vel quæ ex naturæ corruptione oriuntur pejora esse, quam quæ ex alijs causis.

II. Sed quicquid de his sit: non enim hac defensione nunc po-

tissi-

tissimum utar: Age illud consideremus an naturâ sint furti, ut dicebatur similitudines: & illæ quidem approbatæ, divinitus institutæ. Elementa producebantur. Resp. furtum committitur non absq; animo furandi. Ridiculum igitur in istis esse furtum. Bestiæ producebantur. R. At his pabula concessa sunt: non furantur hæc igitur, carnibus quædam vescuntur? ex corruptione naturæ hoc est: non à Dei prima institutione: non approbatur. Ideo bestias illas persequimur. Bella sunt? R. quædam sunt legitima, non sunt furti causa. Quædam sunt furti causa, sed non sunt legitima.

Peroratio fiat repetitio per propositionem & argumentationem

III.

Exemp. XXVIII.

Comparatio inter furtum & calumniam tertia
quod illud sit pejus vitium.
Confirmatoria.

EXORDIUM benevolentia captanda causa significat veracitatem, Figura elocutionis ἐπιμνησθῆναι & distributio. Vide orationem pro Archia: Si quid est in me ingenij Auditores, quod sentio quam sit exiguum: aut si qua Exercitatio dicendi quam fateor operatam a me magis hætenus, quam tentatam: aut deniq; aliqua alia eruditionis facultas, in qua ruditerem & infantiam meam planissime agnosco, ea omnia sanè nusquam libentius converterem, quam adversus humanarum societatum pestem illam Calumniam. Nam quantum ego sanè cogitare possum, nullum vitium memini, à quo majores clades hominibus optimis & innocentibus inferantur, quam per calumniatores. Quod cum verissime sentiam, interim tamen hoc mihi in memoriam revoco id quod in laudibus sit, ut si illæ nimia sint vituperatio quædam videantur: idem etiam hic accidere posse, ut si illa convicia vituperationis loco in calumniam aut aliam turpitudinem ingeram, quæ propter vehementiam fidem non inveniant apud auditores; videat quodammodo ineptâ ratione collaudasse calumniam. Itaq; ut maxime vituperandam sentio: ita potius ex orationibus jam dictis huic assentior, qui defendebat majus esse in furto quam in calumnia flagitium quam

quam ei quæ contrarium contendebat. Quæ igitur partes proximo collegæ relinquendæ fuerunt, ut hanc verissimam sententiam rationibus confirmaret, eas in me suscepi agendas.

Argumentum I.] Non artificiosa vel in quibus minus opus est subtili aliqua ratione: aut ubi non errore sed per ignaviam peccatur, hæc sunt pejora erratis ingenij. Furta sunt illius, calumpnia est hujus generis. E. furta sunt pejora.

Declaratio Majoris. Duo sunt genera delictorum, quædam cum advigilaveris, cum rationem consulueris atq; attenderis, tamen per quandam infirmitatem naturæ nobis obrepunt: Alia a. cum possent vitari per socordiam committuntur. Isto modo nemo est qui non peccet, etiam prudentes & pij: Hic autem vel posterior modus non cadit nisi in vilissima mancipia & scelestos homines.

Propositio Minor.] Jam furta dico esse ejus generis, in quibus vitandis nulla opus sit arte, omnes norunt, & ab ijs abstinendum esse, & quibus in rebus committantur. Atq; adeo etiam ipse belluæ ut canes, si quid è culina abstulerint: Item lupo, de quo pulcherrimè Poëta,

Prius quam tela inimica sequantur

Continuo in sylvas sese avius abdidit atras

Occiso pastore lupo &c.

Calumpniæ autem tanquam & hæ sepe à malitia proficiuntur, tamen frequenter per imprudentiam excidunt, ut magna opus sit arte, ingenti sollicitudine, incomparabili pene prudentia ut ne calumpniam alicui dicas aut facias: Ne verò dicere vel facere videaris, vix videtur fieri posse. Homines enim sumus dum provocati injuria ad iram accensi vim propulsare studemus, facile fit ut inhonestius, quam dignus est adversarius, judicemus. Item dum per credulitatem aliorum delationibus plus justo fidei adhibemus. ut affirmare ausim, vix quinquam esse repertum, tantæ humanitatis, patientiæ, prudentiæ, quin aliquando si non condemnatus calumpniæ crimine, saltem ejusdem in alium intentatæ suspitione non caruerit. Hi ergo omnes si cū furibus in crucem aut gravius etiam supplicium adigendi essent? Deus bone, quam pessimè huius sententiæ auctor, & alijs bonis viris, & sibi ipse etiam

consuluerit: quanta inde turbatio Reipub. & quanta humani generis
clades?

Conclusio. repetitio primò majoris 2. minoris. 3. propositionis.

Orat. I.

Exemp. XXIX.

De forma Reipub. constituenda
ex Herodoto.

EXORDIUM. docilitatis causa narret rem gestam ex Herodoto.
PROPOSITIO. I. Hanc gravissimam sanè Principum
fortissimorum & de negotio omnium maximo, deliberationem de-
scribendam & pronunciandam in se susceperunt quos adesse videtis
Ornatissimi Adolescentes.

2. PROPOSITIO HUIUS ORATIONIS. In hoc a. instituto
nostro cum quædam reprehendi possint, his primum respondebo:
Deinde attentionis benevolentiam quod alterum meum munus est
à vobis petam.

I. OBIECTIO. Fortassis non deerunt, quibus hoc argumentū
nimis vulgare videbitur: quippe iam multorum opera descriptum & de-
clamarum. Itaq; postulabunt ut potius nova exercendi materies affe-
ratur. R. per inversionem. Adeo nos ab his dissentire profiteamur
ut hanc eandem causam nobis fuisse non negemus, quare dignum o-
perā nostra hoc argumentum videretur, quod familiare esset & fre-
quentatum scholasticis exercitijs.

Αιτιολογια. Quia in hæc adhiberi debent ea argumenta, mul-
torum operis trita ac peruulgata. Quod in omni institutione pri-
ma elementa communia quædam ab omnibus discenda sunt &c. Ad-
de si vis alias rationes.

2. OBIECTIO. Itaq; tantum abest, ut metuamus, ne jure
accusari à quoquam posse videamur, propter delecti hujus argumenti
vulgaritatem, ut veniat nobis nonnunquam in mentem subverri ne-
gravior sit hæc atq; difficilior deliberandi ratio, quam pro nostra a-
te, pro ingenio, pro loco hoc. Dicent, idem nobis faciendum fuisse,
quod in tyronibus exercendis milites faciunt ut ligneos equos aut
hostes statuant, non veros, ad quos jaculando artem eam discant. Ita

non fuisse nobis hic producendos, Otanes, Darios, Megabyzos h. e. virorum gravissimorum fingendam personam & sententiam, sed vulpem forte aut ciconiam, aut aliud est fabulis: neque, deliberandum de Repub. constituenda, sed de chartis forte, aut aliud quiddam saltem quod non longe à nucibus abesset.

R. Si qui verò hoc sentiunt, hos sanè gravissimè errare contra sentio. *αἰσχρολογία*, Iuvenes oportet in scholis in ijs rebus exerceri quibus olim in Repub. occupabuntur. Quod scholæ sunt gymnasia quædam, in quibus exercitatum animum, afferre debes ad Rempub.

II. Petitio benevolæ auscultationis.

Primus Princeps dicet pro Democratia.

Orat. II.

EXORDIVM. à pietate.

Quancquā summa vestra, viri Principes, satis perspecta est animi magnitudo in subeūdo hoc pro libertate patriæ periculo, turpissimoque; servitutis iugo fortissimè à cervicibus omnium nostris depellendo: tamen quæ vestra pietas est sponte vestra mecum agnoscitis tantam Reip. nostræ fortunam, tam insperatam libertatem, tantam omnino omnium nostrum commoditatem, non nostris hominum vel consilijs inveniri vel viribus obtineri potuisse, sed divina aliqua numinis clementia certissimè nobis concessam esse. Quæ cum ita se habeant, principio Deo omnium administratori, scelerum ultori, iusticiæ vindicæ &c. gratias agamus.

Porro eum quæ accepimus à divinò numine felicitatis tempora, ita nobis tributa esse videantur, ut ne per negligentiam quandam reme-
rè, aut in quandam calamitatem Reip. dilabi patiamur: sed prudentia nostra conservemus quantum quidem per nos fieri potest, Reip. diuturnam. Itaque; indictus est hic inter nos hodie conventus ut de Rep. constituenda ageretur. Atque; hic utinam mei Principes, idem Deus qui mentem nobis liberandæ à Magis patriæ indidit, etiam facultatem ea excogitandi constituendique; concederet quæ Reip. sunt quæ saluber-
rima. Quod à numine recte quidem sperare possumus, interim nostri officij erit quam diligentissime de hac eadem re etiam atque; etiam cogitare.

Si quid mihi videatur auscultare vobis commodum est, puto nihil rectius posse Reip. consuli quam ut depulsa semel à Rep. intollerabili illa Regiæ potestatis licentia ac dominatione : hanc civib. nostris libertatem integram illabefactamq; restituamus. Interim tamen ne Magistratu omni careamus sine quo salva esse non poterit Resp. ex omnium civium ordinibus deligantur certi quidam, quibus Resp. administranda credatur. Qui non tanquam domini nobis pro libidine imperent, sed tanquam vigiles quidam nostri ac legum custodes, prudentiâ, juredicendo, consulendo, juvando Remp. moderentur.

ARGUM. 1. Dixi quid sentiam. Nunc quæ me ratio ad hanc sententiam impulerit, attendite. A pluribus civibus hæc approbabitur sententia : Imo omnes hoc exoptant, omnes à vobis contendere videntur : Ut quoniam Deus immortalis per vos quidem libertatem, sed non solum vobis sed universæ Reip. restituit non vobis solis usurpatis : sed quod omnium est, omnibus quam primum committatis.

2. est hoc commune alijs hominibus imò animantibus. Omnes enim ita nati sumus, ut nihil magis aversemur quam alienum istum dominatum. Nihilq; magis commover hominum animos, & ad quandam humanitatem ac mutuam benevolentiam traducit, quam juris, Legum, officiorum ac dignitatum quædam paritas. Feræ bellæ impatientissimæ sunt servitutis, ut cecinit quidam Poeta :

Sint benè conclusæ quamvis Pandione natæ,
Nititur in Sylvas quæq; redire suas.

ARGUM. 2. Quò quisq; generosior est, eò est alienior ab iniquissimo illo servitio. Nam quid æquius quàm illum imperio præsidere, qui prudentia & virtute melior sic? Regi autem ab hoc alios ignaviores & stolidiores? quæ sunt in populari imperio. In regio eadem omnia pessime perverruntur.

Epilogus faciat repetitionem. 2. motum per prosopopæiam, Inducat Deum loquentem pro libertate populi.

III.

Exemp. XXX.

Alter Princeps contra Democratiam,
pro Aristocratia.

Exor.

EXORDIUM. Cum pluribus nominibus gravem nobis fore dudum animo quasi ac mente prospicerem, Viri principes, hanc quasi turbata Reipublica in tranquillitatem revocationem, propter sententiarum quæ à vobis gravissimis viris dicenda forent varietatem: tum nunquam sanè incidere mihi in mentem potuit, futurum esse, ut eò usq; libertatis amantes essemus, ut propter hujus prætextum nomen Reipub. splendorem ac salutem adeò, vulgi temeritati creditam cupe-remus. Itaq; miror eam sententiam collegæ nostro placere potuisse: idq; eò magis quo certius animum ejus ac fidem summam erga Remp. exploratam habemus. In quo de ipso judicio cum minime errare nos persuasissimum habeamus: etiam hoc sine omni animi dubitatione credimus, fore ut non tantum non offendatur, sed etiam gratissimum habeat, si quid melius in Reip. salutem cuipiam inciderit. Præsertim cum sublata regni potestate, etiam hæc in dicendis sententijs libertas hodie nobis usurpetur.

Propositio orationis.) Ut igitur quid mihi de Republica videatur vobis exponam; de Regiæ potestatis nomine abolendo, postquam ipse ille dominatus regis sublatus est planissime collegæ assentior. Verum ut promiscuam Magistratus auctoritatem & communem cum plebecula faciamus, non video an non sit cum certissimo Reip. damno & exitio conjunctum. Itaq; quam optimè Reipub. consulturos nos puto, si qui sunt in Persarum regno optimi quiq; virtute non sua tantum, sed etiam majorum & generis sui commendati, tum qui etiam à potentia aliquam auctoritatem & reverentiam apud cives sibi concili-ent: his Rempub. committamus.

Argumentum 1.) Pauciora hic sunt mala. Non ita metuenda discordia sententiarum quæ facile accidit in multitudine plebei Magistratus; Non ea superbia, quæ animadvertitur in vulgo, ad honores obrepente: non seditionis periculum, quod plebecula facile eam committat adversus eos quos ejusdem secum generis sordibus natos meminerunt: Eos autem, quos nobiliori & ampliori loco natos sciunt: etiam digniores, quibus pareatur credunt. Non ea dominatus libido, quam sæpe sub corruptissimi unius hominis moribus injuriam in vitam, opes, liberos, non plebecula tantum, sed viri Principes etiam experiuntur. &c.

Argumentum 2.) Plura hic bona. Virtuti operam plurimi dant, qua ad nobilitatem illam contenditur. Cum plebecula, tantum opibus inhiat: Regi autem tantum ablandiri & supparafitari studeant. 2. Hic optimo cuiq; præmium: apud plebem invidia: apud Regem faspcio aut contemptus paratus est. Hic paretur a volentibus: in Regno ab invitis: sub plebis imperio ne paretur quidem:

CONFUTATIO Ad primum Argumentum (Omnibus placet, plebi præsertim nostræ.) Resp. per negationem majoris propositionis. Vulgus ex libidine sua omnia æstimat, non ex veris causis. Itaq; non tam nobis videndum quid illi expetant, sed num honestum sit, num cum Reip. salute conjunctum &c,

Epilogus fiat repetitione dictorum.

Ex. XXXI.

Orat. IV.

Tertius Princeps pro Monarchia.

EXORDIUM. Si ea semper sententia, viri principes, absq; ulteriori inquisitione accipienda in consilijs est, quæ & a gravi auctoritate profecta & bene firma ratione communita est: video nullum nobis deliberandi aut sententias dicendi locum superesse.

Quoniam qui ante me dixerunt collegæ mei ita auctoritate graves sunt, ut si rationibus sententiam suam non communivissent, sola authorum dignitas eam satis tueri deberet: ita vero firmis rationibus ea quæ dixerant obseperunt, ut si a quocunq; alio dicta sint, tamen non me tantum sed quemvis alium prudentissimum virum commovere potuerint. Verum quoniam ea est publicorum consiliorum ratio: ut etiam si optima sententia primo loco dicta sit: tamen ne non satis diligenter inquisisse videantur qui interfunt, etiam hi quod visum fuerit dicant: ea mente quid de Repub. mihi videatur non gravabor exponere. Præsertim cum quæ dicta sunt sententiæ, a viris quidem prudentissimis & patriæ amantissimis prolata sint, interim tamen ita comparatæ videantur, ut longe melius consuli patriæ nostræ possit si ista jam nunc non sequamur.

Propositio. Reijciebant enim illæ ambæ Regiam potestatem: una popularem statum: altera optimatum imperium præoptabat.

Qua in re quoniam uterq; ab utroq; dissidebat: Etiam mihi hanc veniam dabo: spero si cum neutro sentiam: sed quod Reipub. salutarius credam, si Regis imperium sub quo hactenus viximus non ita temerario à nobis excutiat.

Quod cur ita sentiam, non difficile erit vobis exponere. Vos quæso per eam quam Reipub. debetis fidem, studiose diligenterq; de tota re cognoscatis.

Argumentum 1.) Regnum est diuturnius. Exemplum multa extant regnorum multis seculis propagatorum. Non item Aristocratia aut Democratia. Ratio) Quia facilius ex multitudine unum aliquem demortuo sufficere aptum imperio, quam multos.

2. Quia adversus seditiones magis tutum: cum cives uni quam multis obedire malint: tum Regi secum ipsius nullæ contentiones metuendæ sint.

3. Item adversus hostem facilius ab uno quam multis ducibus Respub. defenditur. Simile.) A fasciculo lignorum. 2. à familia, quæ diuturnior est si ab uno regatur Domino, quam si à multis: Immo hoc fieri plane non potest.

Argumentum 2.) Latius patet regnum vel communius est. 1. Apud plures gentes usitatum. 2. Tum plures habet imagines in vita. Ita bestiolæ quæ gregatim vivunt sub uno quodam duce congregantur: apiculæ, formica, boum armenta, gallinarum chors.

Arg: 3.) Hinc plura bona in Remp. 1. obedientia subditorum major. 2. Terror ab hoste minor. 3. Vigor legum ac justitiæ major.

Argumentum 4.) Imitantur ipsum Deum qui non nisi unus mundo præsidet: sicut etiam est unus sol, unus mundus, unum hominis caput: una anima: unus conjugis maritus.

Epilogus, faciat repetitionem.

Exemp. XXXII.

Comparatio inter ætates.

EXORDIVM. Attentionis causa fiat à philosophemate vel Loco communi, ut vocant, sed paradoxo, Ætatem sc. aliqua afferre quidem ad felicitatem adjumenta, sed eadem etiam vel similia alijs ad-

esse

Oratio I.

L. C. vel

Conclusi-

o in thesi.

2. In hypothesis.

esse ætatibus: tum adjuncta quædam habere incommoda. Ut non tam ex ætate quam usu hujus æstimandi sint homines: & non ille sit habendus felicior, qui ætate vixerit commodiori, sed qui eâ melius usus fuerit vel sua virtute vel Dei benignitate. Ut res exemplo fiat illustrior: Ætas provectior, comparata habere poterit à prudentia & virtute plurima præsidia ad felicitatem: quare merito quodam suo videantur præferendi qui hanc assecuti sunt præ adolescentulis. Verum quid si hi divina quodam indole nati aliqui sint, tum advigilaverint, ut his rebus ætatis angustias in acquirenda prudentia compensaverint: Quid si illi senes dico, ignavia & segnitie imo luxu & nequitia vitam transegerint? An non & stultè judicaretur, & iniquissimè fieret, si illi industrij adolescentes præ his turpibus senibus contemnerentur? Sic puer præclara spe natus: Sed eadem ætate tenella morte præventus: hunc si ad hominem plurimorum annorum comparemus, sed eundem aut nequam aut calamitosum: non dubitabitis credo, quin quemadmodum ille quidem ætate & annorum numero à senè: ita hic ab illo puero feliciori & meliori conditione superetur.

Ratio vel αἰτιολογία ab absurdo consequente. Quæ quanquam ita sunt perspicua, ut ulteriori probatione non videatur opus esse: tamen illud quæso considerate, annon eadem æstimandi ratione scilicet ab ætatis numero, arborum annosissimarum, item lapidum & ferri longe major præ homine esset credenda excellentia? &c. adde alia.

2. à simili. Quemadmodum gemmas propter exiguam magnitudinem non viliores sed cariores habemus quam filices aut pumices: ita ætatis vel exiguus numerus nihil demere nobis nihil addere poterit felicitati; sed omnis hujus conjectura aliunde tutius sumitur, scilicet à veris virtutis exprimentis.

Accommodario dictorum in rem præsentem. Quæ cum ita se habeant, per commodum est nosse eam rationem, quare singulæ ætates alijs vel meliores vel deteriores sunt, ut utrasq; conditiones illas in nostram aliquam utilitatem possimus convertere. Itaq; quidam, quos videtis adesse, nostri condiscipuli eam in se operam susceperunt, ut ætatum quandam inter se comparisonem instituerent &c.

Petatur benevolentia & attentio.

Ora.

Oratio II. & III. pro adolescentia fingantur.

Exemp. XXXIII.

Pro præstantia infantia & pueritia.

Ora. IV.

EXORDIUM. Memini me audire cum reprehenderetur ea nescio cujus authoris sententia, Auditores, qua affirmabatur, optimum esse non nasci, proximum maturè postquam natus fueris è vita emigrare. Et primam quidem hujus sententiæ partem neq; ego neq; quisquam alius nostræ fidei homo approbare facile poterit: propter spem maximæ gloriæ à Christo nostro partæ omnibus nobis qui ex hominibus nati fuimus. Verum quod ponebatur in aliquo felicitatis humanæ numero, si in ætate infantili finem vitæ adipiscamur q. ad beatitudinis collecti horrea, ne insequentium ætatum tempestates, calamitatem nobis inferant: id inquam, annon potius ultro approbandum quam ullo modo reprehendendum sit spero, multos mecum dubitare. Mihi verò, si vestra in auscultando benevolentia accesserit, hoc jam propositum est, ut eam dubitationem omnem animis vestris eximam, vobisq; planissime persuadeam, feliciter actum esse cum ijs qui postquam initia illa vitæ humanæ prægustaverint, morte prohibeantur reliquæ ætatis acerbicatem sentire. Quod hoc pacto effecturum me puto: si ostendero vobis, plus in hac ætate, infantia & pueritia dico, boni ac commodi positum esse, quam in reliquis omnibus: ut si istis perfructi simus, jam in his nihil reliquum sit quod magnopere desideremus.

Argumentum 1.) Omnia in ætate infantili sunt naturalia, in reliquis ascititia. Nutrimentum, cupiditates, appetitus, studia & occupationes.

Argumentum 2.) Præterea hic omnia integra. Nullus locus superbiæ, calliditatis injusticiæ, fraudibus.

Argumentum 3.) Perpetua quædam jucunditas: scilicet ex sensuum oblectationibus: cum nullis vexentur rei familiaris, aut honorum, aut cupiditatum explendarum curis, aut dolore ex jacturis rei vel publicæ vel privatæ, vel suæ vel alienæ.

Argumentum 4.) Hæc omnia. Modus victus, quem accipiunt

cupiunt tantum à parentibus. Reliquæ ætates sæpe per fas nefas: & patiendo injuriam.

Argumentum 3.) Necessaria hæc ætas. Cum omnes reliquæ ætates ab hac capiant initium: Sed non omnis infantia excipitur à reliquis ætatibus &c.

Peroratio faciat repetitionem
Propositionis & argumentorum.

Orat. V.

Exemp. XXXIV.

Pro senectutis excellentia.

EXORDIVM. Credo equidem, Auditores, expectare vos ut more utar communi illo nostro, & orationi habitæ contradicam. Præsertim cum id facillime posse videar: quippe quod illa oratio adeo longe ab omni planè omnium sententia discesserit, ut studio sibi ac laudi habuisse authorem non dubitem, quod aliquam unam alteram rationem excogitare potuerit, qua hanc opinionem adornaret.

Verum quæ causa alium impellere potuisset ad disceptationem hanc ineundam, nempe oppugnationis facilitas, ea me maxime absteruit. Non quod ego eam ingenij, felicitatem mihi arrogem, ut istis præsidij opus non sit: sed quod verecundiâ prohibear ne fastidium vobis ultro parerem, si in ea sententia à nemine vestrum credita studij aliquid ad refutandum à me ostentaretur.

Quid enim minus persuaderi poterimus, quam esse in aliquo felicitatis numero ponendum si quam citissime ac in ipsa infantia moriaris? Si cum vix lucem aspexeris, ea statim priveris? si ante moriaris, quam quid vivere sit didiceris? & tamen hæc defendebantur: Atq; adeo ipsa puerilis & infantia ætas, reliquis humanis ætatibus longe anteferebatur.

Verum non disputabo hæc nunc jam. Interim tamen si de ætatibus judicium faciendum est: puto senilem, longe reliquarum unam omnium præstantissimam esse.

Quam sententiam ut exponere vobis possim, facite ut vestra attentione me juvetis.

Argu-

Argumentum 1.) Senectutis functiones ac vita est facior-

Reliquæ enim ætates aut tenuitate virium prohibentur aut per imprudentiam, aut animi demum i.e. iræ ac cupiditatis impotentiam: Ut vel non possint ad ea pertrahi quibus honeste & commodo Reipub. ac suo fungi poterant: aut præstare etiam quæ præclare cupiverunt non valeant. Senes vero & exercitatos habent sensus: & his adjunxerunt longissimo rerum usu prudentiam: Quâ sane plura præclariora & magis admirabilia atq; adeo etiam difficiliora opera efficiuntur quam manu.

Argumentum 2.) Senectus suâ ipsâ magis operâ vivit.

Quod ad gloriam: Non potest a majoribus accipere commendationem: quippe quorum jam periit, ut sit, ex animis novi istius seculi, memoria. Itaq; a se ipso senex petit omnem laudis ac nominis materiem. Juvenes vero & viri propter spem foventur, indolis alicujus quam aut a nativitate horum aut ab aliquo specimine colligimus. Hi istorum egent consilijs, præceptis, imperio: Illi facile his carere possunt: quippe sine quibus jam dudum compararunt sibi vivendi præfidia.

Argumentum 3.) Senes rariore.

Argumentum 4.) Senes amamus & suspicimus magis: omnesq; ad similem ætatem pervenire exoptamus.

Epilogus. Per repetitionem: in qua fiat perpetua oppositio, e.g. senectutis functiones faciliores.

Reliquarum ætatum difficiliores &c.

Exemp. XXXV.

Pro Ætatis virilis Præstantia.

EXORDIVM. Animadverti auditores duas hodie easq; adversas sententias de ætatibus dictas esse, quarum altera pueritiam, altera senectutem feliciorem reliquis efferebat. Ego verò neutram eam recipiendam censeo: Itaq; ut utriq; contradicerem surrexi. Sed cum considero quid mihi contra utramq; afferendum sit: Altera quæ pro pueritiæ felicitate pugnabat, per mihi brevis & non magnæ contentionis fore videtur.

Orat. VI.

Altera autem pro senectutis excellentia, quæ & Ciceronem Patronum habet, & præterquam quod per se non videatur à veritate etiam abhorrere, rationibus pluribus confirmata est: Prospicio quantum in refutando difficultatis & quantum laboris sit habitura. Sed in hac tanta difficultate illa me res tamen, Auditores, consolatur; Quod vos de sententijs ex hoc loco dictis sic audire consuevistis, ut causarum rationumq; momenta attendatis, ut non aliud de re tota vobis assentiendum existimetis, quam, quantum sententiæ author, & contrarijs opinionibus diluendis consequi, & suis confirmandis probare potuerit. Quamobrem, alteram illam controversiæ hujus partem, de puerorum felicitate, ne attingam quidem, alteram autem paucis disceptabimus. Et ita quidem ut simul virilem ætatem reliquis opponamus ac præferamus. Nam ut illam operam nostram non desideretis, vestra ipsi diligentia hoc assequimini, ut intelligatis in ea datum esse aliquid ingenio ab authore. In hac autem vestram attentionem auscultationemq; benevolam imploramus.

Refutatio.

Argumentum I.) Senectutis functiones faciliores: propter prudentiam & domitos iracundiæ & cupiditatis impetus. Resp. At animi corporisq; vires imbecilliores. Ut ille conqueritur, at enim gelidus tardante senectæ sanguis hebet. 2. Eadem sunt in viris: sed adest etiam præterea virium integritas. Inde igitur *ἐγγα νεων*, ubi viri intelliguntur.

Argumentum II.) Senectus sua opera magis vivit: quod ad gloriam & vitæ subsidia. Resp. Nihil magis eget alieno subsidio quam senes, Inde enim viri conjugiorum subeunt molestiam ut olim a liberis suis infirmitati ætatis consulant. At non confidere possunt gloria majorum? R. vivunt ergo liberorum gloria. Habent omnia à seipsis comparata. R. At partorum defensio non potest ab ipsis præstari, à reliquis ætatibus mutuanda est.

Argumentum III.) Senex rarior, Resp. Etiam hoc in multis vilibus rebus fit: Item malis, ut certis generib. morborum.


Argumentum IV.) Senes magis amamus. Resp. At illæ quotidianæ querelæ senum quod contemnantur.

Confirmatio.


Argumentum 1.) Perfectiore est ætas virilis. Omnia hic in summo vigore. Maturitas quædam ingnii. Præsentia animi in aggrediendis, industria in conficiendis negotijs. Tum valetudo confirmata: Hac ætate liberi suscipiuntur, educantur, in alias familias quasi colonias emittuntur. Quid his simile habet, non dico Pueritia sed adolescentia aut senectus? in illa propter angustia ætatis spacia vix tot ac tantarum rerum specimina ac lineamenta prima, ac quasi oculi apparere poterunt; quæ maturatæ ac perfectæ in viris perspiciuntur: in senectute quadam naturæ infirmitate ad marcorem quendam revoluta sunt.

Argumentum 2.) virilis ætatis quædam portiones sunt reliquæ. Nam in hanc definit adolescentia: Et tanquam tenellus quidam ramus robore contracto justæ magnitudinis, ab incremento conquiescit: Ita postquam ab annis adolescentiæ ad virilem quasi constantiam & soliditatem profecti fuerimus, nihil aliud nisi robur & perfectionem nostram nacti sumus. A qua rursus diminutio quædam fit per senectutis languorem:

Epilogus facit mentionem argumentorum verbis singulis.



Oratio I.



EXERCITIUM PRIMUM

Ethopæias Præfatio.

Exordium à modestia significatione super ea re quod primus assurgas.

Siquis est A. qui miretur cur ego primus in hoc exercitationum collegio ad dicendum surrexerim: quod credat eas partes debere his saltem, qui primos in rei oratoriae studijs progressus fecerint: sciat alium in his exercitiorum præludijs, alium in negocijs serijs ordinem solere servari. Hic in serijs dico ita quidem fieri moris est, ut dignissimo cuiq; etiam agendi & dicendi principatus attribuitur: In ludicris autem & præparatorijs studijs non ex dignitate exercentium, sed materiae argumentiq; commoditate ordinem dispartiantur. Ut quo quæq; disceptanda quæstio plus difficultatis contineat, eò magis industrium atq; exercitatum ingenium discipuli requirant atq; eligat exercitiorum præses, quod quasi illi ferendo oneri par ac sufficiens alleget. Quo consilio etiam factum omnino existimabitis, & ego planissime persuasum habeo: ut hæ partes præfandi & præmonendi vos, quid rerum ad vos hodiè allaturi simus, tanquam omnium facilissima mihi deferrentur. Quas ego sane pro ingenij mei mediocritate ad me delatas gauderem, nisi vel communi hominum ingenio, vel quod ita revera se res haberet, adeo difficiles expertus essem ut vix à collegis plus captum & exhaustum in suo absolvendo penso crediderim. Sed quicquid hujus sit: expectatis credo ut de quo argumento acturi & orationes dicturi sint qui assident adolescentes id vobis indicem.

Propositio

Indicatio argum.
I. de scopo
nostro in
genere.

Principiò est in Aphthonij progymnasmatibus, Ethopæia: unde docemur animum hominis oratione affecta ita pingere, aut facinorosis enarratis: ut auditores vel spectatores admitti videantur sibi quasi ipsis oculis cernere & prospicere intus ferventem animum iræ, aut dolore conturbatum, aut gaudio tripudiantem, aut spe erectum, aut abjectum metu: aut virtute aliqua delinitum ac placatum & exornatum, aut pessimo conspurcatum vitiorum cano. In hoc artificij genere Deo benignè nos juvante istum mensẽ exercebimur. Ita

his

his, quos jam accinctos ad dicendum videtis, placuit iram in Davide postquam à filio Absolomo parricidium commissum erat, oratione efformare. Et hæc primæ provincia. ALTER Absolomum filium deprecantem faciet: & conabitur hujus dolorem super facto suo, & spem super parentis placatione non tam patri quam vobis ab oculos proponere.

TERTIUS. delinitionem misericordiam & clementiam regis patris adumbrabit.

Epilogus petit benevolentiam auscultationis.

Exemp. I.

**Effectio iræ in Davide stomachantis
adversus parricidium Absolonis.**

Quid audio de Absolomo? illud facinus facere esse ausum? ô vanas spes nostras! quam turpiter me fefellerunt illa optima indolis argumenta? Mater proba & modesta: blanditiæ pueriles &c. (narrentur reliqua ex locis personarum. Item exprobrentur turpia & mala. E. G. Uerum nunc intelligo tandem Canaanis & non Davidis aut Israelis sanguinem hunc esse: imò Caini potius. Quod dudum cogitasse aut prævidisse debebam, quando ad conjugium Ethnicum cum Cananitis animum adijcerem, &c: collige reliqua turpia ex circumstantiis personarum ex prog. 2. applicatâ Absolomi historiâ)

Ego verò quâ non benevolentia & charitare te complexus sum? &c: (numerentur blandimenta & indulgentiæ paternæ, merita quæ exhibuit David huic filio præ alijs.)

Hocine erat epulum illud? Hæccine ovium tonsura? hæc blandissima inuitatio? sc. ad eadem non ovium quarum carnibus fratres humanissime exciperes: sed hominum qua ipsum illum sanguinem fratrum tuum inusitato crudelitatis exemplo exhaurires.

(Ita porro reliqua exaggera. E. g. quod ipsum patrem invitaverit. 2. quod non solum Ammonem, sed omnes Regis filios fratres suos. 3. Quod tam diligenter insititerit. 4. Quod adeo artificiose scelus dissimulaverit, non reliquo tantum sed hoc ipso quo destinatum habebat tempore.)

II. De præ-
senti argu.

II.

Cogitatio
præteriro-
rum 1. Per-
sonæ Abso-
lomi.

2. personæ
Davidis.

II. Cogita-
tio rerum
præsentium
vel ipsius
facti.
1. antecede-
ntium.

Media.

O scelus, ô immanitatem plus quam barbaricam. Hominem a-
micum invitare ad te : & ejus vitæ insidias frungere ? Convivium & hi-
laritatem simulare, & interim odia, crudelitatem, necem, parricidium
cogitare ?

Adventum hospiti, convivæ, fratri gratulari, quem non salvum
advenisse sed in tuas insidias incidisse, & nunquam salvum abs te abi-
turum esse gaudeas ? (Ita exaggera reliqua : quod præsentibus fratri-
bus : quod post cænam : cum jam bene poti essent, interfecerit : quod
spectator adestet. Quod non veritus locum illum hospitalem : non
tempus hilaritatis : non fidem ac dextram fratri porrectam, non ter-
ram, non cælum &c.)

Consequen-
tia.

Non cogitavit quam acerbe hoc esset parens laturus. 2. neq; quæ
sibi pæna divinitus immineret. 3. ultrò etiam profugit. Non quod
facti pæniteret, abstinuisset enim à facto : sed ut patri ultrò illuderet
sc. quod sic justas a scelerato sanguine pænas sumere Pater non posset.

III. Cogi-
tatio rerû
futurarum

O scelerum artificem ! sed non effugies divinam vindictam 2.
Ego autem faxo ne tu me frustra irriseris. Ayus tuus aut reddet te mi-
hi ad pænam : aut eandem tecum dabit. Vel de regno ac vita periculi-
tari malo : quam tu illud ita inultum auferas.

Exemp. II.

Orat. III.

Abfolomus fit supplex Davidi postquam re-
conciliatus erat & reductus ad patrem per

Joabum 2. Sam. 14. 33. exprimitur dolor & spes.

Cogitatio
rerum præ-
teritarum.
I. Personæ.

O me nunquam prudentem ! qui ita me comparavi ut tu cui
charissimus filius esse solebam, neq; hominem me natum esse velles :
& ego qui in tuis semper oculis habitabam, ne ejusdem quidem tecum
regionis finibus uti, præ facinoris conscientia auderem. Ego enim
annoni vita ac luce ista indignissimus habear : qui adeo me familia ac
natalibus meis indignum gesserim ? Cui cum Deus ex te. (non dicam
laudes tuas in os, sed quod patieris dicam) tam pio Rege natum esse
concessisset, ad tantam non impietatem saltem, sed belluinam ferita-
tem prolapsus sum &c. (Adducantur sic reliquæ circumstantiæ per-
sonales : & componantur cum facto vel culpâ.)

Adco

Adeo me fuisse non dicam incogitantem, ne scelus meum extenuare velle videar, sed ab ipso malo Dæmone excæcatum: ut ita temerè manus innocentis hominis, & Regij hæredis quidem, atq; ejusdem fratris mei sanguine sædare nihil vereretur? Quid me turpius aut miserius? primum qui Deum offendi 2. patrem. 3. contra quem fraternalis sanguis in cælum clamat. 4. Quem fratres omnes tanquam vitæ suæ insidiatorem optimo jure aversari & execrari possent.

Gravissimè autem me exercuit hic dolor: Nunc vero quando in lucem hanc prodeo, postquam paternos vultus iterum aspicio, cum astantium tibi ministrorū, & omnis populi conspectus & intuitus facinorum meorum memoriam mihi refricat: nescio quomodo totus doloris acerbitate obruor.

Itaq; sanè huc prodij, ut vitam meam mi pater, si per clementiam tuam ita appellari te pateris, ut vitam inquam meam abs te deprecarer. Sed quorsum hac mihi opus est? nisi ut miserie meæ diuturniori cogitatione excrucier? Utinam vel terra me penitus vivum absorpisset, quando hoc flagitiū moliebar: vel nunc etiam eā ruptā præcipitaret: ut ita saltem tristissima illa conscientiae liberarer carnificina. Quod si pietas tua, mi pater, aliud meretur: ne qui alterius filij cæde graviter afflictus es, alterius æterno exitio gravius vexeris: est quod Dei in te singularem favorem, & tuam perpetuam erga me benevolentiam etiam hinc agnoscam: quod sine dubio precibus tuis hactenus vitam mihi prorogasti indigno: donec penitentia de peccatis acta minori tuo dolore & meo periculo morerer. Quare quæ mihi penitendi spatia à Deo impetrasti, eis hic in sacrorum publicorum loco apud te fruendi potestatem non denegabis.

Exemp. III.

Patris Davidis reconciliati & deliniti Oratio.

Qua pingit misericordiam, placationem, ac clementiam suam.

EXORDIVM. Quanquam non ita satis mihi purgatus esse debebas, fili Absolom: ut postquam inaudito facinore me, fratres, Le-

Consequē-
tia facti.

I. Cogit.
rerum præ-
sentium.

II. Cogit
futurorum

Epilogus
spē depin-
git.

Orat. IV.

Ab objecti-
one: si vera
tione pro-
posita ad-
versaria.

Solutio vel
occurfus.
Ratio obje-
ctionis vel
reprehenf.
Ratio solu-
tionis five
correctio
reprehen-
fionis.
Propofitio
orationis.

Cogitatio
præterito-
rum: ad fe-
veritatem.
L. educatio

II. factum

III. Cogita-
tio præfen-
tium: ad
mifericor-
diam.
1. Supplex
Abfolom9
2. Pater, Da-
vid, homo,
pius &c.

ges Deum graviter offendisti nunc precibus venias lautum peccatū tuū: ramen vel lenitas mea, vel serius tuus ille ut videtur de peccato dolor facit, ut miferescat me tui. Nam pro Dei atq; hominum fidem, quid cogitasti miserrime, aut potius qui ita plane nihil cogitare potuisti, ut tantam sceleris immanitatem in te concipere non pertimesceres? Verum quoniam ita decretum est, ut tuo peccato veniam concedamus: Ita q; non exprobo amplius. Illud ramen te iterū iterūq; monitū volo: ne tibi videaris quasi qui nostra inepta aliqua indulgentia, aut tuis, quas possis tibi stulte attribuere virtutibus receptus sis, quod tui carere non possimus: porius quam per justam aliquam de miseria tua commotionem, & cujus semper studiosi esse volumus, pietatem ac clementiam. Quod ut penitus intelligas exponam tibi consilium meum, quare te in urbem nostram antea, & nunc etiam ad veteris paterna benevolentia fruitionem admittimus. Non parum exardefco in te quoties vitam tuam a primis incunabilis mecum repero: quanta semper in te animadversa sit morum petulantia: quantum negotij nobis ex tua unius institutione, mihi, matri, præceptoribus, aula magistris objectum sit &c. (narrentur alia per partes scilicet improbitatis & malitia genera atq; argumenta.)

Verum ita cogitabam: hem quod in vino recenti videmus fieri, ut postquam fervendo defecatum est, conquiescat; quis scit an non Deus facturus sit idem in nostro Absolomo, ubi ad ætatis maturitatem excreverit? Quod ubi delatum est, non tantum penitus ista spe me excidisse: Verum etiam te ad tantam immanitatis audaciam prorupisse: quid censes animi mihi fuisse? quanto dolore me percussum esse? quam vehementer in te exaruisse? ut si mihi tui potestas facta fuisset, inusitatum in te justæ severitatis exemplum statuturus fuisset qui adeo sine exemplo deliqueras.

Nunc autem alio me in te esse animo, jubet squalor ille tuus: illa quam præ te fers doloris summi acerbitas, illa lacryma tua (&c. appone alia.)

Patrem enim tibi me esse etsi negare justitiæ vigor penè cogit: tamen natura & animus paternus refugit. Neq; potest non mihi in mentem venire, omnis nostri humani generis calamitas. sc. arundinaceos nos esse & instar renerrimi culmi: ut quovis vel cupiditatis no-

stræ, vel Satanicarum illecebrarum levissimo impulsu ab officio & pietate ad scelera inflectamur: & sæpè penitus evertamur, &c. (poteris hic longius in hanc querelam digredi)

Etiā porro divinæ misericordiæ in mentem venit: à quā cum ipse peccator totus tam multorum ac tam grandium delictorum veniam precatus sim ac consecutus, adeò fateor ea cogitatio non parum animum meum fregit: ut postquam maximè intolerabilem & acerbissimum super facto tuo animi tui dolorem sentirem, non possem, quin tuæ miseriæ me rangeret commiseratio.

Ea tamen conditione te in gratiam recipio & in locum restituo: ut si ex reliqua vita prudentius & magis piè institutā probaveris mihi seriam pœnitentiam: etiā serio me tibi ignovisse credas. Sin ab improbitate nihil discefferis, graviorem quam olim animadversionem, metuere habeas.

DIXI.

Exemp. IV.

Quid animi fuerit Caino, & fratri Abelo:
item parentibus in contentione filiorum.

Apologetica & didascalica: sc. Quem usum habeant hæc fictiones.

Exordium: Exponit occasionem hujus questionis susceptæ.

Cum proximè ex hoc ipso loco, Auditores, dicerentur ex instituto nostro orationes quædam: quibus vel Absolon vel David olim uti potuerit, ille apud patrem deprecatus, hic adversus filium stomachans, & placatus rursus: fateor equidem in mentem mihi venisse dubitare, an istarum fictionum aliqua in vita, aut ad Eloquentiæ exercitium utilitas esse posset. Id equidem memineram ex Aphthonij Sophistæ præceptis hæc ita fingere licere: Verū cui bono fieret, illud non satis mecum statuere poteram. Quare cum ita præter spem accidisset, commodè dicam, an incommodè nescio: ut in hac altera palestra nostra mihi præfandum esset: Visum est, meo loco eam dubitationem vobiscum communem facere: vel potius si cui etiā vestrū vel antè vel nunc incidit, ut unā operā mecum inde evoluerem conari. Quod

Epilogus.

I V. Cogitatio futurorum.

1. Pietas

Absolomi.

2. Impietas

Oratio 1.

Præfatio

Propositio

si igitur benignè auscultandi mutuas operas mihi præbueritis, eam harum fictionum causam enarrabo: Deinde quod argumentum aut drama producturi hodie sint, quos meditabundos assidere videtis adolescentēs: etiam hoc indicabo.

Obiectio.

Cui usui, dicat aliquis, ista esse credam? si multum inpendatur bonarum horarum in excogitandis & oratione efferendis ijs quæ olim aut David adversus Absolomum, aut Polyphemus contra uthenastomachus sit? Per plurimum usui erit, mihi credite, mei Auditores; si quis istorum excogitandorum facultatem exercitio consecutus sit.

Correctio.

Quanquam etiam illud fateor, placere non posse, si quis non etiam argumenti illum delectum habuerit, ut exercitij difficilem sanè & temporis carissimam impensam in res pias ac veras, potius quam in vanas fabularum profanarum nugas non malit insumere. Verum vix fieri poterit ut Arcadico pecori sentes suæ & vanis ingenijs nugæ desipiant.

Enumerat.
commodum
per præteritionem

Verum ubi ille delectus habitus fuerit, dicetis, quid tum commoditatis? Non dicam nunc quod quæ per fictionem rebus olim gestis attribuiamus, postea exercitio confirmati, facile ad res nostras transferre valeamus: Non quod ipsa excogitandi vel inveniendi ratio ac Methodus hinc per plurimum adjuvetur: Non dicam nunc: quod sermo Latinus illa scriptione incredibili modo expediatur, percolatur, acuatur.

Ætiologia
præteritionis.
Enumeratio directa

Non quod hæc non verissimè dici possent: sed quod cum alia omni exercitatione oratoria communia sint. Illam verò propriam Ethopæiæ laudem & usum esse existimo: Quod quas hic nunc per lusum & jocum meditamur fictiones, etiam in rebus serijs, in scriptis, in meditationibus, concionibus etiam sacris locum gravissimum obtrineant. 1. Quia sic penitus historiam inspicimus & intelligimus quid rei gestum sit. 2. Auditoribus magnitudo rerum in historia gestarum penitus in animo se insinuat. (Ipse hæc expoli.)

Exemp. V.

Caini adversus fratrem Invidia.

I. O insignem contumeliam! Ita me publicè affectum ignominia

minia & proclamatum, & ludibrio habitum? Et coram omnibus liberis, parentibus, cognatis nostris notatum infamia? Inter ipsa sacra? in tanta solennitate? cum honorem me & commendationem reportaturum sperassem? Ideoq; optimum manipulum ac plenissimum elegissem ut sic mererer gratiam? Sed quid fit? Mea tanta devotio non tantum præmio suo privatur, sed etiam sorder, contemnitur præ fratris hypocrisi, damnatur.

(Amplifica si placet aliter etiam, sc. assumtis circumstantiis fictis unde argumenteris. Tanquam à minori E. G. si hoc factum esset alibi & alias ab alijs & aliter non ferendum esset, aut paterer: sed quid hoc &c. 2. A descriptione repudiati alicujus dogmatis aut reprehensorum morum. E. G. ita dictant, es filius gehennæ: illudis Deo, nisi emendaris, non feremus te &c.)

II. Et quis ille qui mihi præfertur? quem pietatis exemplum mihi capere jubeor sc? callidissimus hypocrita, insanus præ devotio- nis ardore & vehementia: opilio pediculofus: adolescens imò puer sapientulus & audaculus: Qui nihil mihi præterquam de peccato, paradiso & inferno & Diabolo, & redemptore crepat.

Quem ego quoties recordor, quam stulea vitæ instituta sectetur, non possum amentiam hominis satis mirari. sc. justos & sanctos sic nos fore persuadere cupit: si credas non quidem te sanctum esse, sed gratis tamen à Deo talem habitum iri. Et per humilitatem quemq; sibi videri debere indigniorem ac viliozem atq; alius quilibet sit. Puto illud velle: ut si hoc persuaserit, & eâ arte mihi imperare caperit, potest eam legem abroget (Adde alia fidei & christianæ religionis capita, absurda rationi)

III. Et quid habent quod in me contemnant? An non ego primus non ex parentibus tantum meis filius: sed ex hominibus homo natus? An frustra est, & nulli meo privilegio cedere debet, quod tanto gaudio parentes mea affecit nativitas? Cum eam Legem parentes dederint, ut qui in omni posteritate nostra primus filius natus fuerit, Rex & sacerdos familiæ sit. (Gen. 48. 3.) cur ego illo jure excludor? Cur mihi error affingitur, qui propter officium ne reliqui errent caveo sedulo? O scelerati? qui ita omnia jura divina humanaq; pervertitis! Penes nos est præcipiendi authoritas: vos obediendi manet ne-

Cog. præ-
sentium 1.
facti 2. Fra-
tris 3. sui 4.
parentum
5. Dei 6.
causarum
facti.

Obijcit pi-
etatem, of-
ficium, ata-
tem, sermo-
nes, studia

Sui Cog.

cessitas. Oves pastorem: filij secundum sacrorum dignitatem, patrem vestrum: membra putrida & cancro corrupta, caput vestrum iudicatis?

3. Neq; etiam nativitatibus fortuna solum ad hoc fastigium evenit: sed ipsius finxit naturæ benignitas. Requiritur enim in sacrorum Præsidi major animi magnitudo, sagacitas ingenij, judicandi prudentia, autoritas imperandi: quam in istis pueris deprehendas.

4. Ne dicam de sapientia quam multo labore, multoq; atq; indefesso studio nostro consecuti sumus, & eam quidem, quæ nescio an par in posterum alij alicui obventura sit. Præsertim quando quæ nos scimus in tanta mundi ingratitude cum nemine sim cōmunicaturus (ita porro dic de alijs virtutibus: itē de potentia, & divitijs, & de meritis erga religionem: aut fratrem, aut parentes &c.)

Parentum.

I V. Nam de parente quid dicam? Adeo desipere præ ætate, ut omnia agat, ex adolescentuli libidine. Verè dicunt, onus esse nimis senem fieri? (exprobrat obsequium suum in parentem.)

Dei.

V. Dei ajunt imperio & instinctu hæc se facere? An vero ille hæc fratrum & religionis discordia, delectaretur? Ita ferè fit ut cupiditatibus suis Dei sanctum nomen prætexant pleriq; 2. Quid feci, quomoderer Dei indignationem? Non sum homicida, adulter &c. Quid non feci, quare non debeat mihi gratiam? Bis jejunium celebro singulis septimanis? singulis diebus horas meas precatorias observo &c. (narra alia opera electitia Monachorum) Quare cum nihil mihi hinc mercedis fieri videam. Numina sensu Ambiguo, vel nulla puto, vel nescia nostri. Seu, Res humanas ordine nullo

Causarum.

Fortuna regit, spargitq; manu:
Munera cæca, pejora fovens:
Injusto arbitrio tempora dividens
Quod dignis adimit transit ad impios &c.

Epilogus
cogitet futura.

VI. Scio quid conentur! mater persuasit patri, quod magis amat istum filium 2. tum rixæ inter mulierculas. 3. Invidia mera. 4. Superbia.

1. Foret hoc summæ apud posteros ignominia. 2. Religio plane pessundaretur 3. illi exultarent in sua improbitate 4. Itaq; vis adhibenda: frater è medio tollendus.

Exem.

Exemp. V.

Abeli pietas.

Alloquitur patrem.

Cum in vita ista ærumnosa nostra, mi Pater, ego meo etiam loco incommoda satis multa & dolores acerbissimos pertulerim quod nosti: tum nescio neq; recordor an unquam mihi quicquam ita graviter vel saltem gravius animum perculerit, atq; hæc fratris mei à nobis & sacris nostris dissensio (Hic subjiciantur circumstantiæ amplificantes h. e. demonstrantes rem maxime dolendam. Et aliquando signa tantum urgeantur vel propositiones minores, aliquando interpretationes vel accommodationes, vel propositiones majores aut conclusiones addantur e. g. Primum frater est eadem mecum constans naturâ, eodem sanguine: communes parentes, nomen, familia, maternum lac &c. (Signum voco) Quæ omnia ut arctissima sunt intimæ inter nos conjunctionis vincula: ita eorum recordatione multò me affligit miserius hæc fratris perditio atq; exitium (voco interpretationem vel accommodationem signi) Ita porro reliqua conquire e. g. Quod pater doleat: quod mater, quod fiat totius humani generis quædam discessio: quod Deus offendatur. Quod non circa rem aut privatam aut publicam aliquam, sed de ipso capite ac fonte universalis salutis dissentiat.

Quod aliter corrigi non potuerit: cum res sæpe privatis reconciliationibus tentata esset, quin tandem publicè coram omnibus ejus errores arguerentur &c.)

Nunc tandem, mi Pater, videre mihi videor, quid sit quod mortui involuti sumus miseri: & quid apportent inimiciæ cum serpente. Non quod non antea diligenter ad animum cogitationemq; revocaverim: cum & tu frequenter monere soleas, & mihi illa perpetua atq; indelebili memoria custodiantur: sed quod doloris hujus quasi acumen penitus eadem in animum meum credo imprimat.

Nimirum hæc vera est illa mors & calamitas generis nostri: non quæ corporis sensibus molestia aliquando à frigore, morbis, & aliunde sentitur: sed ille mentis nostræ stupor, quo in divinæ veritatis agnitione atq; studijs homines obrigescimus. Quod fratri longè miserrimo

Orat. III.

Cog. præsentis dissensionis.

à personis.

à rebus.

à causis.

Cogitatio rerum præteritarum sc. lapsus.

mo nunc factum est. Tum doloris acerbitas illa quâ animi nostri reliquorum propter conjunctæ naturæ communitatem distorquentur. O pessime serpens, Draco nequam, hostis perfidissime: Uerè istum improbitatis & inimicitiarum tuarum ictum dedisti acerrimum! (fiat comparatio: si datum fuisset damnum sc. in alio rerum genere, fuisse longè minus)

Cogitatio
rerum futu-
rarum: sc.
periculi
imminētis

Sed quid agendum censes pater? Reconciliari ille pietati, nobis, Deo non poterit. Tantam sensimus animi pertinaciam 2. Atq; adeo ad injuriam accipiet omnia 3. Nobis omnibus, mihi imprimis summum periculum 4. Egone autem propterea veritatis patrocinium deseram? mori me satius est 5. Spero autem Deum miserturum pij cætus sui: nequid patiamur violentiæ ab istius insaniæ 6. Interim si aliter eveniat scio non capillum de capite perituum sine illa benevolentissima patris cælestis voluntate: scio si quid pro ipsius gloria impendero mihi pulcherrimè fâneraturum esse. Reddere enim potest, quod perdidero qui primum dedit: Longe meliora reddere volet, qui à me liberalitate se vinci non sinet.

Exemp. VI.

Adami fiducia, dolor, metus.

Mi fili Abel, quid agendum sit quæris? Quid igitur? nisi nihil? patiendum verò, & omnis Deo committenda istarum rerum cura. An tu me minus te affici credis? At fortassis ista magis præ te præmeditata habeo. Itaq; & longe patior gravius, & ut fortiozem me præbeam, convenire censeo. Reconciliari non potest Cain noster? An non per hunc poterit, qui potest omnia, dico Deum nostrum? an non idem nobiscum volet qui nostrâ causâ vult omnia, clementissimus salvator noster? Quod si obfirmet per malitiam animum filius, qui nos sumus, ut amemus, quem sanctissima Dei sententia propter pertinaciam rejecerit? Metuis autem ne insanus ille præ furore plus justo faxit: Mi fili, num tu nostram incolumitatem ita alieno prolubio expositam putas, ut si quid aliorum improbitas odij conceperit, statim inde nobis metuendum sit? Quanquam tu te ipse satis recte in viam revocabas. Commendamus igitur fideli liberatori animas, causas, cætum, omnia no-

stra. Ille condidit, in gratiam recepit, has inimicitias posuit. Nunquid putas non tuebitur, qui hanc quam noverat iniquissimam contentionem, qualis agni cum leone est, ultrò ipse instituit? Me verò, mi fili ista Diaboli nequitia, tanta versutia, tanta strages in filio facta adeo sapissimè tantoq; impetu percutit, ut quid mihi quantumq; acerbioris oboriatur, neq; tu per ætatem satis capere possis, neq; mihi commodum sit expromere. Primus filius Cain: de quo tanta miseris parentibus spes, ut adeo stulti ipsum Messiam crederemus: quem tanta sollicitudine enutrivimus: qui suæ animi magnitudinis præclarissima semper edidit specimina: Hunc inquam tam sædissimis Diaboli artibus, scientem, videntemq; perire: nihil admonitum parentum recenti calamitate?

Cog. rei
præsentis
secundum
dolorem.

à persona
Caini.

Quamquam acerbissimos sensi dolorum cruciatus ex illâ primâ stultitia nostrâ: tamen hic pænè intolerabilis existit: ô me verè miserum! qui nunc vulnera nostra vehementissimè recruidisse intelligo: cum generis nostri imbecillitatem ex hoc casu nimis periculosam persentiscam: & in me non minimam ejus rei culpam non possim non recordari. Nunc verò animum meum exagitat etiam illa cogitatio: 1. Quicquid acciderit ex illius discessione porrò incommodi, maximam partem mihi incubitum 2. Neq; porrò alijs seculis cessaturum Diabolum, quin & longè plures ac violentiores etiam turbas daturus sit.

à pers. sua.

Cog. rei fu-
turæ secun-
dum metû

Exemp. VII.

Quid animi fuerit Josepho conspectis pri-
mum & agnitis in Ægypto fratribus & supplicibus
sibi: II. Quid ipsis cum exploratoriæ frau-
dis insimularentur. III. Quid Simeon in
carcere detentus secum conqueri
potuerit ex Gen. 42.

PRÆFATIO.

EXORDIUM à narratione: Expone eam historiam ex
Genes. 4 2.

Oratio I.

2. Commenda, Quod gravissima sit. 1. Non tantū propter exempla plurima variarū doctrinarū: sc. providentiæ divinæ: sapientiæ: potentia: benignitatis in pios: 2. Verum etiam quod non sine singulari animi commotione legi possit. Propterea quod considerantibus in mentem veniat illius in humanis rebus varietatis ac vicissitudinis: summæ in Josepho pietatis ac mansuetudinis: in fratribus autem Josephi mirificè nos afficiat illa recordatio perfidiæ in fratrem, quā præsentem calamitatem meriti sint: & error ille quo dudum perijsse fratrem putant quem coram visum non agnoscebant: quæ etiam ipsi Josepho excutiebant lacrymas.

Propositio) Quæ ratio permovet eos quos videtis adesse nobiles adolescentes, ut operæ pretium à se fieri posse crederent, si in effingendis Josephi & fratrum illis varijs commotionibus, orationis operam aliquam collocarent.

Confirmatio vel commendatio 1. à difficultate 2. utilitate per comparisonem. Apellem laudant quod undiq; conquisitis mulierum formis pulcherrimis, inde Veneris exquisitissimæ elegantia: exemplar effinxerit. In quo ille ingenij conamine laudandus quidem: sed videre annon magis hi nostri: 1. Cum ille quod manuum opera pingeret, per oculorum ministeria suggereretur: At hi ipsa animorum arcana, quæ nulla oculorum acie penetrantur aut sentiuntur quasi in tabula nobis aspicienda proposituros se promittunt. 2. Illa in Veneris forma oculos oblectare poterat: mentem meliorem facere, si non deteriorem non poterat. Verum quod à collegis his nostris afferetur, non tantum sui jucunditate aures sensusq; vestros oblectabit, sed etiam ad similis pietatis ac modestiæ gloriā invitare, & ab improbitatis libidine animos avocare atq; absterre poterit.

Epilogus petat benevolentiam auscultationis.

Quid potuerit Josephus cogitare.

Sunt ne illi fratres mei an non? Oculi mei sane persuadent eos esse, facies illorum sunt mihi notæ. Is est Ruben stans in superiore parte, proximus Simeon & Levi, & quartus est heros Juda, & ceteri omnes suo ordine. Sed incredibile est & hæc res me in dubium vocat,

quid

Orat. II.

Scripsit

M.E.N.M.

1. Cog. rei

præsentis

fratrum

sc. diversa-

rum fortu-

narum sive

abjectionis

istorum, &

sue gloriæ

quid hic facerent? Quæ res huc adduceret? de me tamen nihil compererunt, & licet audivissent, me putò non consecuturos fuisse neq; in conspectum prodituros esse; non celarent se fratres meos esse.

Quid autem Deo impossibile est? & ut proverbium extat: Fames vulpem ex latibulis suis pellit, fortassis etiam in Canaan caritas annonæ dispersa est, cum Ægyptus quæ frumenti abundantissima est caritatem annonæ sentiat. Hæc res ad iter adduxit, quod hic frumentum vendatur. Sed illud in animo non habuerunt se me hic visuros esse: multò minus me istis honoribus affecturos, & ita in terram se mihi prostraturos. O probi simulatores! quam honestos vos geritis quasi nunquam cruciatum cuiquam attulissetis. Iam ita pij estis: novi autem vos versutos. O vos famelici homines quid nunc hic potestis! qui Deo adversari vestra potelantia conabamini, jam præ fame vita nobis amittenda esset, nisi panem mendicando à me acquireretis. Quo animo jam essetis si notum haberetis, quam malè de illo meriti estis ante cujus pedes jam jacetis, & in cujus potestatem incidistis? Si vobis exploratum esset fratrem vestrum Josephum quem odistis, & cui omnem spem fortunarum invidebatis, jam in tanto & tam incredibili honore & potestate versari? non solum super vos, sed etiam in tantum regnum Ægypti per Dei omnipotentiam sublatum esse. O veracissime Deus, quam maxima est sapientia tua: potentia enim tua est, & magnæ bonitati tuæ acceptum refero quod sic evenerit: tibi gratiam habeo pro hac dignitate, tua ea gratia est meos fratres qui seniores, potentiores, sapientiores me erant, jam ante pedes meos jacere.

Nam quod genus meum? parentes mei parvis opibus præditi sunt, manibus victum quærent, pascuis pecudum, & agricultura vivunt, & Deus me in hoc locavit dignitatis fastigio: ut appeller pater Regis, & principibus imperata dictem. Unde originem sumit mihi sapientia? qui saltem in caulis educatus sum, & disciplinas aulicas non didici? sed sapientiam politicam soli misericordiæ Dei acceptam refero qui animum meum sapientia ad suam laudem illustravit. Manus autem meæ pedum gestare sueverunt, & jam mihi sceptrum regium ferendum est, cui rei studium non dedi. Oves cantu fistulæ salignæ delinire optimè noveram, sed ut totū regnum à me sapientia deleretur & gubernaretur, huic rei nullam operam navavi, omni po-

Item causæ
scilicet Dei

Cog. rerū
præterita-
rum.

tentia Dei per me eadem efficit: Fidentem nescit deseruisse Deus, O verbum verissimum! illud nunquam credidi me ad hoc usq; tempus vitam producere posse, multò minus hos honores sperare potui: in tanta invidia, odio & persecutionibus istorum versipellium. Quàm sapissimè ego ipse mortem mihi precatus sum. Sed ut educatus eram, Deo confidere & ipsi commendare, ut me custodiret: Interea patientiam præstare & tamen certa spe credere à Deo aliquando expeditum iri res meas; ita ut hoc facerem semper studui. Jam autem contemplor mirabilem fidem Dei: quàm optimè patientia mea fruor! quam bene mihi opem tulit! quam potentissimè, & mirabilissimè non solù servavit, sed etiam exornavit!

Cog. rerū
futurarum
1. vindictæ
& innocentia
2. beneficentia
3. terrendorum fratrum

Quid jam faciam? an illis crimina ista ignoscam? qui patri cruciatum & dolorem attulerunt? & fratri vitam adimere statuerunt? cum id autem in horum manu non esset me in pessimam servitutem ablegarunt? reddamne talionem propter ipsorum merita? faciamne illis quod mihi facere cogitarunt? Absit autem ut malè agendo eorum exemplum sequar, & non potius mihi temperem in ultione exigenda: & non eò incumbam, ut bonitate & pietate illos superem. Cur magis ad iram & malitiam commovear illo beneficio quod passus sum? quam ad benignitatem & gaudium illo beneficio quod à Deo per passionem meam accepi? Non illud oblivio & ingratitudo beneficiorum Dei essent si aliquid inhumanus contra fratres statuerem? Quam hujus oblivionis causam & excusationem darem, qui exemplo meorum fratrum admonerer? Qui nunc in isto periculo vitæ versantur tantum ea de causa, quod tale scelus in me commiserunt. si non me jam absterreat pœna ista, & non probitatis hinc admonear, sane Deus mihi non parceret ejusdem culpæ reo. An verò mea dignitas superat Dei potentiam? Omittantur igitur illæ cogitationes.

O quot millia peccatorum mihi Deus remisit, & ego fratribus meis non unum remittam? & non dubito Deum me exornasse non ea de causa, ut in delicijs viverem: sed in aliorum hominum gratiam, præsertim meorum fratrum, & ut hoc tempore opem ferrem, igitur à me Deo obedientia præbenda est. Interim vano aliquo exagitandi sunt metu, qui adeò vero & gravi terrore me affligerunt. Ita agam: Heus præco: hæc renuncia Cananitis illis: Ita dicit Dominus meus: Vos

qui.

quicumq; estis speculandi causa huc accessistis; certa mihi suspicandi de vobis ratio est: proditores estis. Quare nisi vos ex hac suspicione liberaveritis: Iam mox in vincula abripiendos demandabo.

Exemp. VIII.

Quid fratres Iosephi singuli potuerint cogitare cum à Iosepho artis proditoriae insimularentur.

Orat. III.

Quid hoc est mali? Nos proditores? Quæ suspicandi ratio? 1. Nos sumus opilioes 2. Non sumus instituti ad artes bellicas. Itaq; nescimus quid sit proditio. 3. Ægyptus regio bellicosissima: regnū &c.

I. Cog. rei præsentis, sui.

4. Nos vix duodecim privati homines.

5. At illi sunt homines divites & potentes: ideo illudunt nobis pauperibus.

6. Sunt impij & avari: ideo quærunt prætextum nos deprædandi. Ut olim lupo agnum accusans de turbatâ aquâ, aut felis adversus gallum accusationem quærens.

II. Cog. rerum præteritarum.

1. Nisi forte illud est: quod Deus alias finit peccata impune abire, ubi meritis sis ut pœnas exolvas: & easdem exigit, ubi innocens minus illud expectaveris.

2. Fratrem ita exagitabamus: (narra ea quæ oculos incurrunt & faciunt miserandum spectaculum) Non dedimus pœnam.

3. Nunc nihil meriti sumus: venimus &c. (narra quare, & quare non venerint.)

4. Et ecce nunc ita miserè exagitamur (exaggera criminis acerbiter: gestum: verba ac vultum præfidis)

5. Ah ita nos olim non fratrem solum: sed miserum parentem affligebamus (describe Jacobum lugentem) Nos præterea illudebamus lugenti (narra quomodo exprobraverint parenti luctum)

6. Nulla nos tangebat commiseratio.

7. Nos enim noveramus falsam esse luctus causam. Ita fortassis præses iste aliud dissimulat: interim his fictionibus nos torquet.

8. Neq; tangitur ulla misericordia aut deprecationibus.

9. Non audit nostras excusationes. Quia neq; nos fratris Jo-

sephi admitterbamur.

III. Cogit.
rerum futu-
rarum.

Et quis erit hujus miseriei finis tandem? 1. Non sic dimitte-
re poterit præses: quos tam graviter accusavit.

2. Itaq; in nervos conijciat.

3. Extorquere aliquid dolorum magnitudine conabitur: quo
causam aliquam supplicij habeat.

4. Si hac non succedet: perpetuo carcere detinebit.

5. O miseras uxores & liberos nostros? qui tam multi una ista
die communibus parentibus orbamini?

6. O miserum parentem!

7. Ubi nunc promissiones de nostra familia ad numerum stel-
larum amplificanda?

8. Sed ita meritum est nostrum.

9. Quod si Deus nos ex tanto metu liberaverit: agemus pani-
tentiam: confitebimur patri rem: inquiremus fratrem.

Orat. III.

Exemp. IX.

Quid Simeon potuerit cogitare in carcere
detentus abeuntibus fratribus.

Cog. rerū
præsentium
1. fratrum.
2. Loci.

Illi abeunt, o beatos! fortassis parum cogitant quid de me fiat.
Ita lati sunt de sua liberatione. Dicunt &c. (tu finge) Ego autem
miser ubi sum? (describe carcerem: à tenebris: à silentio: à fatore:
à bestiis venenatis: ab horrore: à spectris.)

3. rei vel ca-
ptivitatis
& vincio-
nis.

Præterea non lucis tantum omnibus communis & conversatio-
nis inter homines usurā multatus sum: verum ne meipsum quidem
in potestate amplius habeo. pedes compedibus astricti ne possim ex il-
lis fugæ aut ex carcere aut à bestiis præsidium quærere. Manus post
tergum revinctæ sunt ne &c. (finge usus denegatos) Quid feci? quid
commerui? (non feci hoc & hoc &c. finge.)

4. Sui.

O crudeles istos homines! quare tantam in me exercent imma-
nitatem (finge causas, barbaram naturam: superbiam: odium erga
Cananitas.)

5. Egypti-
orum.

6. Generis
supplicior.

At si feris dilaniandum me objecissent: si caput demessissent,
si igni combussissent non possent me tractare inhumanius (cogita
quæ

quæ nunc graviora patiat. Misere mei omnipotens Deus, & eripe me propter patrem, peccavi &c. (finge reliquam deprecationem)

Quid porro mihi metuendum? quis finis horum cruciatuum?
1. vel vermes me corrodent: aut glires enecabunt: aut viperæ sanguinem exhaurient.

2. Vel fame peream.

3. Vel alio carceris squalore.

4. Aut ad supplicium producar publicum.

5. Certe fratres & parentes & liberos & conjugem nunquam videbo.

6. Fratres nunquam revertentur huc: aut committent se in huius tyranni libidinem.

Nunc tandem agnosco me stultissimè vitam egisse.

Itaq; nunc pretium ob impietatem fero

1. Semper fui immorigerus patri.

2. Semper Dei contemtor.

3. Iosephum fratrem volui interficere: postea vendidi:

4. Patrem eo facto gravissime afflixi.

5. Et de Sichemitis alià quàm pessimè meritis sum Gen. 34.

6. Quare etiam si nihil adversus Egyptios: tamen plurimum adversus Deum deliqui: hic pœnas illas exigit: hic me colligari iussit, hic in tenebras istas præcipitavit &c.

Exemp. X.

Gaudium Iosephi & fratrum.

PRÆFATIO.

EXORDIUM. Summa & perjucunda est A. illa de Iosepho narratio, non tantum quod Spiritui Sancto placuit, ipsum adeo eam operam in hac historia ponere, ut quæ ad commovendum lectoris animum ex animadversis animorum characteribus pertinerent, scriptis suis Moses exprimeret: Verum etiam propter virtutum in Iosepho, & divinæ clementiæ ac sapientiæ in toto hoc negotio expressissimas imagines. Quare operæ pretium fore duximus: si non una illa proxima opera sic defunctos nos putaremus: ubi primos considerabamus

Iose.

7. Dei.

II. Cog. rerum futur.

III. Cogit. rerum præteritarum.

Oratio I.

Josephi cum fratribus congressus. Nunc igitur qui adsunt adolescentibus id sibi datum operæ habuerunt, ut & mente conciperent, & oratione conarentur efformare: quid illis animi fuerit, Josepho quidem cum se fratribus proderet: his autem cum vocem illius, cum vultum cum reliqua fratris recordarentur atque agnoscerent.

PROPOSITIO. Ego autem ne meo loco nihil dicam, vobis considerandum proponam: an rectè Josephus se peregrinum fratribus tam diu simulaverit, & in tantos hos conjecerit terrores, etiam fictis in ipsos criminibus: & quo consilio hoc fecerit.

DISCURSUS VEL CONFIRMATIO.

Pro parte Negativâ.

1. Videtur odij aliquid habuisse: quod non potuerit citius de-coquere: & tandem vicerit. Itaque hoc factum totum ad infirmitatem referendum est.

2. Simulare: & quidem in criminibus fingendis neque serio neque joco licet.

Pro parte affirmativâ.

1. Qui universæ regioni providere poterat, sibi non posset? ne quid contra pietatem committeret?

II. Sapiens Josephus 2. modestus 3. Mansuetus 4. timens Deum.

III. Quo consilio fecit? Videtur metuisse, ne idem Beniamino aut fratri etiam fecissent fratres, quod sibi: scilicet: cum semel jura omnis humanitatis violassent. Itaque hoc explorare voluit. Quare urfit ut sibi ille adduceretur 2. Eo urfit gravius, ut postea in sperato gaudio exhilararet vehementius.

CONFUTATIO. Ad 1. Non est de magnis viris & sanctis in sinistram partem, aut aliter quam constat certissimè, suspicandum.

Ad 2. O stoicam severitatem! sæpe hoc licet: & quidem joco &c. enumerentur casus.

EPILOGUS habeat 1. repetitionem 2. petat audientiam.

Orat. II.

Pingitur
modestia
Josephi
Cog. rei
præsentis:
fratrum, seu
utrorumque
fortuna.

Oratio Josephi ad fratres quæ
extat Gen. 45.

Surgite tandem mei fratres, surgite. Fratres enim mihi estis, sanguis meus estis, ex communi mecum parente estis. Ego non sum
2. Com-
Egyptius.

2. Commoveor vestra fortuna.
 3. Non possum imperare mihi amplius ut dissimulem.
 4. Agnoscite & recordamini vultum & reliqua indicia.
 5. Is sum Iosephus filius &c. quem vos occidere primum volebatis &c.

6. Neq; id dubios vos faciat quod in tanto dignitatis fastigio collocatum me videris : Deus fecit.

7. Neq; quod ita vos terrui : vestro bono feci ut nunc exhilarem vehementius.

8. Non pudeat vos mei, non fortunarum vestrarum : cum vos fratres fatear : nolite vereri eam inter nos dignitatis disparitatem.

9. Istæ purpura, hæc regia sella, hoc sceptrum non est cur à vobis metuantur : fratris vestri, Iosephi vestri sunt.

10. Illæ autem villosæ vestes ex ovium & caprarum pellibus : calcei luto fordidati : nulli mihi fastidio sunt, cum fratrum meorū sint.

Nolite cogitare quasi veteris injuriæ apud me pœna vobis decreta vel memoria saltem reliqua sit.

Peccastis quidem vos ? sed magnæ nostræ omnium salutis.

Non quod Deo peccatoribus aut peccatis opus sit : sed quod pro bonitate sua etiam ijs quæ nos deliramus sapienter & magno commodo nostro uti noverit.

Me afflixistis ? non tam me quam parentem aut Deum : illi condonarunt vobis, etiam ego. Me odio habebatis ? non tam meâ calamitate, quam de communi naturæ nostræ corruptione dolui, & vestro illo errore. Vendidistis ? At ego eâ occasione ad hos honores perveni. Itaq; meâ pietatis est potius vobis prodesse, quod ea facultas quasi vestra opera data sit : quam perniciem machinari, cum per vos Deus mihi tam benigne fecerit.

Honoribus fruor ? non mihi ut inde superbiam : sed alijs & vobis imprimis ut per pietatem vos adjutem.

Quare assurgite mihi mei fratres : en manū, en amplexus meos.

1. Porro omnia promitto.

2. Vos mecum hic vivetis.

3. adducere tamen vos prius parentem velim.

4. Sed affamini me tandem : & tu Benjamin frater, quæso ne fratrem aspernator.

Cogit. rerū
præterita-
rum. scilicet
iniquitatū
& injuria-
rum frater-
narum ad
mansuetu-
dinem

Cog. rerū
futurarum
liberalitas

Orat. III.

Exemp. XI.

Oratio Benjamin.

Cog. rerū
futurarum
patris.

Mi Domine frater, vereor dicere tibi in quantis sim gaudijs! Ah
quantopere gaudebit pater noster ubi retulero filium &c.

2. Non creder mihi.
3. Quam ille huc properabit.
4. Quantas Deo gratias persolver.
5. Nunc volet vivere.

Cog. præ-
teritorum.

Quam sæpe ille solebat mihi narrare de filio suo & fratre meo
hoc & hoc &c.

2. Quoties ego vidi illum quam uberrimas lacrymas profun-
dentem, quando in eum sermonem incidisset.

3. Ego autem consolabar: Sed postea clām me subducensi-
tem solebam flere (adde αἰσχρολογία)

4. Josephum mihi proponebat vitæ exemplar.

5. Quam sæpe me infelicem solebam dicere, quod non conti-
gisset hunc unicum ex eadem matre fratrem diutius vidisse: cum neq;
matrem ipsam vidissem.

6. Sed ille credidit te à feris beluis laceratum. Itaq; nulla tui
videndi mihi unquam spes fuit.

Cogit. rei
præsentis
sui.
fratris
causarum.

Sed quæ hæc insperata felicitas? Nos videmur hic de vita peri-
clitari?

2. Famis causa huc venimus,

3. Cum magna trepidatione accessimus, versati sumus, reversi
sumus:

4. Et non tantum ex illis omnibus liberamur: sed quod in vita
maximè optandum fuit, fratrem invenimus &c. (Compara & enu-
mera quæ hic sunt bona per incrementum) Ita mihi credas & salvis
sis frater: non tam id lætor quod tantum dignitatis tuæ splendorem
video, quam quod te mihi fratrem quasi ab inferis redditum intelligo:
in te mihi jam ipsa etiam mater communis nostra restituta &c.

2. Accedit illa prosperitas rerum uostrarum quæ ex te nobis ef-
fulget.

3. Vere nunc agnosco: Deum mirabilem esse in sanctis suis: Quod mihi solitus est narrare pater. Uerum nunquam intellexi illustrius.

EPILOGVS. Hinc nos abire commodum est: Nos sumus hic tibi dedecori. Narremus patri hæc omnia. Hunc ad te ducemus. Nos autem postea ad ovilia nostra revertemur. Nunquam erimus immemores tantæ & divinæ in nos omnes benignitatis, & tuæ in fratres humanitatis.

Exemp. XII.

Oratio Rubeni.

Antea equidem suspicabar, aliud sentire te ac præ te ferres quando furti nos insimulabas quos innocentes noveras: Nunc autem planissime sentio. Qui enim posset nobis in animum venire, ut nos pro tuis fratribus gereremus? Tu Ægyptius &c. Nos &c. Sed tamen qui nos sumus, ut tibi contradicamus? Qui etiam in crimine quancumque nihil conscii, in potestatem tuam nos permisimus.

Accedunt argumenta quibus nos in sententiam tuam adducis &c. repetantur ex oratione Iosephi.

Uerum felicesne nos dicam an miseros quibus hæc ita insperatò acciderunt? ut te fratrem nostrum in tanta dignitatis sublimitate possumus coram videremus?

I. accommodentur circumstantiæ ad gaudium: frater: communes parentes: domus, nomen: familia: educatio &c.

II. accommodentur ad metum: præsertim invidia vetus: odium: calumniæ: objurgationes: verbera: insidiæ: intentata mors: venditio.

III. Sed hic addatur evasio vel correctio: per spem de pietate & humanitate Iosephi: item deprecatio propter parentem: ipsum Deum.

Promittat fructus maximos ex humanitate & ignoscentiâ Iosephi.

1. Gloria Dei inde celebrabitur: agnoscentibus ipsis etiam Ethnicis divinum Spiritum inter nos ex tantæ pietatis argumentis.

2. Iosephus sic nunc nihil ager, cujus dolore postea torqueri

Orat. IV.

Cogit. rei præsentis ad prudentiam.

Non facile credit prudens sed tamen cedit convictus.

Cog. rerum præteritarum.

Cogitatio rerum futurarum.

posset. Etiam si enim iustas exigeret pœnas: tamen magna est vis conjuncti sanguinis &c.

3. Aeternam nominis claritatem consequetur.

4. Parens valde lætabitur. Quod si durius quid statuisset in fratres Iosephus, nolleret ille hunc repertum dudum, periisse mallet, damnaret suum luctum, quo jam multis annis maceratur propter falso creditam Iosephi mortem.

5. Fratres perpetuo devinctos sibi beneficio quasi immortaliter habebit: pro odiis amorem illi concipient, pro invidia reverentiam. Quem olim per stultitiam majorem se fore volebant credere: hunc non solum ad tantos honores evehctum, sed vitæ suæ authorem in manibus quasi gestabunt &c.

EPILOGVS. Preces, ut Deus faciat omnia familiæ salutem evenire.

Exemp. XIII

Consilium Babylonicum

Oratio I.

Præfatio & Oratio Nimrodi Imperatoris

Nihil sapientius illâ operâ, quod ad impediendum opus plenum superbiæ Deus in Babylone linguas hominum confudit (proponere formam occupationis: quanquam, tamen)

Ratio redditionis Quia & ipsa illa quæ in verbis aut vocibus est significandi ratio, major est quam ut ab humana mente intelligi possit: & planissime divissimum opus est, tanta in tot diversis linguis vocabulorum multitudo. Quid dicam? quod horum notitiam in temporis momento in mentibus singulorum hominum & diversam quidem in severtit Deus; atq; adeo aboleverit etiam veteris & usitatæ sibi ac conatæ linguæ quodammodo memoriam?

2. Ratio: Deus superbis resistit. Et ita sane: ut cum illi magnum quiddam moliantur: Deus ridendos ferè istos proponat. Quod etiam hic fecit. Itaq; in mentem nobis venit, quod ad gloriam & laudem sapientiæ & justitiæ divinæ à nobis agnoscendam cedat: penitus contemplari ex methodi nostræ præceptis, quid animi fuerit illis hominibus super hoc mirabili linguarum mutatione. Fingemus itaq;

mane

mane quodam consilium indictum à Nimrodo Imperatore de urgen-
do opere: Et hoc eodem tempore factam mutationem linguarum.
Quare qui adsunt adolescentes principum in consilio sententias expo-
nent. Imperatorem autem Nimrodum his verbis compellasse P. C.
creditote.

Oratio I. Nimrodi

Characteres

Superbia & in officio sedulitas.

EXORDIVM. Etsi P. C. vos quoq; curam aliquam sustine-
tis in Repub. nostrâ, & in hac occupatione magnificentissimi operis:
tamen mihi universum onus incumbit. Nam vos operas: ego vos re-
go consilij.

Itaq; non satis mihi temporis tribuo ad quietem aut corporis in
cena refectionem.

Sed olim etiam in laudis quasi distributione eadem erit dispari-
tas. Vobiscum sane particula hujus gloriæ communicabitur, ad me
autem illa universa redundabit. O quam longè lateq; non tantum se-
cundum locorum spacia, sed etiam curricula temporum Nimrodi no-
men vagabitur! Dicent &c. mirabuntur &c.

Deliberare vos volo & consulere in medium, de opere nostro
maturando: ne vel temporis diuturnitas fastidium plerisq; afferat: vel
ne hominum quorundam turbulentorum atq; invidorum calliditas &
religionis adversæ prætextus impediatur.

Exemp. XIV.

Oratio II. Tuisconis vel Ascenæ Ger- mani blandi loquentuli.

Concipiatur verbis Germanicis Misnicis.

EXORDIVM. Potentissime Imperator, principio faveo di-
gnitati tuæ, idq; libenter agam pro viribus ut ea salva sit: omnemq; a-
deo operam meam in ea re dicatam ac consecratam volo. Nam re-
vera es potens & laudabilis Princeps, quod ignoscas à me tibi in os di-

Co. rerum
actarum
ad laudes
suas.

Co. rerum
futurarum

Cog. rei in
præsens a-
gendz.

Capta be-
nevolentia
à sub-
missione &
delatione
officiorum
Cogit. rei
præsentis
sc. Impera-
toris & sui.

C. negotij.

Concessio
simulata.Απέναν-
τιςvel corre-
ctio per-
translatio-
nem causæ
Co. rerum
præteritar.Co. rerum
futurarum

ci: cum ipsa me cogat facere veritas. Nos tibi debemus &c.

PROPOSITIO Quanquam autem ex oratione tua non satis intelligere potui quid velles, tamen ipsa res admonet, id te cupere, ut in hac ærarij inopia & sumtuum tantâ magnitudine contributionem faciamus.

Ego vero meo loco non recuso non pecuniæ tantum, sed vitæ etiam pro tua dignitate & gloria impendium facere. Sed vereor primum ut omnes idem mecum sentiant. Deinde ut facultates nostræ singulorum possint tantum contributionis onus perferre.

CONFIRMATIO Principio imperium tuum multi inviti acceperunt: In horum animis metuenda aliqua occulta abalienatio: quæ est lenitate, & beneficentiâ abolenda potius quam fovenda onerum gravitate &c. (expoli.)

2. Hactenus graves fuerunt exactiones. Neq; tam principes quam plebecula eâ de re conqueritur. Quod hi tantum agros, fruges, lucra sua cogitant gloriæ dulcedinem quam nos spectamus illi nullam sentiunt.

Itaq; hoc dudum querulantur: quod & sumtibus exhauriantur: & præterea agros suos negligent, dum publico inutili, ut putant opere detinentur. Verum ego illos sane non audiendos censeo (dic de cogendis subditis ut pingas inclementiam)

Itaq; de plebeculæ querelis non eò dixi quasi qui iustas eas censerem: sed quod metuerem, ut vim multitudinis retinere possemus (describe hic potentiam plebis; & omnia ad seditionem apta & facilia)

TRANSITIO Atq; hæc mihi causa est cur suspicer ne alij mihi assensuri sint. Sequitur ut quare facultates nostræ non ferant tantum contributionis onus id explicandum videatur.

I. Ad varios alios usus opus erit pecuniâ. Edificanda sunt oppida: arces: propugnacula: privata ædes, pagi, villæ, templa. Et jam sumus verè exhausti.

II. Bellum jam quidem nec est neq; his temporibus metuendum: sed nescio an non vel proximis annis metui possit. Ita mihi videntur multa semina simultatum serpere. Quare etiam atq; etiam videndum est, ne rerum belli robur pecuniam sc. ad eos transferamus qui illa olim ad perniciem nostram abutantur: nos interim per sumtuum magnitudinem inermes facti quasi nudi hostibus obijciamur.

EPILOGVS. Quod ego non dico propterea quasi quinquam

metuam, aut de imperij nostri robore secus atq; me deceat sentiam: sed quod varij in vita casus metuendi sint: tutiusq; in eo erretur si per prudentiam ea quæ minus periculi habent præcaveas, quam si per negligetiam in ea quæ facili negotio avertere potuisses ultrò te involvas.

Exemp. XV.

**Oratio III. Gomeri vel Cimbri, aperti
& fidi: concipiatur linguâ Saxonica veteri.**

EXORDIUM. Illustres principes: tangit me ut video dicendi ordo. Itaq; quæ mea sententia sit de ijs quæ ad deliberandum proposita esse ex filij oratione intelligere potui, paucis exponam. Miror autem, non imperatorem nostrum, qui pro divino ingenio majores sine dubio ejus rei causas habuit quam quæ à me satis recte judicari possunt: Sed filium meum Thuisconem miror, cur ita novis & inauditis linguæ & vocum inflexionibus, figuris & formis, uti voluerit: ut à me patre unde communissimi sermonis usum didicit, tamen vix intelligi posset. Ita sibilabat, & quasi pingui gutture aut butyrato proflabat voces. Sed de re dicam. Sentit Thuisco: imperatori contributionem quam petit denegandam esse. Huc enim omnis contendebat oratio: Ego non denegandam esse suadeo. Atq; ut idem vos mecum sentiat: primum explicabo vobis consilij mei rationes. Deinde quæ videbantur esse in hoc negotio filio meo difficultates, eas tollam vel ostendam non ita magnas esse &c.

CONFIRMATIO. I. Meministis quantis tumultibus nobis constiterit hæc pax, qua sub imperatore fruimur. Eam igitur temerè non turbabimus. Turbaretur autem si temerè imperij onera detrectaremus.

2. Porro promissimus sanctam fidem & obedientiam: hæc servanda est.

3. Consensimus in hoc opus extruendæ turris. Nunc frustra deliberatur: an velimus sumtus suppeditare postquam dudum ante promissimus. Si jam nunc commodum hoc non est, jam tunc providisse oportebat: Non nunc tandem fidem ac promissa violare.

CONFUTATIO. Venio ad difficultates: suspicabatur filius:

metuen-

Cog. rei
præsentis
nempe 1.
loquelæ pe
regrinæ il
lius 2. pro
positionis
factæ.

Propositio
simplex.
Partitio.

Co. rerum
præteritar.

Cog. rerū
futurarum

metuendam esse plebis seditionem. Ego verò, ut eam prudenter & rectè metui concedo : ita statuo plures esse alias vias eidem occurrendi, & placandi plebem, ut non opus sit necessariam imperatori operam denegare (enumerentur aliqui e. g. docenda est plebs : ostendenda necessitas : beneficiorum, immunitatum privilegijs & promissionibus demulcenda. Parens communis Noah & sacerdotes ad eos ablegandi &c) Quare hæc ratio non poterit movere principes : quin imperatori obsequantur 1. cum nullum periculum sit 2. Cum Etiam si aliquid sit, tamen mavolent principes plebis injustam quam imperatoris justam offensionem incurrere.

Altera difficultas) Dicebar porrò filius : etiam ad alias res opus fore pecuniâ. Itaq; ei parcendum nunc esse (repete reliqua pleraq; & finge responsionem)

Epilogus habeat repetitionem propositionis & sententiam gravem aliquam ad movendos animos.

Exemp. XVI.

Oratio IV. Elifæ Græci, Philosophi.

Sine dubio magnum aliquod imminet Reip. malum, Potentissime imperator, quare & hunc principum conventum indixisti, & eo plane inaudito consilio uteris, ut novis vocabulorum Characteribus principes collegæ tecum consilia communicare velis. Credo a proditoribus te metuere. Quod si ita est, cur ego aut ita præteritus sim, ne admonerer : aut ita negligens publicarum rerum quò minus ipse præsenferim, non possum a me satis conjecturam capere. Solèo sæpe cum cognato meo Dodoneo admirari rationem linguæ & vocum (enarreretur controversia an voces significant à natura an ex hominum instituto) Nunc planissime credo etiam primæ linguæ usum decreto quodam sapientissimorum majorum nostrorum constitutam esse. Idq; convincor ut sentiam isto Regis nostri exemplo. Quanquam rationem tam sapientissimi inventi nullo modo capio. Verum quoniam in hoc illustri confesso sententia de Repub. dicenda est, idq; adeo convenimus : mallem sane me rectius admonitum, quæ pericula Reip. imminerent : ut propius ad rem præsentem mea institueretur oratio.

Nunc

Nunc autem quoniam aliter Imperatori visum est ex salute publicâ fore, pro fide meâ quæ ad prodicionis amoliendam illam pestem conducere videbuntur ea consulam.

Partitio: Et quoniam vel à plebe vel à principibus periculum imminere potest: ad utrunq; casum orationem accommodabo.

Confirmatio: Et primum à plebe moveri res novas: vix possum adduci ut credam. 1. cum non possint ita occultè gerere præ temeritate. 2. Cum satis distenti sint occupationibus. Verum si omninò aliquid rerum novarum moliatur, sentio arte magis & ingenio quam vi occurrendum. 1. Factionum duces demulcendi & adjungendi primū promissis, deinde dimittendi procul hinc in colonias: ut melius inermis turba possit in officio contineri. II. Factionis distribuatur agri: ut ita sparsim habitantes non facile possint coire cōspirationem vel societatem adversus principes: Præterea ipso hoc beneficio deliniti facile conquiescent. III. ferantur leges de removendis armis à privatorum usu: revera quidem ne abutantur ad seditionem: sed eo nomine prohiberi possunt illa, ne inter se grassentur in mutuam perniciem.

Quod si ex principibus aliquis insidietur Majestati Imperatoriæ: quod nescio an de tam illustribus viris minus suspicari mihi liceat: an in hac consiliorum novitate securè negligere: his puto rationibus occurrendum. Quod in membrorum oblensione sit ut corrupta membra pharmacis reconciliare quasi reliquo corpori studeamus: aut si id fieri non possit, rescindamus: idem censeo hic faciendum. Nisi fortassis nondum erupit conspiratio. Hic melius censeam, quod item in corporis medicinâ facimus, ut expectetur maturitas quædam temporis, qua vel sponte sua seditio consopiat, vel justam mereatur medicinam: ne non tam curata quam sponte accersita esse videatur.

EPILOGVS. habet repetitionem 2. excusationem.

Exemp. XVII.

Oratio V. Ingevonis, nepotis ex Gomerio Principis Galli.

Cogitatio rei presentis. 1. propositionis. 2. lingua peregrina ab alijs usurpata.

1. questio: an sit.

2. questio: quid agendū sit. Vel cogitatio futurorum vel consilium.

II. Consil.

Scal. lib. 3. Poet. c. 17. Galli ad rem attentī, mōbiles, humani, hospita-
les, prodigi, lauti, bellicosi, hostium contemtores atq; idcirco sui negligē-
tes, imparati, audaces, cedentes labori, equites optimi.

Ordo me dicere jubet, video. Mallem alium juberet. Quan-
quam jam quartus sententiam dico. Quoniam ita iniqua condicione
dico, ac si nemo ante me dixisset. Cum ego atate & judicio ad eos
qui dicendi causa sedent, quiq; jam dixerunt, non sum comparandus.

Primum enim ipsum quod ab Imperatore propositum est, deli-
berationis caput, plenum difficultatis. Turmas equitum aliquot vide-
batur Imperator postulare: sed quot & quorsum, nihil intelligere po-
tui. Sperabam explicaturos esse parentem & avum meum & Princi-
pem Elisam. Uerum illis nescio quid in mentem venerit, aut quid illis
vel mihi acciderit adeo: ita plenā & clarā voce quidem utebantur: sed
ex qua mentem & sententiam ego ita parum percipiebam, quam pa-
rum avicularum cantilenas & carmina (de quibus Poeta fabulantur)
intelligere soleo.

Co. rerum
præteritar.

PROPOSITIO. Nunc ad rem quod attinet de equitum tur-
mis: ego operam meam promitto: sed eā condicione ut honestum
mihi & equitibus meis statuatur stipendium. Ego hæcenus sanē fi-
dam operam navavi Imperatori & Reip: sed nescio quā calamitate
factum est, ut ad aliōs magnifica munera, ad me parum aut nihil con-
verteretur. Stipendium enim tenue est: Et multis opus est ut dig-
nitatem tueamur: hospites excipiendi: benignē alijs faciendum: ip-
sa victus nostri ratio non potest ita frugi esse, ut privatorum hominū.
Unde sæpē mihi animus fuit vel abeundi potius ex aulā, quam illam
tenuitatem perferrem amplius.

Co. rerum
futurarum

Quod si de stipendio convenerit: nihil est hostium quos metu-
am: nullum tantum periculum, quod pro Imperatore adire detrectē.
Neq; in me mora, quin vel hodie equitem educam. Si vel ad versus ip-
sum Diabolum prælio contentēdum sit: ecce hic imperterritum animū
& omnia pericula ista contemnentem.

Exemp. XVIII.

Oratio Noahi: Hebraicè efferenda.

Cogit. rei
præsentis

Mei filij, mei filij: scio vobis ingratas esse admonitiones meas,
quas

quas vos soletis deliria senilia appellare : sed tamen spero ex ipsa re nunc subsidium admonitionis capere me posse. Consilium vestrum est iniquum & adversus Dominum : ideo non potest succedere. Omnem impietatem graviter odit Dominus : imprimis superbiam & arrogantiam. Sapius vobis dixi imminere penam divinam : sed vos contempsistis. Ecce nunc ridiculum hoc malum vobis immisit Dominus, ut paternam linguam dedisceritis, & eis singuli verbis utamini, ut nemo quisquam ab alio quoquam intelligamini. Credite hoc precibus meis à Deo concessum esse, ne iterum alijs immisissis diluvij aquis vos omnes suffocaret : aut vestram illam arrogantissimam structuram fulmine, vos incendijs & ignibus caelestibus prosterneret & absumeret, aut rupta terrâ absorberet.

Sed eâ conditione hanc vobis incolumitatem impetratam mineritis : ut si hinc admoniti humilitatis, de peccato dolueritis, apud Deum deprecari sitis, deinceps majorem Deo nostro reverentiam adhibueritis, ibi tum impunè abeatis. Quod si nescis quidem melius sapiaris : scitote Domini quidem infinitam patientiam, sed tamen etiam justam & intolerabilem illam iram esse. Quare abite ad suam quisque orbis terrarum plagam : absistite ab istis ineptijs & vanitatibus ostentandæ vestræ potentiae. Non vestræ sed Dei gloriæ parandæ causa in hunc mundum nati estis. Et credite mihi nunquam hoc consequemini, nunquam tam magnificum opus extruetis ; ut non quod tanto conatu congestistis, ipsa temporis longinquitas sine ullo conatu penitissimè non à fundamentis tantum suis, sed ex hominum memoria tollat atque amoliat. Si famam, si vestri prædicationem, si gloriam ambitis : Deum veremini, hunc verâ pietate prosequimini : ita fiet ut redemptor noster vos coram universo mundo olim in judicio illo ultimo prædicet : & æterna vos gloria mactaturus sit.

Exemp. XIX.

Profopopæiæ. Introducuntur quatuor virtutes Pietatis filiae : Fides, Spes, Humilitas, Charitas.

Oratio I. } Præfatio
 } Fidei oratio.

Co. rerum
præteritar.

Cogi. rerū
futurarum

Prefatio à commendatione argumenti.

I. Omnis oratoria meditatio habet insignem suavitatem. Imprimis illæ fictiones, quas alicubi in oratione interserunt: ut ijs rebus orationem attribuant, & faciant ut auditoribus coram loqui videantur, quibus tamen linguæ sermonisq; usus nullus concessus est. (exempla adde) Fingunt scil. virtutes conqueri, admonere, instituire nos: contrà exultare tanquam improbas quasdam mulieres vitia: quibus etiam quasi nomina & mundum atq; ornatum muliebre circumponunt &c.

II. Quare cum in schola nostra in oratorijs exercitijs versemur: rectè etiam ad illud fictionum genus adumbrandum operam adhibemus. Quamquam parum possumus præstare. Sed aliud hic agitur: non ut artifices nos probemus: Verum saltem, ut experiamur ingenium, an ad illorum studiorum difficilem sanè operam, aliquam nobis aditus spem facere valeamus.

Propositio

III. Eo consilio nostri hi adolescentes sumserunt agendam quasi causam Pietatis & filiarum hujus: Quod turpissimè sanè & periculosissime omnis pietatis negligatur ratio. Introducentur igitur virtutes piæ super eà re conquerentes: & obtestantes vos, habeatis honoris sui, imò salutis vestræ rationem. Et quibus præceptis & compendijs cultus & disciplina sua contineatur, docere vos conabuntur. Ita audietis, inquam, quasi coràm vobis loquentes, Fidem, spem, Humilitatem, Charitatem. Vos facite ut pios vos harum virtutum amatores esse, ipsa auscultationis devotione declaretis. Quod si igitur Fides coràm oculis usurpandam se præbere, & oratione alloqui nos posset: an non his potissimum verbis aggredieretur?

ICog. præsentium si vequid fiat

Me miseram! vel mundum miserum potius à quo maximo huius malo tam pessimè contemnor, deseror, affligor. (Exaggera ex circumstantijs quot modis hoc indignum sit. Ego filium Dei meo sinu foveo: hunc non puduit me matrem profiteri: nam fide conceptus & genitus est &c. 2. non sum hostis: non crudelis, non morosa: non exigo quicquam operarum: gratis polliceor dona maxima: 3. mundus perditus: at ego auxilium polliceor: mundus peccato pollutus, at ego ablutionem offero: mundus peccati vulneribus saucius: at ego medicinam adhibebo &c. Itaq; indignum ita auxilia ab egentibus negligi: ablutionem à contaminatis rejci: medicinam

à malè sanis. Quanta verò infania, me ultrò ab istis, de quibus optimè mereri institueram, pessimis modis haberi &c.)

Ego nunc ab omnium furore appetor. (Enumerentur variæ fidei oppugnationes e. g. In quid sævit Turcicus gladius nisi in me? Quid interdictorum fulminibus terret, pyris, laqueo, bellis persequitur Papis superbia nisi me? Quid oppugnat Calvinianorum versutia nisi me? Quid blasphematur Epicuræorum securitas nisi me?) O felicem me! quoties illa verè aurea recordor secula quibus vivebant parentes illi humani generis communes! Adamus, Sethus &c. (Narra horum fidei ardorem.)

Quæ ubi conquesta fuisset fides: hic tandem ad vos oratione converteretur, diceret: Mei Adolescentes, uos oro atq; obsecro; per paternam divinæ misericordiæ viscera, per Jesu Christi vulnera, per sanctissimi Spiritus amorem 1. habere salutis vestræ rationem. 2. amare verbum. 3. huic assentimini 4. Nolite indulgere intempestivæ sapientiæ humanæ s. aut carnis libidini 6. Ita vos complectetur pulcherrima Spes &c.

Exemp. XX.

Oratio Spei.

Memini me sæpius videre pictam in parietibus aut chartis Spei imaginem &c. (describe picturam) Hic sane solet mihi in mentem venire, aliud eâ specie voluisse indicare qui primi invenerunt, quam nunc vulgus, vel spectatorum vel pictorum etiam intelligit. Nimirum isti pro corruptissimis hujus seculi moribus illud potissimum spectant: ut spes facie puellari quâ pulcherrimâ appareat: præterea, nuda genu, ut Venus aut ulterius etiam. Ita fit, ut quæ virtutis commendandæ, vitiorum prohibendorum causa, inventa erat spei pingendæ aut aliarum virtutum ratio: per seculi nostri nequitiam in virtutis perniciem & vitiorum fomentum comparata sit. ô pietatem! ô mores!

Manus illæ in cælum sublata: anchora comprehensa, capillus passus, negligenter rejectus: fluctus circumfusi linguæ meræ mihi videntur, quibus de gravissimis rebus multis admonet spei pictura.

Quid enim dum quasi enatato mari in scopuli quodam clivo vix consistit: appulsis undiq; & elisis quasi per sequentis Oceani flucti-

II Co. rerū
præteritar.
sive exem-
plorum
dissimiliū.

III Co. rerū
futurarum
sive præce-
pta fidei eo-
lenda.

Oratio II

ἐμψύχω
σις ὡς
σωπρε-
φία.

Co. rerum
præterita-
rum.

bus

bus? an non hæc tacitis sensibus nostris videtur ingerere velle? Mei mortales videte quid agatis: quam miserrimo in loco sint res vestre (enarra humanarum rerum miseriam)

Quare cavete ne non maximo in periculo constituti esse videamini: dum mundi vitæq; hujus negotijs impliciti estis: ne ociose recumbere aut indormire, aut fluctibus etiam committere vos posse credatis.

Porro manus illæ in cælum cum ipso vultu & oculis conversæ: an non omni voce clarius loquuntur? ubi cogitationes nostras defixas habere oporteat? scil. cælum esse, unde omnis felicitatis nostræ expectanda sit certitudo. Ibi res esse æternas: Deum: Christum: veram vitam: divitias &c. Non aliunde patere auxilia. Mare enim vitæ insidiatur: terra submersa est &c. Cælum unicé regit &c.

Interim, dum cælum se aperiat: datum esse anchoræ præsidium quæ sunt divini verbi & fidei solatia.

II. Co. rerū
præterita-
rum.

Cogitandam esse originem nostram. Nam è cælo sumus. Quoniam in cælis habitat qui est conditor & pater noster (enumerentur varia beneficia Dei: quæ in omni vita exhibet)

Cogitatio
rerum fu-
turarum.

Quare firmissimè divinâ benignitate esse confidendum 2. cogitanda quam benignè nobis in altera vitâ facturus sit. 3. Quæ interim accidunt in mundo tristia patienti feramus animo 4. Fortiter adhareamus huic anchoræ, omnia diligentibus Deum cedunt in bonum: Et capilli capitis vestri numerati sunt, 5. Ne committamus nos ventis curarum, tempestatibus negotiorum non necessariorum: profunditati & abyssu cupiditatum. &c.

Exemp. XXI.

Orat. III.

Oratio Humilitatis.

κατα-
σις vel
ἐμψύχω
σις.

Si qua ulla alia tempora corruptissima fuerunt & alio omni & præsertim superbiæ vitio: hæc nostra illa sunt A. de quibus justissimè conqueri liceat scil. omnem superbiæ messem effloruisse, aut omnem fastus & Arrogantiæ Oceanum in hanc nostram ætatem se effudisse. Itaq; & omnis alia pietas & potissimum Humilitas penitus sub pedes arrogantissimi seculi conculcatur, injuriarum fluctibus submersa & sere extincta est. Vt quoties præ doloris, quam bonus quisq; meritò ex hac

rerum

rerum calamitate percipit magnitudine, quoties inquam in his rebus cogitandis penitius animum mentemq; defixero, videar mihi humilitatem ipsam quasi coram apparentem audire. Quæ sic mecum aut cum mundi porius moribus quodammodo tacita loquitur.

O cæcas hominum mentes ô pectora cæca!

Quò insanix abitis mortales! (enumerentur varia superbiæ exempla vel indicia in omni hominum ordine: in omnibus vitæ partibus)

Cogitare debetis originem vestram. 1. universi ex nihilo exististis 2. primus parens ex luto creatus 3. singuli ante centum ad summum annos nihil fuistis. 4. Deus nos condidit & omnia: & vos sub Deo estis. 5. Varia statuit exempla in superbos.

Videor mihi videre pessimam cladem imminentem orbi terrarum 2. supremum iudicium imminet 3. obsecro, agite providere rebus vestris: veremini Deum: agnoscite vestram vanitatem: Nemo videatur sibi altero melior. Nam nihili & vanissimum est illud quod videtur vobis per stulticiam fortassis magnum discrimen, in dignitate & opibus externis positum &c.

Exemp. XXII.

Oratio Charitatis.

Sacræ literæ ipsæ delectantur eâ orationis formâ ut animos hominum ad salutis suæ curam vehementius excitandi causa sapientiam vel pietatem alicubi loqui faciant. Quo minus institutum nostrum reprehendi poterit, si item pietatis quodam Zelo eandem rationem usurpemus. In præsentia autem, superest, ut Charitatis querelas, admonitiones & præcepta cognoscatis. Credite igitur A. illam pulcherrimam omnium virtutem, ubi ad secula nostra animum cogitationesq; converterit, non sine lacrymarum largissimâ copiâ in has voces prorumpere:

Mei filij, mei filij: quos ego istis uberibus meis alui, quos ulnis meis imò utero portavi, quos tanta amoris vehementiâ complexa sum: ah quam parum non erga me tantum sed in propriam salutem grati exististis! (Enarrentur, quæ fiant contra amorem Dei. 2. proximi: per immisericordiam: per calumniam: per injuriam.)

Cogitate exemplum Dei: quam ille charos vos habeat. Et quis

Deus?

Co. rerum
præsentium,
vel quid fa-
ciat.

Cogit. rerum
præteritarum.
vel quid fa-
ctum oportuit.

Cog. rerum
futurarum
vel eventus
2. præcep-
torum.

Orat. IV.

Co. rerum
præsentium,
vel quid fa-
ciat.

Co. rerum
præteritarum.
vel quid fa-
ci debet.

Deus? &c. qui vos? &c. (Enarretur quam amaverit nos Pater, Filius, Spiritus sanctus: quid & quam multa in nos contulerit)

Cogitate exempla piorum hominum, benignè inter se facientium, loquentium, sentientium.

Co. rerum
futurarum
sive præce-
pta & con-
silia.

Quare mei filij diligenter mementote regulam salvatoris vestri Matth. 22. v. 39. Et alteram Matth. 7. v. 12. Et tertiam Pauli Rom 12. v. 9. cap. 13. v. 8. (Preme verba: quare ex illis rationes moventes & impellentes e. g. est impletio vel Summa legis. Quare qui velit legis quoddam compendium, ad charitatem se applicet. Alias durissima est Lex: sed per charitatem levis & facilis fit)

Porro si etiam id queritis: ut nostrarum institutionum dicam summam: jam dixi eam optimam & commodissimam Matth. 7. v. 12. Quodcumq; volueritis ut faciant vobis homines: hoc facite illis. Vultis ne quis alius vobis invidet? Ne invidetis. Vultis ne quis vos oderit? Neminem oderitis &c.

Epilogus: obtestatio, per charissima omnia, ut homines obsequantur.

Exemp. XXIII.

Proso popoëiæ: Quatuor introducuntur
vitia cardinalia

PROFANITAS, INTEMPERENTIA, SUPERBIA, AVARITIA.

Oratio I.

Oratio Profanitatis.

κατα-
σις.

Dubium nullum est A. quin quemadmodū Deus ex impietate generis humani summum dolorem: ita Diabolus maximam delectationem persentiscat. Quare si quis in istis sensus est vitij dico & turpitudinibus, filiabus Diaboli: hæc, inquam, simili plane modo affici videri possunt: Ut propter improbitatem & nequitiam nostræ ætatis pessimam, illæ turpissimæ gaudio latentur & tripudiant. Qui enim possunt aliter facere? cum adeo salutis nostræ homines non tantum negligentes, sed prodigi sumus? Quæ cogitatio impulit eos adolescentes quos ad dicendum videtis consedisse, ut in publicum consulendi

causa

causa, ea quasi improba gaudia & consilia vitiorum ante oculos videnda vobis statuere aggredierentur. Hæc igitur istius hodie confessus causa, ut audiat hic impudentiam Diaboli & turpitudinum, quæ de universi pene mundi interitu securissimè gratulari posse sibi videntur. Et quidem Profanitas hac orationis improbitate uti videtur posse.

Benè sane habet: quoniam ita rectè provisum est rebus nostris, ut prius defuturum sit nobis quod regni nostri amplitudini adijciamus quam ut de ejusdem angustiis conquerendum sit. Qui enim homines & quibus studiis mihi non serviunt?

(Enumerentur partes & judicia profanitatis 1. plurimi non credunt esse Deum. 2. Egregij simulatores pietatis multi sunt: sectatores pauci, ijque ignavissimi 3. Doctrinæ cælestis odium pessimum. Inde homines tam varias excogitant & fingunt sibi doctrinæ formulas ex placito. Aut fictis & introductis libenter assentiuntur. 4. Precum & omnis divini cultus pessima negligentia. 5. Omnia ad lucra opum, ad pompam & vanitatem: nihil ad Dei celebrandam gloriam instituitur.)

Et hic honor mihi à principio mundi est habitus; ut præ sanctimonia semper placuerim, præsertim illis qui ingenio aut potestate excellabant. Meus erat Cain &c.

Quid si ita porro res processerint: non dubium est, quin aut de alio mundo Deo providere sibi opus sit, aut de omni inter homines regno nobis concedere 2. quanquam magno suo homines stultissimi malo se ad nos aggregant: tamen quid hæc ad nos? cur non rectius sibi quod poterant, consulunt?

3. Neque dubium est: quin incrementum acceptura sit majus ac majus potestas nostra, cum non sit futurum ut homines à nequitia discedant.

Exemp. XXIV.

Oratio Intemperantiæ.

Quanta sit temporum nostrorum luxuries, atque in omnes libidines effusio A. utinam ita res dubia & ignota esset, ut oratione demonstrare vel difficile, vel omnino impossibile foret, propterea scilicet quod hic plus suspitionis quam veræ accusationis deprehenderetur. Jam

C. rei præsentis vel quid fiat.

II. Co. rerū præteritarum.

Cogitatio rerum futurarum.

Orat. II.

verò quia hoc magis optare quam sperare licet: estq; ea calamitas ita palam, ut eam nemo negare, nemo ad eam probandam ullà operà opus esse censere poterit: quid restat nisi ut iniquitatem & miseriam nostri temporis deploremus? Sicut enim Poetæ fingunt Astræam & alias virtutes, postquam inundassent orbem terrarum improbitatis studia, relictis quasi mortalium societatibus in cælos transmigrasse: Ita videor mihi videre in orbe terrarum coram habitantem, grassantem, dominantem ipsam luxuriam & intemperantiam potissimum, cum alijs vitijs: quasi quæ relictis Tartareis sedibus ad nos in terras transmigraverint. Nam proh Dei immortalis hominumq; omnium fides! si ipsa coram astaret Intemperantia, quibus alijs quàm istis vocibus uteretur quas jam in vulgus jactari meministis!

Cogit. rei
præsentis

Mei homines: quid sit futurum cras, fugite quærere: secundum Poetam vestrum. Permittite Divis cætera. Vos autem bellissima quæq; carpite: cyathos forbillate, mollissima sectamini. Turpe est bibacem esse? ô vanam opinionem: quam multi quidem in ore habent, nemo credit. Contra, quam rem comitatur major ignominia quam si ita mulier ac puer sis ut in bibendo paria facere nequeas? quanto ea res sæpè cum periculo conjuncta est, si forte incidat ut in circulum præfertim in salutem principis bibendum sit? Qui hic non potest respondere, fateatur necesse est, ineptum se esse non tantum cui legationes, officia alia publica & negocia gravia committantur, sed omnino qui inter homines & in societate tolerari queat.

Co. rerum
præteritar.

Olim inquit, fuisse majorem hominum sobrietatem? Quid magis falsum? (Narra exempla vetera ebrietatis)

Co. rerum
futurarum

Metuunt ut poculorum frequentia valetudinem imminuat: aut saluti impedimento sit.

De 1. Nega. 2. quid tum? Diutius tamen bene est.

De 2. Nega. Non credibile est: Deus non est ita iracundus: necessaria sunt pocula & hilaritas &c.

EPILOGVS. Mitigatio: Hæc cum intemperantia coram loqui non possit, homines intemperantes & luxuriosi loquuntur. Motus vel querela cum indignatione &c.

Exemp. XXV.

Orati-

Oratio Superbiæ.

Orat. III.

Nihil peius audit in vulgus, A. quam superbiæ nomen. Non enim possum dicere vitium. Etenim ita accidit, & in omni alia, & etiam in superbiæ turpitudine: ut nomini quidem pessima ingerant convicia homines: ab ipso vicio autem tantum absit, ut alieni magnopere sint, ut etiam ultro omnibus studiis prosequantur. Quare nemo sane est quin crebris usurpet sermonibus; turpissimam omnium vitiorum esse superbiæ: Et quasi reliquorum plurimorum matrem. Etiam eò progrediuntur plurimi, ut in alijs satis acutè videant hujus pestis vestigia & indicationes: Et sæpe canum instar nimis acrium amicos pro furibus allatrent, h. e. eos superbiæ accusent, qui accusandi non erant. Verum quid sit in suis cujusq; moribus? Nihil frequentius, nihil serius magis, nihil sanctius adeò superbiæ studiis. Quod ut mihi assentiamini: fingite mei A. Superbiæ quasi à quodam Mercurio concessum literarium ludum, in quo artes superbiendi doceat coram, atq; omnes accuratè explicet. In eò inquam ludo, quæ poterant aliæ artes doceri vel ab ipsa superbiâ quam quæ usurpantur vulgo & quidè sub virtutis prudentiæq; nominibus propagantur? An non enim ita de cathedrâ auditores suos superbiâ affaretur?

Mei A. Artem vos docebo: quod est ingeniosam quandam superbiendi rationem. Est enim genus quoddam hominum stultum, qui ita se magnos fore putant si se ostendent 1. prædicando in convivijs, circulis quibusvis obvijs 2. aut in divitiarum splendore atq; magnificentia 3. aut incessu gallinaceo 4. habitus ac gestus omnis ad summam severitatem compositione. Si ad tertiam quodq; verbum tussiant, aut ignem naribus efflent, vultu videant taurinum: neminem neq; saluent, neq; salutantem curent &c.

(Enarra alias ineptias arrogantium & istas explica.)

Principio mei A. nulla vestra in eo consistit felicitas ut videamini alijs magni esse: in quo isti vehementer errant: sed ut sitis, ut multum possitis & valeatis: in vestrâ omnia sint manu: vestris arbitrijs omnia gerantur: vestris beneficijs reliqui vivant, vos nullius: vos sitis maxime florentes & divites: vobis bene sit quicquid de alijs fiat; scil. quod vestra ea sit doctrina, ea merita, ea omnino excellentia præ quibus nugæ meræ sint quæ alij habent.

Co. rerum
quæ sunt
non satis
recte.

Cogi. rerū
futurarum
sive quæ fi-
eri debeant
& possint
doctius.

2. Interim volo hoc vos diligenter cavere, ut quantum potest fieri, ne tales videamini. Itaque verbis vestram minuere potestatem: ubi id salva potentia vestra fieri potest cedere.

3. Fugite verò istam rusticam stoliditatem: de qua dixi: contra simulate omnem erga omnes humanitatem, atque adeo etiam benevolentiam & amicitiam. Quam res minimi negotij est blandè aridere? manum attrectare, dicere, mi Domine? At non creditis mihi quantum in ea re sit momentum ad propulsandam invidiam, adiungendos hominum animos, stabiliendam potentiam.

4. Volo vos præterea in religiositate egregios simulatores: in promittendis operis & beneficijs liberalissimos esse etiam erga eos ubi vobis non est animus.

Epilogus Hæc sanè superbia doceret, verum mei A. longè nos aliud Christi humilitas &c. Subijciatur dehortatio ex scriptura.

Exemp. XXVII.

Orat. IV.

Oratio Avaritiæ.

Ingressus.

Corvo olim persuasisse vulpeculam in fabulis est: ut abijceret caseum quo pransurus erat corvus, quod diceret vulpecula, & multis alijs causis esse insalubrem casei usum, & imprimis calculum generare: verum eo consilio, ut abjecto isto potiretur & vinceretur vulpecula. Idem sane plerique mihi videntur facere: qui graviter adversus avaritiam stomachantur: passim dehortantur quoslibet. Sed hoc eventum: ut interim his ipsis dehortatoribus nihil sit avarius. Ut non tam vitiorum odio adversus avaritiam exardescere videantur: quam ut eo impuni solis, & amoris ut putant his artibus à se omni suspitione, per avaritiam grassari liceat. Sive potius est ea humani animi imbecillitas, ut facile quidem vitij hujus & aliorum etiam turpitudinem animadvertamus, maximè si in alijs adhærescat: interim si nos ab ejusdem stratagematis & machinationibus oppugnemur, facile superemur: & ad partes ejus ac defensionem transeamus. Rectè igitur, pie, salubriter avaritia reprehenditur, vitari jubetur, vitandi consilia suppeditantur. Sed pessimè, in regimine, maximè impiè & perniciosissime ab ijs præceptis discunt qui ea alijs dictant. Ubi mirari liceat, quæ causa abstrahat. Dicam vobis A. ipsa quodammodo Avaritia istis ad

aurem

aurem insufurrat quasi venena & incantamenta sua, quibus omnē mentem excutit seq; penitus in hominis animū insinuat eundēq; occupat.

Mi homo, inquit, turpissimum sane est ita avaritiæ deditum esse ut multi (Narra quæ faciant sordidi homines: faneratores, defraudatores, perjuri) item alij qui non sunt tui ordinis homines nihili: & quorum opera vilissima est quam tamen avarissimè elocant plane impudentissimè.

Neq; tamen scio placere tibi poterit illorum simplicitas & stoliditas: qui vel prodigunt opes & profundunt pecuniam temerè: nusquam honestiores sibi visi, quam ubi non pepercisse ipsos pecuniæ ulla relicta sit suspicio. Neq; istos approbare poteris, qui per ignaviam negligunt rem faciendi occasiones 2. Non habent curam suorum 3. animis vili locant operas suas 4. Nimij hypocritæ sunt in eo dum fugiunt avaritiæ nomen, interim negligunt se & suos.

Principio: Licitæ sunt divitiæ, habuerunt eas Patriarchæ: prophetæ adeo: tot pij, Sacerdotes, Reges &c. Tum ad eas acquirendas opus est studijs tuis: Dat Deus omne bonum sed non per cornua taurum, Grande est quod exigit: alij obtreçant: primum more fit. Deinde invidia est potius quam justa reprehensio.

Divitias ne dederis mihi orat sapiens! At interim si Deus dederit num reiiciendæ sunt? habes multos liberos: olim egebunt ut possint tueri familiæ dignitatem.

Epilogus: Hæc Avaritia dicit: Neq; id dubium esse debet. Quanquam enim vera quædam admiscuit: tamen malè eo abutitur, ut persuadeat ut assentiamur in turpem multorum ordinum quæstum, unde pleriq; omnes malè audiunt. Aliter enim scriptura &c. comēda *αὐτῶν κεραι*.

Exemp. XXVII.

Idolopæiæ. Super controversiis religionis dicuntur sententiæ,

Mosis, Prophetarum, Apostolorum.

Præfatio, & appellatio ad istos iudices.

Maximam & aliarum rerum humanarum omnium & in religio-

C. rei præsentis vel quid fiat malè.

II. quid fiat contrarijs modis.

Cogit. rerū præteritar. vel eorum quæ facta rectè ab alijs sunt. Cog. rerū futurarum vel quæ fieri poterant

Oratio I.

nis potissimum negotio perturbationem esse, non orationis apparatus ad docendum, sed lacrymarum copia ad defendendum per opus esse facile mecum existimabitis mei A. Nam primum quibus privatis publicisve in rebus quid non turbatum est? (enumerata aliqua si vis) deinde in re fidei quanta miseries? quanta sectarum opinionumq; varietas? quantæ hinc animorum disjunctiones; quæ bellorum & calamitates & minæ?

Quid igitur hic agendum? principio inde firmissima petenda consolatio quod dictum est ab Apostolo: Oportet esse hæreses: ne putemus hoc deprecando nos consequi posse, aut eam temporum felicitatem aliquando fuisse aut fore, ut illæ nullæ sint. Oportet esse hæreses: ita fert mundi conditio: ita consiliorum divinorum sapientissimorum & optimorum & saluberrimorum ratio postulat: ita hominum meretur impietas & ingratitude. Cui bono autem? Ut qui finceri sint ita constet. Ergo hæresis non tam seducit homines, quam improbitatem & incredulitatem hominum, quam callidissime diffimulare noverant in lucem producit.

Quare doleamus quidem eam Ecclesiarum calamitatem, si grassantes in eas Pseudopphetas noverimus. Interim & illud cogitemus, quod Dominus dicebat Samueli qui super Saule abjecto, nimis contristabatur: Usquequo lugebis Saulem? quem finem scilicet faciet iste luctus tuus? quin cornu tuum oleo impleas? Mitto enim te ut alium mihi regem ungas, virum secundum cor meum. Neq; enim Deo opus est hominibus, qui à se transfugiunt. Itaq; hominum quidem istorum miseriam de flere licet: sed Ecclesiæ & Dei, quasi & his aliquid de felicitate ab istis diminutum sit, non item.

Nos ipsos sic immunes ab errorum contaminatione præstare poterimus: si divino verbo legendo, meditando, assentiendo firmiter insistamus. Caveamus ab illa humani cordis malitia: quod arrogat sibi judicandi etiam in ipsa divina dogmata potestatem: ut dicat hoc placet, illud non item, illud arduum creditu, illud rectè &c.

PROPOSITIO. In ejus fidei simul, præter Rhetoricæ facultatis, exercitium, Adolescentes quos videtis assidere susceperunt in se causam quasi Ecclesiæ & communis pietatis agendam: & sustinebunt personas Moysi, Prophetarum, Apostolorum & horum verbis enarra-

bunt hodie scripturæ & Dei brevem super istis controversiis sententiam.
(Pete benevolentiam. 2. Compella Mosen ut dicat sententiam
& ut postea reliqui item dicant.)

Oratio Mosis Zelotis.

PROPOSITIO. Quid meam sententiam audire desideratis
quam dudum dictam & scriptam à me poteratis meminisse?

O munde stulte & desipiens! Hæccine reddis Deo benefactori
tuo, ut adeò audacissimè ori veracissimo ejus contradicas! Nimirum
ita semper fuisti contumax: ut divinum verbum abnegares, & fingeres
incredulitati tuæ prætextus aliquos, ut eò audacius à Dei voluntate dis-
cederes. Ita primi tui parentes. (narra historiam discedentium à
verbo 1. parentum primorum: 2. Caini 3. primi mundi, temporibus
Nohæ 4. Populi Israelitici sub duce Mose 5. universi mundi segregā-
tis se ab Ecclesia 6. Item exempla contraria: obedientium verbo & in-
hærentium in litera: potissimum Abrahami & Noahi)

I I. In me desiderabatis alia atq;: balbutiem: uxorem
Æthiopissam: quod homo vobis prælessem. At quid in
hoc doctore vestro Iesu Dei filio desiderare poteritis? Quare igitur
verbis ejus non obsequimini?

III. Ego, pro Dei sancta voluntate & temporum illorum con-
ditione, multa de Lege clarissimè docui: sed de Evangelio plura typis
& figuris quam verbis. Quare gratissimis animis accipite illam lu-
cem Evangelij quam nunc Filius vobis revelavit, & nolite per malitiā
in eā claritate tenebras aut verborum obscuritates fingere & commi-
nisci.

Sed video vos ab improbitate non discedere: video meorum
temporum imaginem quandam & quam simillimam conditionem in
his sæculis. Primum universi contemtores estis verbi: pessimi hypo-
critæ, vestra ex pietate lucra quæritis, Deum non verè amatis, ut meus
olim populus. Deinde vos Pontificij in eò genere delinquitis, in quo
olim populus meus, quando ego in monte Sinai absens legem excipi-
ebam (fiat comparatio. Illi volebant me ducem, & mea sacra: ita vos
respuitis Christum, eligitis vestrum Aaronem qui faciat vobis pe-
culiaria sacra &c) Vos Calviniani autem estis ipsissima Coris, Datha-
ni, & Abirami cohors & factio (fiat comparatio: illi turbaturi ali-

quid

Oratio II

Co. rerum
præterita-
rum.

quid, Mosen calumniabantur: ordiebantur à cæremonijs: volebant item videri apti & digni Sacerdotio & rebus magnis ac sacris tractandis. Ita Calviniani, frequenter hæc disputant, Lutherum hominem esse &c.)

Co. rerum
futurarum
vel consilia

Nunc ad vos me converto, quibus salus sua chara & cordi est, Principio commendatum sit hoc præceptum meum Deut. 12. v. 8. & 32. (Adde paraphrasin) Deinde etiam alterum illud reverenter cogitare Deut. 18. v. 15. &c. hæc jam impleta est scriptura. habetis sanctissima verba filij Dei consignata sacris literis: Maledictus qui ab his vel unguem latum discesserit &c.

Exemp. XXVIII.

Orat. III.

Oratio Prophetarum: dicta ab Esaia Consolatore.

Cog. rei
præsentis.

O misera sane Ecclesia! quæ tot tempestatibus oppugnaris! (Enumerata aliquas calamitates) omnium gravissimum quod est pateris ab hæreticorum & falsorum doctorum perversitate. Sed noli propterea animum abijcere mea Ecclesia. Nam etiam si fremuerunt gentes, & Reges consilia inierunt, & principes inter se conspirarunt de te opprimenda: Tamen illa sunt inania consilia: quia adversus Dominum &c. (applica reliqua ex ps.) Iam quidem magnus furor & artes callidissimæ sunt in hæreticis ingenijs: sed quando summum videtur imminere periculum: ibi Dominus: surgam, inquit, &c. ps. 12. 5. Ille igitur nunquam vos deferet, mea Ecclesia: & dabit vobis doctores secundum cor suum, qui vos doceant veram salutis viam, & portabit vos in sinu suo: & erit propugnaculum adversus omnes istas Diaboli oppugnationes. Nunquid enim mater pati posset ut sibi à latrone sui charissimi liberi dilaniarentur &c. Es. 49. 15. ille vestros doctores armabit scientia & animi præsentia, ut audeant se contra hostes vestros doctores & principes opponere. Sicut fecit in collega meo Jeremia, quem cum mitteret, hæc promittebat Jer. 1. 17. &c.

Co. rerum
præteritar.

Nolite putare aut mea aut ullius hominis memoria fuisse aliam temporum felicitatem. Semper omnibus nobis colluctandum fuit adversus falsæ Doctrinæ pestem. Habui ego Es. 9. habuerunt alij sin-

guli collegæ mei suos oppositos pseudopphetas. Imò horum semper maximus fuit numerus: cum nos saltem singuli pro veritate staremus (Narretur Historia Eliæ, & discedentis à Religione populi Israelitici)

Forsan & illud à me postulatis, ut declinandæ hujus pestis quoddam compendium commonstrem? Nescio aliud, mei amici, quam illud quod dudum dedi. Es. 8. 19. Nunquid v. 20. Hoc facerrimum Domini os nunquam vos faller. Vos saltem ne faciatis quod isti qui ad collegam meum aliquando adibant Jer. 42. &c. Sed Es. 8. v. 13. 14.

Exemp. XXIX.

Oratio Petri Apostoli.

Propositio. Rectè quidem collegæ mei adhortati vos sunt, ut adversus hæreticorum corruptelas in verbo suo vel Dei potius fortiter pedem figeretur. Illud verò præterea mihi admonendi esse videmini, ne ea res vobis dubitationem pariat, quod etiam seductores istos videtis ad scripturarum asylum & aras quasi perfugere, & hinc sui defensiones parare. Nam revera indocti sunt homines: etiamsi videantur sibi & mundo sapientissimi: nesciunt scripturas: non intelligunt doctrinam Spiritus Sancti, semper discunt nunquam perveniunt ad agnitionem veritatis. Quod inde adeò fit, quia volunt scripturæ sapientiam secundum suam stultitiam judicare. Itemq; pessimè depravant, corrumpunt & torquent ad suas vanitates & mendacia, scripturarum lucem ac cælestem veritatem. Quam indigni isti sunt quam gustent, scil. cum tantoperè præ suis fursuribus fastidiant. Vos autem habetis sermonem propheticum & nostrum Apostolorum etiam. In eo revelatum est vobis omne consilium Dei, Et rectè facitis dum huic attenditis & obsequimini: Est enim vobis pro lucerna: ut non possint vos fallere laquei falsæ Doctrinæ à Diabolo positi. Hinc potestis facile refutare omnes falsas opiniones: & ipsi perfecti evadere in fide & pietate.

Nam quæ est his temporibus falsa doctrina quæ non perspicuè damnata sit præsertim à nobis Christi Apostolis? (Enumera præcipua dogmata: pontificia: Deinde Calviniana: & singulis aliquod perspicuum scripturæ dictum oppone e. g. Pontificij dicunt suum Pontifi-

Co. rerum
futurarum
vel consilia

Orat. III.

Co. rerum
futurarum
vel consilia

Co. rerum
præsentium

Co. rerum
præteritar.

cem esse Ecclesiæ universalem Doctorem, qui falli & errare non possit. At non hanc impiam & impudentem doctrinam Christus noster ipse coram condemnavit? quando Matt. 20. 28. &c.) Verum hoc nos, hoc Christus prædixit, fore ut existerent pseudoprophetae: ne quis propterea dubitare de Dei verbo & promissionibus posset. Neq; enim illi quicquam nocere poterunt ijs qui credunt in Christum Jesum. Hi enim norunt internoscere inter vocem Christi & Diaboli. Itaq; absq; horum periculo grassantur lupi isti.

EPILOGVS. Vos autem commendate pias animas vestras Deo & Episcopo ac pastori vestro: & si diligitis Christum amate verbum ejus, fugite vocem peregrinam: Et cavete pseudoprophetas: vos pastores autem vigilate: pascite gregem &c.



EXEMPLA DE DESCRIPTIONIS

Descriptio Poetica septem insularum fortunatarum.

Exercitium primum: Prefatio.

Exord.

Dicatur de laudibus hujus Progymnasmat. sc. 1. valdè delectat
2. docet perspicuè. 3. Ingenium oratoris ostendit.

Propositio

Exercere nos volumus porro in hoc scribendo progymnasmate.

Confirma-
tio.

Quia non aliter difficultas, quæ sentitur in hoc genere descrip-
tionis, superari potest.

Propositio
altera.

Declaratio

Qui adsunt adolescentes describere volunt fortunatas insulas.
De fortunatis insulis, audivisse mihi videmini (adferantur quæ-
dam ex libris Cosmographicis) sed de ijs nihil nunc dicemus: Sed de
alijs quibusdam, quas fingemus fitas ad meridiem, illis terris quæ non
dum cognita atq; explorata sunt.

Confirma-
tio.

Habebit ea res plurimum delectationis. Atq; ut institutum
nostrum rectius intelligatis paulo altius repetendum est. Sunt quidam
homines, qui ita sibi felices fore videntur, si aut divitiarum, aut volupta-
tis, aut honorum quanta ipsis sufficerent, h. e. infinita suppetere copia.

Alij

Alij maiorem quam humana fert conditio & in hominibus est virtutis sinceritatem & in fortuna prosperitatem desiderant. Quam ineptè utriq; agant : id propositum nobis est hoc figmento ante oculos ponere. Petat benevolentiam auscultationis.

Conclusio

Exercitium secundum.

Summaria orbis terrarum descriptio.

Primum est jucunda hæc consideratio: sc. animo complecti tantam orbis habitati molē, tot regna, tam vastas regiones.

Exord. à
commen-
datione
argumenti

Secundo est necessarium. Terram enim natura quasi domiciliū nobis universis concessit: ut turpe sit atq; ingratum, hospitum quasi proprium ignorare: & quibus illud accidat, ij non absimiles sint avium pullis, qui ubi semel ex testa sua proreperint, eam præ stupiditate non curant amplius.

Exponam vobis quo terrarū loco fingamus positas esse, de quibus præsens instituta est oratio, insulas fortunatas. Quare universi terrarum orbis imago quædam & quasi idea prius animo concipienda fuerit.

Propositio

PARS PRIMA. Terra est quasi pila: quæ pendet in medio aere.

Ipsa Expo-
sicio.

SECUNDA PARS. Mare & terra sicca ita inter se commiscētur, ut efficiant unum rotundum orbem.

TERTIA PARS. Quinq; sunt partes terræ, sive regiones sive Zonæ ut vocant i. Meministis de Vrsæ in cælo vel stella quam Germani vocant, den Wagen.

Huic ursæ quæcunq; terræ ita subjacent, ut Vrsam rectâ supra caput astantem habeant: illæ dicuntur habitare Zonam frigidam (describas hic reliquas Zonas)

QUARTA PARS. Aliter sic etiam dividuntur ut dicantur tres esse quasi magnæ regiones, terræ habitabilis, sive tres continentes ut vocant: orbem nostrum, Americam & terrâ Australem. Noster orbis est, qui complectitur Europam, Asiam & Africam. America alias orbis novus: est quasi terra sub pedibus nostris sita: in quam navigatur ultra Hispaniam. Terra Australis occupat partem illam orbis versus Austrum: nec dum cognitum est qualis illa sit, & qui homines, imo an homines ibi habitent.

QUINTA PARS. In hac Australi terra fingimus positas fortunatas Insulas. Eas quasi nuper inventas, quales descripturi sumus, nunc vestrae in discendo industriae est cognoscere.

*Exercitium tertium: Descriptio prima Insulae,
Chryses vel Argyrarum.*

Exordium

Stolidissima est illa in vulgo pecuniae cupiditas: qua ultra quam rerum nostrarum postulat necessitas, infinitae divitiarum copiae expectantur. Fiat expositio. 1. Per ἐκφρασιν vel Periphrasin. 2. Per inductionem. 3. Per αἰτιολογίαν. 4. Per simile. 5. Per exemplum. 6. Per contrarium. 7. Per conclusionem. Secunda pars. Huic hominum plerorumque stoliditati illudere voluitus, hoc, quod nunc asferemus figmento. Non Fabulae merae sunt, quod adeo vos praecone, quae producentur de Chryse vel Argyris Insula. Sed ira fabulae sunt, ut ridendo verum dicere allaboraverimus: vel sub illis figmentis turpes istorum cupiditates ridendas propinare voluerimus. Facite igitur attenti ut adsitis, sic rectius de felicissima Argyrarum conditione cognoscetis.

Ipsa descriptio.

Insula est inaccessa: obsita multis scopulis. Inter hos natant vastissimae marinae beluae: hic visuntur cetæ. (Discribantur) Item Phocæ & Hippopotami & alia monstra. Unus saltem angustissimus transitus vel alveus est, qua navigatur in portum: vocant rivum Sancti Benedicti. Sed idem repertu perdifficilis est?

Secunda pars.

Insula altè prominet ex mari: ut ultra decem miliaria possit conspici & mirabili quidem pulchritudine. Quia montes marinis fluctibus pro litore oppositi arenulas vel Scobes habent partim aureas partim argenteas. Quare Solis radijs collustrati montes illi splendidissimi atque incredibilem fulgorem longè lateque dispergunt.

Tertia pars. descriptio-
nis. Ipsa
regio &
partes.

Insula dividitur in Respublicas quatuor. 1. Est Tyrannis. 2. Ὀλιγαρχία. 3. Δημοκρατία. 4. Mixta forma. In Tyrannide Princeps arcem habet munitam (describarur arx munita, à spacio, à forma, à vallis, muris, turribus, machinis bellicis, militibus praesidiarijs) Ipse Princeps prodit raro, multis cinctus est stipendiarijs: vultu pallidus corpore macilento: vestitu sordido & lacero. Subditi conspiciuntur multi in aulae limine, supplices, in terram abjecti, praesertim si Princeps

exeat aliquo: alij de alijs præfectorum injurijs conqueruntur. Sed etiam si accipiat libellos supplices, princeps: tamen ubi in pontem venerit, undè ex arce ad urbem transitur, hic in aquas plerumq; abijcit. (Addantur alia Principum tyrannorum, sive sua tamen lucra quærentium signa indicia.) In Oligarchia, Magistratus lautissimè vestiuntur: vitant atq; ædificant splendidissimè. Videre licet incedentes &c. (Describatur Consul aliquis aut Senator superbè se inferens: Vestitus: gradus: vultus: sreatus: salutatio: Oratio: ministri &c.) In Democratia confusa omnia, & suspicionum plenissima: quotidie querelæ in foro & circulis, de Magistratuum negligentia, imò peculatu. Præterea sermones crebri de melius elocandis bonis publicis. Ubi hi aliquando serbuerint sermones, tumultus excitatur &c. (describatur seditio populi poscentis rationem à senatu, & Magistratuum mutationem.) Mista forma iisdem quidem turbatur malis, Sed magis occultè res geritur, & ex insidijs.

Principio, quod incredibile esse sanè sentio argenti atq; auri nullum est in hac regione precium. Verum ita facilimè hoc mihi assentimini, si de copia intellexeritis. 1. Fluvij aurum vehunt pro fabulo. Indè etiam poma, etiam fruges atq; omnes fructus aureos nasci, certò ad nos relatum est. Deinde artium istarum, ut ita vocem auriferarum usus vulgatissimus. Rustici ibi Alchimistæ sunt: tum furari, defraudare, latrocinari, honestissimi artificij loco habetur &c.

Non possum nunc dicere de bellis, victorijs, hostibus, legibus, alijs institutis hujus provinciæ: non quod voluntas dicendi aut materies desit, aut quod in auscultando non operæ precium aliquod fieri censeam: sed quod reliquis etiam dicendi locus relinquendus sit.

Exercitium Quartum. Insula 2. Argos vel Argi.

Homo ad laborem natus est: & impietas mera est perpetuum otium sibi optare. Quod si quis ita ignavus sit, ut omnino ad labores animum applicare nolit, huic author essem, ut in istam Insulam Argos navigaret: quæ altera est inter fortunatas: & de qua institui vobis commemorare.

Primum portus & accessus facilis est. 2. ipsa regio per se fertilissima omnium rerum necessariorum. 3. nulli magistratus neq; civitates neq; pagi: nulli opificum stridores: neq; seritur neq; metitur.

Quarta pa.
Fructus re-
gionis.

Epilogus.

Exordinm
Propositio

Narratio
vel descri-
ptio.

Conclusio

4. Domus & raræ & semirutæ per vetustatem. 5. Homines fordidi: oculi nocturnis levis obsiti: caput impexum: vestes pendulæ & semilaceræ &c. Viri, mulieres, adolescentes, virgines, pueri singuli describantur ignavi scilicet. 9. Depressior est insula & incolæ nullas opposuerunt aggerum moles, itaq; sæpè irruptionem facit mare: & non fructus tantum avehit, sed ipsos homines etiam. Frigus molestissimum est: Exposita est enim insula Austro istis locis frigido vento Ideoq; in hyeme graviter affliguntur: quod neq; ex terrâ quicquam suppetat, neq; illi satis tempore in hyemem sibi consuluerint
Et tantum quidem de Insula Argis habui: quæ sive vera sunt sive ficta, miseram sanè ignaviæ conditionem videntur demonstrare.

Exercitium Quintum Insula, Tertia Bromia.

Exordium

Vera animi iucunditas ex literarum virtutisq; conscientia persentiscitur. Quam quia pleriq; ignorant, adeo ad ignavas hominesq; indignas cibi & potus voluptates sese ahijciunt.

Propositio

His ego hominibus ita voluptariæ rei studiosis consulerem, ut quantum possent se in Bromiam Insulam conferrent. Est enim hæc inter fortunatas insulas rebus ad gulam pertinentibus refertissima, quod nunc porro ex me cognoscetis.

Descriptio
Insulæ.

1. Rex Bacchus Regina Ceres describantur, 2. Opifices nonnulli. 3. pleriq; cives Musici, describantur organa Musica varia. 4. Choreæ frequentes, describantur. 5. Arbor quædam singularis (figatur altitudo, & crassities, colores & figuræ foliorum) fert fructus quater in anno: hyemelanam & adeo continuam illam ut non opus sit texti, sed ipsa usum vestis præbeat. Eadem arbor veris tempore fert pomi quoddam genus instar ovi: unde postea si Solis calore foveantur illa poma, excluduntur atq; evolant omnis generis aves columbis nostratibus, anatibus atq; anseribus non absimiles. Sub autumnum nascitur quiddam ex eadem arbore secundum corporis figuram ovem referens, sensibus tamen carens. Narrant autem etiam carnes habere nostratibus agninis non planè dissimiles. In hyeme arbor visco oblectitur. Atq; hoc collectum & soli expositum ajunt in auri laminas con crescere, Præterea & Illud mirabile habet arbor ista, ut si dextero late tenuissimum foraminulum aperiatur fluminis instar magnam vini rubri copiam profundat, si sinistro tantundem albi. Et hujusmodi sanè

sunt.

sunt quæ de Bromia insula referuntur.

Quibus etsi ego ipse parum assentiar, tamen puto non defuisse, quibus rerum adeo lepidarum narratio si non utilis tamen jucunda fuerit.

Exercitium Sextum Insula 4. Cythera.

Vetus fabula est de veneris monte, sed magis obscæna sunt quæ narrantur quam ut ingenuæ aures ijs auscultandis operam dare debeat. Omnis enim orationis obscænitatis pestilenti quadam contagione ipsum animum vitiat ac corrumpit.

Speramus igitur rem & gratiorem vestræ sanctimonix & Reipub. utiliore facturos nos esse, si intempestivorum amorum turpitudinem magis casto figmento de Cythera vel amorum Insula adumbremus. Quod ut faciam eò alacrius vestra auscultandi benignitate studium nostrum promovete.

Est peninsula. Nam cum Bromia continentem aliquam terram efficit, reliquis verò partibus inaccessa est propter scopulorum circumfitorum multitudinem. Itaq; qui hanc Insulam petunt, ad Bromiam naves appellant, & inde pedibus in Cytheram transeunt.

Habitatur Insula ab Amazonibus. Amazones in Thracia habitârunt, unde pulsos in hanc insulâ commigrasse vero non absimile est.

In Cytherâ Amazones habent extructas arces elegantes: magis tamen ad alliciendos hospites, quam hostes arcendos aptas. (describatur arx elegans & picta).

Ipsa & vestibula & limina ædium eleganter picta & ornata.

Humanitate in excipiendis hospitibus singulari: obviam procedunt: hilariter habent, assidet utrinq; virgo lepidissima: musica artificiosa adhibetur: bibitur plus satis.

Nocte expilant hospitem: manè sine misericordia è finibus suis eijciunt. Et hæc quidem de Cythera habui, quæ dicerem, quæ, si falsa vobis videntur, non multum erraveritis. Neq; tamen pro nugis haberi velim: quod veritatem quasi nucleum intra se conclusam habeant putamina illa figmentorum.

Exercitium Septimum. Insula quinta Alazonia.

Notum est ex Romana historia in remotissimas regiones abire iussos esse, qui aliquo sceleris exemplo integerrimos Reipub. illius mo-

Epilogus.

Exordium

Propositio

Narratio.
Pars prima
Situs.

2. p. Habitatores.

3. p. Describatur Amazon.

4. pars.
5. pars.

6. p. Crudelitas in hospitibus.
Epilogus.

Exordium

res

res contaminaverant. Ea tempestate factum puto, ut arrogantium sui prædicatorum, tum aliorum fastuosorum hominū turba in Insulam Alazoniam amandaretur.

Propositio Nam est ea Insula isto hominum genere refertissima, imò ab eo uno habitata, quod ex eis, quæ jam mox de Alazonia exposituri sumus pluribus cognoscetis.

Narratio. Ipsa Insula multos montes habet, in quibus plurimus ventus gignitur.

1. pars. Fortissima hominum sunt corda.

2. p. Est ibi mirabile quoddam hominum genus volatile: sed ventum coguntur expectare: brachijs annata habent alarum remigia.

3. p. Rex unus quidem, sed populus valde seditiosus, ut sine horum consensu nihil ille tentare audeat.

4. p. Bellicosissima natio, non tantum fortiter expectant domi hostes, sed etiam foris ultro provocant.

5. p. Vestitus Regis describatur.

6. p. Vestitus militaris Thraconicus.

7. p. Itaquæ non infelix adeo est Alazoniæ insulæ conditio, quod utinam persuaderi possent, qui arrogantia studiosiores sunt, ut illuc navigare malint, quam ut apud nos omnia turbarent.

Epilogus. *Exercitium 8. Insula 6. Eutychia.*

Exordium Vita nostra exposita est varijs casibus & calamitatibus: & frustra optamus, ut omnium rerum commoditates & successus ex sententia fluant atque eveniant. (addatur expositio).

Propositio Quod si quis sit ita morosus, ut hac communi humanæ naturæ conditione vivere recusaverit: hunc sane in hanc insulam Eutychiam juberem navigare. Quod hic planè ex istorum hominum ingenio vivitur. Forsitan quæretis, quæ sit illa Insula Eutychia? id nunc si auscultationis vestræ benigniter mihi operam præstiteritis, paucis planum faciam.

Narratio. Insula utitur aère saluberrimo & suavissimo. Describantur venti, partes anni. E. g. hyeme nullum frigus, aut saltem non molestum: ut fornace succensa non sit opus.

Pars 1. Aestas non est gravis: Nullæ pluviae, neque pulices neque culices &c.

p. 2. Sita est loco munitissimo atque inexpugnabili: ideo neque Tur-

Cam neq; alios hostes metuunt.

Domi tanta Civium omuium concordia & mutua inter se benevolentia : ut nulla cuiquam ab altero molestia exhibeatur : officia vero singulis ab omnibus ad fastidium usq; obtrudantur.

Ibi quicquid optas erit. Quod voles munus nescio à quo Deo, impetratur. Si quis esurit cibum lautissimum quemq; sibi exoptat dari : & ubi vix concepit votum, statim delicia illæ nescio unde in mensa adsunt &c.

Hic nulli morbi : Homines pulchri : læti atq; hilares : semper saltant ac jocantur. Vivunt secula tria, quatuor. Neq; tamen ullus est, quamvis maximè senex, qui meminerit se lacrymam ex humano oculo destillantem videre.

Vivi tandem abripiuntur in cælum.

Vtinam humana stoliditas, quæ ita falsè de Eutychia insula narrari facile agnoscit, & à singulis nobis vanissimè sperari tandem aliquando deprehenderet ! Quis enim est, quin cum contraria omnia vitæ quotidianæ consuetudine omnes comperiamur, tamen vel in proximum annum non meliorem rerum humanarum usum & planè Eutychiæ insulæ conditionem auream polliceri sibi audeat ? &c.

Exercitium 9. Insula 7. Eusebe.

Longe plurima hominum pars improbitati dedita est : inde ergo tot exempla scelerum & turbarum in communi vita : neq; ullis legibus hoc unquam assequi poterit vel una respublica, ut malitia humani ingenij planè extirpetur &c. (addatur expolitio)

Quod si cui Reipub. divino quodam fato contingeret, dubiū non est, quin ea omnium felicissima habenda esset. Id vel hinc colligere licet : sc. ex insulæ Eusebes descriptione : si vobis in ea auscultanda operæ vos precium facturi videbimini.)

Insula non magna est. 1. Duo sunt ad eam aditus ad formam litteræ Y &c.

Una est Respublica regnum scilicet. Rex καλοκάγαθος statura mediocri, facie perhumana ac clemente &c. (describatur corporis figura & vestium cultus.)

Rex tanta est dignitate aut charitate potius apud suos, ut nullis utatur satellitibus vel corporis custodibus. Domi aut orat aut philoso-

P.3.

P.4.

P.5.

p.6.
Epilogus.

Exordium

Propositio

Narratio

1.

2.

3.

phatur. Postea progreditur in Curiam: ibi videas circumfusam turbam plebis. Ille autem singulos admittit, in lectica sedens, ut salutet, ut manum osculentur.

4.

Cives omnes honestissimi homines: describantur vultus, incessus, vestitus, negotia, sermones.

5.

Opum nihil quisquam proprium possident, aut videntur saltem possidere. Etiam si enim singuli habeant domus suas, hortos suos, penum, pecuniam, fructus suos, tamen si alicuiusque ipsdem opus sit, liberrimus aditus patet &c.

Epilogus.

Et huiusmodi sanè insulam Euseben esse & credere & optare impune licet: sperare autem fortassis frustra esset.



Oratio I.

EXERCITIA THESEOS.

Exemplum. I.

*An bellum sit gerendum.**Pro sententia Negativa.*

EXORDIVM ab occupatione. I. Præmonitiō. Credo ego A. non defore, qui ubi orationis nostræ argumentum intellexerint à nobis dissentiant, & illud omnino in hunc locum non adferendum fuisse arbitrentur.

2. Sententia Adversarij. Nam de bello dicturi sumus: an bellorum gerendorum ratio atque institutum illud nimis, ut videtur, inter Christianos frequens, non ab his tantum sed ab omni humanitatis nomine planissime ablegandum sit: an verò ferri atque excoli possint etiam à Christianis, ut pacis ita etiam armorum studia, quantumvis ab Ethnicis accepta. Sed quid Marti cum Minervâ, dicetis? quomodo non ineptè ad hæc literarum ocia & silentia, illa de armorum strepitu & tumultibus oratio introducetur?

3. Ratio à simili. An non enim qui apud virgines de meretricibus, in Theologorum confessu de blasphemijs, in honestissimorum hominum convivio de scurris instruerit sermonem, non ridebitur for-

lum

lum, sed pro importunissimo homine habebitur? neq; id injuriâ, cum non tantum orationem ad auditores non accommodaverit: sed etiam laudi ac studio sibi videatur duxisse, ea potissimum sectari, quibus alijs afferret molestiam. Eodem etiam nos videmur condemnari posse crimine qui ad dicendum prodeuntes, illud ad vos argumentum apportamus, quod vestris studiis vitæq; institutis maximè adversum atq; inimicum est. Quid enim belli studiis commune esse poterit cum pacis artibus? quid militum castris cum Musarum hortis: quid lituorū cantibus cum literarum silentijs? quid deniq; huic ocio atq; quieti, cum istis turbis atq; agitationibus?

4. Nostra præmonitio. 5. Sententia nostra.
9. Ratio pro nostra sententia. 7. Solutio contrariæ orationis.
8. Amplificatio. 9. Conclusio, addantur.

II. Propositio Sentio igitur à bellorum feritate abstinendum esse ijs omnibus, qui humanitatis nomen tueri volunt. Atq; ut rationes quare ita sentiam, intelligatis, paucilli temporis usuram ad explicandas eas à vobis mihi concedi peto.

III. Confirmatio Argumentum I. ab honesto. Parum honestum est homini ad eam pugnandi rationem descendere, quæ beluarum potius quam hominum est. Etenim beluis videmus concessa esse à naturâ ea arma, ut corporis robore inter se contendere possint. (Fiat inductio) solus homo inermis natus est ut defensionem sui non à violentiâ armorum, sed humanissima rationis disceptatione petendam meminisset. Ut vere non minus inepte armis uti homo videatur, hincq; sui defensionem petere, quam si bestię ratione se defendere conarentur.

Argumentum II. ex eodem loco. Accedit quod summa impietas, crudelitas horrenda, scelera alias inusitata atq; inaudita, in bellis non exercentur tantum, sed impunè grassentur adeò. (declaretur hoc de singulis istis vitijs.)

Argumentum III. ex loco 2. à damno scil: Nulla salus bello verè dixit Poeta: nisi quod verius etiam dici potest: nulla non ex bello calamitas atq; miseries. Quæ enim rei vel publicæ vel privatæ pars in bellicis tumultibus non certissimo exposita est periculo? Neq; enim tantum fortunæ & opes tum pxiuatorum tum Reipub. hostium

rapinis atq; latrocinijs: sed etiam vita cujusq; sed etiam libertas, sed etiam religio sacraq; & penè ipsa æterna salus alieno ludibrio ac dominatui per illam temerariam bellandi cupiditatem obijciuntur.

Argumentum I V, ex loco 3. injucundo. O miseram illam Reipub. faciem, quæ mili tum prædæ ac libidini exposita fuerit: ô spectacula fæda atq; horrenda! ubi videas passim non privatas tantum ædes, sed curias, aulas, templa hostili conflagrare incendio: passim vias cadaveribus honestissimorum hominum & tibi familiarium oppletas, videas strictum barbari ac pessimi militis gladium aut pectori aut cervici imminuentem tuæ: audias te indigna, ipso autem authore nebulone dignissima convicia: qui te jubeat thesaurum prodere, ex ædibus migrare, manibus post tergum revinctis esse, tundat, raptet, prosternat: etiam charissimorum tibi vel cæde faciem conspergat, vel alijs injurijs oculos atq; animum adeò maceret.

IV. Confutatio. Quæ quanquam ita sunt in promptu ut neminem facile latere possint, tamen eam invenias multorum avaritiam, ut prædæ, quam sperant, cupiditate, ultrò bella dari exoptent. Dicant enim, ita vel armis maximè & rem & gloriam reperiri. Ut ignavi animi sit, & ad res præclare gerendas inepti, illam per arma concertationem temere detrectare (subijciatur Responsio.)

Obiectio 2. At enim, inquit, necessaria sæpe est belli gerendi ratio. Multa enim est humanorum ingeniorum iniquitas: & quo quisq; ferè est innocentior & ad ultionem sui tardior, eò frequentius ab aliorum malitia & nocendi libidine appetitur (subijciatur responsio.)

V. Epilogus. Fiat repetitio propositionis & argumentorum: & addatur gravis aliqua sententia e. g. Ut in beluas vel Diabolos potius degenerasse videantur, qui tanto profundendi humani sanguinis quasi furore exarserunt.

Orat. II.

Exemp. II.

Altera sententia Affirmativa.

Exordium à reprehensione adversarij. Si tantum in consilijs dandis ea spectanda essent, quæ honestatis utilitatisq; aliquam præ se speciem

speciem ferrent, sententia hodiè hic dicta eò habenda esset salubrior ac laudabilior, quò videri cuiquam minus consideranti posset utilior atq; honestior. Verum rectè præcipiunt, tum qui de oratorijs, tum qui de politicis inventionibus præcepta congesserunt: non tantum illa quæ dixi honestatis atq; utilitatis quasi specimina attendenda esse dum consultamus: verum etiam illud videndum, num libera sit consultandi facultas, & an non ipsa necessitas ita ad quædam suscipienda adgat, ut non nisi frustra & stolidè, quæ ex alia parte utilitas, atq; honestas sit, commendetur. (Declaretur hoc exemplo ficto febricitantis: cui aliquis persuadere satagat, honestum & utile esse vinum bibere.)

Propositio. Eadem stoliditate facere mihi videntur, qui à bellis dehortantur, quod quam honestissimam & utilissimam pacis conditionem depingunt: tum multa dicunt de bellorum incommodis ac turpitudine. Quicquid enim de istis omnibus sit: in eo tamen hi consultores errant pessimè, quod non vident eò tempora nostra recidisse, ut etiamsi parum commodum sit, aut cum nostrâ laude fiat, tamen omnino belligerandum sit.

Confirmatio. Mâgna est enim temporum atq; hominum malitia: omnes eò intenti, ut ex aliorum incommodis sua comparent commoda. Itaq; nulla major ad injurias illecebra, quam si improbi homines impunè se eas inferre posse sibi visi sunt. Ut qui bella & arma suscipienda prohibeant idem mihi facere videantur, ac si vetent incendium ab ædibus, lupum à stabulis, & omnem aliam calamitatem à fortunis nostris prohibere. Est ea licita ratio, & ab omnibus sanæ mentis hominibus cupidè apprehenditur, ut si qua vis aut injuria afferratur eam omnibus modis à vobis depellere connitamur.

Neq; caret hæc bellorum ratio omni virtutis commendatione. Nam est fortitudinis arcere vim à tuis, rapinam à patria, sacrilegia à templis & aris. Fortitudo autem est virtus præclarissima (dicantur laudes fortitudinis.)

Et mirabiliter sanè accidit, cum publicis bellis nihil videatur calamitosius, ut tamen si illa prudenter administrentur, maximo Reipub. emolumento futura sint. 1. Repremitur contumacia hostilis 2. Juventus exercetur bellicis artibus 3. Vires Reipub. adaugentur ex victo-

adversat:

Argu. 1. à necessario.

Conclusio per simile.

Propositio major.

Argu. 2. ab honesto.

Argu. 3. ab utili.

ria 4. metu illo & calamitate luxuries atq; improbitas civitatis imminuitur, tum pietas atq; innocentia major efflorescit s. celebritatis quædam nominis ex virtute civibus acquiritur.

Confutatio. Respondeatur ad argumenta superioris orationis posita in confirmatione per negationem consequentiæ &c.

Conclusio. Quare orandus quidem est Deus, ut bellorum tempestatem à Rebuspub, nostris longissimè arceat: interim si aliena improbitas pacem publicam turbaverit, non detrectanda est iustitiæ & patriæ defensio necessaria: maximè cum in eadem & gloriæ materies & multorum emolumentorum spes sita sit præclarissima.

Exemp. III.

Oratio I.

An Philosophia sit docenda apud Christianos
pro sententia Negativa, Oratio I.

EXORDIUM ab occupatione. Ira ferè sit A. ut si quis sententiam à vulgi iudicio paulò abhorrentem dixerit, non attento quibus eam rationibus muniat, falsum dixisse iudicetur. Quæ sane iniquissima non dicendi solum, sed vivendi etiam ratio videtur. Quid enim iniquius, quam ita non tantum ad aliena sed vulgi etiam iudicia obligatum esse, ut ne transversum quidem, quod dicunt, unguem pene sine scelere ab eadem discedere liceat. (addantur confirmationes) 1. vulgus imperitum, ut cæcum ductorem sequi nos jubeat, qui ad sententias vulgi ableget 2. Nulla major dissensio quam recte sentientium & vulgi &c.

Propositio. Itaq; his fretus ausus sum hic proponere sententiam, à vulgi quidem, quod fateor, opinionibus, sed non à veritate item discrepantem. Sentio igitur non recte fieri id quod vulgo fit, ut Philosophia Arist. & unica illa in Christianorū cætibus scholasticis teneræ juventuti instilletur. Jam vos non idem mecum sentire, ignorare non possum. Itaq; illud vos oro, ut sentire mecum possitis, quod spero, rationes quas in eum finem afferam, animis attentis auscultetis.

Arg. I. ab inhonesto.

Confirmatio. Multa impietatis semina latent in literis illis Ethnicis. Primum. Impietas quædam est ita naturam, & quæ ex ea emolumenta capiuntur, considerare, ut non potissima & frequentissima Dei authoris & largitoris fiat mentio. Nihil horum fit in Aristotelicis præclari istius viri libris. Quid dico sit? imo contraria sunt om-

nia : dum quæ in cælo generantur pluvix, nives, cometæ, alia meteo-
ra : in terris metalla, fruges, animalia, & quæ alias in mari & universo
mundo producuntur, ita suis causis tribuuntur, ut Deo nullus relin-
quatur locus (Enumerentur alia, e. g. Abnegatur creatio & finis mū-
di, & immortalitas animarum).

Præcipuæ virtutes sunt erga Deum fides, humilitas, oratio : Er-
ga proximum misericordia, charitas : Erga nosmetipsos castitas & so-
brietas : Quid de his omnibus habet Aristoteles ? quæ autem his dem-
tis poterit esse vitæ honestas ? porro quos ille posuit virtutum titulos,
quid in istis ostendere mihi possis, quod præter vanas subtilitates, &
vocabulorum grammaticas expositiones, ullam vim ingenerandæ
honestatis contineat ?

Philosophiæ studium præterquam quod nulli ad pietatem emo-
lumento est, etiam damno nonnulli videtur esse. Etenim sit aliquis
versatissimus in Physicis & Metaphysicis Aristotelis : nunquid pro-
pterea ad fidei intelligenda mysteria paratior accedet ? imò ineptior.
Quod quò quis humanæ sapientiæ præsidij se magis instruxerit, eò
vehementius majoriq; studio cælestem sapientiam, humanæ adversa-
riam à se propellet. Porro quæ in Ethicis de moribus præcipiuntur,
num pietatis quædam semina & initia sunt ? ita quidem nonnullis, sed
mihi non item videntur. Quomodo enim ad pietatem prodesse,
quæ Dei diviniq; cultus tanquam præcipuæ in pietate partis ingratam
quandam oblivionem invehunt ?

Non dicam nunc de alijs incommodis, quæ in omnem huma-
nam vitam ex Philosophiæ studijs apportantur : quod alacria aliquan-
do adolescentum ingenia, quæq; alijs saluberrimis rebus distineri po-
terant : sicut Hercules ad Augiæ expurgandum stabulum, ita illi ad
philosophicas literas magno Reipub. damno relegentur.

Qui mihi ubi è Philosophico ludo progressi fuerint, sua quidem
opinione egregie sapientes, sed reverà strenue desipientes : ubi ad rem
ventum fuerit, & seria agenda sint, Philosophi in vita h. e. asini ad ly-
ramprehenduntur &c.

Et cum omnia studia liberalia suâ quadam jucunditate animos
alliciant, si à vanis professorum promissionibus discesseris, nihil in li-
teris his, quod magnopere delectet, facile reperietur i. omnis adole-

Arg. II. ex
eodē loco.

Arg. III. à
damno
vel inutili

Ar. IV. ex
eodē loco.

Arg. V. ex
eodē loco.

Arg. VI. à
molesto.

scientiæ

scientiæ ætas impendenda est, & in rebus obscurissimis quidem, & ita sanè ut postquam quadam ingenij luce multoq; multorum annorum indefatigato studio istas tenebras perruperis, pro nucleo vermiculi stercora h. e. pro sapientiæ, quam sperabas segete, meros nugarum tribulos & lappas invenias.

Conclusio. Itaq; si meo quidem arbitrio res ageretur censerè longè utilius & magis ex pietate facturos adolescentes, si maturè philosophicis nugamentis, sapientissima sine omni dubio divinæ scripturæ documenta arriperent. Quæ ad ingenij subtilitatem pertinent, mallent ex ingeniosissimis sacræ scripturæ libris, quam ex cæco h. e. stulto Aristotele discere: quæ ad mores & probitatem: ex pietatis potius fontibus, sacris scilicet literis quam ex istis rivulis & lacunis haurire.

Exemp. IV.

Oratio II. pro sententiâ affirmativâ.

EXORDIUM. à reprehensione adversarij. Nullam, ajunt, non à sanâ ratione tantum sed communibus penè sensibus adeò absonam sententiam reperiri, quin eadem suos defensores & patronos nanciscatur (poterunt adduci exempla, αἰτιολογία, simile, contrarium) Atq; hoc adeo ex re præsentī venit in mentem mihi: ubi adversus philosophiam declamatum est, idq; iniquissimè postulabatur ut hujus ex christianis scholis omnis relegaretur usurpatio. Quâ sententiâ non dicam quid iniquius, sed quid ab humanis non animis tantum sed auribus magis abhorrens? & tamen eadem suis quibusdam rationum fulcris niti atq; exstructa esse videbatur.

Conclusio
vel applic.

Propositio

Verum ut intelligatis quid falsitati veritas intersit, & quàm parum firmitatis habeant illi per sophismata connexi argumentorum nodi 1. pro philosophia retinenda pauca quædam disceptabo. Quid enim opus est in re expeditâ pluribus? Deinde illas sophismatum insidias quasi disturbabo.

Argu. I. ab
honesto.

Confirmatio. Vere dictum est, quod communi tritum sermone in proverbij consuetudinem abiit: Ars osorem non habet nisi ignorantem. Ut non tantum philosophicæ illæ liberales & ingenuæ literæ, verum nihil sanè quod ab arte aliquâ & ingenio aliquid cognominis

trahat,

trahat, sine indubitata ignorantia suspitione h. e. ignominia & infamia macula contemni queat.

Dei donum sunt illa humana sapientia in prima creatione impressa vestigia ac reliquia. Ut ipsum authorem & hujus majestatem laesisse videatur, qui eas quadam contumelia labecula contaminaverit.

Arg. II. ex eodē loco.

Accedit quod in Philosophia vituperatione hoc mirabile evenit, ut accusari ea non possit, nisi ab ijs qui accusandi vel disputandi contra eam rationem ex ipsa Philosophia haustam, nefaria quadam ingratitude, in matris sive magistrae suae viscera quodammodo convertererint.

Argu. III.

Quid enim Philosophia, nisi quaedam de natura & mundo universo accuratè subtiliterq; judicandi: de moribus & probitate salubriter monendi ac precipiendi: omniaq; adeo quae mente & oratione perficiuntur, artificiose ac dextrè administrandi quaedam methodus ac ratio? Quibus rebus qui carere vitam humanam posse asseveraverint, non minus ferendi sunt, quam qui vestium, qui culinariae artis, qui magistratus aliarumq; rerum necessariarum usum è medio sublati concupierint.

Instruit Ethica Juris consultum, Physica medicum, Politicus autem esse aut Reipub. inservire sine Politices cognitione, qui poterit quispiam? Ita oratoria facultas & Logicae studium adeo cum reliquis, ut vocant facultatibus connexa sunt atq; cohaerent, ut frustra de ullis in his progressibus spem tibi facere, aut si quid miserè & multo labore tandem collegeris, sine Logicarum artium adjumento nihil quicquam ad communes utilitates conferre posse videaris.

Ar. IV. ab utili.

Confutatio. Respondeatur ad argumenta superioris orationis ex praeceptis Theaeos.

Conclusio habet repetitionem argumentorum in confirmatione positorum: & adhortationem ad Philosophiae studium.

Exemp. V.

Oratio I.

An Philosophia sit discenda à Theologia

Studioso Sententia Negativa.

EXORDIVM. à necessitate argumenti. Temeritas pessima est A. in studiis aut occupationibus aliquibus ita degere aetatem, ut

h

non

non ratione certà ad ea perductus sis, quam exponere alijs facile possis. Quod multi faciunt, ut vel more aliorum quibus cum vivunt aut alio impetu animi stulto ad vitæ aut literarū aliquod gen⁹ studij se appellāt.

Propositio. Ut igitur eam temeritatem devitarem & mecum multi: judicavi rectè me facturnum, si non mecum, sed hic in publico considerarem: rectè ne fiat, quod vulgò fit ut ad studia Philosophiæ artem conferant, atq; operam hic consumant etiam illi, qui S. literarum studijs se devoverunt. Ego verò non rectè fieri contendam. Verum quò magis abhorret hæc mea oratio à consuetudine & vulgi auribus, eò æquius esse puto à vobis hujus causæ disceptatoribus mihi pro veritate & omnium commodis hanc contentionem subeunti benevolas & ab omni præjudicatu vacuas aures patefieri.

Arg. I. ab
inhonesto.

Confirmatio. **Præmonitio.** Tribus verbis inquit bona causa. Ita hic facilis res. **Propositio major:** Hoc primum à vobis mihi quærendum, possitisne sacram scripturam in hac causa ferre judicem? non potestis recusare pro vestrà pietate (h. e. Quod S. scriptura docet, de eo porrò dubitandum non est) Itaq; jam evicta est causa: quid postulabitis amplius? quid potest ferri clarius illà sententià?

Minor Col. 2. v. 8. 9. Jer. 10. v. 2. 1. Mac. 1. v. 14. 15. Rom. 1. v. 22. (urge verba.)

Arg. II. à
contrario
necessarij
vel temeri
rate.

Major per
occupati-
onem.

Magnam, inquit, Philosophiæ utilitatem esse. At ego potius in discendo illud spectandum censeo, quid necessarium, quam quæ utilia sint: quod horum nimia multitudo sit ideoq; & necessaria negligantur dum sectamur quæ passim utilitatis aliqua specie arrident: & temeritatis incurratur suspicio vel crimen dum animus alijs atq; alijs utilibus, ut putat, discendis inhiat.

Et fugit interea, fugit irreparabile tempus,

Minor.

Omnia dum capti circumvectamur amore: secundum Poetam. Quicquid igitur sit de Philosophiæ utilitate non oppono me, non contrà contendo: Nego necessaria esse ejus sapientiæ Ethnicæ studia homini Theologo: itaq; vix absq; certissima temeritate suscipi sentio. (Probetur minor per inductionem officiorum Theologi) omnis Theologiæ ratio distribui potest in discendi studium, & officij administrationem. Neutrobi opus est Philosophiâ. Etenim hauritur S. Theologia ex unico S. literarum fonte per devotionem orationis, lecti-

onis frequentiam, meditationis assiduitatem: (fac ironicam inductio-
nem: de usu Philosophiæ in precibus, lectione, meditatione) Admi-
nistratio officij consistit iu consolando, instituendo, adhortando &
adversarios veritatis refutando. Hic dicent opus Philosophiæ? Res-
pondeo quâ parte! Num ex Physicis, Metaphysicis &c. advocabis
unde consoleris? &c. stultè primum: deinde etiam impiè cum ver-
bo suo ista addi subsidia nolit Deus 2. Tim. 3. v. 16.

At Logicâ, inquit & Rhetoricâ opus præsertim ad refutan-
dum hæreticos? Respondeo: Ergo hæc iam ad philosophiam perti-
nent quod aliàs acerrimè negari solet ab iisdem ut vocant Peripate-
ticis. Dicant ergò his potius opus esse quam philosophiâ. Respondeo
2. Neq; his adeò opus: modo firmiter inhæreatur veritati. Nisi pu-
tas non doctè aut graviter consolatos fuisse, aut adhortatos aut adver-
sarios refutasse prophetas & Apostolos sine his artibus.

Epilogus habet 1. repetitionem. 2. adhortationem ut bonas ho-
ras malimus in pervolvendo S. codice, quam in vanis Ethnicorum
nugamentis collocare.

Exemp. VI.

An philosophia sit discenda à Theologia studioso.

Oratio Apologetica pro sententiâ affirmativâ.

Orat. II.

EXORDIUM. Redditur causa suscepti argumenti.

Si eorum studia atq; operæ commendantur, qui vel quolibet
arrepto dicendi argumento in eo ingenium vel experiuntur vel exer-
cent, quod ipsa industria laudem optimo mereri jure videatur: mul-
tò minus ingratum vobis futurum spero A. institutum & consilium
meum, qui præter mei exercendi honestam, ut puto, voluntatem, eti-
am ut orationis argumentum cum aliquâ vestrà audientium utilitate
conjunctum esset operam dedi. Ostendatur 1. huius argumenti utili-
tas 2. necessitas in præsentī positā occasione, sc. quando veræ utiliq;
sententiæ de Philosophiæ usu contradictum est.

II. pars Exordij. Excuset ingenij tenuitatem modestè, & me-
diocriter per occupationem. Quanquam sum tenui ingenio: tamen
putavi rectè hujus causæ patrocinium à me suscipi. Non enim quod
à Scævola factum narrat Livius, ut cum de patria liberandâ à Porfen-

na obsidione consilium cepisset, non prius aggredieretur quam indicasset seuatui, idem in omni publica calamitate exigi poterit. Sed iustum censeri debet omne publicis malis occurrendi studium etiam si propter moræ periculum auctoritatem publicam expectare non poteris. Quidam in incendio extinguendo non Magistratus expectantur imperata, sed impellit ipsa calamitatis in alio commotio & misericordia &c. Ita huic perversæ & perniciosæ opinioni tanquam pervagaturæ flammæ etiam meâ aliquâ operâ obsistendum censui.

Propositio. ostendam Philosophiæ studia esse Theologiæ studio necessaria 2. Quod huic sententiæ veræ dubitationum ab adversario aspersum est, abstergere conntar.

Argu. 1. à necessitate

Confirmatio. Officio suo fungi Theologus non potest imperitus Philosophiæ Ergo &c. (probetur Antecedens) Etenim multa & magna quidem requiruntur in eo qui se Theologum proficitur. Est enim Theologia sapientia quædam & fastigium omnis humanæ eruditionis, & habet quandam de omnibus alijs scientijs iudicandi auctoritatem. Quod sanè nemo facere poterit, nisi omnis humanæ scientiæ fontes illos, Philosophiam scil. egregiè degustatos habuerit (Digressio: ostendatur quod ex Ethicis, Jurisprudencia: ex Physicis medicina efluxerit.) Sicut controversiarum omnium inter cives iudex constitui non potest: nisi qui leges tanquam fontes actionum iustarum probè perceptas habeat. Sicut de re nummariâ constituere non potest: nisi qui auri argentiq; valorem & naturam ex Physicis alijsq; artibus diligentissimè perceperit, atq; hauserit &c.

Simile.

2. Profyllogismus.

Quæ ab omnibus sciuntur non sine dedecore ignorantur ab ijs qui eruditione omnibus antecellere debere iudicantur. Philosophia autè discitur passim: non ab ijs tantum, qui in his literis adhærescunt, sed omnium, ut vocant, facultatum studiosis. (Enumerentur exempla Ictorum, Medicorum, Theologorum, qui egregij fuerint Philosophi.)

3. Profyll.

An non requirit D. Apostolus à Theologo ut possit &c. Tit. 1. v. 9. & 2. Tim. 2. v. 15. hæc qui fieri possunt absq; Philosophiæ cognitione? Quid enim Philosophia nisi definitiones & discrimina virtutum: tum admirabilis divinæ virtutis & veritatis in naturâ observata imago?

Hinc

Hinc igitur & exempla peti poterunt, unde hominum incredulitas confutetur: quod fecit Lutherus in concione contra Sacramentarios, & sine illis definitionibus qui potest recte ulla adhortatio aut alia doctrina institui, ut vel seipse doctor, vel populus hunc intelligat? Rursum in iisdem naturæ mysterijs quasi rudia & impolita ingenia adolescentum possunt expoliri. Quemadmodum in athleticis exercitijs ad serias ac bellicas operas præparantur. Hic & monstrosa ingenia fastum discunt deponere, ut cum difficultatem in apprehendis naturæ arcanis deprehenderint à sacris attentandis absterreantur: Et commoda ac quieta ingenia in his ludicris ad occurrendum veritatis oppugnationi præparabuntur.

Confutatio. Argumentum I. Scriptura reprehendit Philosophiæ studia. Resp. Nusquam. Qui enim reprehenderet, quæ homini divinæ imaginis reliquæ factæ sunt. At Col. 2. v. 8. 9. Scriptum est. Resp. per indignationem adversus libidinem corrumpendi sententias scripturæ. Solutio à simili fallaciâ: Si quis dicat vinum reprehendi Eph. 5. v. 18. & contendat omnem hujus usum esse tollendum &c. Jer. 10. v. 2. Astrologorum prædictiones reprehenduntur: Quarum vanitas passim reprehenditur etiam à Theologis 1. Marc. 1. Comædiarum Ethnicarum spectacula prohibentur Rom. 1. v. 22. Idololatria Ethnica. Hæc nihil ad Philosophiam.

Argumentum II. Quærit adversarius ubi sit locus Philosophiæ? Resp. in lectione & meditatione: Legere enim non est tantum oculis percurrere: sed judicare, in succum & sanguinem tuum convertere. Meditari est cum alijs etiam conferre; Quorsum opus est Philosophiâ.

Epilogus 1. repetitio fiat 2. oratio ut Deus conservet artes liberales.

Exemp. VII.

An magistratus sit tolerandus inter Christianos. Oratio I. pro sententia Negativâ.

EXORDIUM docilitatis causa narrat occasionem.

Anni fermè octoginta sunt A. cum in Suevia primum, deinde etiam alijs Germaniæ partibus ea oriretur multorum opinio, maximè qui iniquius per magistratus sui avaritiam & inhumanitatem habe-

Arg. 2 ab
utili.

bantur, tollendam esse penitus ex omni hominum memoria istam Principum & Nobilium, & eorum omnium, qui ita misere impotentem vexent plebeculam, non appellationem tantum sed potestatem etiam atq; adeo sanguinis reliquias. Neq; ea res privatis tantum obmurmurationibus clanculum fota, sed armis publicis tandem attentata atq; adeo gesta fuit. Confluxit enim amplius centum millium multitudo, pro æquitate, pro pietate, pro christiana ut narrabant, libertate, adversus iniquos, impios & crudelissimos heros suos vel Tyrannos depugnaturi. Neq; tamen tantum manu & vi, sed ratione etiam rem tantam aggressi videri volebant. Arma igitur eorum contrarijs Principum armis oppressa sunt. Quibus autem rationis & argumentorum quasi machina mentis causam suam tueri sint, spero operæ precum fore, ut mecum recognoscatis.

PROPOSITIO. Hæc igitur adversus magistratuum imperia videntur conqueri posse, qui ijs continentur 1. injusta ea esse atq; impia adeo. Deinde temeraria, & demum cum multis subditorum damnis atq; incommodis conjuncta. Hæc ergo tria querelæ hujus membra explicanda esse mementote 1. de iniquitate 2. de temeritate. 3. de damnis imperiorum.

Pars 1. de
iniquitate.

CONFIRMATIO. Principio A. cum natura ita omnes homines genuerit, ut plurimarum earumq; maximarum rerum indulserit copiam: nihil tamen aut majus aut preciosius videtur contulisse, quam quod liberos nos & nostræ potestatis produxit. Quod si igitur opes non nisi per furtum alijs eripiuntur, fama, non nisi per contumeliā, valetudo & vita non nisi per scelus & parricidium: quo facinoris nomine appellabo illā alijs eripiendæ libertatis machinationem?

Arg. 2. ex
eodem loc.

Iniquum est pares qui sunt, non frui commoditatibus paribus: iniquius, eos qui peiores sunt, pari vel meliori fortunā ac loco esse, quam bonos & commodos homines: iniquissimum, sceleratissimū quēq; ac nequissimum non tantum melius habere, sed etiam per improbitatem alijs bonis viris abuti ad confirmandam malitiæ suæ potentiam. Omnes sumus pares: ex communi nati parente: ex uno limo formati, communem trahentes aerem, sub eodem viventes dio vel celo. Neq; possunt illi titulorum strepitus discrimen interferere, neq; ex collo suspensum aurum: neq; ullæ aliæ ineptiæ, quibus se jactat magni-

Prop. min.

tuum vulgus: virtus, si quod est discrimen, verum facit: scil. hic, quod quisq; humilior est, eo vel per Magistratum injuriam, vel naturæ bonitate est innocentior. In illo autem altero ordine nobilium & Principum, Deus bone, quanta vitiorum immoderatio? quam effrenis ad luxuriam, ad scelera, ad omnia nefanda improbitatis genera atq; exempla, audacia & profusio?

Beluas eâ conditione natas esse meminimus, ut humanis voluntatibus earum sublint servitia. Hominem autem ita conditum esse divinæ scripturæ commemorant, ut & bestiis, & alijs, quæ terrâ marique continentur, tanquam Dei vicarius quidam præfideret: hic à Deo ipso ordo constitutus est, ut non tantum humano generi vim inferre per parricidium, sed cum Deo ipso belligare videatur, qui ex hominibus natos ad beluinam servitutem abripiat.

Superbia est vitium & fugienda: Alijs velle imperare & meliorem videri est superbiæ E. est vitium & fugienda.

Aliorum labore partis opibus tanquam tuis velle frui est injustitia & extremè vituperandum: Verum Magistratus, quæ sunt sanguine & sudore subditorum parta bona non tantum ad se trahunt, sed sæpe in turpissimos usus profundunt E. hoc injustitia est & extremè vituperandum.

Luxuriare, sanguinem profundere, invitis hominibus aliud atq; aliud imperare atq; extorquere crudelitatis est. Verum Magistratum evitare oportet qui ab istis immunis esse velit E. absq; crudelitatis suspicione, imò crimine magistratus nec geri nec appeti poterit.

Cum in Israelitico populo ea opinio ex Ethnicæ viciniae contagione, ut sit, obrepisset non fore Rempub. salvam, nisi & communi omnium gentium more princeps vel magistratus eidem præficeretur: cum ipse populus per Samuelem Prophetam eam rem ad Deum retulisset: quid? num sapiens & pium hoc esse institutum Deus respondit? Num placere sibi ostendit? Tantum hoc absuit ut eo facto Israelitarum, tam graviter exacerbaretur, ut in pœnam insignis temeritatis, regiae potestatis vel servitutis potius jugum populo suo imponere se non dissimularet. Eant ergo quibus ista placent, & multa de prudenti, fructuosissimâ alijsq; plurimis causis commendanda regnorum sc. institutorum ratione declamitent.

Arg. 3. ex eodē loco.

Arg. 4. ex eodē loco.

Arg. 5. ex eodē loco.

Arg. 6. ex eodē loco.

Arg. 7. ex eodē loco.

Præ-

Pars 2. con-
firmatio-
nis deteme-
ritate im-
periorum.
Transitio.
Argum. 1.

Præterquam enim quod ex ijs quæ hæcenus adduximus satis intelligere potuisse vos arbitror, quam tota adeo iniqua sit magistratum constitutio, etiam eorundem origo multis modis temeraria est. Non est à Deo constitutus magistratus: quippe qui non homines unum principem alterum Rusticum fecit, sed unum Adamum creavit, ex quo universum nostrum genus æquali omnes natalium dignitate propagarentur.

Argum. 2.

Non est à prudentibus hominibus introductus magistratus: quippe quò quisq; prudentior eò & libertatis communis studiosior, & impatientior acerbissimæ omnium servitutis,

Argum. 3.

Neq; est, quod dicant, ab universo populo & plebis multitudine operam magistratum desideratam atq; accersitam. Primò enim si omninò eorum auxilium aliquando imploratum est, ideò sine dubio imploratum est, ut à præsentī fortè ab hostibus intentatā injuriā Rempubl. expedirent, non ut amotis istis ipsi sub amicorum nomine hostes se obruderent, & æternā Tyrannidis injuriā Rempub. divexarent.

Argum. 4.

Narrant de equo cum communibus ipse & cervus uterentur pabulis, invidisse equum cervo &c. Idem sanè multis contigisse credendum est, ut cum inter se inviderent explendæq; invidiæ causā Tyranni alicujus auxilia implorarent, in hujus potestatem inciderent. Male quidem illi, sed hic pejus: Quam illi per stultitiam amiserunt libertatem scil. eam hic per scelus occupavit.

Argu. 5.

Magistratus nocent 1. Corporibus per supplicia 2. Nocent fortunis civium per avaritiam, per luxum, per bella temeraria, per odia privata 3. Tandem nocent animabus, quod cum Deus solus rex noster esse debeat, illi Deo debitos honores sibi conferri postulant.

Conclusio habet 1. repetitionem 2. promissionem quod contra hanc sententiam erroneam mox veritas defendenda sit.

Exemp. VIII.

Oratio II. pro Magistratum dignitate.

EXORDIUM à difficultate rei. Fit nescio quomodo A. sed tamen fieri certissime constat, ut semper difficilior accadat veræ justæ causæ defensio quàm ejusdem oppugnatio.

Ne longius abeam, vel ex hac controversia quæ hodie proposita est, quod dixi intelligere potuistis. Quid enim aut verius aut iustius, quàm magistratus auctoritatem debere salvam atq; integram, imò sacram, inviolatamq; esse? & tamen idem quam facile oppugnatu sit, & quam multis rationibus attentari, & quasi machinis bellicis affligi atq; concuti possit, ex oratione ejus, qui ante me dixit cognovistis. Verum quanta cum difficultate ejusdem justissimæ sanè verissimæq; causæ patrociniū conjunctum sit, mallem alium potius experiendo didicisse quam me conquerendo hic vobis molestum esse. Sed jacta est alea: potius quicquid erat difficultatis sustinendum, quam veritatis justitiæq; defensionem temerè deferendam censui. Qua in re si quod æquum bonum est me censuisse judicare potestis A. vos oro, ut quo favore veritatem & justitiam, quo æquitatem & communem humanitatem, quo universi humani generis salutem deniq; prosequimini eodem auscultandi studio hanc actionem & pro magistratuum dignitate susceptam orationem comprehendatis.

Propositio. Dicam de duobus: Primò, instituiam exponere rationes, ut puto, gravissimas & sanctissimas pro retinenda magistratuum auctoritate. Ostendam quam multis modis necessarium sit ut sub magistratuum tutela vivamus. Deinde varias utilitates ejusdem rei commemorabo. Quæ ubi explicata fuerint: tum demum à leviculis & contumacibus hominibus aspersæ magistratui reprehensionum maculæ abstergendæ erunt.

Confirmatio. Atq; ut inde proficiscatur orationis meæ initium, certè quicquid dicatur de varijs ex magistratu oboriuntibus incommodis, negari non potest, summam atq; in evitabilem hujus ordinis in humanâ societate necessitatem esse. Primò: Est mandatus à Deo Magistratus Rom. 13. 1. Paral. 19. Gen. 9. Propositio major. Quæ Deus instituit hæc abrogare velle extremæ & dementiæ & impietatis est, & cum certissimo conjunctum exitio. Conclusio. Itaq; non minus sceleratè quæritur & sacrilegè, sit ne Magistratui præstanda obedientia, quam si quis profanissimus homo quærat, an divino Numini suus cultus admovendus sit.

Non potest esse Respub. salva, nisi salvo Magistratuum ordine. Propositio major. Quæ ad Reipub. salutem pertinent, omninò de-

Arg. 1. ab honesto.

Arg. 2. ex eodem loc.

pendenda sunt. E. Magistratus est defendendus. (probatum minor per similitudinem) corpus saluum esse non potest nisi anima salva, cujus prudentia regantur corporis membra. Magistratus autem sunt Reipub. pro anima (Applicetur simile per partes: Item afferatur hic Apologus Menenij Agrippæ, qui est apud Livium lib. 2. decad. 1.)

Arg. 3.

Sine Magistratu non potest defendi Respub. ab injurijs. Propositio major. Injuria sunt omnino prohibendæ: & quæ huc profunt, sanè Reipub. pernecessaria sunt E. Magistratus est necessarius. (Probatum Minor per inductionem) Injuriæ aliæ externæ aliæ domesticæ. Externæ ab hostibus inferuntur, & facilius quidem, si Respub. quasi truncus capite scilicet magistratu spoliata, ad sui defensionem inutilis sit: Injuriæ externæ inter ipsos cives existunt per furta, convicia, homicidia, latrocinia. Hæc impunitate capient incrementa, & ubi magistratus defuerit, impunita erunt. Præterquam autem quod magistratuum instituendorum necessitas summa est, etiam hoc ex ordine conservato derivatur utilitas maxima. 1. Virtus habet præmia quasi apud Magistratum deposita: sceleribus item certæ pænæ sunt. Inde itaque virtutis studia propagantur, scelerum autem machinationes impediuntur. Sub Magistratu leges salvæ sunt, licentia impedita. Hic senibus sua reverentia, viris honor, adolescentiæ pudor suus constat integer. Non pauperes à locupletum injurijs & contumelijs, non divites à tenuiorum rapinis & invidia quicquam metuunt. &c.

Arg. 1.
& 2.Resp. 1. per
negationem
consequet.

Confutatio. Venio nunc ad eam orationis partem, ut quæ in Magistratuum criminationem dicta sunt, ijs respondendum sit. Quid igitur ajunt qui Magistratui malè volunt? Dicunt libertatem à subditis eripi per Magistratum imperium. Respond. Quasi vero hominibus & non Dei arbitrio imperia distribuuntur, quemadmodum scriptum meminimus: Dei sunt regna & cui ille voluerit dispartitur. Itaque frustra occlamatur pares sumus, liberi sumus, meliores sumus, ergo imperio digni & qui subsumus alijs indigni sumus. Cum Deus contra jubeat ac clamer: Ex limo terræ omnes estis, omnes mea creatura estis, omnes meus populus estis, omnes sub meâ potestate estis: ita quo ego quemque loco esse jussero, eo acquiescere vos deberis.

Resp. 2. per
inficiationem:

Præterea neque hoc rectè dici potest liberos nos esse omnes qui propter peccatum servituti obnoxij sumus pessimæ. Pares nos esse qui

qui propter statū inter homines diversum, ordinē divina lege constitutū alij superiori alij inferiori loco esse debemus. At meliores inquit illi sæpè qui subsunt? sæpius & frequentius nequiores. Verum ut aliquid largiamur tandem, concedamus eam, quam petunt omnibus communem libertatem: an verò propterea negabunt se sub Magistratu & legibus posse vivere? istæc quidem jam licentia non libertas est (definitur licentia & libertas & ostendatur discrimen) Ita porrò quod ajunt, pares omnes natos esse: de communi nascendi origine negare non possum: nego de vivendi conditione. Quemadmodum enim ex iisdem alvearibus prorumpunt apum examina: quia tamen quæ dux inter apes nata est & corporis magnitudine, & alarum ac cutis quasi fulgore, & tandem quibusdam quasi prudentiæ simulacris reliquas apiculas antecellit, idè etiam peculiare & regium inter illas officium administrat: ita qui peculiaribus ingenij fortunæq; ornamentis humanæ societati divinitus commendati sunt, non videntur in turba, sed eminentiori quasi inter homines loco vitam debere transigere.

Ad argumentum III. Beluæ serviunt. Resp. 1. etiam alia multa faciunt beluæ à quibus tamen homines non abstinere 2. Homines non sunt beluæ? at multi vivunt beluino more.

(Ad argumentum IV. respondendum est per Inficiationem & distinctionem: item ad argumentum V. & VI. Ad VII. Negandum quod hæc fuerit causa cūr Israelitis Deus irasceretur.

Conclusio habet repetitionem locorum confirmationis 2. preces, ut Deus pacem & Magistratum conservet.

Exemp. IX.

An Nosocomia instituenda Oratio

I. Negativa.

EXORDIVM à causa suscepti argumenti. Eum putant optimum militem fore qui ante in ludicris athletarum certaminibus corpus bene exercitatum afferat, quàm ad serios bellicos labores accedat. Idem censeo de literariâ ut vocant militia judicandum, sc. eum in his progressus felicissimos facturum qui ante animum in scholasticarum exercitationum tyrocinij bene versatum habeat, quàm ad eruditionis occupationes graviore in Repub. se conferat.

Resp. 3. per distinctionem.

Resp. 1. per negationem consequentem.
Resp. 2. per inficiationem.

ἡ ἐξέλιξις.
Arg. 1. à
damno.

Propositio. Eo consilio quæstionem de nosocomijs, an eorum institutio Reipub. salutaris sit ego & quidam collega mens disceptandam suscepimus. Et mea quidem oratio in eâ parte versabitur, ut omnem nosocomiorum institutionem improbet atq; impugnet, Vos facite ut totius causæ hujus auditores quieti æquiq; cognitores assideatis.

Confirmatio. Quæ cum Reipub. manifestissimo nocumento conjuncta sunt, tolerari non possunt. Nosocomia autem multum afferunt nocumēti Reipub. Nam 1. multis sumtibus ædificandæ sunt, & factæ testæ servandæ domus & varia in his conclavia itemq; suppellex 2. occasio sunt multis vel simulandæ mendicitatis quod mollius habentur in nosocomijs quam ipsi privatim suis sumtibus possent vivere 3. Etiam peregrè ex vicinis locis multa confluent mendicorum unda ad illa sua nosocomiorum receptacula: 4. ab inhonesto: Deus prohibuit ne mendici ulli essent in pio populo E. multò minus grandis mendicorum cætus instituendus est. Itaq; potius dandum aliquid est egenis præ manu unde vitam tolerent, aut etiam cognati vel amici horum admonendi, ut calamitati succurrant. 5. Quod charitatem impedit impium est. Nosocomia impediunt, quia tangimur misericordiâ tantû eorum qui ab oculos obversantur. Itaq; si omninò tolerandi sunt mendici, non in nosocomia detrudendi sunt ubi abditotum nulla nos attingat commiseratio, sed ad singulorum ostia misericordiam atq; opem nostram implorent.

Confutatio. Dicent fortassis contrariæ sententiæ authores: hospitalitatem tamen virtutem esse ad quam pertineat nosocomiorum institutio. Respondeo per inficiationem minoris: non pertinent ad hospitalitatem nosocomia: imò hanc impediunt potius dum qui laxè habitant divites potissimum pauperum fastidio hos ad nosocomia ablegant. Dicent: Necessitatis cujusdam esse, quod cum vix tandem paucissimi reperiantur, quos privata pauperum tangat cura, publica eis providendi provincia sustineatur. Responde per negationem consequentiæ. Ego verò ita potius sentiam erratum corrigendum esse, ut humanitatis & misericordiæ admoniti homines gravius adversus pauperum calamitatem afficiantur, quam ut hi in illâ immisericiordiâ, illi in perpetuâ miseriâ relinquantur.

Conclusio. Quare cum tot extent nocumenta à nosocomijs,

cum

cum præterea horum institutio honestate repugnante facta sit, sentio quæ iniquè introducta sunt, æquissimè posse abrogari.

Exemp. X.

Oratio 2. Affirmativa.

EXORDIVM. Invidiam ajunt cum assentatione & fortassis alia plura & imprimis hoc commune habere, quod non nisi splendidissimis fortunis inhiet. Ut mirum videri possit, quid in mentem venerit adversario, cur pauperum in nosocomijs decumbentium miseriam oratione insectaretur. Verum eam in multorum ingenijs judicii perversitatem deprehendas, ut, quoniam ex contradicendi studio famæ aliquam materiam & industriæ laudem acquirere sibi videntur posse, ea potissimum convellenda aggrediantur, quæ quam saluberrimè constituta sunt. Ut tantò sibi videantur sapere rectius, quanto plures approbatores habuerunt ea, quæ impugnant.

Propositio. Cum igitur illud in istorum perversitate veritatis corrumpendæ studium animadvertamus: quantò nos pro veritatis patrocinio vigilaciores acrioresq; esse oportebit? Itaq; hac causâ non diffido, quin facilè probaturus sim vobis voluntatem meam pro saluberrimo nosocomiorum erigendorum instituto hodiè depugnandi. Illud saltem restat, ut quo ego fortè minus huic oneri ferendo sum, eò major vestra in me judicii vestri æquitate sublevando adjungatur humanitas.

Confirmatio. Quod tibi velles fieri, alteri debes facere. Iam si in hanc calamitatem incidisses, ut omni exutus rei familiaris copia, præterea orbus fortasse aut desertus à cognatis & amicis item valetudine afflictus adversa, non haberes, quo te receptares: malles ne in hujusmodi constitutus calamitate omnes urbis angulos perreptare, singulorum implorare misericordiam, in via pernoctare publica? an verò velles publicis sumtibus ædificatam domum quorsum egenorum & calamitosorum turba reciperetur? hoc velles scio. Ergò in aliena calamitate idem statues.

Multò commodius distribui possunt eleemosynæ. Quia per Magistratum curam quantum cuiq; opus est impartietur. Cum vagans mendicorum turba, alij plus quam satis est, alij minus consequantur.

Argu. 1. ab honesto.

Arg. 2 ab utili.

2. Non

2. Non possunt irrepere in mendicorum ordinem, qui morbos, aut paupertatem, aut aliam deniq; mendicitatis causam ementiuntur: quod nosocomiorum præfecti in eam rem diligenter inquisituri sint.
 3. Honestiori disciplina contineri poterit in nosocomijs degens miserorum turba, quæ aliàs circumvagata videbitur sibi sine lege esse, idè: oq; vel quidlibet audendi habere licentiam. 4. Sæpè inde deterrentur homines à conferendis eleemosynis, quod cum plerumq; ex nequissimis nebulonibus cõfluat mendicantium colluvies, inde metuant sc. ut satis dignis eleemosynas impertiantur, Quare majori voluntate illos adjuvabunt, qui recepti in nosocomia, quasi publico testimonio aliorum misericordiæ commendantur.

Resp. ad
 Argum. 1.

Confutatio. Sumtibus opus est; at eò majores hi profunduntur, si absq; nosocomijs est, quò majori prudentiâ Magistratum in nosocomijs sumtus in pauperes distribuuntur.

Argum. 2.

Illa incommoda nulla esse, quæ legibus præcaveri possint

Argum. 3.

Per distinctionem, aliam esse nostrorum temporum, aliam istorum rationem. Neq; nosocomia sed mendicitatem prohiberi: & hujus tollendæ quoddam remedium in nosocomijs positum esse.

Argum. 4.

Ridiculum est. Non enim jubemus nosocomia in solitudine ædificare. sed in civitate, in civium conspectu: adeoq; æquius est ad misericordiam pietatis recordatione, quam sensibus admoneri.

Argu. 5.

Epilogus. Habet 1. repetitionem. 2. adhortationem, ne quis sit ita scabioso ingenio & perverso, ut convellendis & cauillandis ijs, quæ publicè instituta sunt, delectetur.

Exemp. XI.

An Scholæ sint instituendæ literariæ.

Sententia I. Negativa.

EXORDIUM I. Occasio. Galli cum irruptionem fecissent in Græciam potitiq; essent optimis instructissimisq; Bybliothecis: adiunt Ducem belli iussisse, ut libri omnes illi in forum afferrentur comburendi. Cum id omnibus placuisset, quippe barbaris & osoribus literarum: exitisse unum quendam versutissimum ut apparet hominẽ, qui ne id paterentur, studiosissimè dissuaserit. Cum causam consilij omnes mirarentur, hanc dixit. Si rebus fortunaq; versis & mutatis

Græcos superiores vellent: tunc id utile esse consilium. Quod si se dominari, Græcos servire mallerent, libros relinquerent, apud quos illi desidentes arma & rem bellicam viris cederent. Utinam a. barbari isti tantum ita sensissent: & non in plurium animos fortè una cum barbarie ea pervasisset opinio, à literis animorum fortitudinem & industriam corrumpi, ad desidiam atq; ignaviam abijci homines.

Propositio. Cum igitur hujusmodi verba & criminationes jactentur palàm & publice: nemo mihi spero vitio vertere poterit, si eadem in hanc cathedram afferam. Præsertim cum non eo id facturus sim animo, ut literarum studijs aliquam ignominia labeculam aspergam, sed ut vel patienter ad hæc convitia audienda adjutem, vel occurrendi ijs vobis occasionem præbeam.

Argumentum I. ab honesto.

Confirmatio. Hæc in scholarum & literarum reprehensione videntur afferri posse: primum quod nullum Scholarum vestigium in Sacris literis extet. Quod ne in reliquarum quidem Rerump. præstantissimarum rebus fortissimè gestis, Assyriorum dico, Persarum, Græcorum primorum, Romanorum. In Græcia primum extitisse & literas & Scholas, ab otio ita rectè dictas: Quod cum Græci otium longiusculum naçti essent, præ ingenij vanitate & ad alias nugas & ad literas ac scholas ingenium converterent. Prop. Maior. Equius a. omninò est nos Ecclesiæ & piorum, Præterea fortissimorum atq; optimorum hominum exempla vitæ instituendæ spectare quam ignavorum & levium.

Argumentum 2. à damno.

Jubent & hoc observari, quod quam diu à literis abstinuerunt & Græci ac Romani, armis rebusq; præclarè regendis florentissimi fuerint. Postquam a. ijdem vtriq; frequentius in scholis quam castris conspici ceperunt, & plus literarum ocio quam armorum occupationi honoris habuerunt, cesim ivisse omnem pristinam vtriusq; gentis gloriam. Ut virtuti summæ videantur esse cum literis inimicitia: scilicet quibuscum ijsdem mænibus vti se non posse satis istis exemplis comprobatum dederit. Idem posse etiam aliorum onnium ferè gentium historijs confirmari. Neq; aliam rationem esse cur Turcæ suos

subditos

subditos à literis abstinere jubeant, nisi quod eosdem literatos simul & fortes cives se habituros diffidant.

Argumentum 3. ex eodem loco.

Accedit quod nullus ordo magis detraxerit imperium superiorum quam literati. Tum si ipsi præsumunt, nullus qui magis negligenter & iniquè administrat. Videntur enim sibi per sapientiam scilicet indigni, qui alijs obediant non eadem secum, aut meliora etiam sapientibus. In Magistratu a. cum cupiditatem hominibus omnibus infusam non exuerint, per literas seu per calliditatem impunijs sibi peccare videntur posse.

Epilogus repetat.

Epilogus.

1. Argumenta. 2. Propositionem 3. iterum moneat, se non proponere hæc, causa reprehendendarum literarum, sed excitandi omnium industriam ad literarum suscipienda patrocinia.

Exemp. XII.

Orat. II.

An scholæ sint instituendæ sententia

altera affirmativa.

EXORDIUM. Si semper quàm facilis causa est quæ discipulanda suscipitur, tam facilem etiam in eà meditandam operam suam experiretur qui discipulandam suscepit: gratularer mihi A. qui ad scholarum patrocinium hodie me obtuli. Uerum plane hoc contra omnem credo opinionem accidit, ut quæ defensionem videntur habere facillimam quod perspicuam manifestamque veritate nitantur, ea plus quàm speres negotij in causæ meditatione facessant. Sive hæc inde difficultas & operæ gravitas existit, quod quò res vulgatiores est, & omnium judicij exposita, eò magis contendendum videtur, ne oratio nostra in sententiarum quotidianarum adhærescens sordibus auditoribus fastidium nauseamque pariat. Sive ita nos ipsi in iudicando sæpe fallimus, ut plus de facilitate causæ nobis polliceamur, quam rectius attendentibus videri debebat.

Propositio. Itaque pro scholis hodie hoc à me dicetur vel testimonium vel elogiū. Si facilis iustaque causa vobis videbitur, est quod

eo nomine ipsis scholis gratuler. Modò illud memineritis ita facilem justamq; esse, ut tamen in judicando nostris his operis vestrà peropus sit benevolentia propter meditationis, quam sensimus, difficultatem. Eam autem benevolentiam vestram ita mihi probabitis, si in auscultando silentio vestro causam nostram adjuveritis.

Confirmatio. Literæ sunt reliquæ imaginis Dei; Itaq; sanctæ habendæ: & omnibus modis fovendæ atq; propagandæ. Imago enim Dei fuit sapientia quædam singularis cum morum conjuncta innocentia. Quod ex Adami patet exemplo, qui adeò perspectas habebat omnium animantium naturas, tum ipsam vocabulorum vim, ut Adami arbitrio omnibus animantibus, fortassis alijs etiam rebus nomina imponi voluerit Deus. Rursum quàm sapienter quàm castè judicabat de conjugè suâ? Hujus tantæ lucis reliquæ quædam scintillæ sunt quæ traduntur in philosophiâ. Propositio Major. Sicut stulti & dementis hominis esset postquam omne patrimonium decoxisset, etiam paucos sibi fortè reliquos factos nummos abijcere. Ita extremæ dementiæ esset, postquam in Adamo Dei imaginem perdidimus, etiâ has reliquas extinctas cupere.

Semper gentes cultiores literis dederunt operam: Israelitæ, Chaldaei, Ægyptij, Persæ, Græci, Romani. Et barbaræ nationes, alienæ ab omni pietate & humanitate oderunt etiam literas. Et postquâ ad mores mansuetiores potissimum ad christianismum animum applicuerunt, simul literarum arripuerunt studium.

Propositio Major. Meliorum judicio & exemplis vivendū est.

Patriarchæ nullâ aliâ causâ tantam in hoc seculo degerunt atatem, quàm ut simul cum doctrina cælesti prudentiam & sapientiam humanam h. e. literas docerent posteros. Quod autem tanta curâ propagari voluit Deus, non sine profanitate contemnitur.

Quicquid olim fuit celeberrimorum virorum, iidem à sapientia & prudentia h. e. à literis commendati extiterunt, ut Joseph, David, Daniel & alij in populo Dei. Apud Ethnicos tot reges, tot principes literati.

Ex scholis tanquam ex equo Trojano prodeunt viri ad omnes Reip. partes subeundas promptissimi. Hinc milites, duces, oratores, consiliarij, principes optimi. Hinc cives commodi qui non naturæ

Argum. 1.

Argum. 2.

Argum. 3.

Prop. maj.

Argum. 4.

Arg. 5. ab utilitate.

Resp. per
insiciationi:

reluctandum, sed per virtutē parendum esse Magistratui didicerūt &c.

Confutatio. Argumentum 1. Nulla exstant scholarum vestigia in omni antiquitate? Resp. At quanta hoc imperitia est, negare velle? Atq; ut ordiamur à sacris literis, an non manifesta in prima antiquitate videmus vestigia? Aedificatio arcæ Noachi: emissio columbæ: Iacobi ars circa oves. Iosephi divinandi peritiā. An non hæc à literis? Ergo didicerunt. Et quid aliud est quod toties leguntur Patriarchæ nomen invocasse Domini: nisi instituisse liberos & in Theologica & aliā à Domino relictā hominibus sapientia?

Argumentum 1. &c. ipse responde.

Epilogus habet repetitionem propositionis & argumentorum.
2. preces, ut Deus conservet scholas.

Exemp. XIII.

An studiosis literarum concedenda sint privilegia. Sententia 1. Negativa.

EXORDIVM. à difficultate causæ. Cum omnis pro veritate suscepta oratio difficilem à plurimis assensum impetret: tum illa displicet maximè, quæ licet pro veritate disputer, tamen quorundam hominum, præsertim eorum ad quos verba fiunt, commodis derogare videatur. Itaq; video quantum mihi ipse oneris imposuerim, dum adversus literarum privilegia apud literatos dicere institui.

Propositio. Uerum quæso vos A. ne sit apud vos sanctior commodorum vestrorum, quàm veritatis justitiæq; ratio. Quod si impetravero, ut impetrare me à vobis æquissimum est, spero faciam ut intelligatis, majori & Reipub. & vestro ipsorum damno hunc privilegiorum palpum obtrudi, quàm si communibus cum alijs legibus viveremus.

Arg. 1.
ab honesto
Prop. min.

Confirmatio. Quæ sunt ergo illa præclara, quæ commemorantur literarum privilegia? quod à potestate Magistratus oppidani & inferioris exempti & immunes sunt qui literarū studijs dediti sunt: quod tributa non pendunt & vectigalia: quod ad plebeorum iudicum tribunalia non trahuntur: & si quid hujus generis est aliud. Hæc magnæ suæ laudi arrogant, felicesq; adeo prædicant se, qui his fruuntur.

privi-

privilegijs. At quam circumspēctē non dicam, ipsi viderint. Non parent Magistratui cum reliquis civibus communi? si hoc felicitatis cujusdam est, ad virtutem aliquam pertinebit. Anne igitur justitiam appellare poterimus eam immunitatem: an fortitudinem? an temperantiam, an reliquarum virtutum aliquo nomine? Nullam video virtutis appellationem quæ huc accommodari valeat. Vnde efficitur cum nullius virtutis sit eā libertate gaudere, neq; felicitatis partem aliquam in eā liberius vivendi potestate positam esse. De illis enim solis rerum præsidij nobis gratulari debemus, quæ aliquod ad felicitatē adminiculum attulerint.

Quare neq; ejusmodi sunt literarum privilegia unde gratulari nobis possimus: & præterea non minimum rei & literariæ & civili publicæ nocumentum apportant: 1. contemnunt Magistratum quem non metuunt: hinc ergo injurijs grassantur cum coerceri se non posse credant. Itaq; turbant pacem publicam: alios ad nequitiae invitant exempla. 2. Dum malè agendi impunitatem habent frugi esse & honestè vitam degere recusabunt. 3. omnium odia in suum concitabunt ordinem. Nihil enim pejus odimus, quam vitæ improbitatem ad aliorum conversam injurias: & præterea impunè abeuntem per licentiam. Hinc tantoperè omnes in Tyrannos excandescimus.

Qui communibus fruuntur commodis publicis, etiam communia incommoda tolerare oportebit. Literati fruuntur communibus commodis, & pluribus quidem illis quàm cives reliqui. Fruuntur pace publica, communibus mænibus, foris, legibus, Magistratibus, fruuntur commeatibus & rebus venalibus, & fruuntur tantum cum ipsi nihil conferant: agricolæ ex terra fruges aut alios fructus excolunt: mercatores aliunde, quorum inopia est, apportant: hæc ad varios civium usus parant opifices: literati tantum numero & fruges consumere nati E. saltem communia tributorum & vectigalium onera sufferre debebant.

Egilogus habet repetitionem propositionis & argumentorū.

Exemp. XIV.

Sententia II. Affirmativa.

EXORDIUM. Excusatur facilitas causæ. Si quis est A. qui

Conclusio

Prop. mai.

Argum. 2.
a damnofo

Prop. maj.

Arg. 3.
ab honesto

ubi me ad dicendum surgentem viderit, facilem levemq; causam pro literarum privilegijs suscepisse autumabit, ad iudicium opinionemq; suam, etiam assensum meum ascribat. Quamquam ita fere fit, ut quæ ab alijs geruntur, extenuandi causa leviora atq; faciliora esse arbitremur: cum quæ à nobis administrantur, sæpè longè minoris negotij, in ijs plus fere difficultatis experiamur quàm fateri commodum est. Verum non utar nunc hac defensione: fatebor quod res est, perfacilem & nullius vel saltem non magni negotij causam defendendam me suscepisse. Cum igitur hac parte ab ijs non dissentiam, qui me vel vituperandum propter institutū meū, vel saltem non probandum hoc iudicant: tamen non nego, non deesse mihi in quo ab iisdem dissentiam. Perfacile, inquit, est orationis & commentationis argumentum? Non inficior. Ergo non magnæ laudis in eo posita est materies? Non abnuo. Itaq; susceptum à te non oportebat, dicent? At hic auctoritatem eorum sequi me non posse confiteor. Quod si illis vel ingenij bonitas vel ætatis progressio, vel exercitationum frequentia vel alia causa deniq; hanc felicitatem largita est, ut vel in difficilissimis dicendi argumentis, ingenij famam ac laudem aucupentur: quæso, ne invident alijs inferioribus hanc occasionem atq; oportunitatem, ab initijs facilioribus exercendo ad majores facultates provehendi.

Propositio. Dicam igitur pro literarum privilegijs ea, quæ ab hac ingenij mei inopiâ & tenuitate excogitari poterunt. Nullā quidem confusus dicendi excogitandive facultate: sed vel exercendi mei, vel veritatis defendendæ causâ impulsus.

Argu. 1.
ab honesto

Confirmatio. Imperator Babylonius Nabuchodonosor, cum delectos ex omni juventute captiviâ Judaicâ quatuor adolescentes Danielelem & socios tres cognatos, literarum humanioribus studijs destinasset: sapienter judicavit, eos qui scientiâ & vitæ genere è vulgi numero eximendi forent, & victu cultuq; corporis, omniq; adeo vitæ commoditate præ vulgo afficiendos atq; exornandos esse. Itaq; non ad bubulcorum concilia: non ad institorū commestationes, non ad militum contubernia & cohortes ablegavit: sed domi suæ & in aula & de mensâ suâ ali, eodemq; secum pane, iisdemq; epulis victitare, atq; idem vinum bibere imperavit. O sapientem Regem, o benignum principem: o magnificum Imperatorem. Itaq; dignum liberalitatis suæ

pra-

præmium abstulit, ut non mendaciū Poetarum aut Historicorum, aut Oratorum fictis laudibus, sed ipsius Spiritus S. veracissimā prædicatione tam præclari facti memoria omni æternitati commendaretur. Dubium igitur esse potest, literatos privilegijs ornandos esse, quos tātus Imperator dignos judicavit, quos in familiam receptaret? an à tributis absolvendi sint, quos sumtibus suis, imo ijsdem quibus ipse vesceretur ferculis cibandos judicavit? an ad inferiorum Magistratū subsellia trahi debeant: quos penè filiorum loco adoptavit?

1. Numerentur variæ utilitates literarum 2. privilegiorum. Quia aliās nemo volet literis operam dare, propter varias difficultates & damna privata, valetudinis, & rei familiaris: quæ hic exaggeranda sunt.

Singula opificia gaudent privilegijs suis, item milites gaudēt ijsdem quibus literati. E. turpe esset hos à privilegijs istis excludi.

Confutatio. Ad argumenta superioris orationis respondeatur vel per Negationem consequentiæ: vel per inficiationem vel per distinctionem.

Epilogus. habet 1. repetitionem propositionis & argumentorū. 2. laudem literarum.

Exemp. XV.

An exactionibus locupletandum sit ærarium.

Sententia 1. affirmativa.

EXORDIUM ab excusatione iniquitatis in causā. Si semper ab ijs suscipiendis negotijs abstinendum esset, Auditores, quæ difficultatem aliquam aut iniquitatem primo intuitu præseferrent, omnino universus consiliorum deliberationisq. usus è vita ac societate humana tolleretur. Sæpè enim difficultas in rebus aut iniquitas in proptulo & quasi vulgi oculis posita: Quæ prudentum judicijs tanquā solis radijs disjicitur. Et contra fit ut quæ primā facie honestissima & facillima apparent, rectius & penitius considerantium judicijs summa cum injuria summoq. cum periculo conjuncta esse deprehendantur. Quod si igitur in eo fati causæ esse putandum est in reprobando aliquo instituto, quod iniquius illud videri vulgo possit, aut aliqua com-

plicatum

Arg. 2 ab utili.

Arg. 3. à necessario.

Rat. prop.

Ratio Red-
ditionis.

plicatum molestia: in quo unquam negotio illa obijci non poterunt &c.

Proposio. Et hæc præfari ad vos volui A. quod ejusmodi argumentum orationis ad vos profero, in quo mihi hac via præmunienda peropus esse video. Censeo enim idq; vobis etiam persuadere annitari: Recte facere Magistratum, ut etiamsi ærarium habeant satis locuples; Tamen frequenter exerceant exactiones à subditis etiam tenuibus & egenis. Quod etiamsi ea res videatur aliquid habere difficultatis & iniquitatis: Tamen & æquissimè & saluberrimè fieri possit (Pete benevolentiam auscultationis.)

Arg. I. ab honesto.

Prop. min.

Prop. maj.

Respo. per distinctionem.

Ratio per Antisyll.

Confirmatio. Honestissimum est tributa præstare vel solvere Principi, adeo ut etiam scriptura præcipiat Rom. 13. & 1. Sam. 8. v. 11. non in bona tantum sed liberos & corpora civium jus utendi fruendi principi divinitus permittitur. Sed quid attinet illa in controversiam vocare quæ scripturæ divinæ constant autoritate? Obiectio. At subditi querulantur: Et immisericordiæ cujusdam est horum sudore, lacrymis, sanguine, Principem victitare? Resp. Videndum an justæ illæ querelæ: an verò ex imperij impatientia. De quo enim plebucula non conqueritur? laborem, leges, Deum noller: sunt igitur hæc omnia in istorum gratiam tollenda? Si multo sudore illis constant quæ principi solvunt tributa: cogitent neq; principem otiosum esse, aut non sudare, dum pro publicis omnium commodis vigilare & sollicitus esse cogitur: dum de omnium litibus cognoscere: dum hostibus publicis occurrere & adversus horum insidias quasi in perpetuis excubijs positum esse officium est.

Cogitent non principis sed Dei jussu solvi tributa. Recordentur quanta illis numinis emant commoda: Pacem, juris æquitatem, victus quærendi commoditatem.

Conclusio hic repetatur.

Argumentum 2. ab utilitate. Major est habenda publicæ quam privatz utilitatis ratio. Jam omnis illa difficultas singulos ac fere paucos tantum tangit: Interim commoditas inde existit multiplex erga universos. Nam pecuniæ rerum gerendarum nervi sunt: faciunt tutam Rempublicam à periculis. Ut enim princeps nullo arario contenti sunt, ita locupletes à nemine facile laceffuntur.

Repe.

Repete conclusionem.

Arg. 3. à Necessitate. Major. Quid opus est quærere an ea fieri, vel facere liceat, quæ aliter fieri nequeunt?

Minor. Necessaria est collectio tributorum. Alias non esset Princeps, scil: qui non acciperet tributa. Ita neq; Respub. esset.

II. Non posset tueri auctoritatem Princeps: Etenim non vitantum, sed vita splendidiore Principi obtinenda est sua auctoritas. Propter vulgi stultitiam qui quos sibi vita & victu similes & pares vident, hos non reverentur. Itaq; est opus aulâ, plurimis ministris, apparatu magnifico. Hæc non nisi grandi pecunia comparantur. Ut pulcherrimè in apologo Menenius Agrippa: Magistratus dixerit esse quasi ventrem in corpore humano. &c.

Arg. 4. iterum ab honesto. Consuetudo est lex non scripta, Sed tributa licet magna & gravia, sunt consuetudine diuturna introducta: Ergo, retinenda. Probatur major. Quemadmodum vulgus, ubi consuetudine immuniore est à tributis: putat rectè se facere si tueatur libertatem suam: Cur non etiam Princeps rectè faceret, si eodem nixus consuetudinis jure tributorum exigendorum facultatem suam exerceret?

Epilogus repetat argumenta. 2. Propositionem orationis.

An exactionibus sit locupletandum ærarium.

Sententia altera negativa.

EXORDIUM à forti argumento.

Aurelius Antonius Imperator cum exhaustum esset bello Marcomannico ærarium, & extraordinario tributo subditos gravari nefas duceret: Omnem non modo suppellectilem suam sed etiam uxoris mundum, & quæ in delicijs habuerat vasa & alias res preciosas in forum produxit & proscriptas vendidit. Adeò privato suo incommodo ac damno Reip. propellere incommoda, quam subditorum calamitate aliquâ publicam calamitatem aliam luere & avertere maluit. Quod exemplum si principes nostrorum temporum imitarentur, nescio an rectius facturi essent. Hoc videor mihi videre, non tam graves, subditorum de magistratibus querelas, neq; tam afflictum Reipub. & miserum statum fore. Illud autem panè indignum videtur, etiam ra-

tionibus

tionibus defendi, quæ adeo contra omnem rationem atq; humanitatem videntur fieri.

Propositio. Non nego magistratibus tributa deberi: Illud dico gravari tributis subditos, ultra necessitatem Reip: exigi ab egenis etiam & calamitosus, non recte mihi videri fieri. Quæ de re dum breviter expono sententiam meam, quæso benignè patienterq; me audiat.

Confirmatio. Arg. 1. ab injucundo. Major. Princeps quis non mallet ita se comparare ut subditi sibi perpetuo de hujus magistratu gratularentur, omnia bona ipsi dicerent ac precarentur: Quam utinvisus atq; odiosus omnibus, aut lacrymas videre & gemitus perpetuos audire aut exorationibus obtundi cogeretur? Minor. Jam nihil ferunt impatientius subditi quam exactionum frequentiam. Præsertim si ipsi jam sint exhausti, principes locupletes.

Arg. 2. ab inhonesto. Tyranni leguntur sæpius usi varijs artibus in extorquendis pecunijs à civibus, ut Dionysius. Metuunt enim sibi ab horum viribus. Unde has omnibus modis accidere satagunt. Boni ac commodi Principes faciliè in præsentī copia sua acquieverunt: Majorem commodorum quam suorum habent rationem. Alexander; Alphonsus. Unde illud Tiberij ortum: Boni Pastoris est &c.

Arg. 3. à Damno. Non poterit amplificare ditionem princeps, ille nimium vehemens & avarus tributorum exactor: quod nemo facile volet hunc Dominum: à quo res suas se tutas habere non posse videt. Cives ipsi oderunt: Et optabunt saltem cum facere non poterunt, ut vel ab isto imperio vel à vita sua expellantur. Quæ vox debet esse acerbissima principi, si cives optent non vivere potius quam sub hoc Principe vivere.

Confutatio.

Ad Arg. I. Per negationem consequentiæ.

Non nego: sunt præstanda tributa: sed etiam hoc affirmo: non esse ea nimia exigenda. 1. Sam: 8. Non Regis sed Tyranni mores prædicuntur. Quod boni reges nunquam leguntur eo usi more: imò Achabus punitus, quod eis uti veller.

Locupletent ærarium Principes? sed non extenuent interim fi-

cultates Civium. Alias infanientis instar suâ carne stomachi famem conabuntur comprimere.

Contemptus potius Principi existit ex luxu autoritas comparatur virtutum studijs, clementia im primis & liberalitate.

Per distinctionem. Duplices Consuetudines, malâ & bonâ, illâ abrogandâ hæ tuendâ.

Epilogus habet 1. repetitionem dictorum. 2. Protestationem.

Quod etiam si Principes in eo genere peccent: Non tamen cuiusvis sit suos reprehendere. Quod illi per officiû sunt Patres patriæ. At non est piorum liberorum animadvertere velle in parentum vitia. Et solus Deus sibi reservavit officium judicandi de principibus: Itaq; si quis hoc ausus fuerit, Dei majestatem lædit.

Exemp. XVII.

Num cives sint exercendi artibus militaribus

Oratio prima negativa.

Exord: ab occupatione. Quanquam & vulgo & rectè illi mores reprehenduntur, si de qualibet publica consuetudine, judicandi licentiam tibi arroges: tamen citra hujus reprehensionis periculum me facturum esse arbitror, si ostendero vobis, quid in eo more desiderem, quo publico multæ civitates utuntur, ut cives suos artibus bellicis exerceant. Addatur ratio propositionis, e. g. quia etiam rectè constituta convelluntur. Addatur ratio redditionis, quia hoc institutum magis consuetudine temerariâ, quam certa ratione introductum est.

Quod si ad causæ hujus veritatem, vestra in ea judicanda attentio accesserit: non dubito, quin facili negotio cognituri sitis, majori Rerumpub. commodo fieri, si ea exercitia abrogentur quam primum, quam si conserventur. Conjuncta cum Reipub. damno, omnibus modis removenda sunt. Illa exercitia bellica civium, sunt conjuncta cum Reipub. damno, E. sunt removenda. Probatur minor, quia & publicum & privatum damnum afferunt. Publicum quidem: quoniam ferociam civium animis ingenerant: ut & Magistratui obedientiam vi detrectent, & quod viribus suis confidant, facile movenda esse censeant bella finitimis. Et hæc quidem publica incommoda ab his

Ad Arg. 3.
perinficiat

Ad Arg. 4.

2. pars pro-
positio or.

Conf. arg.
1. a dâno

exercitijs bellicis proficiſcuntur: nec minora illa derivantur ad ſingulos. Principio enim illi qui exercentur, à labore, cui in officiis ſuis vacare debebant, prolabantur ad ignaviam: delectantur crebrioribus deambulationibus, commefſatione, & alijs ocij generibus. Deinde, quia ſæpius in conſpectum publicum artis probandæ cauſa prodeundum eſt hinc veſtiuntur ſplendidius, abſumunt facultates, in egeſtatem devolvuntur. Quid quod paulatim audientiores effecti rixarum occaſiones non tantum facile arripiunt, ſed ultro quærunt.

Argu. 2. ab
honesto.

In melioribus ſemper cives inſtituendi ſunt, ſed meliores ſunt pacis artes, E. in his potius inſtituendi ſunt cives, quam in exercitijs bellicis. Probatur minor, primum à vituperatione & deteſtatione belli. Nulla ſalus bello &c. Secundo ab inductione & commendatione artium pacis: e. g. Ut cives pietati ſtudeant, ita Deum protectorem habebunt. Ut probitati & humanitati: Ita nemo offendere eos ſuſtinebit: ut prudentiæ, quod hæc magis quam arma metuantur. Cujus rei nulla cauſa eſt, nullus uſus, ea ſtultè ſuſcipitur. Exercitiorum bellicorum nullus eſt uſus, nulla cauſa vel neceſſitas intet cives ſcilicet. E. non debent exerceri cives. Probatur minor per conceptionem vel diſſimilitudinem: Omnino ſane opus eſt artibus bellicis: Sed ut eæ à civibus exerceantur non eſt opus. Alia enim eſt ratio civium alia militum. Hi ex armis victum quærentes rectè horum exercitijs occupati ſunt. Illis hoc opus hic labor eſſe debet, ut in perpetua pace degere liceat: & ut prudentiæ opumq; præſidia, ad bella ſi quæ inciderint, militum conductitiorum operis propulſanda collecta habeant.

Arg. 3.

Confutatio: Dicat fortassis aliquis: eam eſſe horum temporū calamitatem, ut vicinorum injuriæ & violentæ oppreſſiones non niſi vi & armorum apparatus evitentur. Reſponſio per negationē conſequentiæ: Non eſt opus, ut propterea ipſi cives armati ſint: quemadmodum ſine muris vix à violentia hoſtili tuti eſſe poſſumus, neq; tamē neceſſarium eſt, ut muri non mercenariorum, ſed ipſorum civium manibus extruantur.

Argumentum 2. Dicent ad fortitudinem & virtutem pertinere, reſpondetur per inficiationem, etiam ad audaciam & mericulofitatem pertinet: quod alius ad nequitiam armis abutatur, alius ubi à pa-leſtris ad campum & rem ſeriam proditum fuerit, facile artis oblitus,

ad

ad ingenij meticulositatem revertatur.

Epilogus habet primum repetitionem argumentorum, secundo propositionis.

Exemp. XVIII.

Num cives sint exercendi artibus militaribus.

Pro sententia affirmativa.

Orat. II.

EXORDIUM à reprehensione adversarij. Utinam auditores ita multi reperirentur, qui vitæ in melius emendatione se à vulgi disjungerent moribus, quam frequentes ij reperiuntur, qui quod vulgo fit propterea reprehendēdū suscipiunt, ut ipsi præ alijs videantur sapere, non quod perperam illud fieri arbitrentur. Irrepsit enim ea dudum in mores publicos, non dicam qualis, cum vestra spontē hoc judicare possitis, consuetudo: ut passim, quid vulgo non rectē fiat omnes videant: Sed quod aliter fieri oportebat rarissimus quisq; in seipso emendet. Quare sapienter Poeta: Sensus inest cunctis tollitur arte malum.

Propositio. Quod mihi adeo ex hac re in mentem venit, dum orationem ejus vobiscum ausculto, qui usitata artium bellicarum exercitia inter cives reprehendere instituerat. Quid enim minus extra controversiam debebat esse positum quam saluberrimam esse illam civium exercitorum disciplinam? Et tamen inventus est qui illam non cavillando, sed argumentis attentare posse sibi videretur: O insanam sapientiam, o stultam rationem. Sed tempero mihi: ne justissima verissimaq; causa, rationibus defendi non posse & his indignationis præsidij egere videatur. Dicam igitur, I. quæ pro retinendis militaribus exercitijs in mentem venerint. Deinde quod contra oppositum fuit argumentorum ea reprobo.

Argumentum primum à necessitate. Propositio major.

Confirmatio. Quæ scitu necessaria sunt, etiam necessaria sunt discitu: vel non nascimur senes aut prudentes aut periti earum rerum quarum tractatione opus est in vitam: Uerum multo usu multaq; præparatione condiscere oportet quæ olim in vita rectē gerenda sunt.

Propositio major. Cives oportet scire artes bellicas. E. Cives oportet discere artes bellicas exercitijs. Probatur minor à diverso.

Non enim vivimus nunc aureo seculo sed ferreo, nō in Insulis fortunatis, aut remotissimis à reliquo mundo locis, sed in medio vicinorū fortunis nostris invidentium, in nos & res nostras dominationem appetentium, omnes nocendi vias aucupantium. Itaq; armis inquam armis opus est, quibus & invidiæ occurratur, & dominatus propulsetur, & insidiæ elidantur.

Argum. 2.
à Iucundo.

Propositio Minor. Gravissimè delectat & vehementissimè, si spectes ex omni numero civum delectos juvenes viros, incedere armis politis, & omni habitu militari ornatos, & vultu ad severitatem composito, & ingressu gallinaceo. Præterea nosse nunc in acie stare, nunc signo dato cessim ire, nunc bellicas machinas displodere: iterum ficto prelio cum hoste manus conferere, aut aliud deniq; obire munus bellicum.

Arg. 3. ab
utilitate.

Ita otio ad negotia utentur cives & non ad compotationes. 2. Celebris fiet Respub. 3. Non facilè contemnetur à vicinis iniquioribus & infestis.

Confutatio. Ad argumentum primum, Resp. per Inficiationem.

Ad argumentum secundum, per negationem consequentiæ.

Pacis artis habent suas commoditates sed non solæ.

Conclusio habet repetitionem 1. Argumentorum. 2. Propositionis.



EXERCITIA AMPLIFICATIONVM. Exercitium I.

Impietas demonstratur esse valde mala.

EXORDIUM. Docilitatis causa exponit quid sit impietas. Quem admodum pietatis nomen in eo versatur officij virtutisq; genere quo Deū & religionem prosequimur, ita impietas ad eos refertur mores quibus Dei cultus religionisq; res negligitur & quasi pessundatur, sive ut dicam explanatius, impium eum vocamus qui sine omni erga

Deum

Deum veneratione est, verbum Dei, salubres hujus admonitiones, iram Dei, salutem suam susq; deq; habet: itaq; probitatis micam nullam quasi colligens, omni studio ad omnis generis nequitias incumbit.

Propositio. Verum vix opus erat eā impietatis circumscriptione, cum optandum esse videatur ne ita sint frequentia & familiaria hujus mali exempla, etiam inter christianos, ut sic insolentia & raritas eam declarationem exigeret. illud verò omnino peropus est, ut quoniam nemo ferè ita stupidus & infelicis ingenij natus est, quin quid pietatis nomine reprehendamus intelligat, illud scil. quod parum pleriq; perspicere videmur, quanta impietatis pernicies, quantum in eā malum, quanta pestis ac perditio mecum cogitatione percurratis. Non id agitur mei A. ut vel ego aures vobis demulceam vel vos temporis fallendi causa illic assideatis. Salutis nostræ omnium interest ut ad ea quæ afferentur attentissimis adsumus animis, penitus in mentem ac memoriam ea reponamus, ad omnem vitam omnesq; consiliorum institutorumq; partes adhibeamus. Quare quò cuiq; salus sua est charior, eò attentior ut auditor sit sedulò moneo.

Confirmatio. Qui diligit iniquitatem odit animam suam, dixit sapienter Psaltes vel Domini Spiritus potius ps. ii. v. 5. Sapienter inquam dixit: Qui enim poterat vel majoris stultitiæ impios accusasse, quàm dum maximo bono suo animæ suæ sc. ipsos insidias ac perniciem moliri insinuat? aut quo pacto grandius describi damnum poterat quàm illo, quo una jacturâ omnia bona nostra perdimus sc. si animæ damnum faciamus. Cogitate mihi si quis ita incontinentis esset animi & parum suarum rerum providens, ut thesauros suos in mare abijceret: Hic esset stultus. Rursum si quis corpus suum læderet hic esset stultior & pro infano haberetur & coerceretur vinculis. Quod si igitur ab anima suâ violandâ non absteineat hic est omnium stultissimus.

Applicatio. Eā infantiâ laborare impios dicit Domini Spiritus oderunt, inquit, animam suam.

Non lædunt saltem animam suam (addatur extenuatio e. g. id quod per imprudentiam & fieri & excusari poterat) non in periculum tantum inducunt (addatur extenuatio) sed oderunt adeo h. e. ira irreconciliabili prosequuntur & seviunt, in quem autem? in animam suam, in seipsos, in eos quibus nihil ipsis esse debebat charius, cū nemo

Pars III.

Comparationes
fictorum
et explorum

seipso amicio rem habeat. O amentiam (adducatur exemplum per comparationem eorum, qui fame & inedia coguntur, ut propria membra absument. Demonstratur quod impij sint miseres & crudeliores in seipsos) oderunt animam suam inquit psaltes, qui credas? (fiat hic enumeratio incommodorum quæ arcessunt impij sibi ipsis per partes e. g. oderunt, quia an non ille animam suam vel seipsum odit, qui maximorum cruciatuum sciens volens sibi ipse author & faber est ut loquuntur &c.)

Porro cum ita pessimè sibi consulant impij, tum ipso studij genere quo occupati sunt, certè se dant turpissimè. Diligunt iniquitatem dicit Psaltes (Fiat conglobatio definitionum. 1. quid autem est iniquitas nisi &c. 2. Quid verò est diligere? 3. per Epanodon fiat perpetua antithesis illarum definitionum e. g. Quid autem fando indignius id quod Deo adversum est, ab homine Dei creatura in delicijs haberi? diligunt iniquitatem homines, quid perversius, quid deplorandum magis (fiat gradatio vel digestio ordinis e. g. ferri posset si abducti per infirmitatem fortè prolaberentur, si sponte sua aliquid in se conciperet facinoris quidem, sed magno vel aliquo saltem penitentiae dolore torquerentur: addatur extenuatio: Sed diligunt, diligunt inquam (addatur immoratio.) iniquitatem.

Conclusio habeat dehortationem ab impietate.

Exercitium. II.

Ostenditur quā grande vitium sit Hypocrisis.

EXORDIVM à docilitate. Hypocrisis simulatio quædam est: & proprium est Theologis vocabulum, quo simulationem christianismi notant. Simulationem autè quod est, si quis videri is velit qui non sit. Christianismi autem simulatio hypocrisis, quod est, earum conditionum unde christianus quis constituitur ficta quædam adumbratio, ut ijs instructus & omninò christianus esse videri quidem velis, cum tamen nihil minus sis. Quæ verò illæ conditiones? 1. fides vel ut firma fiducia Christo adhæreas. Non enim Christi esse potest vel christianus appellari qui fidem in Christum non habeat. Atq; hac prima christianismi indicatio: altera, ut charitate vel seria aliorum dilectione affectus sis. Etenim inde inquit Christus, Ioh. 13. discipuli

mei agnoscemini, si illo amoris mutui symbolo insigniti fueritis. Quare is hypocrita appellabitur qui fidem in divinum verbum, & christianam charitatem probè simulare noverit, à quibus tamen virtutibus abfuerit idem quam longissimè. Dubitari autem rectè videtur posse majorne hujusmodi hypocritarum præsertim his pestilentissimis seculis numerus ac multitudo existat, an verò vicij hujus atrocitas sit tetrior & magis execranda. Quod omninò maximè deplorandum in humanis rebus accidit, ut homines naturæ quadam immanitate eò ferantur in vitia præcipitantius, quò illa fœdiora fuerint. Quid enim frequentius istis simulatoribus qui verbis, gestu, vultu, maximè religiosis apparent: animo, moribus, vitâ, idem irreligiosissimi ac profanissimi. Sed quod de atrocitate hujus impietatis dicebamus fortassis non ita facilem in vulgus fidem inveniet.

Propositio. Itaq; ad eam demonstrandam nunc porrò hanc orationis operam accommodabimus. Intelligetis spero, si attentè ac sedulo animum adverteritis gravem eam atq; acerbam adversus hypocrisin sententiam dictam esse: sed tamè non minorem, quàm ea dicta sit hujus vicij atrocitatem esse.

Confirmatio. Argumentum 1. à comparatione. Si quis in ijs rebus aliquid simulet quæ ad aliorum dignitatem aliquam pertinent, indignissimè ferunt homines. Hoc dico, si quis nobilitatis, aut Poetricæ lauri, aut alius alicujus dignitatis titulos ementitus fuerit, Deus bone, quantis in hunc odijs exardescunt, etiam ij, quorum ea res aut nihil aut parum interest. Quod si quis eo maliciæ processerit, ut quæ ad principis majestatem attinent, ea temerè sibi attribuerit, monetæ forè cudendæ potestatem, in hunc supplicio publico exempla acerrima statuuntur. Neq; id injuria &c. (addatur causa vel approbatio).

Cogitate igitur mihi cum in humanis rebus ita severè vindicandum sit, si quis simulatione contaminaverit rerum aliquâ æstimatione commendatarum sanctimoniam: quid illum tandem mereri censeatis, qui facerrimum atq; inviolabile pietatis nomen impia illa hypocrisi sua profanaverit? (Fiat contentio per partes plurimas e.g. illic homines, hic Deus, illic res hujus mundi, hic res æternæ &c.)

Locus 2. conglobatio. Etenim si rem rectâ reputemus via, nihil est sanctum ac venerabile ad quod violandum non proserpat hu-

Locus 2.
à simili.

jus mali contagio. primò homines fallunt hypocritæ (explicetur modus) seipſos fallunt (explicetur modus) Deum fallunt, aut ſaltem fallere ſatagunt (explicetur modus). Rurſum non tantum non virtuti operam dant (explicetur hujus rei neceſſitas) non tantum eos pietatis fructus non ferunt quos debebant, (enarrentur hi) non tantum quâ debebant vigilantia ab impietatis infectione ſibi non cavent (explicetur hujus rei neceſſitas) Neq; tantum nocent exemplo ſuo alios ad improbitatem inſcando vel abducendo (Addatur hujus rei turpitudò) ſed quod omnium graviffimum eſt incurabili hoc atq; inſanabili contagionis genere & ipſi laborant, & idem alijs affricant. Fit enim in hac impietate quod alias in Phreneticis. Hi quò graviore conſiſtantur morbo, eò minus medicinam admittunt, quod non tantum pulchrè ſani ſibi videntur, ſed aliter perſuadere conantibus graviter irascantur. Unde in eo mentis vitio difficillima omnium ſi non impoſſibilis & deſperata eſt curatio. (Subijciatur redditio vel applicatio, & in hac fiat *ἐπιμὴν* vel congeries &c.)

Epilogus habet 1. repetitionem propoſitionis 2. dehortationem ab hypocriſi.

Exercitium III.

Demonſtratur quam turpis ſit in rebus fidei Ignorantia.

Exordium : docilitatis cauſa explicat quid ſit ſapientia & quæ huic oppoſita vitia. Ipſis vocabuli hujus quaſi literis vel ſono, quando ſapientiam appello ſcil : A. videtur in mentem noſtram inſinuare ſe rei cujuſdam pulcherrimæ & maximè admirandæ cogitatio. Sapiencia enim omnes credimus excellentem & maximè inuſitatam inter homines ſcientiam denotari, ut inter Philoſophos quidem nullum in tam plurimis optimis artibus diſciplinæ genus inveniatur cui ſapientia appellatio ipſis authoribus tribuenda eſſe videatur.

Propoſitio. Quod ſi cui cognitioni hoc nomen debetur : divinarum rerum illi à Deo revelatæ notitiæ jure meritoq; competet. Eò igitur erit quiſq; ſapientior quò verbi divini peritior. Sapiientior dico, hoc volo dicere nobiliori & præſtantiore ornatus ſcientia genere

Et

Et quoniam felicitatem hominis hinc metiuntur Philosophi ex cognitione scilicet: etiam istorum sententia idem erit felicissimus, qui in pietatis studiis laudabiles progressus fecerit. Quid igitur si quis salutis, pietatis Dei, verbi divini omnia ignoret? sine dubio erit miserrimus, & infra omnes homines infimus ut ille ait. Sed hoc etiam si verè dicitur tamen ejusmodi est, ut paucos approbatores inveniat. Itaque in eo nunc erimus, ut hujus ignorantia circa pietatem turpitudinem vobis ob oculos ponamus.

Confirmatio, Locus 1. à ratiocinatione five amplificatione circumstantiarum, circumstantia 1. quid.

Quid enim ignorant isti homines quos sapientia divinam carere dicebamus? seipsos (quam hoc sit turpe addatur) quod scilicet: non nisi ex divino verbo nostri hauritur cognitio: Deum (addatur quam hæc periculosa sit ignorantia) peccatum, justitiam, mortem, vitam, imò malum & bonum, dextrum & sinistrum. O gravem ignorantiam! (addatur comparatio à minori, si quis ita calamitosus sit, ut luminibus captus, neque cælorum pulchritudinem, neque reliquarum rerum venustatem oculis usurpet, neque quorsum progrediendum sit, hunc sanè oportet esse hominem miserrimum (subijciatur redditio vel applicatio, cum extenuatione cæcitatæ præ ignorantia hac.)

Porro qui sunt illi hac ignorantia laborantes? Dei opus primum, à quo ad intelligendum atque agnoscendum artificem suum procreati erant, ut infelicissimè evenerit ita male artifici sapientissimo ingratum hoc opus sub manus successisse. Deinde in profundo quodam calamitatum ceno immerfi sumus, ex quo non nisi per illam divinam sapientiam vel fidei in Christum scalam datur ascendere. Ut miserrimè nobiscum illis actum sit, quibus per ignorantiam hanc suam ab ipsis omnis emergendi spes præciditur. Demum ad cælestium regnorum hereditatem vocati sumus. Verum ad quam nemo sanè adire poterit qui regna cælestia, jus hereditatis suæ, & ad ea adeundi viam ignoraverit. (Exaggerentur porro aliæ circumstantiæ, item contrarium vel sapientia, item Christi amor, qui ut nos ex ignorantia hujus miserie eriperet, ipse & nostræ hujus cæcitatæ pænas dare & nostra sapientia fieri voluit.)

Epilogus habet 1. repetitionem propositionis 2. adhortationem ad serium studium in progressibus divinæ agnitionis faciendis.

2. Pars circumstantiarum ejus.

Exercitium IV.

Scientia inflans exaugetur.

1. Cor. 5. 1.

EXORDIUM à docilitate. Divus Apostolus alicubi, Scientia, inquit, inflat, charitas verò ædificat. Inde ductum est scientiæ inflantis nomen. Neq; debetis existimare, de profana aliqua hominum callidorum aut philosophorum adeo & literatorum hominum scientia sermonem esse Apostolo, eam scientiam quæ in Christianis est, quæ rerum ad salutem revelatarum est, quæ divini verbi est, eam inquam omnem Apostolus inflare ait, h. e. spiritus quosdam, ut loquuntur, sive superbiam in animis piorum ingenerare, nisi charitatis studiū eandem ad ædificationem sive communem utilitatem moderetur. Quod sanè maximè mirum accideret, rem adeo nobilissimam & divinā, verbi divini cognitionem scilicet: rei perniciosissimæ superbiæ scilicet: nutriculam ac matrem existere: nisi & divus Apostolus præmonuisset, & aliàs meminissemus, rerum optimarum corruptelas evenire aliquando apessimas.

Propositio. Itaq; ut eò diligentius operam demus, ut quæcunq; rerum divinarum & scripturæ sacre nobis concessa fuerit cognitio, ea proximi vel aliorum utilitatibus serviat, quantum in illa inflante scientiā, ut appellabamus mali sit, quæso paulisper mecum perpendite.

Confirm.
Arg. 1. ex
ordinis di-
gestionē.

Si quis videtur sibi scire, ille nondū scit quæadmodū scire oportet ex scripturæ sententia. Scire igitur sive cognitum habere Christū, salutis negociū, omne mysterium Evangelij, est sanè divinū planè S. Sancti donum: de quo locupletissima exstat promissio: in scientia sui Christus justificabit multos. Uerum si ad illam divinam etiam scientiam & quæ vitæ æternæ promissionem habet, illud quasi calamitatis accesserit, ut videaris tibi scire: sive ut ex illa scientia dignior aut sanctior alijs à te ipso habearis, hosq; præ te contempnas: fiet illi scientiæ quod auro fieri solet aut alij metallo. Nam si hoc ærugine fortè obferatur, nisi remedio aliquo maturè quis occurrat, illud universum exedetur & corrumpetur. Ita scientia vel notitia rerum divinarū si insolentiā quadam tanquam ærugo eam corripuerit, inde universa abolebitur. Nondum scit qui scire sibi videtur? Primum igitur malè collocavit omnem illam discendi operam, quod fortè in concionibus audiendis aut

aufcul-

auscultandis præceptoribus fuit studiosissimus. (Exponentur reliquæ partes quæ versantur in discendo. Addatur deinde extenuatio quàm hoc tenue sit damnum præ illo quod sequitur). Rursum frustra accepta sunt illa initia æternæ salutis, lumen cæleste, Spiritus S. pignus æternæ vitæ, insitio in Christum (addatur amplificatio hujus partis, & rursum extenuatio.) Illud autē maximè miserandum in hoc genere accidit, quod jam vel altero (ut loquuntur) vel utroq, etiam pede in cælo collocati, inde seipsi in infernum præcipitant. Quia enim scientiam habent in Christum: ideo in cælum evecti erant vel cælestium regnorum jus obtinuerant. Verum quoniam cognitionis indulgentiam eam gratiam ad superbiam convertunt, ideo idem cum Sathana damnationis judicium merentur, nempe ut ex filiorum Dei loco ad infernales ignes præcipientes deiciantur.

Epilogus habet 1. repetitionem propositionis 2. Adhortationē ut ij qui præ alijs rerum theologicarum cognitione excelluerint, eò diligentius sibi à superbia caveant, quò proclivius est hinc in damnationis præcipitia periculum.

Exercitium V. Securitas

Ostenditur esse perniciosissimum vitium.

Exordium attentionis causā narrat de Stoicis, quæ narratio per similitudinem ad negotium præfens pertinet: quod postea docilitatis causā subijcitur.

Stoicos ajunt, Philosophorum sectam quandam fuisse, quæ & alia multa à communibus hominum sensibus abhorrentia & hoc inprimis absolum affirmaverit, si sapiens sis sive stoicæ Philosophiæ sacris imbutus etiam in mediâ flammâ constitutum nihil ab igne illo doloris perferenscere: & si præ frigore dentes concrepent, tamen illum dolorem adversus stoicum hominem nihil quicquam posse (Fiat admiratio primum, deinde extenuatio præ illo quod sequitur) si scil: ejusmodi quoddam genus hominum daretur, qui vel naturæ immanitate quadam, vel per artes magicas æstus vehementissimi aut acerrimi frigoris dolorem nullum perciperet (addatur quantæ ea res admirationi futura sit. Item extenuatio præ illo quod sequitur). Longè ma-

gis mirari licet illorum hominum vel incredibilem stuporem, vel diaboli in eosdem potentiam exhorrescendam, qui in medijs inferni faucibus hærentes, iræ divinæ flammâ circumsepti, æternarum tenebrarum obvoluti frigoribus, non tantum nihil eorum quicquam sentiunt, sed etiam Jovi, quod ajunt, in gremio sedere, in delicijs maximis vivere, felicitate summâ circumfluere sibi videntur.

Propositio. Qui illi autem? quos uno nomine securos appellamus, quasi qui sine curâ ætatem degant, neq; quis tandem rerum suarum aut seculi huius exitus futurus sit, aut curent aut provideant. Deus prohibeat, inquires, ne eo contaminemur periculo. Prohibeat sanè, verum & nostrâ vigilantia opus erit eò, ut penitius hunc salutis nostræ scopulum & speculemur, & ubi cognitum habuerimus fugiamus studiosius. Itaq; primum ostendam, quid mali vel vitij sit securitas: Deinde quantum inde deriveretur incommodi.

Locus 1. à
partibus
antecedentibus & cō
sequentibus
per descensionem.
propositio

Confirmatio. Principio A. est omnium animis nostris ea à nativitate usq; impressa perversitas, ut cum simus quemadmodum poeta ait, in vitium credula turba, sive facile ijs assentiamur quæ in opinionem ac voluntates nostras insinuata, menti primum labem: deinde toti homini exitium afferunt. Contra nos comparemus in ijs quorum assensus à nobis saluberrimè fieret, ut his nulla apud vos fides sit. Est enim hæc ab Adamo usq; ad nos propagata malitia ut facile à nobis in dubium vocetur quod divino ore affirmatum fuerit. (Narretur de Adamo) Eodem modo securi homines incerta ac dubia habent quæ de divinâ irâ admonentur. Ubi autem semel illorum memoria ex animo oblivio deleverit, ibi neq; scelus adeò nefandum est ullum, à quo illos indignitas abstinere possit; neq; ita gravibus verbis concipi ulla admonitio potest, quæ illos vel quicquam moveat. Securi vel sine cura sunt (Hic immoremur vel verbis synonymis in varijs partibus hoc inculcemus.)

Locus 2. ab
enumeratione inco
modorum

O miseros illos & multis nominibus quidem. Si enim jure illos miseros appellaveris, qui & in se pessimè consulunt, & adversus Deum impij atq; ingrati existunt, & bonorum maximorum jacturam refarciendam faciunt, & malorum inexhaustum pelagus in caput suum arcessunt: certè isti in securitatem immersi homines miserrimi omnium censendi sunt (Fiat Epanodos, vel singulæ istæ partes probentur sepa-

ratim

ratum e. g. Quid enim poterant pejus in se consulere, quam cum hoc &c. faciunt? Qui ingratiore & magis impij adversus Deum deprehendi possent &c. Quomodo bonorum majorum facerent jacturam &c. Quæ mala sibi crearent &c.)

Epilogus habet 1. repetitionem propositionis 2. Adhortationem ad timorem Domini.

Exercitium. V 1.

Desperatio quam turpis christiano homini sit.

EXORDIUM exponit quid sit desperatio. Ita naturâ comparatum est A. ut quibus secundæ res sunt, ij summum à Numine sibi favorem polliceantur. Quemadmodū qui in rerum angustias aliquas conjecti sunt, aliter sibi persuaderi non patiuntur, quin Deum adversissimum sibi habeant. Itaq; frustra apud hos agas, si ad aliquam melioris fortunæ spem erigi posse credas. Ita enim infelicitè secum actū putant, ut neq; divinæ gratiæ sibi iterū adjungendæ spem ullam concipiant, & eam infortunij sui gravitatem sibi fingant, unde nullo Dei auxilio eluctari valeant. Esse hoc hominum genus ita desperabundorum utinam verè negari possit, quanquam ignotum esse potest parum expertis: quod pauci palam profiteantur: imò adeo sibi ipsis consent de hoc morbi genere. Fit enim etiam hic ut optima ipsi de nobis polliceamur, etiam periculis implicati, & vitiorum contagionibus funestissimis. Illi igitur desperabundi, qui ubi fortè non satis ipsi prospiciunt quibus vijs aut abundare rerum copiâ, aut necessitatibus suis succurrere possint statim animum abijciunt, se excruciant graviter, mortem sibi exoptant.

Propositio. Quid verò in eo peccatur inquires! Id nunc porò videbimus.

Confirmatio. Principiò an non Deus omnipotens? (fiat hic expositio vel dicatur hoc pluribus verbis synonymis) an non pluribus benignitatis experimentis clarissimis probavit amantissima & fidelissima de incolumitate & felicitate nostra consilia sua? an non debemus Deo hoc reverentiæ & honoris, ut modis nobis incognitis consulere illum rebus nostris posse, & ex promissis velle etiam, persuasissimum

Argu. 1.
à contrariis

habeamus? quanta ergò injuria diffidere Deo, omnipotentiae Dei, aut amori (in his immorandum est.)

Argum. 2.
à simili.

Si quis in aula vivat, & videat fortè aut in culina nihil ciborum apparari, aut in ærario parum nummorum adesse, ideoq; in eam suspicionem principis sui fidem conjiciat, ut metuat an de alimento & stipendio sibi satis provisum sit: non tantum stultus ab omnibus habebitur, sed etiam intolerandam principi injuriam attulisse insimulari poterit (accommodentur hæc ad Deum & ad desperandum.)

Arg. 3.
Propo-
pœia.

Quid si isti homines id quod à nobis omnibus metuendum est, inexpectato quodam raptu ad Christi tribunal fisterentur, ut causam hujus suæ diffidentiae exponerent, quæso, quam eam afferre possent? Dicerent fortassis (affingatur excusatio) Sed responderet Christus (singatur responsio.)

Epilogus habet repetitionem propositionis & adhortationem ad fiduciam erga Deum.

Exercitium VII.

Quantopere peccetur, si preces negligantur.

Si illud mihi divinitus felicitatis concessum esset A, ut de occulto quodam periculo, gravi tamen & quo omnium vestra vel fortunæ vel valetudo infestaretur vos præmonere possem: idemq; præsentissimum huic malo remedium habere me profiterer: credo nemo apud vos aut adeò parum gratus existeret, aut ita negligens incolumitatis suæ, quin & attentissimo animo auscultaret me, & quæ recte à me monitus esse sibi videretur, ijs & uteretur cupidissime & mihi qui monissem, aliquid benevolentiae se debere judicaret (Fiat accommodatio vel Redditio, cujus hæc summa: Non quidem habeo vos monere de valetudinis periculo, aut fortunarum: sed de longè majori animæ scilicet: & æternæ salutis: Itaq; esse debetis attentis & animis libentissimis eam admonitionem admittere.)

Propositio. Quid igitur aut mali est de quo indicationem promittimus, aut medicinæ quam facere pollicemur? quod preces inter nos christianos adeò intermittuntur ac dicuntur negligentissime: eam puto pestem ac perniciem nostram omnium esse periculosissimam: ut

quam

quam maximè opus sit, ut quantum fieri potest eam negligentiam nostram corrigamus, & ex Christi præcepto oremus indefinenter. Quod si quisquam parum hoc prospicere potest, quid in ea res sit periculi, huic ut consulam, ejus periculi aliquam partem deformare vobis studebo.

Confirmatio. Non oramus: quæ causa? aut quid impedit? oportet enim omninò difficillimam objectam causam esse quæ nos excuset quare tam necessarium, tam gratum, tam sæpius præceptum ac requisitum divini Numinis cultum prætermittamus? Nihil horum à nobis afferri poterit: sed si quod relatu verum, dicendum est: Diabolus nos abstrahit: Novit enim quantum in precibus positum nobis sit præsidium, quàm minimè ferre Deus possit ut hic negligentes simus, quàm maxime malo nostro, nos orando cessemus. Quantæ igitur est imprudentiæ, quo & facillime tueri nos adversus Diabolum, & Deo gratum facere possumus, precibus scil: eas Diaboli instinctu, nostro damno summo, cum Dei offensione vehementissimâ, ita à nobis curari negliger? (Ita enumerentur reliquæ causæ, vel ostendatur quantæ hoc sit ingratitude in Deum, quantæ perfidiæ, quantæ ignaviæ, quantæ infantiæ.)

Quid enim est preces dicere nisi Deû Opt. Max. patrem tuum appellare, huic quid opus tibi sit exponere, conqueri quæ molesta accidunt, quid porro metuas aut quid cupias explicari, expectare ab eodem in his omnibus opem paratissimam? Ut preces sint adoptionis nostræ cælestis symbolum infallibile, in doloribus solatium efficax, adversus mala ingruentia munimentum firmissimum, æternæ beatitudinis certissimum pignus &c. (Fiat conclusio per Antithesin e. g. ut Deo primum injuriam faciant qui preces dicunt negligentius, scil: quod quantum in ipsis est appellationis paternæ honores Deo abrogent &c.)

Epilogus habet 1. repetitionem propositionis 2. Adhortationem per Ethopæian ut nos ipsos alloquamur & excitemus ad orandum: cogitemus: Mi homo debes cogitare hoc, illud &c.

Exercitium. VIII.

Adversus *πενολογίαν*.

EXORDIUM. Docilitatis causâ exponit virtutem huic vitio ad-

versam.

Locus 1.
ab Enumeratione
causarum.

Locus 2. à
conglobatione definitionum.

versam. Eâ conditione omnes nati sumus A. ut divinorum in nos beneficiorum memoriam quotidianis imo perpetuis celebremus sermonibus. Etenim ita meritis est de nobis amantissimus Deus noster, ut sine teterrimo ingratitude crimine vel levissimo temporis momento oblivione aut silentio beneficiorum ejus multitudinem praterire nequeamus. Et tantam ea recordatio ex seipsa jucunditatem habet, ut monstrum hominis certissimum sit qui ullius alius rei cogitatione suavius affici sibi videatur.

Propositio. Sed tamen non dico sæpius invenias illud hominum genus, qui ita faciant, sed vix multis in millibus unum qui aliter. Adeo universi passim vanissimis nugis ætatem terunt, nulla; ex re majorem molestiam quam ex Dei fortè divinarumq; rerum mentione injecta: nulla ex re voluptatem majorem capiunt, nisi si quid fortè aut obscenitatis, aut ridiculi vel casus vel verbi, aut aliarum nugarum allatum sit, o perverfitatem!

Locus 1. à
partibus
per descri-
ptionem.

Confirmatio. Itaq; ubi aut animi aut negotij causa sive in publico sive intra privatos parietes a paucis vel à multis conventum fuerit, nullum ibi locum illa Pauli admonitio reperit: Omnia quæcunq; feceritis, in nomine Christi Jesu aggrediemini, ut pater celestis in omnibus inceptis vestris celebretur per hunc filium suum. Ridiculus fieret & insanix cujusdam aut saltem hypocriseos suspicionem de se concitaret qui vel mutire de illo sacratissimo auderet nomine. Initium ergo sermonum inde repetitur ferè, quid rerum novarum scil. audiatur, ecquid allatum sit de Hispaniæ Rege, tum de tumultibus Gallicis: & de novo Imperatore quid narrent. Hic si quid fortè quispiam ex rumusculis collectum habet, commodam nactus eam sermonis materiam, non tantum quid ajant exponit sed ipse de singulis suam interponit sententiam. Hoc non laudo, inquit, potuisset aliter fieri, quid si instituissent sic, illud tandem placet. Alius ex ijs qui assident, contradicendi partes sibi sumit, ostendit in quo à Narratore illo dissentiat: conferuntur rationes, contenditur acerrimè (fiat *ἐννεσις* vel judicatio) ubi ista frigent de publicis, ad privatos dilabuntur: narrant de consilio quodam istius qui prope forum habitat, & mirari se ajit, quid homini in mentem venerit, cur istud adeo cupiat aut instiguerit, edificare fortè, aut ex ædibus migrare, aut novas emere, aut filiam suam

elocare diverſi ordinis adoleſcenti, imberbi adeò atq; imperito & peregrino ac prodigo. Hic alius invehitur in ſtultitiam, alius conqueritur de luxurie noſtrorum ſeculorum, alius alias nugatur nugas (narrentur alia de quibus fabulentur inter ſe homines, quid turbæ ſit apud forum, quam annona chara ſit, & quod nuper duæ ancillæ litigârint in hac vicinia peſſimis ultro citroq; ingeſtis convitijs, & de generoſis gallinis matris noſtræ &c.)

Hæccine verò decent Chriſtianum? 1. ita vitæ prodigum eſſe. Nam horæ iſtæ & dies & tempora quid ſunt niſi vitæ quædam partes? Itaq; ſi temporis atq; ætatis noſtræ minus prudenter impendium fecerimus, ipſam vitam prodigemus. Quid igitur magis ſtultum quam nugari? quod eſt, rem precioſiſſimam, vitam ſcil: caſſa nuce vel vilis etiam vendere. Quid magis ſtultum (oſtendantur variæ partes ſtultitiæ e. g. Delectari hominem nobiliſſimam creaturam rebus nihili: Ita abuti omnium re chariſſimâ, tempore &c. ſemper reperatur in initio, quid magis ſtultum &c.)

Epilogus habet 1. repetitionem propoſitionis 2. adhortationem ad commemorationem divinatorum erga nos beneficiorum.

Exercitium IX.

Adverſus juramenta temeraria.

EXORDIUM. Nullius, ajunt, ſcleris eam atrocitatem eſſe, quin conſuetudine ita efferentur hominum animi ut non tantum non pro vitio, ſed ludo jocoq; habeant. Quod vel ex temerarijs juramenti doceri poteſt. Quid enim indignius, quam ſacraſſimam divini nominis memoriam horrendis illis juramentorum abuſibus ita paſſim violari? Hominis aliquo honoris faſtigio poſiti mentionem ſi quis non ſatis honorificam fortè fecerit, omnes contra officium facere ſibi videntur, & à ſe etiam lædi putant eum cui contumelia facta ſit: niſi quam indigniſſimè eam rem ferre ſe oſtenderint.

Propoſitio. Verum quam remiſſo animo ac ludibundo, nihil ſanè commoto eam divino nomini quotidie à multis per temeraria juramenta contumeliam fieri auſcultamus? ò cælum ò terra.

Confirmatio. Zedechias Rex acceperat forte auditione librum quendam Jeremiæ Prophetæ ab Amanuenſi hujus lectum publice:

Locus 2.
Enumeratio
conſeq.

Arg. 1. à
Comparatione
Exempli

Misit ergo qui Baruchum advocaret, id enim nomen erat famulo Prophetæ, ut sibi etiam liber legeretur. Adfuit ille, legit sed quædam aliter exscripta erant ac minacius, quàm placere poterat aulicis. Itaque ut hic gratificaretur quidam Regi ab epistolis, cultello scidit illas chartas, & in focum frigoris depellendi causâ fortè accensum abiecit. Nihil hujus à Rege jussum erat: neq; tamē ubi senserat, prohibuerat Rex, neq; adeo stomachatus fuerat. Hunc pietatis stuporem ita graviter ultus est Deus in Rege, ut oculos illos quibus divinum librum conremari spectasset à Babyloniorum Rege, huic Zedechiæ exculpandos curaret. Quod indignus videretur qui solem, stellas, cælum, reliqua manus divinæ opera intueretur, qui chartis illis divini Nominis mentione insignitis temerariam exustionis vim allatam videre potuisset (fiat applicatio vel redditio, vel monstretur quod consimili in genere peccent qui fortè assident, aut alias auscultatores sunt, ubi profani quidam homines ad tertium quodq; verbum sine ullâ causâ per Dei divinarumq; præceptorum contemptum, juramenta inculcant. Monstretur similitudo item quod hi magis peccent.)

Locus 2.

Quod si eos qui sine indignatione aliorum culpæ spectatores fuerunt tanta pænæ manet severitas, quid ijs futurum putabimus, qui ipsi hujus temeritatis in effutiendis illis juramentorum blasphemijs in se crimen admiserint? apud Moysen cum quidam iracundiâ provocatus divino nomine ad imprecandum ei cum quo contendebat abuteretur: ita indigna populo atq; atrox visa est hominis incontinentia, ut ad Moysen magistratum suum & negotium & hominem vinctum deferret. (Fiat judicium & approbatio quod rectè populus fecerit: postea extenuatio adiiciendo, Moysen fecisse aut statuisse gravius scil: dum & in vinculis hominem detinuit & non judicum sententijs sed Dei viventis voce de istius capite decerni voluit. Rursus hoc approbetur, postea extenuetur præ ultimâ Dei sententiâ scil: qui iussit istum lapidibus obrui. Fiat hic amplificatio hujus supplicij redditus causis cur non sit suspensus potius, aut capite truncatus, aut in mare abjectus. Fiat imitatio Ciceronis ex oratione pro Roscio Amerino de pæna parricidij.) Demum fiat applicatio exempli ad usum vel dehortationem. e. g. & ita quidem acerrimè judicabat Deus vindicandos esse nominis sui abusus.)

Ut gravissimè illi errent qui non magnoperè in hoc genere peccari posse putant, cogitant scilicet: eam esse concionatorum morositatem ut nihil adeò rectum esse arbitrentur in hominum moribus, culpent omnia. Quid inquirunt, itane angelus quisquam esse potest, mortalis qui sit, ut nusquam ne in verbo quidem titubet? Etiam alij faciunt. Et quid minus à nobis aut nos impetrare, aut sine iniquitate postulari poterit, quàm ut ira verba singula ponderata & provisà adeò habeamus? Ferè enim incogitantibus ista excidunt. Ridiculum Deum adeò ad iram proclivem, ut istis vel verbi unius offensiunculis adeò excandescat (addantur aliæ excusatiunculæ: Deinde contrà urgeatur Dei iusta ira cujus manifestissimum signum ediderit in illo maledico.)

Epilogus 1. habet repetitionem conclusionis 2. adhortationem ut crebris usurpemus sermonibus Dei laudes, peste pejus scurriles divini nominis abusus fugiamus.

Exercitium. X.

Quam graviter & periculose peccetur falsos
Doctores sectando.

EXORDIUM Docilitatis causà exemplis monstrat quale hoc peccati genus sit. Ita ab omnibus usque seculis usurpatum invenimus, A. ut semper vanissimarum opinionum figmenta plus approbatorum haberent, quam ij reperirentur, qui doctrinam caelestem sectarentur (fiat congeries exemplorum e. g. Unus Noach iustitiæ præco extitit, cum reliqua universi humani generis multitudo, iniustitiæ atque idololatriæ propagatores strenui existerent: unus Abrahamus Deum verum cæli terrarumque conditorem prædicabat: cum omnes mundi anguli idolorum cultoribus ac prædicatoribus opplerentur. Sic portò narretur de Elia, Micha, & Christo &c. Addatur ætiologia seu causa, scilicet: quod homines à corruptione, mendacii quàm veritatis, perniciæ quàm salutis amantiore simus.)

Propositio. Verum quo familiarius generi nostro illud vitium est, eò cavendum magis nostrum est novisse: cū & ex se pestilentissimum sit & inveterati illius moris blandimentis aditum ad nos affectas

Locus 1. à
comparat.
exempli.

difficilius repellatur. Ostendam igitur si Deus benè voluerit atq; iu-
verit, quam graviter quamq; periculose hic pleriq; sibi indulgeant,

Confirmatio. Si ovīs quædam ita simplex sit quod nunquam
ungues lupinos forte experta est, ut persuaderi sibi non patiat̃ur eam
lupi esse crudelitatem, quam vulgo commemorent: Ex suo æstimer
omnia animo: dicat placidum videri animal, tum blanditias atq; pro-
missa lupi sibi forte facta ex aggeret; certè magno suo periculo dum
proba esse & non malè suspicari vult, imprudens & stulta erit (fiat ap-
plicatio, monstretur similitudo, & quantò stultiores sint qui conten-
dunt non esse adeò magnopere fugiendas falsorum dogmatum diffi-
mulationes. Quanto scil majorum rerum iactura hic in metu repo-
nitur.)

Locus 2.
congloba-
tio per
ἀρετήν καὶ
θεῖον.

Qui enim illi sunt, quos cum fugere debebant, simplices Christi-
anæ oviculæ, ultro se istorum dentibus dilaniandas obijciunt? non qua-
drupedes lupi, qui licet rarius, & non nisi extrema fame stimulâte, non-
nunquam tamen homini unguēs injiciunt, sed tamen vel telo vel in-
clamat̃is auxilijs, vel musici instrumenti clangore fugari possunt: aut si
domi tecontineas & hyemis tempore à sylvarum vastis solitudinibus
abstineas, nihil ab istis metuendum habes (sic inducantur res aliæ si-
miles per ἀρετήν vel negationem e. g. non sunt fures, non latrones, non
diabolus: & singulis subijciatur ratio, cur minus ab istis periculum sit.
Postea fiat conclusio in vero nomine Pseudoprophetarum, sc. quod
sint Diaboli quidam incarnati, vel sub humana figura diabolicis arti-
bus ad perniciem generis nostri instructi homines. Sic rursus alia
potest fieri ἀρετὴ καὶ θεῖος ab enumeratione earum rerum quæ ab hæ-
reticis appetuntur: nempe non fortuna, non fama & pecunia, non vale-
tudo, forma, vita, sed ipsa æterna salus: item ab enumeratione modo-
rum quibus nocent.)

Epilogus habet 1. Repetitionem conclusionis. 2. preces ut Deus
nos conservet ac prohibeat nobis illarum hæresium pericula.

Exercitium XI.

Quam graviter peccent parentes nimium
liberis indulgendo.

EXORDIVM. Pro ridiculò habetur, si quis in bonis proprijs furtum committere posse arguatur. Quanquam cum verissimum sit, rideri non debet. Ita enim omnes judicant in ijs quæ à nobis possidentur adeò omnia nostro arbitratu agere licere, ut nullus hic peccandi locus sit. In quo errant sane tota, quod ajunt, via: cum quo propiori quasi charitatis vinculo res conjuncta nobis fuerit, eo delinquatur gravius, si non honestè satis sed ex libidine abutaris. Quod nihil adeò nostrum sit, quin à Deo ad nos profectū, & ab eodem commendatum sit, cui etiam administrationis nostræ ratio debeatur.

Propositio. Quare etiam si fortassis difficulter persuaderi hoc sibi patientur parentes: tamen crimine se obstringunt detestando, si nimia in suos liberos indulgentia hos corrumpi siverint.

Confirmatio. Etenim dum parentes liberis suis nimium indulgent, hoc agunt ut blandiendo illis & oscula quasi inferendo pestem ac mortem afferant: & dum volunt amantes videri sobolis suæ, inimicissimi ejusdem & extremi exitij authores existant (inculcetur hæc eadem sententia alijs synonymis phrasibus.)

Etenim cum Deus nihil tibi conjunctius esse voluerit liberis tuis, qui non tantum nomen sed ipsam naturam à te accipiunt: cum nihil amabilius ac charius sit parentis appellatione; cum non tantum tutelæ tuæ liberos subjectos, sed etiam & ætate & prudentia te ijsdem antecedere Deus voluerit: quæ ea indulgentia est ita tantum quæ ante pedes sunt & non in longitudinem prospicere? Ita & tibi charissimos, & divinitus diligenter commendatos liberos tuâ mollitie prodere? cogita quid sit patrem esse (subjiciatur definitio) quid liberi (Subjiciatur iterum definitio) quid vita liberorum? quid salus? quid officium tuum quid mollities ista (subjiciatur singulis definitio.)

Vtinam cogitarent sapiensculè parentes, quam infortunatos eventus illa infelix indulgentia sortiatur. nempe ubi per ocium, fractus atq; enervatus filius impunitate ad omnem nequitiam illectus, tandè tamen malo suo maximo sapere didicerit, & serò fortassis, An non omnem infelicitatis suæ culpam in parentem transcribet? Vtinam, inquiet, parentes meos aut nullos unquam nactus essem, aut non ita mei præposterè amantes: cur non verberibus durissimis coercuerunt, illam quam etiam mihi quippe homini naturalem malitiam esse ignora-

Loc. 1. excongerie explicante quid sit indulgentia.

Locus 2. à rationati:

Loc. 3. ordinis digestio, secundum quam enumerantur incommoda per Erhopœiā.

re non poterat (fiat excusatio scil: ab amore paterno materno &c.)
 2. cur non minis me & ætatis luxuriam illam continuerunt (fiat excusatio e. g. ab affabilitate & moribus, ab iracundia alienis.) 3. cur non alienæ inspectioni severiori commendârunt, imò cur ubi deliqueram illi me purgabant ultrò, laudabant adeò indolem, occasiones amplius aliquid audendi suppeditabant. (Fiat invecio per enumerationem partium qualitatis vel quòt modis hoc turpe sit.)

2. digestio.

Nunc inquit, hoc ego ob parentum stultitiam præmium fero
 1. nihil didici, nec artes bonas, nec mores sive quæ ad viri honesti officium pertinent. Quo pacto aut humaniter cum hominibus conversandum aut colenda iustitia. (Ostendatur 1. quàm grande hoc malum sit 2. extenuetur præ illo quod sequitur) 2. Nihil suppetit unde vitam tolerem. 3. malis assuetus moribus non possum mihi imperare quin & familiæ dedecus sim & mihi vitæ periculum conciliem. (Subjiciatur & his gradibus quæ monuimus ad gradum primum.)

Epilogus habet 1. correctionem istius Ethopæias quâ transferatur oratio figurata illa ad propriam e. g. Hæc igitur sic dicere poterit filius indulgentius habitus a parente ubi adoleverit: eadem sæpius sibi dictare parentes oportet 2. Adhortationem ut acurata disciplina mores liberorum fingantur.

Exercitium XII.

Adversus Magistratum tarditatem in vindicandis delictis.

EXORDIUM. Exponit quid hoc sit vitij per exemplum. Quod ille in historia sacra dicebar Pilatus scil: an nescis tu omnem tuum vel absolventi vel damnandi potestatem in mea unius manu esse possitam, utinam verè affirmare possemus neminem inter christianos magistratus reperiri qui sit ita impius, ut idem cum Pilato sentiat (Subjiciatur hic antithesis e. g. Verum pleriq; omnes ita sentiunt qui cum potestate aliqua sunt, ex sua libidine omnia administrandi liberrimam facultatem sibi esse. Describatur hoc quatenus licentia utantur magistratus.)

Propositio. Verum magna Reipub. cum calamitate conjun-

ctum

atum est adeò absq; severitate ulla magistratus officio præsidere, impu-
nè abire scelera, plus gratiæ quàm iustitiæ tribui.

Confirmatio. Quod ut intelligatis, quæso huc animum adver-
tite: Principio Dei judicia sunt inquit scriptura: Itaq; Dei est man-
datum, Dei autoritas, Dei voluntas inviolabilis ut pænarum salubri
acerbitate magistratus serpentibus morum malorum contagijs matu-
rè medeantur, ut suppullulantem omnium scelerum atq; audaciæ se-
getem, legum suppliciorumq; acie tempestiva retundant, ac penitus
extirpent (Eadem res dicatur atq; inculcetur formulis dicendi alijs.
Quemadmodum & hæc sententia debet sic per synonymias urgeri scil:
Itaq; Dei autoritatem violant. Rursum ista, qui in pænis exigendis
negligentes sunt.)

Si quis opilio cum mandatum habeat lupos persequendi, ita vel
perversè misericors vel impudenter ignavus fuerit, ut vel non expleri
à lupo famem suam putet indignum, aut ejusdem rabiei se obijcere per-
timefcat? nebulonem illum potius quam opilionem dixeris, & longè
à familia tua arcessere vel expellere quàm domesticum esse mavelis
(Fiat 1. Redditio vel applicatio e. g. Deus est quasi amplissimarum o-
pum quidam paterfamilias: Imperia, Respub. regiones, Dei quidam
grex sunt: præsidēs & magistratus quasi opilionū funguntur loco &c.
Contexantur reliqua. 2. Adjiciatur oppositio, quantò scil: hic majus
peccatum sit in magistratu quam in opilione.

Epilogus habet repetitionem 1. propositionis 2. argumentorum.

Exemp. XIII.

Meditatio passionis Dominicæ 1.

Quis sit passus.

EXORDIVM attentionis & docilitatis causâ aditum com-
munit ad thema. Quemadmodum in Salvatore nostro Christo Deus
& homo: ita in ijs quæ piè de Christo credimus duo rerum genera,
maximè alias inter se distantia, hic conjuncta deprehenduntur: scil:
summa vilitas & majestas maxima. Vilitas in ijs occurrit historiæ
hujus sacræ partibus, quæ oculis ac sensibus obversatæ sunt. Hoc di-
co, quod usitatâ inter homines nativitatē ex materno utero infans

Argu. 1.
à congerie

Argum. 2.
à compar:

prodit

prodit: quod nutrimenti appetens in sinu matris positus ab hujus-
 uberibus dependet, & instillato lacte famem depellit: quod lineo au-
 laneo amiculo, nudis pedibus, habitu corporis ac totius vitæ gestu ni-
 hil a reliquis mortalibus dissimili totis annis 34. in terris inambulat:
 quod insidijs invidorum appetitur, comprehenditur, vincitur catenis,
 mulctatur verberibus, amarissime irridetur, cruci suffigitur, moritur
 deniq; & in sepulchri tenebras abditur. An non hæc vilissima condi-
 tio, & quæ omnium minimè convenire videatur cum eâ, quam de
 Christo credimus, maiestate? (fiat hic altera enumeratio partium ma-
 iestatis & gloriæ Christi) Atq; hæc cum sit omnium maxima atq; aug-
 stissima, placuit tamen Deo illis quasi viliratis involucris, & ut Paulus
 loquitur, servili schemate occultare atq; obvolvere. Non quod illius
 gloriæ visionem nobis invideat Deus, sed quod fulgorem illius oculo
 noster non capiat. Itaq; in illis integumentis, tanquam in speculo i-
 maginem solis inspectandam proposuit: ut nec vehementia divinæ
 lucis præstingeretur fidei nostræ acies, & diligenter intuentibus
 quantum satis esset ad restringendam in nobis divinæ cognitionis fi-
 ctinā, abunde profuieret.

Locus 1.
 à conglom-
 batione de-
 finitionū.

Quis igitur pro humano genere nostro nobis debitas pro in-
 obedientia pœnas subiisse perhibetur? Christus, sane secundum quod in
 temporis certa origine in mundum istum natus est, homo, noster fra-
 ter &c. (aggerantur aliæ definitiones humanæ naturæ. Porro osten-
 datur magnitudo hujus rei, quod frater pro nobis mori voluit) neq;
 tantum est frater noster Christus sed idem Rex ac Dominus, idem pon-
 tificex maximus, idem unus inter Deum & homines mediator, mundi
 salvator, Diaboli destructor, vitæ instaurator, omnium ac maximo-
 rum bonorum author, unus humani generis author, delicta, salus, vi-
 ta omnino &c. (ostendatur magnitudo hujus rei: vel quam mirabile
 sit, illum esse passum Christum scilicet qui has omnes dignitates sustine-
 at.) Neq; tantum est Rex noster Christus aliquis ex numero nostro
 electus: sed ab omni æternitate ad hoc officium prædestinatus: quip-
 pe, unus cum patre & Spiritu S. ante omnia secula Deus (compor-
 tentur huc definitiones vel tituli Dei alij: Deinde demonstretur quam
 hoc admirabile sit, hunc pro nobis esse passum.)

Locus 2.
 conglom-
 batio similiū.

Si pastor oves suas ex lupi dentibus redimendi causa seipsum lu-

pinis

pinis dentibus obijciat: fidelem oportet et amantissimum ovium fuisse pastorem. Si dux patriæ à periculo prohibendæ, aut militibus parcendi causa suum caput certissimæ morti devoveat, inusitatam eam fortitudinem, pietatem, charitatem jure meritoq; nuncupabis: si sponsus aliquis ut mulierem adamatam expediat, ipse gravissimum vitæ discrimen non detrectet: adeò admiramur atq; exosculamur eam fidelitatem etiam in alieno homine, quasi ad nos etiam aliqua ejus beneficii pars pertingeret (singantur alia similia hujus generis. Deinde subijciatur redditio, qua ostendatur hujusmodi quid fecisse Christus, imò majus tantò, quo ipse excelsiori loco est.)

Epilogus per Exclamationem repetat aliqua demonstrationis capita. 2. Gratias Christo concipiat.

Exercitium XIV.

Meditatio 2. pro quibus passus sit Christus.

EXORDIUM. Non recedet malum à domo ingrati, inquit, ille, tanta est hujus vitij ingratitudinis scil. indignitas ut abesse non possit, quin certissima divina ultio eam consequatur. Quod per se gravissimum est scil. divinam iram habere adversus te concitatum: tū in ingratitudine illud longè gravius existit quod non recedit malum sive neq; magnitudine neq; diuturnitate pœnarum unquam fieri potest ut divinæ ultioni satisfiat. Neq; in ipsum ingratitudinis authorem tantum, sed etiam in domum sive posteros ejus ea eduntur exempla, quibus alij ab ingratitudinis vitio, quantum fieri potest absterreantur. Quod si ad eam vindictæ acerbiteratē divina justitia inflammatur, etiam si in humano aliquo & vulgato beneficio ingratitudinis erratum interveniat: quid nobis metuendum erit, si in summis illis & nullo pacto, suo precio æstimandis filij Dei erga nos beneficijs non satis grata mente recolendis, negligenter deprehendamus? An causam dicere possemus, quin non quidem hujus vitæ mala vel afflictiones, sed inextinguibilis illius ignis, flamma ac cruciatus, non tantum non ad multorum annorum spacia, sed ne quidem ad immensa illa æternitatis secula, non à domo nostra aut corpore sed ab anima miserrima non recederent.

Propositio. Itaq; diligenter nos ipsos exuscitemus in memoria repetendis divinæ passionis beneficijs. Cogitemus imprimis quo indigniores nos pro quibus Christus pateretur, eò digniorem passionem ejus, quam vel momentis singulis meditemur.

Arg. 1. ab
ordinis di-
gestionc.
Pars prima

Confirmatio. Principio amoris quadam vehementiâ incredibili impulsus esse Dei filium, ut vel morte suâ nos charissimos suos ex ea quam peccatis accerferamus nobis, perniciæ expedire non recusaret. Sed considerate mihi quam adeo nihil in nobis reperiri liceat quare non tantum mori pro nobis præ amore sed etiam amare debuisse videatur. Qui amant eligere solent vel qui pares sibi sunt vel aliquo gradu superiores etiam.

Nos igitur Christo pares? ita sanè ut nulla major cogitari possit disparitas. Dominus ille, nos servi: creator ille nos opus (sic potro fiat comparatio & Antithesis per plures partes.)

Pars secun-
da 1. Fiat
extenuatio

Quamquam hoc mirum maximè, tamen non adeò insolens, infimæ sortis homines scil: à luminibus quasi illis terrestribus principibus dico, Regibus, Imperatoribus, in delicijs habitos fuisse. Etiam si enim horum fulgor divinam illam majestatem non æquet, aliqua tamen similis humanitatis atq; amoris imaguncula apparet, Quid igitur quod non tantum longè nos dispares: sed præterea nulla venustate aut gratiâ commendatos amore complexus sit, an non hoc tandem supra omnia humanæ charitatis exempla excedere agnoscemus? Estherem amabat Ahasverus Rex pauperculam illam quidem, natalibus obscuris: interim formâ excellentem, tum omnium maximâ dote virtute scil: instructam. (Fiat Redditio scil: in nobis nihil tale esse quod allicere Christum in nostri amorem possit.)

Pars 3.
Fiat exte-
nuatio par-
tis antece-
dentis.

(Fiat 1. extenuatio partis antecedentis scil: quod & hoc non ita insolens dici possit si inter se ament fortuna dispari, tum ubi nullâ intercedat à venustate commendatio quod multum possit inter homines conjunctio communis sanguinis, tum illa naturalis ad eos amandos proclivitas, à quibus mutua benevolentia aliquid speramus. Verum eò majoris admirationis hic in Christo amor est, quo minus in nobis illecebrarum istiusmodi ad animum Christi nobis copulandum. Etenim diviserant inter nos & Deum nostrum peccata: non ille amplius pater noster qui creationis jure esset merebatur, se d. iudex quem

nostra

nostra peccandi libido fecerat. Non nos amplius filij Dei, quibus honoribus divina benignitas ultrò nos profecuta fuerat: Sed degeneres, spurij, adulterina proles, quod ingenij perversitate hanc abdicationem attraxeramus (pertexatur hæc enumeratio per alias partes seu antitheses.)

Epilogus habet Apostrophen ad filium Dei per repetitionem dictorum & preces ut per gloriam suam conservet nos filius Dei quos per ignominiam à perditione ereptos voluit.

Exemp. XV.

Meditatio 3. Quo authore & impulsore passus sit filius Dei.

EXORDIUM attentionis causâ proponit rem dubiâ. Mirum est illud quod in Matthæo legimus: Cum præmonuisset discipulos Christus de passione sua imminente, narrat divus Evangelista Apostolorum principem Petrum cum charissimum haberet magistrû suum & omnipotentem Dei filium nosset, sevocato aliquò dixisse in aurem: Mi Magister ne feceris, prohibe quæso hoc abs te mali aliquo pacto. Plenum sanè ut videtur amoris & officij consilium: Verum quod non tantum nullum apud Christum locum invenit, sed etiam acerbissimum huic stomachum facit: ut gravissimè exardescens illud divinæ charitatis exemplar Christus, atrocissima in discipulum conjiceret convicia. Non quidem nequam hominem, non scelestum, non veneficum, non latronem appellando: sed quod his omnibus gravius atq; intolerabilius est Sathanam. At quid ille meritis erat? quid fecerat? quâ re tantam bilem Christo commoverat? nisi quia ne Christus moreretur, author fuerat. Sapis, inquit, quæ sunt hominû non quæ sunt Dei. Hominum itaq; sapientia est, tibi ut bene sit unicè circumspicere: aliorum incommodis minus moveri. Quemadmodum Dei sapientia est cum ipse sit felicitate abundantissimâ, alienæ humani generis scil, miseriei dolore percelli. Itaq; hac divina sapientia impulsus Christus & nostram culpam morte suâ luendam voluntate suscepit promptissimâ, & amicum ut solebat appellare, fratrem adeò, discipulum, filium, Petrum dico, quod majorem sui quam no-

stri rationem habendam censeret vel in hostium numero accensuit.

Propositio. O amoris genus verè divinum! ita amari nos à patre, ut pro nobis tradat filium? ita amari nos à filio, ut se quam nos mori malit.

Locus 1. à
comparat:

Cogitate esse aliquem tantæ humanitatis principem qui à subditis de quibus benè meritus sit incredibili quadam improbitate gravissimè offensus, non tantum ad pacis condiciones ultro se offerat: sed etiam ut quod damni à seditione datum est resarciatur ipse se opibus suis mulctet. Adeò rarum est hoc clementiæ inter homines genus ut non sine audacia aut imperitia fingere vobis videri possim (subijciatur reditio e. g. unde æstimandum venit quam infinitis spacijs humanam benignitatem divina præcurrat clementia. Etenim erasmus etiam nos subditi &c. et Deus impendit in nos non opes &c. sed filium.)

Locus 2.
coglobatio

Atq; hoc eò magis mirandum est quo major Dei benefactoris nostri præ nobis sublimitas. Quis enim ille ut motus esse aliqua ex nobis capiendi lucelli spe videri possit? qui nos, ut aliquo pacto digni ijs beneficijs agnoscamur? Deus quidem tantas omnis felicitatis divitias, & ab omni æternitate quidem possedit: ut cum mundum istum produxisset omnesq; beatitudinis suæ thesauros in hunc effudisse credi possit, tantum tamen sibi felicitatis retinuerit, ut non solum non sensibus, sed ne cogitatione quidem quisquam conjectare possit, quantum gloriæ non dico sibi reliquum fecerit Dominus sed pijs suis olim indulturus sit. Ille cæli terrarumq; & author & dominus &c. (Congerantur alia Dei Epitheta & descriptiones, & oppositæ descriptiones humani generis.)

Locus 3.
congeries.

Pater filium pro mundo tradidit, ô mirabilem doni rationem! quid enim hoc est nisi quod eum quem habebat charissimum pro ijs qui meriti erant odium, gravissimo mactari voluit supplicio: & pater hoc voluit, ne odio filij fecisse credas quod fecit miro & ineffabili adversus hostes amore. Ut & filium amaret à quo redamabatur, & homines à quo odio habebatur: & in eo inusitati cujusdam amoris exemplum exhibere cogitaret, ut hominum amorem Deus: qui læsus erat benevolentiam eorum qui læserant: omnipotens cum infirmis reconciliationem, unicis delicijs & amoribus suis filio scil: redimeret (efferatur sic porro sententia eadem verbis alijs.)

Epilo-

Epilogus habet gratiarum actionem ad patrem pro dato nobis filio.

Exercitium XVI.

Meditatio 4. Quid Christus pro nobis passus sit consideratur in genere.

EXORDIVM. Si rectè faciunt qui ut de se benè meritum gratam servant memoriam, imaginem Benefactorum suorum de collo suspendunt: eò rectius ij facient, qui omnibus modis dominicæ passionis memoriam sartam tectam custodire operam dant, quo & beneficium hoc Christi omni humana beneficentia longè excellentius, & ipse author augustior existit. Non igitur ex collo suspendamus vel argenteas vel aureas vel ex alia materia crucifixi Christi imagunculas: quod id magis ad divitiarum ostentationem quam devotionem memoriæ pertinere videatur: Sed omnia in oculis, in mente, cogitationibusq; sit crucifixus Christus. Neq; enim aut aliud gratitudinis à nobis postulat hic salvator noster, quàm ut creberrimâ recordatione mortem pro nobis à se aditam recolamus: aut salubrius non in præsens tantum sed in omne futurum ævum consulere nobis poterimus, quam vulnèrum Christi pro nobis inflictorum frequenter recordando. Ut non tantum non abs re, sed etiam non sine magno pietatis commodo facturi esse videamur, si tempore admoniti quid quantumq; pro nobis passus sit Dei filius religiosa contemplatione intueamur. Non quod Dominicarum passionum aut numerum aut magnitudinem vel ulla mentis cogitatio complecti, vel orationis facundia æquare valeat: sed quod æquius sit quo possis usq; in ijs enarrandis progredi, quam invento forte difficultatis prætextu a salubri hac commemoratione abstinere.

Et initio quidem acerbissima sanè filius Dei ea sustinuit quæ parent & omnium obvia sunt sensibus, quibus tamen congerendis super sededo & quod sponte vestrà in illorum memoriam regrediemini & quod ea longè acerbiora sunt, quæ non item à lectore animi remissioris animadvertuntur. Hoc dico me præterire velle, quod nullum fere in humanis rebus calamitatis genus aut reperiri aut mente fingi

Locus 1. à
comparat:
Pars 1. per
præteriti-
onem.

potest, quin aut idem illud aut gravius expertus sit Christus. Paupertas onus molestum & grave est? Pauperrimus fuit Christus (ita enumerentur per interrogationem & subjectionem calumnia, persecutio, exilium, infamia, fames & sitis, tentatio Diabolica, contemptus in mundo, labor, vulnera, mors) amicorum sensit perfidiam, inimicorum fraudes ac dolos. A magistratu per vim appetitus est à plebe per ignorantiam & temeritatem, Regibus pro ridiculo ac delectamento, literatis pro odij materie: plebeculæ pro rumusculorum argumento usurpabatur. (Fiat sic porro enumeratio per partes oppositas e. g. in deserto, in urbe vel inter homines, apud suos, apud peregrinos, noctu interdum, in mari in terrâ, in vita in morte, in corpore in animâ.)

Nullum corporis membrum, nulla animæ particula, nulla in sanctâ illâ carnē ac humanitate Christi portio passionis hujus experta fuit. Caput baculis rundeabatur, spinarum perfodiebatur aculeis, in cruce nullo subnixum fulcimento pondere sui gravabatur. (Ita narretur de facie, lingua, auribus humeris, tergo, manibus, pedibus, venis, tota corporis mole) Anima non tantum inusitatis illis corporis cruciatibus una macerabatur, sed qui præterea calamitatum ictus à corpore quasi aberrassent ab anima excipiebantur. Dico vel intelligi volo acerbiteriam confictorum in Christum criminum: ingestorum conviciorum multitudinem, odiorum immanissimorum indignitatē &c.

Hæc omnia inquam prætereo. Illud autem omnium summæ admirationis esse puto, quod divinæ iræ molem Christus portavit (fiat hic congeries sive immoratio) Illud imprimis passionis dominicæ opus admirandum facit, quod totius mundi peccata filius Dei tulit. (fiat congeries 2. Gradatio: si unius hominis, si unius civitatis, si unius regionis, si unius sæculi peccata expianda suscepisset Christus: monstraretur in singulis quam hoc esset magnum) Illud dominicæ passionis onus supra quam credas aggravat quod infernalium cruciatuum intolerandum dolorem pro nobis accipere voluit (Fiat hic congeries 2. conglobatio definitionum inferni.)

Epilogus. Gratiarum actio per Apostrophen ad filium Dei, & deprecatio ut nos conservet à peccatis immunes, pro quibus tam acerbam passus est.

Exercitium XVII.

Medita-

Meditario 5. Quod filius Dei sanguinem sudavit.

EXORDIVM. In hominum amicitia conjunctorum societate ita observari solet, ut quod charitatis genus alter fortè præstiterit, nisi ab altero mutuum in eodem genere fiat, hic perfidus esse & contra amicitiae leges illud commississe jure meritoq; pronuncietur. Quod si in alienis causis ita judicamus: turpis inconstantiae foret si in eodem crimine fortè deprehensi aliter aut melius de nobis statuendum postulemus. Quorsum hæc, inquires? ex divinis literis potestis meminisse, quanto charitatis zelo erga humanum sanguinem exardescat Deus, ut si fortè hujus quædam temeraria profusio vel ab homine vel a bestia admitta sit gravissimas pœnas, Deus adversus authorem decreverit. Quod si igitur divinum numen tantâ amoris vehementia nostrum hominum sanguinem comprehendit, non tantum non curat minimè, non tantum non ingemiscit, non tantum non leviter dolet, sed etiam amoris suo, non satisfecisse sibi videtur, nisi acerrimas pœnas exigat ab ejusdem violatoribus. Quod si hoc, inquam, animo erga nos Deus est, quantò minus nos decebit remisso animo atq; abjecto auscultare, à Deo nostro ac Domino Dei Filio sanguinem suum profusum, quanto majori Zelo nos hic oportet effervescere, quanto ingemiscere gravius, vehementius stomachari adversus hujus doloris auctores?

Propositio. Verum pro pudor ita evenit, ut quo religiosius hic officium nostrum desideratur, eò nos frigidiores simus. Excitemur, excitemur mei homines ex hoc non ignaviae solum, sed extremi exitij somno.

Confirmatio. Sudavit Christus: & noctu ubi potius frigore tentantur corpora quam æstu sudorem eliciente. sudavit Christus & satis levi indutus amiculo, quod vix ab aëris nocturni inclementia corpus defendere sufficeret, tantum aberat, ut sui vel gravitate vel futura calorem vehementioram excitare valeret. (Sic removeantur aliæ causæ e. g. non portabat onus, non opus faciebat quod quidem apparet: non erat lætus sed tristis) Sudavit filius Dei, quia nimis grandem illam iræ Dei & peccatorum mundi molem cervice sua sustinebat. Unde non tantum sudoris quasi rorem sed pluvias atq; imbres & sanguineos qui-

Locus 1. à
congloba-
tione cau-
sarum.

dem

dem illos profundeabat. Sudavit, & sanguinem quidem, quia multis aquis imò multo filij Dei sanguine opus erat, ad peccatorum humanorum immunditiem lavandam. Quare filius Dei sanguinis sui copiam non tantum in cruce ex vulneribus emittere, sed etiam in horto per sudorem ex omnibus venis effundere voluit. Deniq; sudavit & sanguinem quidem, quia largo lachrymarum flumine & sanguineo quidem ad deflenda totius mundi peccata opus erat: Itaq; Filius Dei non tantum ex oculis lachrymarum aquas stillare, sed omnibus partibus corporis quasi sanguinem plorare voluit (cogirentur similes causæ.)

Locus 2.
Enumeratio
conseq.
vel usum
per Apo-
strophem.

Huc ergo homines animum adverte & considerate salvatorem vestrum, Deum vestrum, ac Dominum vestrum in horto sanguinem sudantem. Ut pudeat quoties vos miseri ac perdit, inutiles creaturæ, perfidi servi in mundo, h. e. exitij faucibus omnibus delicijs circumfluitis. (Sic reliqui attexantur usus e. g. ut hinc adversus peccata medicinam paretis, qui istorum sordibus & contagione vos infectos doletis &c. ut hinc eviteris peccata: superbiam, delicias &c.)

Epilogus habet 1. repetitionem 2. preces ad filium Dei ut huius sanguis nos emundet ab omnibus peccatis.

Exercitium XV III.

Meditatio 6. Quod Iesus sit cruci suffixus.

Cum in alia scientia penitus exploranda utilissima opera collocari putatur, tum nobis Christianis dubium esse non debet, quin nullum studium melius, nullas horas utilius, nullas operas rectius collocaturi simus, quam quas in cruce Domini Iesu consideranda adhibuerimus. Quod vel unicum D. Apostoli exemplum satis persuadere poterit. Paulum dico, qui non tantum omni humanâ, liberali quidem, cognitione imbutus: sed etiam cum in tertium cælum abriperetur cælesti & ineffabili perfusus sapientia: tamen nihil se scire profitebatur, præter Iesum crucifixum (addatur ætiologia 1. per ἄγων 2. per θέναι.)

Propositio. Itaq; eodem etiam nos hanc meditationis operam coniiciamus.

Locus 1. à
comparat:


Confirmatio. (Comparetur Christus cum Pelicano 1. quatenus hic quædam sunt similia 2. quatenus multa sunt dissimilia e. g. In eo

feli.

felicior Pelicanus quod ab inimico suo serpente scilicet pullis mors allata fuit: Christo autem manus & mortem inferunt qui filiorum adoptati loco, animo maximè commiserante Christi vulnera ferre debebant.)

Illi verò manibus crudelissimis, vultu truculento, animo efferrato in Christum involant i. vestem diripiunt. Deinde ita nudum in terram prosternunt, in crucis lignum vel machinam applicant: alius dexteram alius sinistram arreptat manum: alius pedes captat: alius aut funes stringit, aut clavos expedit &c. (Describantur reliquæ partes ita ut fingas te coram astantem oculis spectare omnia, & ita oratione efferas.)

O rem omnium quæ unquam fando audita sunt indignissimam! Itane accipere oportebat, ô homines, vestrum hospitem, eundemque Dominum ac Deum vestrum? qui ut vos olim in patris cælestis sui regnis liberalissimè habere posset, ideo ad vestram tenuitatem se dimittere non erubuit. (Fiat hic congeries.) Pudeat sanè cum universâ mundi fabricâ ad eam creatoris sui patientiam inenarrabili stupore percelleretur, nos solos relinqui, qui parum & culpâ nostrâ quâ eos cruciatus Christo peperimus, & Christi charitate, quâ istos perferre voluit, commoveamur (Fiat Prosopopæia sive fingatur oratio stomachantis adversus hominum peccata Solis, qui in Christi passione obscurabatur: templi Jerosolymitani, cujus velum rumpebatur: petrarum quæ mediæ dissiliebant: totius terrarum orbis, qui tremore quatiebatur: universæ demum naturæ quæ tenebris opplebatur. 2. Fiat Ethopæia sive fingatur oratio Judæorum & humani generis improborum potissimum, qui illuserint Christum in cruce suspensum. Demum affingatur oratio Christo, quâ ille omnibus ignoscat: omnes ad sui meriti fruitionem invitet: & toti naturæ imperet ut quiescat, & porro hominibus inserviando officium faciat.)



Locus 2. à
descripti-
one partiū

Locus 3. à
ratiocina-
tione sive
circumst.
pondera-
tione.
1. Circūst.
2. Circum.

INDEX TERTIÆ

Progymnasmatum partis.

C omparatio, quid sit, verba Authoris. pag. 1	Divisio altera in vehementiorem & remissiorem. 27
Commentatio, genus, Enthymema. 2	Genus Elocutionis in Ethopaia. ib.
Quid sit Enthymema. ibid.	Partes. 28
Differentia. 3	Exercitium: gaudium filij perditivoducis. 29
Quatuor termini in comparatione. 4	Δευτεῖα, Πηγυrides. Tres modi persuadendi. 30
Duo Syllogismi in comparatione. ibid.	Ethopaias divisio 31. Ethopaia absq. figura: cum figura. 32
Duo notanda. 5	Inventio Ethopaias absq. figura. 33
De terminis. ibid.	Exemplum ex Cicerone. 34
Divisio. Comparatio similium & dissimilium. 6	Imitatio. 35
Comparatio parium & imparium. 7	Aliud exemplum ex Cicerone. 36
Usus Progymnasmatum hujus ibid.	Imitatio. 37
Finis & internus. ibid.	Ethopaias cum figura brevioris exemplum. 38
Finis & externus. 8	Imitatio. 39
Finis q. 9	Ethopaias in personā verā exemplum ex Cicerone. 40
De partibus proprijs tractationis. 10	Paraphrasis vel analysis ejus exēpli. 42
Loci. ibid.	Præcepta inventionis duo. ib.
Loci ex Cicerone. 11	Exempla quatuor. 43
Usus locorum ex Cicerone. 12	Imitatio. 44
Varietas. 13	Exercitium: Josephus in carcere. 46
Usus duplex. 15	ΕΚΦΡΑΣΙΣ vel DESCRIPTIO.
Usus primi exempla ibid.	Progymnasma Duodecimū. verba Authoris. 48
Usus secundus. 22	Commentatio. Partitio. 49. Quid sit 50
Partes accessoria. ib.	De subjecto 51. De locis; personarum 52. rerum. 53
ETHOΠΟΕΙΑ , progymnasma Undecimum, verba Authoris. 23	De speciebus. 54. De elocutione. ib.
Commentatio. Quid sit Ethopaia. 25	THESIS , Progymnasma decimum
Divisio prima in Ethopaias propriè sic dictam, Prosopopaias & Idolepaias. 26	tertium. verba Authoris. 55

Com-

Commentatio. Quid sit.	56	c. 12. De Amplificatione ex Cicerone.	87
Distinctio homonymia.	57	Præceptum primum.	88
Distinctio inter thesin & hypothesein.	58	alterum & tertium.	89
De Partibus theseos, de objectione.	59	c. 13. De Locis Amplificationis ex Aristotele.	90
Exercitium: hortatio ad Sobrietatem.	60	Sylvula Exercitiorum.	
Copia quadam thesion scribendarum.	61	Exemplum COMPARATIONIS I.	
LEGISLATIO. Progymnasma decimum quartum. Verba Authoris.	62	Comparatur inter	
Commentatio. Quid sit.	63	inter .	95
Collatio cum hypothese.	64	Ex. 2. comparatio inter Romulum & Ciceronem.	99
Collatio cum thesi.	65	Ex. 3. comparatio inter Alexandrum M. & Julium Casarem.	103
Divisio. 66. Tractatio. ibi.		Ex. 4. comparatio inter Aaronem Sacerdotem summum, & Josephum Patriarcham.	105
AMPLIFICATIO. Progymnasma XV, Accessorium.		Ex. 5. comparatio inter Christum & Archangelum Michael.	109
Cap. 1. de ambiguitate vocabuli.	67	Ex. 6. comparatio Alexandri M. cum Solomone.	112
Quid sit Amplificatio proprie sic dicta.	68	Ex. 7. Utrum Vinum, an Rex, an verò Mulieres vel tandem veritas sit fortior & præstantior. Orationes octo.	115
c. 2. Exempla. Quinq; species. ibid.		Ex. 8. Pro ordine Literario adversus Militarem.	128
c. 3. species prima, Comparatio. quid sit quæ partes. p. 69. Exemplum.	70	Ex. 9. Pro ordine Militari adversus Literarium.	129
c. 4. Exemplum alterum.	71	Ex. 10. Pro ordine Mercatorum adversus Literarium.	131
c. 5. Altera species, Conglobatio. Quid sit. Exempla.	73	Ex. 11. Pro ordine Literario adversus Mercatores.	132
c. 6. Exempla ex Cicerone.	74	Ex. 12. Comparatio ordinis Militaris cum Mercatoribus.	135
Imitationes exemplorum.	76	Ex.	
c. 7. Tertia species, Congeries. Quid sit.	78		
Exempla.	79		
c. 8. Imitationes exemplorum. ibid.			
c. 9. Quarta species, Ratiocinatio. Quid sit. Exempla.	81		
c. 10. Quinta species. Quid sit. Exempla.	83		
Imitatio.	84		
c. 11. De Amplificatione ex Granatensi.			
1. in genere vel de Inventione.	85		
2. de Elocutione.	86		

Ex. 13. Pro Mercatoribus adversus Milites.	137	Ex. 32. Comparatio inter atates. Prefatio.	175
Ex. 14. Pro praestantia sexus virilis adversus faemineum.	139	Ex. 33. pro praestantia Infantia & Puercitia.	177
Ex. 15. Pro Sexu faemineo.	141	Ex. 34. pro senectutis Excellentia.	178
Ex. 16. Comparatio Nobilitatis cum Modestia: Illa praefertur.	143	Ex. 35. pro atatis Virilis praestantia	179
Ex. 17. Comparatio Modestiae cum Nobilitate: Illa praefertur.	146	Exemplum ETHOPOEIAS I. Prefatio.	182
Ex. 18. Contentio super Achillis Armis. Prefatio.	148	Effectio Ira Davidis stomachantis adversus parricidium Absolomi.	183
Sententia Agamemnonis.	150	Ex. 2. Absolomus supplex Patri.	184
Ex. 19. Sententia Nestoris.	151	Ex. 3. David delinitus & reconciliatus.	185
Ex. 20. Oratio Ajacis.	153	Ex. 4. Quid animi fuerit Caino, & fratri Abelo: item Parentibus in contentione filiorum.	187
Ex. 21. Oratio Ulyssis.	155	Caino adversus fratrem Invidia.	188
Ex. 22. Comparatio inter disciplinarum genera. Prefatio.	158	Ex. 5. Abeli pietas.	191
Pro Philosophia.	159	Ex. 6. Adami fiducia, dolor, metus.	192
Ex. 23. Pro Medicina.	160	Ex. 7. Quid animi fuerit Josepho conspectis fratribus in Aegypto.	193
Ex. 24. Pro Jurisprudencia.	161	Ex. 8. Quid fratres Josephi singuli potuerint cogitare, cum a Josepho artis proditoria insimularentur.	197
Ex. 25. Pro Theologia.	162	Ex. 9. Quid Simeon potuerit cogitare in carcere detentus abeuntibus fratribus.	198
Ex. 26. Comparatio inter furtum & calumniam prima, quod haec sit majus visum.	164	Ex. 10. Gaudium Josephi & fratrum. Prefatio.	199
Ex. 27. Altera, quod illud superius Confutatoria.	166	Oratio Josephi ad fratres.	200
Ex. 28. Tertia Confirmatoria.	168	Ex. 11. Oratio Benjamin.	202
Ex. 29. De forma Reip. constituenda. Prefatio.	170	Ex. 12. Oratio Rubeni.	203
Primus Princeps pro Democratia.	171	Ex. 13. Consilium Babylonicum. Prefatio.	
Ex. 30. alter Princeps contra Democratian pro Aristocratia.	173		
Ex. 31. Tertius Princeps pro Monarchia.	174		

ates. Pra-
175
tia & Pu-
177
entia. 178
antia 179
S I. Pra-
182
hantis ad-
183
tri. 184
reconcilia-
185
Caino, &
bus in con-
187
idia. 188
191
r, metus.
192
osepho con-
193
bi singuli
osepho ar-
197
it cogitare
us fratri-
198
fratrum.
199
200
202
203
um. Pra-
fatio

<i>fatio. & Oratio Nimrodi Regis.</i>	204
<i>Ex. 14. Oratio Tuisconis Germani</i>	
<i>blandiloquentuli.</i>	205
<i>Ex. 15. Oratio Gomeri vel Cimbri.</i>	207
<i>Ex. 16. Oratio Elise Graci, Philosophi.</i>	208
<i>Ex. 17. Oratio Ingebonis Galli.</i>	209
<i>Ex. 18. Oratio Noahi.</i>	210
<i>Ex. 19. Prosopopaia. Introducuntur</i>	
<i>Quatuor Pictatis Filia. Oratio I. Fidei</i>	211
<i>Ex. 20. Oratio II. spei.</i>	213
<i>Ex. 21. Oratio III. Humilitatis</i>	214
<i>Ex. 22. Oratio IV. Charitatis.</i>	215
<i>Ex. 23. Introducuntur Vicia Cardina-</i>	
<i>lia Quatuor. Oratio I. profanitatis.</i>	216
<i>Ex. 24. Oratio II Intemperantia</i>	217
<i>Ex. 25. Oratio III. Superbia</i>	219
<i>Ex. 26. Oratio IV Avaritia</i>	220
<i>Ex. 27. Idolopoiia. Super controver-</i>	
<i>sus Religionis dicuntur sententia. Pra-</i>	
<i>fatio</i>	221
<i>Ex. 28. Oratio I. Mosis Zelotis</i>	223
<i>Ex. 29. Oratio II. Prophetarum, di-</i>	
<i>cta ab Esaia consolatore</i>	224
<i>Ex. 30. Oratio III. Apostolorum, di-</i>	
<i>cta à Petro</i>	224
<i>Exempla DESCRIPTIONIS</i>	
<i>Descriptio Poëtica septem Insularum</i>	
<i>Fortunatarum.</i>	
<i>Exercitium 1. Praefatio</i>	225
<i>Ex. 2. Summaria orbis Terrarum de-</i>	
<i>scriptio.</i>	226

<i>Ex. 3. Insula prima Chryse vel Argy-</i>	
<i>ra.</i>	227
<i>Ex. 4. Insula secunda, Argos vel Ar-</i>	
<i>gi.</i>	228
<i>Ex. 5. Insula Tertia Eromia</i>	229
<i>Ex. 6. Insula Quarta, Cythera</i>	230
<i>Ex. 7. Insula Quinta Alazonia ib.</i>	
<i>Ex. 8. Insula Sexta Eurychia</i>	231
<i>Ex. 9. Insula Septima Eusebe</i>	232
<i>Exercitia THESEOS</i>	
<i>Exemplum 1. An bellum sit gerendū.</i>	
<i>Pro Sententiâ negativâ</i>	233
<i>Ex. 2. Altera sententia, affirmati-</i>	
<i>va</i>	235
<i>Ex. 3. An Philosophia sit docenda a-</i>	
<i>pud Christianos. Pro sententia nega-</i>	
<i>tivâ</i>	237
<i>Ex. 4. pro sententia affirmativa</i>	239
<i>Ex. 5. An Philosophia sit discenda à</i>	
<i>Theologia Studioſo. Sententia negati-</i>	
<i>va</i>	240
<i>Ex. 6. Oratio Apologetica pro senten-</i>	
<i>tia affirmativa</i>	242
<i>Ex. 7. An Magistratus sit tolerandus</i>	
<i>inter Christianos. Pro sententiâ nega-</i>	
<i>tivâ</i>	244
<i>Ex. 8. Pro Magistratuum dignitate a-</i>	
<i>pologia.</i>	247
<i>Ex. 9. An Nosocomia sint instituenda.</i>	
<i>Oratio 1. Negativa</i>	250
<i>Ex. 10. Oratio 2. Affirmativa</i>	252
<i>Ex. 11. An Scholæ sint instituende li-</i>	
<i>teraria. Sententia 1. Negativa</i>	253
<i>Ex. 12. Sententia 2. Affirmativa</i>	255
<i>Ex.</i>	

Ex. 13. An Studiosis Literarum sint cō-
cedenda privilegia. Sententia I. Nega-
tiva. 257

Ex. 14. Sententia II. Affirmativa. 258

Ex. 15. An Exactionibus locupletan-
dum sit ararium. Sent. I. Affirm. 260

Ex. 16. Sententia II. Negativa. 262

Ex. 17. An cives sint exercendi artibus
militaribus. Oratio I. Negativa. 264

Ex. 18. Oratio II. Affirmativa. 266

Exercitia Amplificationis.

Ex. 1. Impietas demonstratur esse val-
de mala. 267

Ex. 2. Quam grande vitium sit Hypo-
crisis. 269

Ex. 3. Quam turpis sit in rebus fidei
Ignorantia. 271

Ex. 4. Scientia inflans exaugetur. 273

Ex. 5. Securitas ostenditur esse pernici-
osissimum vitium 274

Ex. 6. Desperatio quam turpis Chri-
stiano homini sit. 276

Ex. 7. Quantopere peccetur si preces
negligantur. 277

Ex. 8. Adversus κενολογίαν 278

Ex. 9. Adversus juramenta temeraria. 280

Ex. 10. Quam graviter & periculose
peccetur falsos Doctores sectando. 282

Ex. 11. Quam graviter parentes pec-
cent nimium indulgendo liberis. 283

Ex. 12. Adversus Magistratum tar-
ditatem in vindicandis delictis. 285

Ex. 13. Meditatio Passionis Dominica.

I. Quis sit Passus. 286

Ex. 14. 2. Pro Quibus passus sit Chri-
stus. 288

Ex. 15. 3. Quo Authore & impulsore
passus sit Filius Dei. 290

Ex. 16. 4. Quid Christus pro nobis pas-
sus sit consideratur in genere. 292

Ex. 17. 5. Quod Filius Dei sanguinem
sudavit. 294

Ex. 18. 6. Quod Jesus sit crucifixus. 295

F I N I S.



cces
277
278
280
loſe
282
pec-
283
tar-
285
ica.
286
hri-
288
fore
290
paſ-
292
nem
294
ixus.
295

Corri.

Biblioteka Jagiellońska



stdr0013321

